



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

38573.11

A









MYSTÈRES

INÉDITS.

*Il a été tiré de cette publication Vingt exem-
plaires sur papier de Hollande.*

IMPRIMERIE DE BÉTHUNE ET PLOU,
36, Rue de Vaugirard.





Stultus Philippus

0

MYSTÈRES

INÉDITS

DU QUINZIÈME SIÈCLE,

PUBLIÉS POUR LA PREMIÈRE FOIS,

Avec l'autorisation de M. le Ministre de l'Instruction publique,

PAR

ACHILLE JUBINAL,

D'APRÈS LE MSS. UNIQUE DE LA BIBLIOTHÈQUE STE. GENEVIÈVE.

TOME DEUXIÈME.

PARIS,

TÉCHENER, PLACE DU LOUVRE, 12,
ET RUE DE SEINE, 23, AU BUREAU DES ANCIENNES TAPISSERIES.

—
M DCCC XXXVII.

385 ~~18~~ 11

1 A.



Tu es Hester qui s'umilie,
Tu es Judit qui beau se père;
Amen (*Aman*) en pert sa seignorie,
Et Olofornes le compère, etc.

Cette pièce, qui est environ quinze fois aussi longue, sans que le reste en soit plus remarquable, est suivie immédiatement (folio 118, r^o) du portrait à la plume que nous avons fait graver sur bois, et qui est placé en tête de ce volume. On trouve ensuite les lignes suivantes, qui ne manquent pas d'importance, à cause des aveux qu'elles contiennent, ce qui fait que nous les reproduisons :

« A tout crestien qui Jhésucrist et ses sains requiert et honneure est grant bien et honneur et proufit de savoir aucune chose des vertus, miracles et bontés que Notre-Seigneur (a) en eulz et par eulz, pour Dieu amer plus parfaictement, pour les sains honnourer plus devotement et pour prendre exemple et doctrine de sauvement. Moult de gens requièrent madame sainte Geneviefve, qui de sa vie et de ses vertus scevent pou ou nient. Sa vie avons en latin mult proprement et en françois rimée moult gentement ; *mais ly plusieurs n'entendent pas latin, ly autres n'ont cure de rimerie pour ce que on y sceust ajouter, oster et muer autrement que il n'est ou texte :* sy est escripte cy après en prose sans rime, *estraite* du latin en françois veritablement et loyaulment, à la gloire de Dieu soit, à l'onneur de la Vierge et au proufit du pueple. Amen ! »

En cet endroit commence alors la vie de sainte Geneviève, *sans rime* ; elle se poursuit dans l'ordre à peu près conservé par le Mystère, et se termine au folio 136, v^o, par ces mots : « Les miracles que Notre-Seigneur a fait et fait continuellement pour l'amour de elle en plusieurs lieux par le monde, ne saroit nulz certes réci- ter ne escripre. Il souffit de ce pou qu'il ne tourne à

« ennuy. Glorefié soit le Père et le Filz et le Saint-Es-
« périt, qui par les mérites de madame sainte Gene-
« viève nous vueille noz pechiez pardonner et sa grâce
« donner, et à sa benoïste vision mener. Amen! »

Après cette vie de sainte Geneviève viennent des *oraisons* qui commencent ainsi :

Geneviève, fontaine
De l'yaue plaine
Qui Paradis arrouse,
Arrouse m'âme vaine
Qui sèche est et mal saine, etc.

Quelques-unes de ces oraisons sont en latin; les autres en français rimé ou à peu près. Elles sont suivies immédiatement des *Représentations des martyres S. Estienne, S. Père et S. Pol et S. Denis, et des Miracles madame sainte Geneviève*, qui terminent le volume au folio 217.

Tels sont les détails que je désirais ajouter à ma première description du Mst. qui contient nos Mystères.

Maintenant je prie le lecteur de me permettre de réparer humblement ici quelques erreurs ou omissions que j'ai rencontrées dans mon précédent volume depuis sa publication. La première consiste en un *lapsus* qui, dans la préface, p. VII, m'a fait attribuer à S. Jean-Chrysostôme le drame du *Christ souffrant* (Χριστος πασκων), dont on ne connaît pas l'auteur. En effet, M. Eichstadt, dans sa dissertation sur ce drame (Iéna, 1816), rapporte à ce sujet plusieurs opinions. Les uns attribuent le *Christ souffrant* à Grégoire de Nazianze; d'autres le déclarent indigne de lui et veu-

lent qu'il soit d'Apollinaire; une troisième opinion en fait l'ouvrage d'un moine ignorant (*profectum ab indocto monacho putant*); le plus certain, c'est qu'il est fort hasardeux d'affirmer quelque chose à ce sujet. J'ai donc eu tort de citer S. Jean-Chrysostôme là où son nom n'avait que faire : cet admirable orateur, ce père des Pères de l'Église a bien assez des belles homélies dont mon ami M. de Sinner nous donne en ce moment une si magnifique édition, sans qu'il soit besoin de lui attribuer une œuvre qui ne peut rien pour sa gloire, et qui, en définitive, ne lui appartient certainement pas.

Par contre-coup de ce qui se trouve ainsi à retrancher dans ma préface, j'aurais peut-être dû, page XLVIII et XLIX, au lieu d'une courte et rapide énumération des personnages qui jouèrent le *Mystère de S. Martin* dans la ville de Seurre, en 1496, donner la liste complète qui contient les noms des acteurs. Cette liste, qui ne manque pas d'intérêt en ce qu'elle nous montre que les rôles de femmes étaient remplis par des hommes, et que c'était exclusivement le tiers état, joint à quelques-uns des membres de la cléricature, qui représentait alors pieusement les *Mystères*, est malheureusement un peu longue; mais, comme elle ne m'a pas paru ennuyeuse, j'ose espérer qu'à la lecture, l'inconvénient de son étendue disparaîtra. La voici :

S'ENSUIVENT LES NOMS

DE CEUX QUI ONT JOUÉ

LA PRÉSENTE VIE MGR. SAINT MARTIN,

Selon les parsonnaiges à eulz atribuez et l'ordonnance
du registre.

Premièrement les conducteurs :

MONSIEUR LE MAIRE DE SEURRE, GUYOT BERBIS.
SIRE GUENIN DRUTT, contre registreur.
SIRE ROBIN JOLYCUEUR.
PIERRE GOILLOT.
PIERRE LOISELLEUR.
MAISTRE ANDRIEU DE LAVIGNE, portant le registre.

*S'ensuivent les parsonnaiges du lundi au matin, premier jour,
selon le registre.*

Le premier messagier,	GEORGE FALLOT.
Le second messagier,	JEHAN LOISELEUR.
Luciffer,	AMYE OUDOT.
Sathan,	SYMPHORIEN POINCENOT,
Burgibus,	PIERRE BELLEVILLE.
Proserpine,	Messire PONSOT.
Astaroth,	JEHAN BONFILZ.
Agrapart,
Bérith,	ROBERT TORDIS.
Le père S. Martin,	Messire OUDOT GOILLON.
La mère,	ESTIENNE BOSSUET.
Saint Martin,	JEHAN DE PONTBOUX.
Francequin, premier escuyer,	Maistre PIERRE MASOYER.
Second et tiers escuyer,	PIERRE GUILLIER le jeune.
La première demoiselle,	JEHAN MORANDET.
La seconde et la tierce demoiselle,	Le filz MAULPREST.

Le premier chapelain,	Messire PIERRE REBILLART,
Le second prestre,	Messire JACQUES BOSSUET.
L'empereur,	PIERRE LOISELEUR.
Le connestable,	JEHAN REULLIER le jeune.
Le prince d'Anthioche,	PIERRE GOÏLOT.
Le conte de Lislede,	JEHAN LEQUEUX.
Le duc de Falaize,	JACQUES PERRESSOT.
La trompette,	PHILIBERT BOURDIN.
Le messagier,	Le filz PIERRE LOISELEUR.
Le portier,	BROUTCHOU.
Le duc de Villeboreau,	JEHAN BEUFFART.
Le conte de Caruelles,	JEHAN PIELLIER.
Le marquis d'Ostrie,	PHILIBERT GON.
Le povre S. Martin,	Messire JEHAN CHEVREL.
L'oste S. Martin,	JEHAN GRUYER.
Son valet,	CLAUDE OLIVIER.
Dieu,	PHILLEBERT BERTHELET.
Gabriel,	FRANÇOIS GRUYER.
Sainct Michiel,	Le filz JEHAN BERTRAN.
Raphael,	Le filz GIRARD DUPIN.
Uriel,	PHILIBERT, filz de Pierre Loiseleur.

S'ensuivent les parsonnaiges dudit lundi après le disner.

Premièrement toute la deablerie.

Le roy de Barbarie,	GUYOT MOUCHET.
Le grant Turc,	PIERRE DRUET.
Le grand Soubdan,	PHILLIBERT GON.
Le capitayne,	NICOLAS.
Le baron,	Maistre PIERRE MASOYER.
Le connestable,	ESTIENNE PERRENIN.
Le messagier,	CLAUDE PONSOT.

Le portier de la ville,	BRUTECHOU.	
Le maire de la ville,	TIERSON.	
Le bourgeois,	PERRENOT le Barbier.	
Le premier chevalier,	PIERRE LARTILLEUR.	
Le second chevalier,	JEHAN BUFFART.	
Le tiers chevalier,	GUENIN GUILLIER.	
Saint Hillaire,	Messire PIERRE DRUET.	
Son chapellain,	Messire PIERRE REBILLART.	
Le père S. Martin,	Messire OUDOT GOBILLON.	
La mère,	ESTIENNE BOSSUET.	
Tout-li-fault,	} <i>Brigans.</i>	LE ROY FALLOT.
Soul-d'ouvrier,		PIERROT BELLEVILLE.
Courte-oreille,		MESSIRE JOUSSE.
Sote-trongne,		ENGUERRANT.
Premier marchand,		CLAUDE BOUCHART.
Second marchand,		JEHAN BUFFART.

S'ensuit les parsonnaiges du mardi au matin.

Le Prevost des mareschaux,	CLAUDE GUILLIER.
Le premier sergent,	DONA.
Second sergent,	PIERRE BARBIER.
Tiers sergent,	JEHAN CHENEVEY.
Quart sergent,	ROBIN VALOT.
Le bourreau,	MARTIN MORE.
Son valet,	JACOT ROUBERT.
L'evesque des Arriens.	Frère PIERRE CAILLOT.
Le premier maistre.	Frère JEHAN VEXANEL.
Le second maistre,	Frère GUENICHAUT.
Le tiers maistre,	Frère CLAUDE.
Le secrétaire,	Frère GUIENOT DE LA FAYE.
Le premier tirant,	PIERRE DRUET.

Le second tirant,	PHILLEBERT GON.
Le tiers tirant,	ESTIENNE PERRENIN.
Le quart tirant,	JEHAN-LE-GUEUX.

Paradis et Eaffer.
 Sainct Hillaire.
 Sainct Martin.
 Le chappellain.

L'abbé.
 Le prieur.
 Le soub-prieur.
 Le moyne chantre.
 Le cellerier.
 Le cathecumynaire.
 Le procureur.
 Sainct Severe.
 Sainct Galle.
 La garde du malade.

S'ensuit ceulx du mardi après le disner.

Paradis et enffer et toute l'abbaye.

Le bourgeois,	GEORGES CASOTE.
La bourgeoise,	Messire JOUSSE.
Hannequin-le-Hazardeur,	PIERRE BELLEVILLE.
Le doyen de Tours,	Maistre PIERRE PERRENIN.
L'official,	Messire JACQUES BOSSUET.
L'arcediacre,	Messire PIERRE LANGUET.
Le trésorier.	Messire PIERRE DRUET.
Le chantre,	Messire JEHAN TACONOT.
Le premier chanoyne et le second,	Messire PIERRE REBILLART.

Le clerc de chapitre,	FRANÇOIS LOYS.
Le baillif de Tours,	CHRISTOFLE BERTHELET.
Le maire,	JEHAN GRUYER.
Le premier eschevin,	ANTHOYNE GIBAUT.
Le second eschevin,	PIERRE BREULLIN.

Le commun de Poitiers,	JACQUES POIRRESOT.
Le rustault de ville,	Maistre PIERRE MASOYER.

Le premier presbtre payen,	CLAUDE DU MOND.
Le second presbtre payen,	CLAUDE GRANT DIEU.
Le tiers presbtre payen,	JACQUES GRUSSET.
Le larron ressuscité.	JEHAN ALLART.

Le prince du temple antique,	JEHAN REULLIER le jeune.
Le premier Gentil,	LE CORDELIER.
Le second Gentil,	JEHAN PICAROT.
Le tiers Gentil,	PIERRE GUILLIER.
Le quart Gentil,	DONA.
Le prestre payen,	JEHAN GUILLEMOT.

S'ensuit ceulx du mercredi au matin.

Paradis et enfer.	
Le premier ydolâtre,	CLAUDE BOUCHART.
Le second,	PIERRE TIELLIER.
Le tiers,	BASTIEN DROGUET.

Le père,	LIÉVART DE MONCOGNYS.
La mère,	MICHAELIS.
La fille,	TACOT.
La seur,	Le filz MICHELIN.

Le desmonyacle,	LE ROY FALLOT.
Le premier tétradi,	ESTIENNE BOSSUET.
Premier serviteur,	JEHAN THIBART.
Le second,	JEHAN BARBIER.
Le ladre,	Messire JEHAN CHEVREL.

Le père,	GEORGES TASOTE.
La mère,	Messire JOSSE.
La fille malade des fièvres.	LE CLERC DU BEL HOSTE.

La femme vesve,	JEHAN TASOTE.
-----------------	---------------

La seur,	Le petit MORANDET.
Le nepveu,	JEHAN FAÏLOT.
La cosine,	JEHAN MANCHOT.
L'enfant ressuscité,	CHEVRELI.
Le premier payen,	ANGUERRAN DE CHOISY.
Le second,	LE ROY FALLOT.
Le tiers,	Le serviteur CHARMAILLE.
Le quart,	JEHAN GUILLEMOT.
L'empereur,	PIERRE LOISELEUR.
Le premier conseiller,	JEHAN BUFFART.
Le second,	JACQUES GOUSSET.
Le portier,	GUILLAUME CARRÉ.
L'usurier,	PIERRE GOILLOT.
Le juge,	GUTUN TACONOT.
Le premier sergent,	GROSBER.
Claude la Gente,	JEHAN PICART.
Son filz,	GEORGE FALLOT.
Le mort ressuscité,	Messire JEHAN CHEVREL.
Sainct Martin.	
Sainct Sévère.	
Sainct Galle.	

S'ensuit les parsonnaiges dudit mercredi après le dîner.

Paradis et Enffer.	
Claude la Gente.	
Son filz.	
L'usurier.	
Le juge.	
Le premier sergent.	
Le second.	
Le povre,	Messire JEHAN CHEVREL.
Le fripier,	GIRARDIN COCTIER.
Tous les chanoynes et tous les moynes.	
Sainct Brice.	
Le premier disciple S. Martin,	LE CORDELIER.
Le second disciple,	BROUTECHOU.

Il est encore une addition que je désire faire à l'une des notes de mon premier volume. Cette addition est d'autant plus importante qu'elle concerne une tradition peu connue, mais qui n'en a pas moins excité, à plusieurs reprises, le zèle des érudits.

A la page 389 de mes notes (t. 1^{er}), j'ai rapporté un petit poème qui démontre que la *Chicheface*, dont il est question dans le Mystère de Sainte Geneviève, était un animal fabuleux du genre des loups-garous modernes, animal qui se nourrissait exclusivement des femmes qui étaient bonnes, d'où l'on pourrait conclure qu'il ne devait point faire de fréquents ni de copieux repas.

Il paraît que la croyance à cette bête fantastique n'avait pas toujours été le partage des simples ou des mauvais plaisants, et qu'avant d'exister dans l'imagination satirique des jongleurs, la *Chicheface* avait fait partie sinon du monde réel, du moins d'un monde un peu plus matériel que celui de l'intelligence. En effet, je trouve p. 227 d'un excellent volume intitulé : *Description des monuments des différents âges observés dans le département de la Haute-Vienne*, et dû à mon estimable confrère, M. Allou, membre de la Société royale des Antiquaires de France, une mention intéressante de la *Chicheface* ou *Chiche*. La voici dans son intégralité : « Un monument non moins curieux que les précédents (l'auteur vient de parler de lions sculptés), se voyait autrefois dans une niche pratiquée sur le mur méridional de l'église de St-Martial ; il était désigné par le peuple sous le nom de *Chiche*, dont on n'a pas encore donné d'éty-

mologie raisonnable (1). C'était un bas-relief assez saillant, d'environ 3 p. de large, sur un peu plus de hauteur, d'un granit semblable à celui du lion, et d'un dessin extrêmement grossier. Tout, dans ce monument, d'ailleurs très-fruste, semblait annoncer une haute antiquité. Ce bas-relief, respecté jusqu'à l'époque de la révolution, fut déplacé lorsqu'on commença à démolir l'église de St-Martial (1794); M. Juge St-Martin en fit l'acquisition, et le mit dans sa pépinière. Il fut cédé, en 1804, à un particulier, qui l'envoya à M. Choiseul-Gouffier. Du cabinet de ce savant, il passa au Musée des Antiquités nationales. On ignore ce que sera devenue la chiche, après la dispersion des objets qui composaient ce bel établissement, mais on doit regretter qu'elle n'ait pas été conservée par la ville de Limoges, pour qui seule elle avait encore, outre son mérite particulier, celui d'un monument national.

» Autant qu'on peut en juger par les dessins que nous avons sous les yeux, et qui ne sont même pas tout-à-fait identiques, ce bas-relief, dont l'explication a donné lieu à une foule d'hypothèses plus ou moins bizarres, représentait, sous un fronton assez aigu et orné de quelques moulures, une lionne couchée, et tenant entre ses pattes plusieurs lionceaux, dont l'un

(1) Nous croyons cependant pouvoir hasarder celle-ci : *chichou*, en patois (Voy. le dict. de D. Duclou), veut dire le petit d'une chienne; n'est-il pas très-probable que cette figure, d'un dessin extrêmement grossier, aura été prise, surtout par le peuple, pour celle d'une chienne qui allaite ses petits ?

Note de M. Allou.

paraît, dans quelques dessins, se disposer à la frapper. Au-dessus de la lionne, une figure d'homme, parfaitement de face, et d'un style lourd et incorrect, semble s'appuyer sur le dos de l'animal, et le presser encore du poids de deux grosses boules qui terminent ses bras (les mains ne sont pas indiquées dans ces dessins). Au bas de ce monument, on lisait autrefois l'inscription ci-après, sur une plaque de cuivre, enlevée, à ce qu'il paraît, vers la fin du xvi^e siècle :

Alma læna duces sævos parit, atque coronat ;
Opprimit hanc natus Waïfer, malesanus, alumnus,
Sed pressus gravitate, luit sub pondere pœnas.

» Il faut remarquer que, d'après Beaumesnil, une pierre, placée au-dessous de la *Chiche*, et qui faisait partie du mur de l'église, offrait deux boules en relief, tout-à-fait semblables à celles qui terminaient les bras de la figure principale.

» La plupart des érudits qui ont parlé de ce monument curieux s'accordent à en reporter l'origine au temps de Louis-le-Débonnaire, qui, après avoir édifié, sous le nom de Saint-Sauveur, la basilique dédiée depuis à S. Martial, voulut consacrer le souvenir des victoires de son aïeul Pépin sur le duc Waïfer. Mais ici les opinions commencent à diverger d'une manière sensible ; quelques écrivains ont prétendu qu'au-dessous de la chiche devait se trouver la sépulture de Waïfer, et que ce prince lui-même était représenté par la figure qui surmonte la lionne, emblème ordinaire de

l'Aquitaine. On peut expliquer ainsi le second vers (*Opprimit*, etc.) ; mais que signifient alors les lionceaux et le premier vers de la même inscription ? Suivant quelques personnes , il y aurait ici une double allégorie , et le duc serait indiqué , à la fois , par le lionceau qui se dispose à frapper sa mère , et par la figure appuyée sur la lionne. L'épithète de *sævos* (on a lu mal à propos *sanos* et *salvos*) convient d'ailleurs très-bien, suivant les historiens du temps , au duc Waïfer et aux princes de sa famille.

» Le P. St-Amable, toujours occupé de la gloire de saint Martial et de son église , ne veut voir, dans le bas-relief dont il s'agit, qu'une allusion au couronnement des ducs d'Aquitaine , dans la basilique de St-Martial. Suivant lui, la lionne serait cette église même, *en possession de créer et de nourrir des ducs et des rois* (parit atque coronat) et le lionceau qui semble la menacer représenterait le duc de Waïfer. »

Je terminerai en disant qu'il serait bon qu'on exhumât encore quelques-uns de nos anciens *Mystères* ; d'abord parce qu'ils nous montrent à son origine un art qui est devenu très-influent dans les sociétés modernes ; ensuite , parce que le théâtre , après nos vieux fabliaux , est peut-être , parmi les diverses branches de la littérature du moyen-âge , celle qui est appelée à nous révéler le plus de traditions locales , à nous donner la clef du plus grand nombre de locutions obscures et d'usages singuliers. C'est ce qui m'a engagé à mettre en même temps sous presse un nouveau *Recueil de Contes* et de *Fabliaux* des XII, XIII, XIV et

xv^e siècles, auquel je travaille depuis long-temps, ainsi que deux nouveaux volumes d'essais dramatiques empruntés cette fois, non plus au xv^e, mais au xiv^e siècle.

ACHILLE JUBINAL.



CY COMMANCE

LA NATIVITÉ

N. S. JHÉSUCRIST.

In principio creavit Deus celum et terram, etc.,

Benois soit-il qui se tera
Et fera paix pour mieulx oyr
Chose dont tout cuer resjoir
Se doit qui a entendement.
Sy requerrons dévoctement
Tous et toutes au primerain,
La mère au Roy souverain,
C'est Marie plaine de grâce,
Qu'elle me doint temps et espace
Que tel chose je puisse dire
Qui soit au plaisir nostre Sire,
Et de toute la court des cieulx
Dont à nos âmes soit de mieulx
Et à l'anemy confusion ;

Sy vous prie que nous en dison^{*}
Ainssy com l'angle dit ly a
En disant : *Ave Maria*.

In principio, etc.

En *Genesie*, ou premier livre,
Peut véoir tout à delivre
Comment le vray glorieulx Diex
Créa premier et terre et cieulx,
Et sy avoit sy grant pouvoir
Que seulement par son vouloir
Trestout fut fait à sa devise,
Sy com nous tesmoygne l'Église :
Ce scevent ceulx qui oy l'ont,
Mandavit et creata sont.
Puis fist le soleil et la lune,
Les planectes, et nomma l'une
Mars et Vénus, l'autre Mercure,
Et puis sy vould mestre sa cure
A faire oyseaulx, poissons et bestes
Qui vers terre pendent lez testes,
Et puis du lymon composa
Adam, qu'en Paradis posa,
Et luy inspira ou corps l'âme ;
Quant il dormoit luy fist sa fame
De sa coste, c'est chose voire.
Et puis le doulx Roy de gloire
Saigna Adam et le leva,
Et dist : « Adam, véez-cy Eva ;

« Pour conpaigne je la te donne
« Et trestout le fruit t'abandonne
« Qui est en Paradis terrestre,
« Et en soiez sires et maistre,
« Fors seulement du fruit de vie
« Garde bien que n'y touches mie.»
Mais certes Adam tropt mal cassa,
Le commandement Dieu trespassa,
Car l'anemy, qui le deçut
Dont à douleur la mors reçut,
Et par ce tout l'umain lignage
Fut mis en doulereulx servaage
En enfer grant piece de temps
Par l'espasse de .v. .m. ans.
Mais Diex, qui tant est débonnaire,
Voulut les siens à soy atraire,
Eslut pour nous salvacion,
En la Vierge prist incarnation
Et demoura et vierge et pure
Oultre le terme de nature,
Vierge conçeut, vierge enfanta.
La mère qui tel enfant a
Sans corrupcion, sans détresse
Enfanta son filz en la cresce;
Là soubmist la déité
En figure d'umilité.
Doulces gens, or ne vous esnuit;
Ce Dieu plaist, vous verrez ennuit
Au plaisir de la Trinité,
De la haulte Nativité

Du doulz Jhésucrist le mistère;
Sy requerrons luy et sa mère
Que le puissions si bien entendre
Que en nos cuers veille descendre,
Et qu'eslire puissions la voie
De Paradis, la noble joie
A laquelle nous doint venir
La Trinité qui sans fenir
Fut et est et tousjours sera
In sempiterna secula.

Amen.

DIEU LE PÈRE.

Or ay-je fait ; par mon couvant,
Le ciel sera touzjours mouvant,
Ne cessera point de tourner
Nuit et jour sanz point sejourner;
La lune y est et le soleil
Qui donront clarté non pareil,
Et si fera la nuit fenir
Quant sa clarté devra venir;
Ainssy ay fait la terre ronde
Et la mer sy sera sy monde,
Et sy ay fait à grant foison
Bestes et oysiaux et poisson.
Or vueil former à mon ymage
Homme qui aura avantage
Par mon plaisir et seignorie
Sur toutes choses qui ont vie,
Pour recóvrer de Paradis
Les sièges dont j'ay (jeté) jadis

Lucifer, par son grant orgueil.

Cy preingne Dieu du limon et face semblant de faire Adam; et Adam et Ève soient couvert d'un convertour, et Dieu die :

Adam, va sus, que je le vueil;
Vien-t'en en Paradis terrestre,
Car il y fait bon et bel estre,
Et moult est délitable lieu.

ADAM, à genous.

A très glorieux puissant Dieu,
Toy doy-je bien regracier
Et de vray cuer mercy prier,
Bien pert que tu ez mes amis
Quant en ce biau lieu tu m'a mis
Où est la joie sanz finer.
Un poy me vueil sy acliner
Et repos prendre.

Cy face semblant de dormir de costé Ève.

DIEU.

Puisqu'Adam dort, je vueil entendre :
Une fame je luy vueil faire
De ce costé et lui atraire,
Et partant sera sa pareille.
Or sus, Adam, sy te raveille.

Dieu preingne Adam et Ève par la main et die :

Ève ta compaignie sera,
En touz lieux son povera fera
De toy servir et honnorer.
Vous avez cy biau demourer ,
Multiplicamini , crescite,

Et ne souffrez nécessité
De touz les fruiz que vous véez ,
Mez cestuy-cy vous est devéez ;
De touz les autres povez prendre ,
Mès cestuy-cy vous vueil deffendre.
S'en mengiez grant mal en vendra :
Touz li mondes l'achetëra.
Je m'en voiz , ycy demourez.

ADAM.

Sire , tu soiez aourez
Quant tu m'as faite ceste famme.
Je la garderay sanz diffamme ,
Sans contredire.

ÈVE.

Je te regracie , trez vraiz Sire ,
Tout-puissant Dieu glorieux ,
Qui tant es grans et vertueux
Que par ta volenté pure
Tu nous a crée à ta figure.
Certaine suy et sy say bien
De vray que nous n'estion rien.
A touzjours mais vous serviray.

ADAM.

Ève , m'amie , je te diray
Je vueil de tout mon cuer entendre
A moy bien garder de mesprendre
Et tenir vraye obédiance.

ÈVE.

J'eusse volontiers cognoissance ,
Ne say se l'avez entendu ,

Pourquoy a ce fruit deffendu;
Mez trop volentiers en mengasse,
Soiez-en certain, ce j'osasse,
Ne say qu'en die.

ADAM.

Ève, doulce seur et amie,
Je ne say pas certainement
Pourquoy il l'a fait ne comment,
Mais à tout ce j'obairay.

ÈVE.

Et moy aussy je le feray ;
Mez moult volentiers en mengasse
Pour certain, se je ne cuidasse
Faire offence.

Soit .i. diable de costé l'arbre et face semblant de tempter Ève

BELGIBUS.

Le Maistre si a fait deffence
Par trop grant mauvestié à l'omme
Qui ne mengusse de la pomme.
Sy savoit du fruit la puissance
Il en mengerait sanz doubtençe;
Sy tost que mengié en aroit
Tout autant comme Dieu sarait
De toutes choses bien et mal ;
A son maistre seroit ygal ,
Et le povre homme pas ne pence
Por quoy li a fait la deffence;
Et sy en penroit sanz dengier
Se il vouloit assez mengier ,

Et saroit tout mal et tout bien :
Sy n'en verroit le Mestre rien
Qui cy l'a mis.

ÈVE.

Adam, chier compains et amis,
Pour certain te fais assavoir
Que tu ne puez science avoir
Ne à grant digneté venir
Se tu te veuls ainssy tenir
De ce fruit mengier, bien le say.
Mengus-en, je ferai l'essay
Et je t'en prie.

ADAM.

Ève, je ne le feray mie :
Au fruit la main j'à ne mestray,
Mez de mon povoir j'entendray
A garder le commandement.
Decevoir me vuels laidement
Se te vueil croire.

ÈVE.

Je te dy, pour parole voire ,
N'as garde que je te deçoive,
Ne aussy que Diex s'aperçoive
Se toy et moy nous en mengions.

ADAM.

Ève, forment nous mesprendrions
Se, contre le plaisir de Dieu,
En mengions, certain en sieu.
A tart seroit le repentir.

ÈVE.

Adam, je vous dy, sanz mentir,
Que grant profit nous en vendra.
Plain de science vous rendra ;
Je vous prie , or essayez.

Adam prengne la pomme et morde et se prengne parmy la gorge
et die :

Ha hay! je suy mal avoiez:
Ce morcel ne puis avaler.
Las doulereux! qu'il est amer!
En la gorge la mort me tient.
Hélas! trop à tart me souvient
De la parole que me dist
Nostre Seigneur quant il fist
A poy que de couroux n'enrage.
Las, dont m'est avvenu se courage!
J'ay offencé à mon Seigneur,
Sy en moray à grant langueur.
En enfer est ma place eslite,
Autrement n'en puis estre quite;
Aler me fault à dampnement.
Desnué suis de vestement;
Mon meffait puet bien aparoir.
Hélas! devant luy comparoir
N'oserai-ge : las! que feray?
Quelle responsse ly diray?
Excusacion riens n'y vault.
En grant langueur morir me fault.
Ève, tu m'as forment deçeu ;
Je m'en suis trop tart apperçeu ;

De ce péchié forment me doubte
Et ma postérité trestoute;
Assez puis gémir et plourer,
En enfer me fault demourer
Par mon meffait.

DIEU.

Adam, Adam, et qu'as-tu fait ?
Dont t'est venu le hardement
D'avoir péchié sy laidement
Ou péchié d'inobédience ?
Souffrir t'en convendra pénence.
Tant que en ce siècle seras
En douleur ton corps useras
Quant mez commenz as trespassez.
.v. .m. ans sy seront passez ,
Et le tien pour chose certaine,
Ains que tu soiez hors de paine.
En terre ta vie quesras;
Ta faute clèrement verras.
Or t'en va hors de Paradis.

ADAM.

Ha: mon Seigneur, j'ay trop mespris
Vers vous, aiez de moy mercy.

Saint Michel tiengne une espée ardant et boute Adam et Ève hors
de Paradis et die :

Avant, avant, va-t-an de cy !
Tu n'ez plus digne de cy estre;
Fuy tost de devant ton mestre
Puisque tu es trouvé sy fauls,
Sy traites, sy desloyaulx,

Que son commens n'as retenu.
Malement t'est desavenu
De courroucier ton Creatour.
Va-t-an! en terre de labour
De tes mains te faudra ouvrer
Se ta vie vuels recouvrer.
Touz ceulx qui après toy vendront
Par ton grant meffait se tendront
De Paradis déshérité.

ADAM.

J'ay fait trop grant iniquité,
Je le cognois bien, monseigneur,
L'an ne pourroit faire greigneur.
Et quant ne povons plus cy estre,
Or nous enseignés très chier mestre
Que nous ferons.

DIEU.

Moult avez eu lez cuers félons
Quant ainssy avez désobay;
Trop malement vous meschay.
Sy tost qu'au fruit la main tandis,
Te souvient-il que je te dis :
Tu désobays, tout en l'eure
En enfer en feras demeure ;
Puis .i. homs en la croiz mourra.
Autrement estre ne pourra ;
Et par sa mort l'umain lignage
Sera osté de grief servage.
Or prens à .ii. mains une besche
Et la terre fouiz et besche,

Et te vest de robe de honte.
Ton péchié tout autre surmonte :
Tu peuz assez gémir et plourer.

ADAM.

En terre me fault labourer
Sanz plus atendre.
Cy preigne une besche et laboure.

ÈVE.

Il me convient aussy entendre
Sanz delay à faire besoigne,
Et filler tantost ma queloigne
Pour faire draps et cravechiez,
Nappes, touailles et oreilliez.
Faire le fault quant le convient,
Car tel ovraige m'appartient.

Cy parlent les .II. prophètes.

AMOS.

Hélie, entendez, amiz :
J'ay en mon cuer jà pieçà mis
Une merveille que vous diray.
Vous savez bien, et c'est tout vray,
Et hoc scio ita esse,
De la ligniée de Jessé,
Une vierge sy doit issir;
Et celle vierge doit flourir,
Et après tel fruit portera
Qui le peuple confortera :
C'est l'attendue de nos pères.

HÉLIE.

Amos, vos parolles sont clères,

Et sy est trèz bien limité
En une autre auctorité
Ly ceptres royal de Judée;
Nullement ne sera faussée.
Cilz qui est l'expectation
Du peuple et la rédempcion,
Et erraument que il naistra
Toute Judée périra;
Pour ce devons nous tous veillier
Et contre luy appareillier.
Bien say que de nuit il naistra,
Mez je ne say quant ce sera,
Et pour ce veullier nous convient.

AMOS.

Je cognois bien que de prez vient,
Et le povons trop bien savoir;
Escript est, je le dy pour voir,
Et est senefié de pieçà.
Vée cy le sire qui vient çà
Et tous les sains avec luy.
Et celluy jour trestout par luy
Sera grant lumière partout.
Autre chose n'a que je dout
Le roy Sérar en son palais,
Qui moult bel et nommié lais
Sy a pardedaus un ymage
Qui au cuer ly fera grant rage,
Car par dessure il est escript:
Il n'est nulz qui le defféist.
Cest ymage trebuchera

Quant Vierge mère enfantera,
Et ainssy savoir le povons.

HÉLIE.

Ne say point se nous le verrons :
A lentement de la Vierge
L'estoille plus clère que cierge
Sy luira droitement à l'eure
Que l'enfant naistra sanz demeure.
Balaam sy le prophétiza
Lors que son asnesse parla,
Que de Jacob estoille ystroit
Qui grant clarté demostreroit.
Vers les parties d'Orient
En sera l'aparissement
Pour vérité.

AMOS.

Hélie, suz l'auctorité
Devons entendre Sébile
Qui fut royne moult nobile,
Et dist q'uns naistroit de famme,
Sanz corrupcion, sans diffame,
Lequel Dieu et homme seroit,
Mort et passion souffreroit
En un fust dont l'en feroit croiz
Pour nous racheter des destroiz
D'enfer, où trestout noz sains pères
Sont qui souffrent paines amères.
Pour tant je vous lou et conseille
Que entre nous faisons la veille,
Sur nous soit, non pas sur le peuple

Que l'en doit bien tenir avueugle.
Point n'entendent les escriptures
Qui leur semblent pesant et dures
Et ne les veulent escouter.

HÉLIE.

Amos, il nous fault rapourter
Auls escriptures et les entendre
Que nous povons moult bien comprendre :
.I. filz en Bethléem naistra
Qui d'enfer nous délivrera
Où noz pères sont maintenant.

AMOS.

Hélie, je dy certainement
Ainssy est-il; sy est merveille,
Oncques mez ne fust la pareille,
Que Vierge sy doie enfanter;
Mais il nous en fault raporter,
Soiez-en certain, à la letre.

HÉLIE.

Amos, sanz ajouster ne mestre,
Je croy moult bien les escriptures
Que aucuns trouvent pour obscures
Qui en parolent proprement;
Sy en loons Dieu haultement
En luy regrant, par sa grâce,
Que il nous doint temps et espace
De le véoir se ce puet estre
Comme vray Dieu et roy celestre.

Cy parle Adam qui veult trespâsser.

ADAM.

Mon Dieu, mon père, mon Seigneur,
Moult me fistes trêz grant honneur
Quant de terre vous me formastes
Et en Paradis me posastes :
Bien le doy avoir en mémoire.
Pleust à vous que g'i feusse encore!
Se vos commens eusse tenu
Il ne m'en feut pas mal avenu.
Mon créateur, je fiz grant tort ;
Jamez nul jour ne feusse mort.
Or voy bien que par mon défaut
Assez briefment morir me fault,
Et aussy touz autres moront.
De mort eschaper ne poront,
Et quant ceste présente vie
Sera trespâssée et fenie,
S'âme droit en enfer yra,
Dont jamez ne se partira
Se de nous ne vous prent pitié.
Sy vous requier en charité,
Doulz roys de pais et de concorde,
De doulceur, de miséricorde,
Qu'au jour de mon trespâssement
Vous m'envoiez arousement
De l'uile du saint Paradis.
Mon corps est forment maladis,
Mèz de l'âme tropt plus m'esmay.

DIEU.

Adam, amis, entens à moy :
En enfer peine souffreras,
En la fin arousez seras
Du sanc qui me sera osté
Des piés, des mains et du costé.
Mez moult m'as fait le cuer dolent
Quen faussas mon commandement.
Reçois la mort en pacience,
Car par moy auras délivrance
Quant .v. .m. ans seront passez;
Va-t-an, je t'en ay dit assez,
Plus n'en veuil dire,

ADAM.

O trez-puissant gloriex sire,
M'âme et mon corps je te commant.
Cy se voise Adam coucher sur une couverture, et en alant die;

Cep, mon enfant, isnellement
Va-t-an en paradis bon erre
Pour Dieu prier et requerre
De trez-bon cuer piteusement
Qui m'envoie l'ennoiement
De l'uille de miséricorde,
Car Belgibuz tient jà la corde
Pour moy fort lier et estraindre :
Je ne puis plus icy remaindre;
Or y va toust et je l'en prie.

CEP, filz Adam.

Mon cher père, sanz point destrie
Iray tantost voz plaisir faire.

Pas ne doy aler au contraire,
Mez aiez en Dieu bonne espérance,
Bonne foy et bonne fiance
Que certes Dieu vous confortera,
En touz vos maulz vous aidera.
De vostre esnuy certainement
Suis courrouciez moult malement;
Ne say qu'en doie devenir.
Je m'en vois pour tost revenir.

Cy s'en va à Dieu en Paradis, et die :

Glorieux Diex puissant et fin,
Sanz commencement et sanz fin,
Roy sur touz rois, vrais droiturier,
A mains jointes je te requier
Par ta douleur et amistié
Que de mon père aiez pitié,
Car il est au lit de la mort.
Quant au monde est délivré mort
Pour le mors qui fist en la pomme,
Or vous requier trez-humblement,
Donnez-ly l'enoliement
De l'uille de miséricorde,
Par quoy il ait pais et accorde
Que aus vostres avez promis.

DIEU.

Raphaël, entens ça, doulz amiz :
Véez cy Cep, qui est filz Adam,
Par qui je souffrère dur aham,
Qui me requiert piteusement
Pour son père enouliement

De l'uille de miséricorde
Dont puisse avoir pais et concorde.
A Cep l'enfant tu t'en yras
Et de par moy tu li diras
Quant son père sera feniz
Et il sera en terre mis,
Que tantost de planter s'avence
Dessus sa fosse ceste branche.
Ce rain tant montepliera
Que une crois faicte en sera
Où la vie recouvrera mort
Qui aus âmes donra confort :
Or ly va dire.

RAPHAEL.

Il est bien raison , seuz-doulz sire ,
Que je soie prest d'obéir ,
De faire tout vostre plaisir.

Cy voise Raphael à Cep et ly baille la branche , et die :

Cep, beaus amis, entens à moy :
Dieu le père m'envoie à toy
Et par moy t'envoie ce rain
Qui est du pommier, pour certain,
Dont ton père menga la pomme.
Va-tan de cy, congie te donne,
Et quant ton père sera mors,
Dedans sa fosse, suz son corps
Le planteras, Dieu le commande.
A présent plus ne li demende,
Car de luy plus n'enporteras.

CEP.

Puisqu'autre conseil ne me donras,
Je ne me dois pas retarder
D'aler mon doulz père garder.
Quant vendra au deffinement
Je feray le commandement
De nostre sire, c'est raison.

BELGIBUZ, premier déable.

Adam, venez en noz maison
Ou premier estage d'enfer.
Avec noz maistre Lucifer
Serez servy et honnouré;
Maiz vous avez trop demouré :
Dites à Dieu qu'il vous sequeure.

ADAM.

Va-t-an, Sathan, plus noir que meure;
J'ay paour de ta compaignie.

BELGIBUZ.

Ainssy ne m'eschaperas mie,
Vous vendroiz en nostre maison.

ADAM.

Aler m'y fault contre raison,
Mez encore le jour vendra
Que à Dieu de moy souvendra,
Et je le croy certainement.

CEP.

Hé! hault sire du firmament,
Qui toutez chosez composas
En .vi. jours, puis te reposas
Le .vii. jour à deslivre,

(Se met Genesis en son livre),
Aiez pitié d'Adam, mon père
Et de Ève ma lasse mère
Dont je doy faire marrement,
Qui tant de paine et de tourment
Ont en enfer et nuit et jour,
Sanz repos prendre et sanz séjour.
Suz eulz la branche planteray
Et aprez oroison feray
Dont il leur puist estre de miex.

Cy plante la branche, et à genous die :

Nostre Père, qui es ès ciex,
Ton non sy soit saintefiez
Ton royaume aviegne, sire Diex ;
Ton vouloir saint et ardefiez
Soit fait en la terre et ès ciex.
Nostre pain chascun jour nous donnez,
Touz noz péchiez nouveaux et viex
Tout en la forme nous pardonnez
Comme nous pardonnons, et miex
Qui mal nous ont fait et triboulez.
Ne seuffre que temptation
Ne nous surmonte n'enviex
Mais à nostre salvacion
Nous veulle estre graciex
Et de noz péchiez rémission.

ADAM, en enfer, die :

Vray Dieu, veulle nous secourir !
(Cy ne faisons que lengourir)
Et nous délivre de cest tourment

• Que souffrons sy crueusement.
 Hé ! glorieux pères, roys Jhésus,
 Se par toy ne sommes secouruz
 Touz sommes à perdicion
 Parce que fis transgression
 Du commandement nostre Sire.
 Ève me fist le mal eslire,
 Le bien laissier.

EVE.

• Je vous fis à péchié plaissier,
 Ce poise moy, je m'en repen;
 Je ne cuidois pas le ahm
 Jamais ne pourroie recouvrer.
 L'anemy me fist mal ovrer.
 Trestout est avvenu par moy
 Et le tourment et l'ennoy
 Que nouz et touz ceulz souffreront
 Qui de nostre ligniée ystront.
 Vrays Dieus, donnez-nous aligence.

YSAÏE, premier prophète.

Dieux qui sur touz as la puissance,
 Secours-nous, Sire, sy te plaist;
 Tourment nous font, dont nouz desplaist,
 Les anemiz qui ycy sont;
 D'aligement point ne nous font.
 De nous mal faire tuit se painent
 Et de ce faire joie mainent.
 Sy vouz prions, doulz roys de gloire,
 Veulliez nouz avoir en mémoire,
 Car nouz sommes en grant misère.

DANIEL, secont prophète.

Moult est certes grant le mistère
De toy, Dieu et Roy de tout le monde;
En paine sommes qui surabonde.
Sy ne me pourroie tenir
De forment plaindre et gémir
De la paine que nous sentons.
Et lonc temps prophétisié avons
Que tu devoies sà jùs descendre
Char et sanc en la Vierge prendre,
Pour nous oster de cest martire.

YSAÏE.

Hal vrais Jhésus et vrais sires !
Par ta moseuse amistié,
Aiez, sy te plaist, de nous pitié,
Et nous met hors de cest tourment
Que tant souffrons certainement.
Puisque tu dois venir en terre
Pour nous oster de ceste guerre,
Vien bien tost, sy nous en déliyes.

DANIEL.

Vrais Dieux, bien trouvasmes en noz livres
Qu'encoire serions-nous racheté.
Monstre-nous ta grant charité
Que tu nous fis à ton ymage,
Car nous met hors de cest servage.
Sébile bien le prophétiza
Et expressement devisa,
Sy comme est escript en son livre,
Que nous devons estre délivre

Par l'enfant qui vendra sur terre
Pour nous oster de ceste guerre
Et où sommes en prisonnées.

BELGIBUZ.

Harou , je suis tout forsonnez.
Bellias, compains , os-tu point
Comme celui-là se complaint.
Il dient qu'il eschaperont
Lonc temps approphétizié l'ont.
Encoire seront racheté
Et pour ce ont tant quaqueté.
Et rampliront lez liex des ciex
Dez quieux nous fist trabucher Diex.
J'en ay en mon cuer grant envie.

BELLIAS.

Encoire, ne nous eschapent-il mie,
Se seroit trop estrange guise.
Se sy orde chose estoit assise
Sur lez ciéges scélestiens.
Comme ly homs est terriens
Qui sont fait de ~~mon~~non, de boe,
A Dieu en feroie la moë.
Sy remplissoit son Paradis
Où nous fûmes assis jadis.
Fais nous avoit par son plaisir
Pour luy obair et servir.
Chascun de nous plus cler estoit,
Plus cler que le soleil ne soit,
Et nostre mestre Lucifer
C'estoit de nous .ix. fois plus cler.

Par orgueil et entencion
De mettre siège en aquillon,
Et estre semblables à Dieu.
Sy consentismes touz ce lieu,
Et pour ce Dieu le trabucha.
Ou font d'abisme l'aficha
Et nous aussi qui l'ensuismes,
Car à luy nous mefféismes.
S'en trabucha .ix. légions
Qui de sa partie estions
Lucifer, qui sy trez-cler feu,
Est nommé menistre de feu,
Et tuit sommes sy compaignon.
Commission avons et renon
De Dieu qui est nos souverains
Et qui tout tient à sez .ii. mains
De tempter toute créature,
L'un d'orgueil, l'autre de luxure,
De convoitise, de désespoir;
Sur seulz nous a donné pouvoir
De lez mener en nos prisons
Dont jà n'auront rédempcion.
Lucifer ne fist qu'un péchié
Dont il fut sy mal atechié.
Comment cuident donc cilz séoir
Et noz nobles ciéges ravoir
Qui bien en font nulle le jour,
Et riens ne cresent leur Seignour?
Enclins sont à leur pourriture.
Je cuide que Dieux n'en ait cure

D'eulx avoir en sa compaignie.
N'a que faire de tel mesnie.
A nous ne feroit pas raison
Sy lez mestoit en sa maison :
Regarde, compaing, se il puet estre.

BELGIBUZ.

Ha, Bélias! Dieu nostre mestre
Est plains de grant cruauté ;
Point ne nous fera loiauté,
Et pour nous faire plus de despit
Donra à ceste gent respit.
Et afin que plus nous esnoie ,
Leur donra la parfaite joie ;
Et pieçà l'ont dit cilz prophete
Qui en ont jà grant joie faite ,
Qui ou limbe d'enfer se séent :
De mal talent forment nous héent
Et dient que Dieux descendra
En une vierge et char prendra
Qui disposa avant que nous,
Et veul bien que se sachiez vous,
Que saint Jehan , qui est conçu ,
Sy sera devant Dieu véu
Et s'en entrera ès desers.
Il est sains, ne puet estre sers.
A péchié, en enfer vendra ;
Pas longuement n'y demourra
Car aprez lui vendra son meistre
Qui despoullera tout nostre estre ,
Et ceulx qui se sont contenu

Contre péchié et offendu,
Et qui à leur pover l'ont servy.

BÉLIAS.

Nous a donc Dieu sy aservy
Pour le propos que consentismes.

BELGIBUZ.

Oil, car trop nous mefféismes :
Abatre volions sa grandeur.

BÉLIAS.

Usuriers et termineurs,
Désespérans envieux
Et lez remplis de convoitise,
Ceulz que luxure art et atise,
Et cez fautz gloutons rechiniez,
Ne lez avons-nous pas gaignez ?
Puis qui meurent sanz repentance,
Sanz avoir de Dieu cognoissance,
Ne lez justicerons-nous mie ?

BELGIBUZ.

Adez seront de noz mesnie;
Ardant ou plus grant feu d'enfer
Avec noz mestre Lucifer
Nous lez mettrons trestous ensemble.

BÉLIAS.

Compaing, c'est bien ce me semble :
Nous leur ferons assez tourment.

YSAÏE.

O trez doulz roys du firmament,
Aide-nous par ton plaisir,
Car il nous fault ycy gésir

En grant tourment et à martire.
Il n'a langue qui le peut dire.
Vien bien tost, sy nous boute hors ;
Vrais Dieu ! qui es miséricors
Et tout gouvernes par ta main ,
Et qui partout es souverain
Hault et bas tout à la raonde ,
De ceste paine qui surhabonde
Nous vueille bien tost délivrés
Qu'à grant honte sommes livrés.

DIEU.

Michiel, entens que je veull dire :
De ce ne me fay contredire.
Je te fiz tel pour moy servir,
Pour tant doiz faire mon plaisir:
Quant le monde je composay
Je fis .i. homme et le posay
En mon paradis de délices,
Mais il fut outrageux et nices
Et manga du fruit devée
Dont il fu trop mal avée,
En enfer est à grant doulour.
Or t'en va, sanz faire séjour,
En Nazareth, et de par moy
Dy à l'évesque de la loy
Que je ly mande que il marie
La fille Joachin sanz détrie,
Et face devant luy venir
Et à chascun face tenir
.i. baston tout à descouvert

Qui soit tout blanc et non pas vert.
Cilz en quel main il florira
Marie au cler vis aura.
Et sera fait le mariage
En gardant la loy et l'usage :
Ainssy le vueil et sy doit estre.

MICHIEL.

Dieu tout-puissant et Roy célestre,
Je y vois tantost appertement
Sanz point faire d'arestement.

L'EMPERIÈRE CÉSAR.

Je vueil aler sacrefier.
Toujours doit l'en satiffier
Et visiter trestous mez Dieux,
Et lez nouveaux fais et lez vieux.
Maistre Sartan, se estes sage
Vous vendrez aourer l'ymage
De Jupiter avecque nouz.

SARTAN.

Sire, g'iray avecque vous
Puisqu'il vous plaist que enssy est.
Jupiter acomplir vous laist
Tout ce que vous ly requerrez!

CÉSAR.

Maistre Sartan, tantost verrez.
Regardez-moy celle escripture
Qui est en oeste pierre dure
Dessus Jupiter le grant Dieu
Qui lez a mises en ce lieu.
Or lez lisiez; je vueil savoir

Pour certain qui ly puet avoir.
Je croy qu'il veult miracle faire,
Ou aucun Dieu ly est contraire,
De quoy c'est apperceu.

SARTAN.

Jamais nul jour je n'aroie leu
Tout pour certain ceste escripture.
Sy metez ailleurs vostre cure
Car ce n'est chose qui vous touche.

CÉSAR.

Vous lez lisez de vostre bouche,
Ou le chief tranchier vous feray.

SARTAN.

Sire, volentiers lez liray
Avant que j'aie tel domage.
Il est escript dessus l'image
En latin, (quant bien l'entendrez,
Pour deceu bien vous tendrez :)
Dùm virgo mater pariet
Ista ymago corruet.
C'est ce qu'il li a beau douz sire.

CÉSAR.

Sartan, il lez vous convient lire
Et lez exposer en romant.

SARTAN.

Je obairay à vous commant;
Mon entente y vueil bien metre.
Or entendez que dit la letre :
« Quant vierge mère enfantera,
« Cest ymage trabuchera. »

Autrement ne lez say espondre.

CÉSAR.

Faites ont esté pour confondre
Nostre loy et mestre au dessoubz.
Mettons-nous tous .II. à genouz;
Sy faisons à noz Diex prières
Qui soient saines et entières
Par quoy il la puissent deffendre.

SARTAN.

En cela vueil-je bien entendre
De lez prier; faire le doy.
A genous me mettray cy encoy.

SAINT MICHIEL.

Évesque, entens ma parole
Et ne la tiens pas à favole :
N'aiez doubte, mais fay grant joie.
.I. angle suis que Diex t'envoie :
De par luy t'apporte message;
Obéis, cy feras que sage,
Au mandement de Nostre Sire.
Je te vien anuncier et dire
Que Diex sy te mande par moy
Que selonc l'estat et la loy,
Lequel tu dois assez savoir,
Tu faces .I. mary avoir
A Marie, fille Joachin,
Qui a cuer noble et fin,
Et par elleccion la marie
Et face tost sanz mal detrie;
Sy te diray que tu feras :

Touz les bacheliers manderas
Et chascun une verge tendra
Sanz escorce; ce t'apprendra,
Celuy te fera asavoir
Qui Marie devra avoir;
Et quant verras la verge sèche
En la main florir, là t'adresche;
Soit jeune ou viex, tout en présent
De Marie ly fay présent
Et lez espouse sanz délay.

L'EVESQUE.

Au plaisir de Dieu je feray
De ceste chose mon devoir;
Car je say trestout de voir
Que Marie est prédestinée,
Saintefiée avant que née,
Et Dieu pour luy la veult garder.
Or ne vueil-je plus retarder:
Marie convient aler querre,
Et lez homes de ceste terre
Qui sont de Marie habile.
Crier feray en ceste ville
Et publier tout maintenant
Que chascun viegne à moy tenant
La verge pelée en son poing.
Légier, va crier prez et loing
Que chascun viengne sanz délay
Devers l'évesque de la loy,
Et que chascun en sa main porte
Verge pelée, sèche et morte.

Et aussy va dire à Marie ,
Fille Joachin, Dieu amie,
En luy faisant commandement
Qu'elle viengne au mendement ;
Or t'avence de retourner.

LÉGIER , mesagier.

Je n'ay talant de séjourner;
Se Dieu me puisse secourir
Je ne sesseray de courir,
Et sanz arrëster en nul lieu
Au chemin me met de par Dieu.

CÉSAR , emperière.

Jupiter , Dieu trez-souverain ,
Qui tout faites par vostre main ,
Celui qui vous forga et fist
A vous forgier grant cure mist,
Afin que fussiez bien polie,
Belle sur toutes et jolie.
Or estes-vous le plus beau diex
C'onques je veisse à mes .ii. yex.
Faire vous feis du plus fin or
Qu'en pot trouver en mon trésor.
Sire, par vostre grant puissance,
Gardez-moy mon corps de meschance,
Car bien en avez le pouvoir.
.c. mille mars de mon avoir
Donray pour vous faire essaucier.
Veulliez nostre loy surhaucier;
Mains jointes le vien requérir.

SARTAN.

Jupiter, qui tost secourir
Povez, car me faites secours.
Maintenant, pour honneur de vous,
Veul-je mettre toute ma cure
A deffacier ceste escripture.

Cy face semblant de deffacier, et die, en soy désespérant :

Et qui pot faire tel ouvrage?
A pou que de despit n'enrage
Quant ces lettres ne puis despecier,
Ne planier, ne lez effacier;
Ne say comment lez puisse deffaïre.

CÉSAR.

Ça, voz coustel , lessiez-moy faire;
Certes, je lez despeceray,
Ne jà letre n'y lesseray.
Jupiter, de vous ay grant yre
Quant ne puis cez letres destruire :
S'en suis courrouciez malement.

LÉGIER, messagier.

J'ay tant erré certainement
Que je suis venuz de bonne heure
Ou lieu où Marie demeure
Qui tant est débonnaire et sage.
Je ly vueil dire mon mesage :
Marie, Dieu sy vous doint joie.
Nostre évesque à vous m'envoie
Qui vous fait .i. commendement
Que vous ne lessiez nullement
Que tantost à luy ne soiez ;

Pour ce suy à vous envoie.
Adieu, je m'en vois autre part.

NOSTRE-DAME.

Alez donc à Dieu qui vous gart
Et vous deffende de contraire.
Vers l'évesque je me vueil traire;
La longue attente riens n'y vault.

Cy voise à l'évesque et die :

Sire, qui tout puet vous saut
Et veulle croître vostre honneur!

L'ÉVESQUE.

Marie, Dieu vous doint benoist jour!
Entendez cy, ma doulce amie :
Dieu vult que je vous marie ;]
Il ne vous doit mie desplaire.

NOSTRE-DAME.

Sire, je suis preste de faire
Le doulz commendement de Dieu
Que c'est raison en touz lieu :
A luy touzjours obairay.

LE MESAGIER.

Pour certain plus avant n'iray.
Je ne me veul plus détrier ;
En ce quarrefour veul crier
Le commendement de mon sire.
Or entendez que je veul dire :
Le grant évesque de la loy
A tous et à chascun par soy
Vous mande par letre patente
Que devant luy, sanz faire atente,

Soiez au temple à droite heure ;
Ne viel ne joene n'y demeure
Qui n'ait une verge en sa main.
L'évesque sy fera demain
Au plaisir de Dieu mariage
De Marie, qui tant est sage ,
Fille Joachin le sené ,
Car ainssy l'a Diex ordené ;
Or y soiez sanz point de faulte.

LE PREMIER BACHELER.

J'ay oy crier nouvelle haulte ,
Meillour n'oy crier nul temps.
Par ma foy pas ne m'y atens
Que la pucelle doie avoir ,
Mais toustevoies g'iray savoir
Qu'il en sera.

LE SECOND BACHELER.

Ne say que l'évesque fera.
Diex ly envoit bon mariage ;
Elle est belle, courtoise et sage
Sur toutez autres à merveille ;
Je ne viz oncques sa pareille ,
Et sy est de bon parenté.

LE TIERS BACHELER.

Qu'en fust-il à ma volenté ;
Certez à qui qu'il en despleust
Autre que moy pas ne l'eust,
N'est pucelle qui la ressemble.
Alons-nous-en trestous ensamble ,
Sy orrons l'évesque parler.

JOSEPH.

Avec lez autrez vueil aler
Au temple regarder l'afaire
Du mariage que doit faire
Nostre évesque de la pucelle
Qui tant est gracieuse et belle;
G'iray bellement sanz courir.
Se Diex me puisse secourir
Au temple monteray à paine.

LE MESAGIER.

Mon chier Seigneur, je vous amaine
Tant de gens et groz et menuz;
Trestous sont volentiers venuz
A vous quant mandé lez avez.

L'ÉVESQUE.

Ça, beaus seigneurs, vous ne savez
Pourquoy vous ay envoié querre
Et asamblez en ceste terre?
Pour ce le vous vueil faire entendre;
Marie me faut sanz attendre
Marier par ceste ordonnance.
Que vous, qui estes en présence,
Prengne une verge sanz verdure,
Et priez Dieu d'entente pure:
En quelle main elle florira,
Soit jeune ou viez, Marie ara,
S'en est la somme.

JOSEPH.

Onque mais nul jour sy fol homme
Ne fut, ce croy, comme je suy,

De comparoir en ce lieu-cy
Avec ceulz qui sont cy venuz.
Touz sont jeunes, je suis chenuz ;
De moy se devroient bien moquier
Et moy appeller dam Riquier :
Honteux suy d'y estre venu.

LE MESAGIER.

Regardez ce villain chenu :
Tout pour certain l'en luy donra
Marie, qui miex ne pourra ;
Il en puet bien estre assureur :
.xx. ans a qu'il est tout meur
Et qui commança à florir.
Il atent trop à soy mourir,
C'est grant domaige.

L'ÉVESQUE.

Compaing, tu ne dis pas que saige :
De l'omme ancien escharnir,
Nul bien ne t'en pourroit venir.
Or ça, seigneurs, sanz plus attendre,
Chascun veuille sa verge prendre
En faisant à Dieu oroison.

TOUZ ENSAMBLE.

Volentiers, sire, le feron.
Que Dieu nous puisse secourir !

LE MESAGIER.

Se ceste verge puet flourir
Où il n'a de verdure point,
Mariez serez bien à point,
L'évesque sy le vous octroie.

Mez n'en estes pas à .ii. doie
Que la pucelle à vous atouche ;
Vous n'avez mais dens en la bouche :
Elle arait beau mary en vous !

L'ÉVESQUE.

Mettons-nous trestous à genous
Et requérons dévotement
Dieu, qui créa le firmament,
Sy luy plaist nous face savoir
Qui la pucelle doit avoir,
Et, par sa trez-saintime grâce,
Ly plaise envoyer sanz espace
En présent sanz aucun demour
De sez sains ciex la digne flour
A celui qui mary doit estre
A la pucelle. Roy célestre,
Car bien en avez le pouvoir.

Cy face pose et puis die :

Je voy la merveille apparoir,
Car je voy la verge florie
A Joseph ; il aura Marie.
Joseph, Diex veult que vous l'aiez :
Jà de ce nevous esmaiez,
Vous, puisque Dieu le veult.

JOSEPH.

Puisqu'autrement estre ne puet,
Sire, je ne la refuse mie :
De moy sera adez servie.
Quant Dieu le veult je la prendray
Et à luy garder entendray ,

Ne de moy ne sera atouchie
 Quant avec moy sera couchie.
 J'ay touzjours vescu en chasteté,
 Gardé mon corps en toute netteté,
 Ne jamès ne cuidoie avoir fame.

L'ÉVESQUE.

Marie, gracieuse Dame,
 Entendez çà, parlez à moy :
 Mary vous doing selonc la loy,
 Joseph et je vous doing Marie.

En baillant lez mains.

NOSTRE-DAME.

Sire, je ne le refuse mie :
 Quant Diex le veult je le vueil bien.

L'ÉVESQUE.

Tout est bien fait, il n'en fault rien ;
 Le mariage est accomplis,
 Chascun s'en aille en son pais.
 Dam Joseph, Marie prenez
 Par la main et sy l'enmenez
 En vostre hostel sans faire arrest.

JOSEPH.

Volentiers, sire, je suis tout prest ;
 Alons-nous-en, ma doulce amie.

NOSTRE-DAME.

Joseph, doulz frere, je vous prie
 Que vous me laissiez demorer
 En ce temple por Dieu aourer,
 Et alez querre nostre lignage
 Por savoir nostre mariage :

Les nopces nous convendra faire.

JOSEPH.

Doulce compaigne débonnaire
Jà de riens ne soiez en doute ;
Vostre volenté feray toute :
Je voiz quérir nostre lignage.
Or vous maintenez comme sage
En Dieu servant.

NOSTRE-DAME.

Joseph, siré ; à Dieu vous comment
Qui vous remaint sain et hétéié.

LE PREMIER BACHELER.

Beaux seigneurs, véez cy grant pitié.
Diex a fait à Joseph grant grâce :
Tout maintenant en ceste place
Sa verge porte fleur vermeille!

LE SECOND.

Onques ne vy sy grant merveille.
Au dire voir c'est noble chose,
Et pour tant certain je suppose
Que c'est grâce et euvre de Dieu.

LE TIERS.

Seigneurs, oncques meez en nul lieu.
Je ne vy telles merveilles ;
Oncques homs ne vit lez pareilles
D'un baton sec qui est floris.

LE PREMIER.

Ralons-nous en nos païs,
Car ycy ne faisons-nous rien

De nostre preu, je le sçay bien.

L'EMPERIÈRE CÉSAR.

Jupiter, j'ay le cuer doulant
Quant tout ne va à mon talant;
Et de ce que vous ay lesdengié,
Et que vous verray trabuchié.
Maistre Sartan, conseilliez-moy,
Car trop a mon cuer d'ennoy.
Dites, comment estre pourroit
Que Vierge mère enfanteroit :
Telle chose estre ne puet mie ;
Jà ne croirray jour de ma vie.
Sartan, comment pourray deffaire
Cest escrip qui tant doit desplaire ?
Conseilliez-moy que j'en feray.

SARTAN.

Emperièrre, je vous diray
Conseil trez-bon je vous donrroie,
Ce voz mal talent n'en avoie,
Et qui ne vous deust desplaire
Dez letres c'on ne puet deffaire ;
Mez je redoubte vos cruauté.

L'EMPERIÈRE.

Sartan, dessus ma léauté
Vous jur que mal ne vous feray,
Ne pis pour ce ne vous voudray :
Ditez ce que vous en savez.

SARTAN.

Sire, ne say s'apris l'avez :
Nous trouvons en nos escriptures,

Qui moult nous sont aspres et dures,
Dez sains prophètes anciens
Qui furent homes terriens
Et devisèrent moult de choses,
Et exposèrent en leur gloses,
Dont nous trouvons en Ysaïe,
Qui disoit en sa prophécie :
*Ecce Virgo concipiet
Atque filium pariet.*
Véez-cy, la Vierge concevra
.i. filz et sy le pourtera,
Celuy sara le bien eslire,
Et le bien du mal contredire.
Enmanuel nommé sera,
Lez bonz et mauvaiz jugera.
En .i. autre lieu est escript,
Et ne le tenez pas en despit,
Que de l'arbre Jessé vendra
Une verge qui florira;
Et sy nous dist aussy Sébile,
Qui fut royne de Sezile,
Que uns homs nestroit d'une femme
Sanz corrupcion de diflamme.
Balaham aussy prophétiza
Quant son asne à luy parla,
Que une estoille ystroit de Jacob.
Ce devroit estre à ce çob
Que Vierge mère enfantera,
Et cest ymage trabuchera;
Et sur ce le povons bien prendre.

L'EMPERIÈRE.

Sartan, or vous vueil deffendre
 Que ne lez lisiez à nul homme ;
 Morir vous feroie, c'est la somme.
 Cest exemple, soiez certain,
 Sy est dommagable et villain
 Pour nous et pour nostre loy.
 J'en ay en mon cuer grant esnoy.
 Ha, Jupiter! Dieu souverain,
 Qui tout avez en vostre main,
 Veuilliez monstrer vostre puissance.

SARTAN.

Sire, je tien à grant offence
 Vostre gémir et vostre plaindre;
 Il convient cez lettres remaindre,
 Je le vous dy certainement;
 Puisqui ne puet estre autrement.

YSAIE, prophète d'enfer.

Vray Dieu puissant et roy céleste,
 Cy nous lessiez longuement estre;
 Nous souffrons cy tant de douleur!
 Entens, sy te plaist, ma clamour
 Et nous otez de ceste paine.

DANIEL, prophète.

Crier devons à haulte alaine
 De la douleur que nous sentons:
 Ha, roy Jhésus, toy demandons:
 Dessens tost, sy nous vien hors traire.

BELGIBUZ.

Jà pour vostre crier ne braire

N'istrez encor de noz prisons ;
Vous y serez longues saisons
Pour réparer la forfaiture
Que Adam fist en la morsseure
En la pomme que il menga.
Ève de lui bien se vengra
Comme conseillié luy avoie.
Elle ensuy tantost la voie
De faire mon commendement.
Ainssy pluseurs communement
S'aclina bientost envers moy ,
Et sy déçut autry que soy.
Fay, Bélias, fay bon feu de là ,
Et j'en feray aussy de sà.
Nous en venrons trop bien à chief
Et leur ferons assez meschief
Avant que soient eschapez.

BÉLIAS.

Il sont ore bien atrapez
Ceulz que tenons en noz prisons ;
De crapaux aront venoisons ,
Rost de serpens et de couleuvres.
On lez sert touz selonc leurs euvres ;
Puis entremez d'escorpions ,
De chesnes ardens lez lions ;
Ainssy servons-nous noz subgiez.

YSAIE.

Hé, vrai Dieu, sommes-nous jugié
A touzjours sanz rédempcion ?
Accomplissiez, nous vous prion,

Car forment sommes engaigié.

BELGIBUZ.

Je croy que cilz sont enragié,
Qui tant braient ore forment.

BÉLIAS.

Belgibuz, il ont sentement
De ce que Diex leur a promis,
Et pour ce le te diz, amis,
Une vierge est mariée
Que Dieu a partant honnourée
Par laquelle au monde vendra.
Vierge devant, après sera,
Et sy sera de tel regnon
Que qui reclamera son nom
Ne pourra faire tant de mal,
Soit veniel ou criminal,
Soit par promesse ou par don,
Que ne ly face vray pardon
Qui se voudra à elle offrir.

BELGIBUZ.

Faisons-leur assez mal souffrir
Tendis que nous les tenons,
Puisqu'ainssy perdre lez devons;
Par Ève lez avoie conquis,
Et par paine et labour aquis.

DIEU.

Gabriel, vien çà, douz amis;
Je vueil que tu soiez commis.
Ma promesse vueil acomplir
Certainement sanz défaillir,

Et cez prophetes que j'o là
Crier en enfer lonc temps a ,
Je ne puis plus leur cry souffrir.
Mez cielx me convient aourir
Et pour eulz devandray homme ;
Mort souffriray pour celle pomine
Qu'Adam manga ; ce fut mal fait :
Sy fault que par moi soit refait.
En Nazareth tu t'en yras ,
Marie ou temple trouveras ,
A qui tu diras de par moy
Que je voudray naïstre de soy ,
En luy voudray char et sanc prendre ;
Je ne puis en meilleur descendre.
Avant que je feisse le monde
La prédestinai-ge sy monde
Que pour moy on ne pourroit miex ;
De luy naistray et homs et Diex.
Je luy seray et filz et père ;
Elle est ma fille et sy est ma mère.
Vierge avant et aprez sera ,
Ne jà son corps n'enpirera.
En luy prendray humaine vic ;
De moy sera touzjours servie
Et touz humains racheteray ,
Et gloire et joie leur donrray.
Va-t-an bientôt sanz faire arrest.

GABRIEL.

Sire , g'i vois et suis tout prest.
A la vierge digne et loial

Qui n'a pas le cuer desloial,
 Je voiz tantost sanz riens doloir,
 Et feray tout vostre vouloir.

Cy voise à Nostre-Dame, et die à genoux :

Ave Maria gratia plena.

Marie, Dieu te sault, Marie.

NOSTRE-DAME.

Ha, mon douz Créateur, vostre aïe!
 Onques mais ne viz tel clarté.

GABRIEL.

N'aiez le cuer espoventé,
 Envers Diex as grâce trouvée;
 Par toi est joie recouvrée
 Qui par Evain estoit perdue.

N'aiez paour de ma venue,
 Marie, en trestout bien encline.

Voy Élizabeth, ta cousine,
 Qui estoit brehaigne clamée;
 Nostre Sire l'a tant amée,

Et sy bien y a proveu,
 .vi. mois a qu'elle a conceu.

Marie Vierge, yceluy Diex,
 Qui créa la terre et lez ciex,
 De sa grâce t'a remplie,
 De ses angles seras servie.

Cy muray le nom Ève
 En toy disant lez douz avé.
 Diex te mende qui est ton père,
 Qu'il est ton filz et tu sa mère;
 En toy il prendra char humaine

Pour cez amis oster de paine ;
.I. ~~el~~ enfant tu concevras
Dont à ton cuer grant joie auras :
D'Adam vuelt paier le forfait.

NOSTRE-DAME.

Angles, comment sera-ce fait ?
Oncques n'eu d'omme atouchement.
J'ay touzjours vescu chastement ;
Dy-moy comment estre pouroit
Que vierge mère enfanteroit ?
N'en plus ne pouroit avenir
Que en ce pot peust florir
Une verge, ce seroit fort.

GABRIEL.

Marie, n'aiez desconfort,
Mais soiez certaine et seure
Tu demoras et saine et pure,
Et vierge ton corps demorra ;
De riens qui soit n'enpirera,
Mais tout ainssy com la verrière
Du soleil qui demeure entière
Quant son ray par my oultre passe
Qui ne la brise ne ne quasse,
Ainssy demoura ton corps sains.
Du lait dez ciex est ton sain plains,
Marie, de quoy sera norris
Et aletez le doulz Jhesucris ;
Car en toy prendra forme d'omme
Ly Roys des roys, ce est la somme ;
Tu es sa mère, il est ton fiex ;

De toy naistra et homs et Diex.
 Dieu fu avant par déité,
 Homs sera par humanité.
 Adonc se mettra en toy
 Et abatra la maise loy ;
 Nulle rien impossible n'est
 A Dieu sy tost com il li plaist :
 En toy vendra le Saint-espéris.

NOSTRE-DAME.

Ainssy soit fait com tu me dis :
 Diex en qui est toute bonté ,
 De moy face sa volenté ;
 Car je vois la verge florie.
 Diex, qui sur touz as seignorie,
 Mon Créatour, je suis t'encelle ,
 Je suis ta serve , je suis celle ,
 Preste suis de toy recevoir.

GABRIEL.

Marie , plus cy remanoir
 Ne puis , je m'en revois és ciex.

NOSTRE-DAME.

A vous me rens, gloriex Diex,
 A faire vostre volenté.
 Dez biens me faites à plenté,
 Mon cuer savez certainement,
 Et mon désir entièrement.
 Faites de moy tout voz plaisir ,
 En vous amer est mon désir.

Cy descende .I. coulom qui soit fait par bonne manière.

LE MESAGIER.

Cy ne fais rien certainement,
 Aler m'en vueil isnellement;
 Homs oiseux ne vault une pomme.
 Je m'en yray tout droit à Romme.
 L'évesque n'a de moy que faire,
 Vers l'emperière me vueil trair.
 Bien say s'il me veult retenir
 Moult grant profit m'en puet venir,
 Meillieur ne puis aler quérant
 Et je suis légier et courant,
 Aler y veuil sanz plus atendre;
 A celle en vueil-je entendre.

JOSEPH.

Certez durement suis lassez,
 Car j'ay souffert paine assez
 Et ay longuement séjourné;
 Or suis, Diex mercy, retourné;
 A paines me puis soustenir:
 Hasté me suis de revenir.
 Marie, belle trez-doulce amie,
 Pour Dieu ne vous desplaise mie
 De ce que j'ay tant demouré.

NOSTRE-DAME.

Louez soit Dieu et aouré!
 Je vous désiroie formement
 Bien veniez certainement.
 Estez vous sain et bien haitié?
 De voz travail ay grant pitié.
 Comment le fait noz parenté?

JOSEPH.

J'avoie trez grant volenté
 De retourner, ma mie chiére.
 Nos amiz font touz bonne chiére,
 Chascun d'eulz ne se feint mie
 De vous saluer; douce amie,
 Grant désir ont de vous véoir.

NOSTRE-DAME.

Venez vous delez moy séoir
 Se il vous plest, et il est raison;
 Vous avez par longue saison
 Demoré hors sanz revenir;
 Joseph, bien puissiez vous venir!
 Cy viegne le mesagier à l'emperiére et die.

LE MESAGIER.

Empereur, Dieu vous parface
 Et vous doint s'amour et sa grâce
 En exaissant vostre empire!

L'EMPERIÈRE.

Ça, beaus compains, que veulz-tu dire?
 Mesagier ez de bel affaire.

LE MESAGIER.

Vers vous, sire, me vieng retraire.
 En Nazareth me suis tenuz

.... Par moult grant espasse de temps;
 Or, est venu en mon pourpens,
 S'il estoit à vostre plaisir
 De vous servir ay grant désir,
 Sy vous requier que à vous soie.

L'EMPERIÈRE.

Beau sire, je le vous octroie ;
Comment avez à nom ? dictez le moy.

LE MESAGIER.

Legier ay nom , sire , par foy ;
Ainssy m'apel-t-on certainement.

L'EMPERIÈRE.

Legier semblez-vous vrayment ;
Je vous retien ; mon mesagier.
Maistre Sartan, sanz plus targier,
Envoiez-le où vous savez.

SARTAN.

Legier, ne say s'apris l'avez ,
Il convient que tantost errant
En Bethléem , alez courant
Crier par toute la contrée
Que ~~chacun~~ chacun sanz faire arrestée
Viegne à César sanz délaier
Pour sa distribucion paier
A quoy il sont trestouz tenuz.

LE MESAGIER.

Tantost je seray revenuz
Et feray voz commandement.

SARTAN.

Va-t-an bien tost legièrement
Et met en sauf ceste monnoie

LE MESAGIER.

Maistre Sartan, Dieux vous doint joie !
Je n'ay que de courir talant ,
Boire me fauldra en alant.

JOSEPH.

Vrais Diex, que mes cuers est plains
 Et de douleur est mon cuer tains,
 Et que trez forment, il m'esnoie!
 Certes, estre mort je vouldroie
 Que trop laidement suis deceu.

NOSTRE-DAME.

Joseph, qu'avez vous apperceu,
 Qui demenez tel marrement?
 Je vous voiz penssis malement;
 Avez chose qui vous ennoie.

JOSEPH.

Certes, bien mourir je vouldroie;
 Que j'ai le cuer abasme et triste.

NOSTRE-DAME.

Quel chose vous a esté dicte,
 Trez-doulz frère? dictez le moy.

JOSEPH.

Il est escript en nostre loy
 Que fame prise en advoultire.
 Son corps est livré à martire:
 Tantost est arca et lapidée;
 Y ceste loy est en Judée.
 Or, voy-je bien qu'ainssy mourrez:
 Excuser ne vous en pourrez.
 Vous estes grosse, bien le voy;
 Pas ne direz que c'est de moy,
 Et puisqu'ainssy estes ensainte,
 Convaincue estes et atainte.
 En ce pais n'a haulte dame,

S'il luy avenoit tel diffamne,
Qui ne fust errant lapidée.
Quant on sara la renommée
Que n'estez pas grosse de moy,
Arse serez, ce poise moy.
L'évesque m'avoit enchargié
Que voz corps ne fust empirié,
Or, avez-vous trestout gasté
Et perdue vostre chasté;
Ensainte estez de vif enfant:
En voz flans le voy remuant.
L'en vous faisoit et necte et pure,
Mais or voy lever voz sainture,
Et combien que soiez deffaite
Ne pourroie véoir que deffaite
Fussiez, et pour tant m'enfuiray,
En longtain país m'en yray,
Et sy ne say quelle partie.
Diex sy a pure départie,
Je m'en voiz, vous demorez lasse,
A grant douleur vous serez arse;
Se poise moy ne vous puis aidier.

NOSTRE-DAME, à genous.

Vrais Diex qui me feistes nuncier
Par l'angle et dire le salu
Qui me vaudra le mien salu,
Vous reposez dedans mon corps
Tant que bien appert par dehors
Onques n'en senty nulle paine,
Mais demourray entière et saine,

Et sy say bien certainement
Que je vous sens pesiblement
En mez flancs. Vrais filz et vrais père,
Confortez voz fille et voz mère,
Et ce preudomme qui s'en fuit,
Envoiez luy vray conduit,
Et luy donnez sy bon confort
Par quoy il reviegne à droit port ;
Vray Dieu, à vous me suis donnée.

DIEU LE PÈRE.

Gabriel, va sanz demorée
A Joseph ; de par moy li dis
Qui ne s'en voit point hors du pais
Pour Marie, c'elle est ensainte,
Car elle est Vierge, pure et sainte :
Du Saint-Esperit est toute plaine ;
D'elle, naistra mon filz sanz paine,
Jà son corps n'en empirera ;
Vierge devant , aprez sera.
Il fait que fol de s'en fouir,
Méz il se deult bien resjoir
Et tenir bonne compaignie.

GABRIEL.

Sire, g'i vois, n'en doubtez mie,
Faire vueil voz commandement,
Trez doulz père du firmament.

JOSEPH.

Vray Dieu, vray père omnipotens,
Je suis au cuer triste et dolens,
Quant de Marie me souvient

Et ainssy aler m'en convient.
Vray Dieu, pour quoy avez souffert
Que Marie la vie pert,
Et qu'elle a fait sy grant outrage
Qu'elle a brisée son mariage.
Or, convient-il que je la lesse ;
Jamez nul jour je n'aray léesse.
Or, suys-je certain sur mon àme
Qu'il est fol qui se fie en famme.
Doulz Diex, envoyez li confort !

GABRIEL.

Joseph, pren en toy reconfort,
Ne te vueille desconforter,
Nouvelles te viens apourter,
Et angles suis qui viens à toy.
Dieu dez ciex te mepde par moy,
Que tantost tu ne lesez mie
Que ne retournes à Marie,
Et gardez bien que à nul fuer
Tu n'aiez couroux à ton cuer.
Diex l'a de sa grâce inspirée,
Dont elle n'est point empirée,
Car elle conçut dignement
Et sanz charnel atouchement.
Son fruit le mont rachetera,
De douleur le delivrera ;
Retourne tost sanz contredire.

JOSEPH.

J'obairay à nostre sire,
Avec Marie me tendray

E diligamment garderay,
 Puisque l'angle ainssy m'a dit
 Qu'ensainte est du Saint Esperit.

LE MESAGIER.

Je veul cy crier haultement
 Et faire le commandement
 De Césaire qui m'a commis
 L'emperiére, et m'a transmis
 A crier cy à haulte voix :
 Oez, seigneurs, oez, oez,
 De par l'emperiére de Romme
 Et le graigneur de touz lez hommes,
 Que portez voz distribucions
 Chascun ou temple, c'est raisons,
 En la cité de Bethléem
 Assez prez de Jhérusalem ;
 Alez y sanz arrestoison
 Dedans .iiii. jours, que c'est raisons
 Sachiez qui ne l'y pourtera
 A l'emperiére tort fera ;
 Or, y alez hastivement,
 Que c'est raison certainement.

JOSEPH.

Vers vous reviens, ma douce amie,
 Pour Dieu ne vous desplaise mie
 Que certez vous ay mespris.

NOSTRE-DAME.

Loé soit le doulz Jhesucris
 Qui ainssy vous a visité !
 Sien avez-vous touzjours esté ;

De vostre retour suis bien aise.

JOSEPH.

Pour Dieu, m'amie, ne vous desplaise

Du blâme que je vous ay dit.

Point ne le tenez en despit :

Mercy vous en ay humblement,

Car je sçay bien certainement

Que vous estes et nete et pure

Sanz nul péché, sanz nul ordure,

Et sy portez entre voz flanz

Le roy qui partout est puissans.

Or, vous ay follement mescreu

Que d'autre vous eussiez conçu ;

Trez douce amie, non avez,

Je le sçay et vous le savez :

Mercy vous cry douce Marie.

NOSTRE DAME.

Joseph ne vous courrouciez mie ;

Pardon vous fais certainement.

Loé en soit Diex haultement

De quoy vous estes revenu ;

Or, sachiez que Diex l'a voulu.

Sy voiz visiter ma cousine

Elizabeth qui est moult digne,

Qui est ensainte vrayement

D'un saint enfant certainement,

Car le saint angle le me dist.

.....

HONESTASSE.

Dame, tout ce sy passera

Ce povez savoir ceste nuit,
Et pour Dieu qui ne vous ennuit
Une autre fois miex vous feray.

NOSTRE-DAME.

Joseph, cy me reposeray,
Mais vous n'arez pas loisir,
J'en suis certaine, de dormir ;
Il vous fauldra aler bon erre
En ceste ville du feu querre ;
Pour certain je veuille traveiller.

JOSEPH.

Ne sai qui m'aouldra baillier
Pour certain, ma trez doulce amie,
Mez pourtant ne demorra mie
Que je n'en quière ou prez ou loing
Si tost qu'il en sera besoing.
Je n'y feray pas longue attente,
A vous servir metray m'entente,
De toutes eztez non pareille.

LE MESAGIER.

Il est temps que je m'apareille
Pour m'en aler tantost arrière ;
Devers mon mestre l'emperièr
En Roménie retourneray
Tout au plus tost que je pourray
Bonnement sanz moy traveillier
Gentillement comme mesagier.

NOSTRE-DAME.

Joseph, se Diex vous puist secourir
Alez bien tost du feu quérir

Né faites pas longue demeure,
De traveillier s'aproche l'ëure,
Joseph ne vueilliez plus actendre.

JOSEPH.

Volontiers j'yray du feu prendre
En l'hostel de ce marichal.

LE MAI CHAL.

Trainez à qucue de cheval
Puist estre aujourduy mon varlet !
Assez pis vault qui ne souloit
Que de mon profit peu s'en soigne.
Point ne veult venir en besoigne,
En luy ne trove point d'avantage,
Mez que tout couroux et damage
Pas ne me fault ycy songier,
Et mettre me fault à forgier.

NOSTRE-DAME, à genous.

Ha ! douz père du firmament
Qui tout feistes certainement
Le ciel et la terre et la mer,
Vous doy-je servir et amer ?
Et sy savez bien la mesure
Combien ciel, terre et mer dure.
Sire Dieu, quand le ciel fut fait
D'angles l'amplistez tout-à-fait ;
Mez ceulz en enfer descendirent
Qui à orgueill se consentirent.
S'y vous prie douz roys dez ciex
Qui estes pères et vrais Diex
Que confort me vueilliez donner ,

Et vostre grâce habandonner ;
 Pas ne m'avez mis en espasse
 Du quel don, de la quelle grâce.
 Trez doulz Diex, je vous regracie
 Trez humblement et remercie,
 Car plus de grâce fait m'avez
 Que de biens en moy ne savez.
 Puisqu'il vous a pleu à moy faire
 Tel don de trestout mon affaire ,
 Je vous requier et vous supplie,
 Qu'ainssy com vous m'avez remplie
 De vostre filz et sanz délit
 Doulz père sy com vous abelit,
 Veulliez souffrir par vostre amour
 Que sanz douleur, que sans clamour
 A l'enfanter delivre soie
 A sauveté et à grant joye.

DIEU.

Michiel, Gabriel, venez à moy ;
 Alez-vous en, sanz plus d'asnoy,
 En Bethléem sanz arester
 Ces cierges à Marie porter :

LES ANGES.

Nous yrons, sire, hastivement
 En chantant chacun s'y octroite

GABRIEL.

Or y alons chantant tous droit,
 En portant ces cierges ardant
 A la Vierge digne puissant ;
 Or nous mettons touz à la voie.

MICHEL.

Bien devons tuit demener joie
Quant la dame du firmament
Diex dez ciex servir nous envoie
Ça jus en son enfantement.

(Cy chantent *Veni creator Spiritus*, en alant à Nostre-Dame, et puis die.

GABRIEL.

Dames qui estes vrayment
De touz angles la souveraine,
Dieu veult que certainement
Vous délivrez sans nulle paine
Tous ly mondes en aura joye.

MICHEL.

Dame, voz filz veult en y voie
Là où gisiez sy povrement:
Dez cierges ardant vous envoie,
Par nous sachiez certainement.

GABRIEL.

R'alons nous en ysnellement
Et demenons trestous grant joie.
Diex ly pères du firmament
Donra lumière qui clarioie
Au monde véritablement;
Car c'est cilz qui touz biens envoie.

JOSEPH.

Feure, amiz, pour Dieu mercy
A grant besoing suis venuz cy:
De vostre feu me vueilliez donner.

LE MARICHAL.

N'en vueillez nul môt sonner,
Point n'en arez certainement.
R'alez vous en hastivement,
Sire viellart, fuiez de cy.
Qui vous fait point venir ycy
Pour moy empeschier de forgier ?
Bien me faitez cy enragier.
Fuiez de cy, sire villains ;
De mal talant estes touz plains :
Je croy que vous estes espie.

JOSEPH.

Amis pour Dieu je vous supplie
Ne vous vueilliez pas courroucier.
.i. pou vous vueilliez avancier
De moy donner .i. pou de feu ,
Car je ne sçay où trouver lieu
Où puissè avoir, ce n'est à vous ;
Et je vueil bien que sachiez vous
Que ma femme souvent travaille.
Sy fault que bien tost à luy aille
Et sy n'avons point de clarté :
Assez avons de povreté
Et de paine et de travaill.

LE MARICHAL.

D'un gros bâton de ce travaill
Je te donray à bonne chièrre
Se ne te trais tantost arrière.
Or te diray que tu feras :
Point de mon feu n'enporteras

S'en ~~le~~ mantel tu ne l'enportes.
Ne sçay pas se lez gens enortes ,
Car point n'en auras autrement.

JOSEPH..

Je le vueill bien certainement ;
Sy vous plaist ycy m'en donnez.

LE MARICHAL.

Tenez, viellart, cestuy prenez
Et l'emportez en voz giron.

Cy le mete en son giron, puis le regarde.

JOSEPH.

Diex le vous rende, biau preudon !

LE MARICHAL.

Ha las, amy, j'ay trop mespris :
Certes bien dōy estre repris
Du blasme que je vous ay dit ;
Pas ne le tenez en despit.
Vostre bonté pas ne savoie,
De ce que je voiz ay grant joie,
Car vous êtes .i. preudons sains :
Vos gironz demore touz sains,
Et c'est le feu enclos dedans.

JOSEPH.

Je vous pardonne maulx talans,
Car cilz qui touz biens envoie
Vous doint honneur, santé et joie !

Cy voise à Nostre-Dame en portant le feu en son giron et die ;

Chièrre dame, ne vous desplaise
De vous estoie en malaise ;

Mais certes je vous fais savoir
 Que du feu ne povoie avoir,
 Ma douce amie débonnaire.
 Dont vous vient ce beau luminaire ?
 Oncques ne vys sy grant clarté.

NOSTRE DAME.

Les anges ly ont apporté
 Tout maintenant du paradis.
 Joseph, biau frère et amis,
 Alez prier à Honnestasse
 Qu'elle viengne cy une espasse
 Pour recevoir le vray sire
 De tout le monde et de l'empire.
 Joseph, à vous pas n'appartient
 De estre cy quant le temps vient;
 Sy ne sens-je mal ne détresse,
 Ains est mon cuer plein de léesse,
 Car je demeure fille et mère,
 Sans sentir nulle paine amère.
 Joseph, faites la sa venir.

JOSEPH.

Dame, g'i vois sans alentir.
 Ne tarderay ne pas ne heure :
 Je prie à Dieu qu'il vous sequeure
 Par sa mercy et face aïe.

Cy voise à Honnestasse et die :

Douce amie, je vous prie
 Qu'un pou viengnez à ma moillier,
 Qu'elle commence à travailler
 Tout maintenant de vif enfant

Du roi du monde tout-puissant.
Pour Dieu, belle, je vous en prie.

HONESTASSE.

Certes, amis se g'y aloie
Aide ne ly pourroie faire
Dont ce me vient à grant contraire.
Nulles mains n'ay que .ii. moignons
Qui sont enclos en cez manchons,
Que véoir povez sy en droit.

JOSEPH.

Belle, pour Dieu ne vous ennoit !
Vous savez qu'à moy n'afiert mie.
N'à homme qui enfant manie
Nouvel ; sy venez luy aidier.
De riens n'en povez empirier ;
Je vous en prie, or y venez.

HONESTASSE.

Biau preudons et amis senez
A mon pouvoir ly aideray
Et l'anfant enmailloteray,
Certes j'en feray mon devoir
Selon la loy à mon pouvoir :
C'est charité à Dieu plaisans
Aidier auls povres passans,
Et Dieu en la loy qui bailla
A Moyse le commanda
Il est certain, ne doubtez mie. °

Cy voise à Nostre Dame et die :

Diex soit avec vous, doulce amie,
Et vous doint paix, santé et joie !

NOSTRE DAME.

Amen, amie, Diex vous en oye,
Et vous maintiegne en sainte foy!
M'amie, soiez avec moy.
Honestasse, ma doulce amie,
Retenez le doulz fruit de vie
Et le sauveur de tout le monde
Que je conçois et vierge et monde,
Sans de mon corps empirement
Et sans charnel atouchement;
Vierge en fus et suis encoire.

HONESTASSE.

Or vous tien-je doulz roy de gloire,
Mon vray Dieu et mon vray seigneur.
Bien m'avez fait honeur greigneur
Que vers vous n'avoie deservy.
Vous m'avez bien en gré servy ;
Je n'avoie ne doiz ne main,
Renduz les m'avez pour certain.
S'en ceust que ennuit deussiez nestre
On vous eust receu comme grant mestre,
Car piesça estes attenduz.
Or, estes-vous, sire, venuz
Ce n'est pas en sale parée
Mais en hale désordonnée.
Or, ne sçay comme atouchier
Quant n'ay drapiaux pour le couchier;
Je fais doubte que ne vous blesse.
Couchiez serez en ceste crèche.
La nuit est de froidure plaine,

Et cez bestes de leur alaine
Sy vous feront venir chaleur.
Autre conseil n'y sçay meilleur.
Couchiez serez moult povrement :
Vous le deussiez estre autrement.

LES ANGES, chantant *Veni creator spiritus*.

Joseph, venez hastivement.
Véez-cy le roy du firmament ;
Faites de l'eau chauffer bien tost.

JOSEPH.

Ma douce amie, je vois tantost.

GRATEMAUVAIZ, mesagier.

Par Mahon, j'ay long-temps séjourné,
Ne rien n'ay fait ne cheminé,
Et touzjours n'ay fait que despendre.
Or veull déz hors mais entendre
A gaignier .i. pou de monoie.
Je m'en yray par ceste voie,
Mon chemin par Romme tendray,
Et à l'emperiére m'en yray.

Cy s'en voise par devant lez ydoles et lez regarde cheutes et
puis die :

Ha hay! Juppiter est trabuchiez,
Et sy est l'éscrip effaciez.
A l'emperiére m'en yray
Et trestout ly raconteray.
Troter m'estuet ysnellement :
Plus ne feray d'arrestement.

Cy voise à l'emperiére, et die à genous :

Empereur, souverain roy,

Je vien à vous par grant desroy ;
Nouvelles vous vien apporter.

L'EMPEREUR.

Juppiter te puist garder !
Or me diz bientôt cez nouvelles.

LE MESAGIER.

Volentiers, mez ne sont pas belles
Pour vous, sire, ne doubtez mie.
L'autrui passay par Roménie :
Là viz touz vos diex trabuchiez ,
Et sy est l'escript deffaciez ;
Ainssy est-il certainement.

L'EMPEREUR.

Ha hay, Sartan ! vééz-cy tourment ;
Se mesagier m'a dit la rage.
Ha hay, que ferai-ge ?
Juppiter sy est trabuchiez
Et sy est l'escript deffaciez ;
Bien me doit le cuer fondre d'ire.

SARTAN.

Or alons là hors véoir, sire ,
Se celle est elle point appert
Dont Balaam parle en appert.

Cy voisent hors de leur eschaufault et regardent le ciel , et
puis die :

SARTAN.

Sire, vééz-la, elle est apparue.
Certes, ce est bien chose sceue
Que vierge mère a enfanté.

L'EMPEREUR.

Sartan, je voy la grant clarté
De l'estoille qui resplandist
Ainssy comme Balaam le dist.
De ce ne veull pas contredire :
De moy est nez .i. plus grant sire.

DIEU LE PÈRE.

Gabriel, entens que je vueil dire ,
De ce ne me fay contredire ;
Va-t-en nuncier auls pastoreaux
Qui là jus gardent les aigneaux ,
Que le filz Dieu est nez de mère,
En Bethléem, c'est chose clère ,
Et a couvert ma déité ,
Par puissance d'umanité :
Au peuple le facent savoir.

GABRIEL.

Sire, g'i vois sans remanoir
Vostre naissance anuncier :
Auls pastoreaux vas prononcier ,
Comment estes nez de Maric.
Je m'y en vois sans faire estric.

Cy voise auls pastoreaux et die :

GOBELIN , premier bergier.

Riflart, es-tu là, je te prie ?

RIFLART, second bergier.

G'y suis voir ou je n'y suis mie.

GOBELIN.

Bc déa, Riflart, di-moy, es-tu ce ?

RIFLART.

Or as-tu bien teste d'autruche :
Ce suis-je ou ce ne suis-je pas ?

GOBELIN.

Vas-tu ou le trot ou le pas ?
Ne me respont point de travers.

RIFLART.

Je vois ou adant ou envers ,
Ou droit ce je ne me repose.

GOBELIN.

En non Dieu vecy bonne chose :
Tu me tiens bien pour .i. fol quoquart.

RIFLART.

Or escoute, moquin moquart,
Donne-moy pinte au matinet.

GOBELIN.

Mais sus ta teste .i. bacinet,
Je te donray ou .iii. fois ou .iiii.

RIFLART.

Mais tu auras la fièvre quarte,
.xx. acez ou .xl. ou .xxx.

GOBELIN.

J'ay plus chier que ceste rente
T'aviengne, car je n'en ay cure.

RIFLART.

Va, donne-moy d'une froissure
Ou la mulete d'un mouton.

GOBELIN.

. mais .i. estront.

RIFLART.

. boif.

GOBELIN.

. Je n'ay pas soif,
Il me fault ou fleute ou flaioil.

RIFLART.

Va vendre .i. fassel de glaioil,
Sy achete ou musetes ou pipes.

GOBELIN.

Donne-moy denrrée de tripes
Et je te donray de mon poin.

RIFLART.

Le veul-tu?

GOBELIN.

Oil.

RIFLART.

Ten ta main.

Cy croche.

GOBELIN.

Grant male meschance t'aviegne!

RIFLART.

Mais au plus mauvaiz de Compiegne,
Ou au pire de Harecourt.

GOBELIN.

Je vueil desjeuner brief et court,
Il me fault aler sur grant pont.

RIFLART.

Atens l'oef, ma geline pont.

GOBELIN.

Ou déa, cest acertes, Riflart.

RIFLART.

Par saint mort, tu diz voir guimart,
Fay aussy sy t'en pren envie.

GOBELIN.

Je te vueil tenir compaignie.

Cy se séent et mengussent jusques l'ange parle à euls.

GABRIEL.

Amis, ne soiez en effroy
Et vous metez en bon aroy,
Car Diex ly pères à vous m'envoie
Pour anuncier une grant joie
Qui est venue par tout le monde.
Diex a son filz envoyé au monde,
Qui vrayment est nez de mère
Et sy souffrera mort amère.
En Bethléem le trouverez,
Puis au peuple l'anuncerez;
De riens esbahis n'en soiez.

GOBELIN.

Ha! hay! que je suis effroïé,
Onques ne vis sy grant clarté
Et say lonc-temps bergier esté.
D'une voiz ay-je oy le son,
Dy-nous comment tu as à non
Qui as parlé à nous sy fort.

GABRIEL.

Point ne soiez en desconfort :
Je suis anges de paradis
Que Diex m'a sy à vous tramis

Pour vous anuncier ces nouvelles,
Et qui tant sont bonnes et belles,
De par luy le vous fais savoir.

RIFLART.

Amis, or nous fais asavoir,
Se Diex est nez de paradis.
Ne soiez du dire tardis
Des nouvelles telles qui sont.

GABRIEL.

Moult grant joie ensamble font
Touz les angez du paradis.
Si vous diray, biaux doulz amis,
En Bethléem est nez nouveaulx
Ly Roy des roys célestiaux.
Je le vous dy certainement ;
Alez-y tost ysnellement
Et sy le denunciez au peuple,
Grant joie en sera pour le peuple ;
Je m'en vois, plus ne demorray,
Certes plus ne vous en diray.
A Dieu; soiez mes bons amis,
Qui vous doint paix et paradis.

GOBELIX.

Riflart, entens-tu ces nouvelles?
Oncques mez n'oy les pareilles
Ne les merveilles que cilz ~~meus~~ a
Contées qui à nous cy parlé a.
Il dit, je l'ay bien entendu,
Qu'en Bethléem est ~~descendu~~

.I. bel enfant sy povrement
Qui est sires du firmament
Et roi du monde et roi des cieux.

RIFLART.

Certes, je l'ay entendu mieux
Que tu n'as fait biau Gobelin.
Mon amy es et mon voisin,
Véoir l'alons et je t'en prie,
Et sy disons une estampie
De noz .II. bons instrumens.

GOBELIN.

Alons, tu es bons garnemens
Et chalumelons touz .II. ensamble.

RIFLART.

Je le vueil, monstre moy exemple
Et après toy, g'iray trop bien.

GOBELIN.

. Or yien.

Cy voient à Nostre-Dame, et de loignet die.

GOBELIN.

Il me samble certainement
Que l'enfant voy sy povrement
Entre ces bestes là gésir ;
Ailleurs ne le vueil-je plus querir.
Dy moy beau conpaing, le voy-tu ?

RIFLART.

Malotru, quoquart, testu,
Je le voy mieux que tu ne fais.

GOBELIN.

Tu as menty, voir tu n'onfais,

Tu n'en fais mie le samblant.

RIFLART.

Tu diz voir c'est .i. bel enfant;
Je le voy bien avec sa mère.
Je te prie, faisons bonne chièr
Et louons Dieu bien haultement.
Quant l'avons veu certainement,
Au peuple bien tost l'anunçons.

GOBELIN.

C'est trop bien dit; or y alons,
Et en demenons très-grant joie.
Or nous metons tost à la voie
Et je feray une estampie
Pour Marion, ma douce amie.

GRATEMAUVAIZ.

En mon dormant hier, je songoie
Qu'en la taverne joliz estoie
Et demenoie moult grant feste;
Mais chanter me covient de jeste
Une chançon tropt merveilleuse
Qui au cuer me fut angoisseuse;
Car quant j'oy mengié et beu,
Je me trouvay tropt bien déçu;
Car à paier il me covint.
Ne sçay que mon argent devint,
En ma bource n'en trouvay point:
Ce meschief me vint mal à point,
Car gaigne me covint lessier,
Qui me fist mon jeu abessier.

Sy prie Diex en bonne espérance
Qu'en la taverne nous doint chevance.
Sy chantons bécus et camus,
Chascun, *Te Deum laudamus.*

EXPLICIT, EXPLICIT.

CY COMMENCE

LE

GEU DES TROIS ROYS

QUI ALÈRENT AOURER N. S. JHÉSUSCRIST.

PREMIÈREMENT LE SERMON :

*Vidimus stellam ejus in Oriante et venimus cum
muneribus adorare Dominum.*

Très-douces gens , or entendez
Et diligamment regardez :
Noble chose voirrez retraire
Qui à l'ennemy est contraire,
Que ce soit voir la vraie mère
Du monde , qui sans tache amère
Porta le juste crucefix
Et celle de quoy estre filx
Doit chascun corps de créature ;

Car sur fortune et sur nature
Est royne et mère clamée,
Des anges servie et amée
Comme non pareil de value.
Sy est droit c' on la salue
Du salut qui nous conforta
Quant Gabriel ly apporta
Du vouloir Dieu en révélant.
Sy ~~disons~~ en luy appelant
A genous : « *Ave Maria.*
Vidimus stellam ejus, etc. »
Diex ly doint bien qui se tera
Et en paix jouer nous lera !
Or vous prie trestous ensamble
Que regardez ce bon vous samble.
Retraire verrez noble chose
Qui au cuer nous doint estre enclose,
Et sera à tous profitable
Sy plaist à Dieu l'espéritable.
Chascun de nous sy doit savoir
Que nous devons le cuer avoir
A Dieu qui nous fist et forma
Et qui doucement nous ama,
Que nestre vult de vierge mère
Pour nous oster de mort amère.
Sy entendons diligemment
A luy amer parfaitement,
Et en ces euvres voulions entendre
Que meilleurs ne povons apprendre.
Or veuil retourner à matière

Qui sera bonne, ferme et entière ,
Sy en prie Dieu de cuer fin
Que venir m'en doint à bonne fin.
Quant le vray Dieu fut nez de mère
En Bethléem, c'est chose clère,
Diex ly pères certainement
Envoia tost isnellement
L'ange nuncier aux pastoureaulx
Que nez estoit ly roy nouveaulx,
Qui seroit roys de tout le monde
Et qui tout tendroit à la ronde ,
Et qu'au peuple le denunçassent
Que nuit et jour point ne cessassent.
Trestout cecy verrez retraire
S'un pou de temps vous voulez taire ;
Puis sy verrez sans faire aloigne
Comment lez .iii. roys de Coloigne
Virent l'estoille en oriant
Qui leur aloit segnefiant
Que nez estoit ly roys des roys
Et qu'aourer ly soient touz trois,
Sy com Balaham profétiza
Ainssy le dist et devisa
Qu'estoille ystroit de Jacob
Et sy naistroit lors à ce cob
.i. enfant des flans d'une femme
Sans santir natureil diffamme.
Ainssy se mistrent au chemin
Ces .iii. roys comme pelerin.
L'un de l'autre riens ne savoit

Que Diex ainssy les gouvernoit,
Et puis après s'y s'asablèrent;
Pas longuement ne demorèrent
Et ce mistrent en une route :
Leur chemin tindrent par Hérode
Et tant qu'avec luy furent
Oncques l'estoille n'apperçurent.
Sy ly contèrent leur affaire
Les .iii. roys de noble affaire
Qui à Hérode forment desplut,
Mès son courroux riens n'y valut.
Sy dist aulx roys qui retournassent
Par luy quant ils repassassent ;
Ainssy les .iii. roy ce partirent :
Tantost leur estoille revirent ;
Dieu en loèrent haultement
Quant il leur fist demonstrement.
L'estoille d'aler s'apresta
En Bethléem ; là s'aresta
Où nez estoit le vray roy
Et là se mistrent en aroy.
Les .iii. roys de grant noblesce
Acomplir voudrent leur promesse
Devant l'enfant le roy Jhésus :
Là ce sont lez roys aparus.
Sy ly offrirent leurs présans
Or, mirre avec encens
Que Diex reçut et prit en gré
Dont ilz vindrent en hault degré.
Quant lez roys orent accompli

Que Diex ne mist pas en obly,
Isnellement se départirent ;
D'eulz r'ennaler sy entendirent.
Par Hérode tindrent l'adresce,
Car tenir vouldrent leur promesce ;
Mais de dormyr leur prist talant.
Sy s'endormirent incontinent
Et tantost Diex leur envoia
Son ange qui les avoia
Et leur dist que pas ne r'alassent,
Par Hérode, mez s'en alassent
Par autre voie , car morir
Lez feroit sans point alentir.
Quant l'ange ot fait son message
Lez .iii. roys de noble parage
Se esveillèrènt isnellement.
Oy avoient en leur dormant
Ce que l'ange leur avoit dit.
Pas n'alèrent au contredit,
Mais une autre voie espièrent.
Droit en leur païs s'en alèrent
Dont Hérode fut moult déceulz.
Sy s'avisa comme confus
Dez .iii. roys qui pas ne venoient
Sy comme promis ly avoient.
Cez sergens manda par grant yre :
Apertement leur ala dire
Isnellement sans plus tarder
Alassent lez portes garder
Que les .iii. roys pas ne passassent,

Mais que tantost les amenassent ;
 Mais ils faillirent à leur proie :
 R'alez estoient par autre voie
 Dont Hérode fut courrouciez.
 De mal talant fut tout changiez ;
 Sy commanda à sez sergens
 Que tous les enfans de .ii. ans
 Missent à mort sans nul respit
 Que de l'enfant avoit despit
 Que lez .iiii. roys aouré avoient,
 Et que point retourniez n'estoient.
 Ainssy furent descolez
 Touz lez enfans et afolez
 Jusques à .xl.iiii. mille ;
 Ce fut tout voir sans point de guille.
 Diex leur esleut la meillieur voie
 De Paradis la noble joie
 A la quelle nous doit venir
 La Trinité qui sans fénir
 Fut et est et tout jours sera,
In sempiterna secula,

Amen.

Les berchiez soient ou millieu du champ et dient l'un à l'autre :

Le jeu des berchiez est à la fin de la Nativité Nostre Seigneur qui est devant le sermon de ce jeu cy et ce fine pour *Marion ma douce amie* ; et puis voient où ils vourront.

BALTAZAR, premier roy.

Ha ! trez-doulz Diex que j'ay grant joie !
 Louez soit cilz qui tout avoie !

L'estoille voy certainement
Dont Balaham fist le trestement
Et dist en la prophécie,
Bien pert qu'elle est assaucie,
Que de Jacob estoille ystroit
Et .i. enfès de vierge naistroit
Diex ly pères omnipotens
Vers lez parties d'Oriant,
Et que .iii. roys le requerroient
Qui de sa ligniée ystroient.
Or avons lonc temps actendu
L'estoille qui nous a rendu
Sy grant clarté nouvellement ;
Or sçay-je bien certainement,
Car oncques mèz nulz ne la vit,
Suir la voudray sans respit
Tant que l'enfant aray trouvé
Et de mon trésor aprouvé.
Du plus fin or que fineray
Presant et honneur ly feray.
Ceste coulpe cy toute plaine
Ly offeray à son demaine.
C'est droit que or affiert à roy ;
De mouvoir veul prendre l'aroy.
Jà pour homme ne le lesray
Que je ne suive cest cler ray,
Ne pour guerre ne pour haine
De moy face de voir ly digne.
N'aresteray ne bourc ne ville,
Non pour quant le roy de Sezille

Me het a mort et Quins de Terce,
Car moult leur ay fait grand apresse
Par guerre dont les ay grevez.
Sire, vuelliez que sauvez
Soie tant que trovay vous aray
Et plus d'arest je n'y feray
Qu'après ce roy je ne m'en voise.

MELCHION , second roy.

Très-doulz Diex , pas ne me poise
De ce fait cy certainement
Qui cy nous fais démonstrement
Par celle estoille que je vois luire ,
Qu'à moi n'à aultry ne puist nuire
Fors profiter en monstrant
La Nativité de l'enfant
De quoy Balaham prophétiza.
Ainssy raconté esté nous a
Que de Jacob estoille ystroit
Et adonc .i. enfès naistroit
Roys des cieulx et roys du monde ;
Je voy bien qu'il est nez au monde.
Par ce cler signe que je voy là
Tant le suivray que g'iray là
Où celui est qui l'a fait luire.
En ce fait me veul-je déduire :
N'aresteray pour mort pour vie
Ne pour homme qui me guerrie,
Et sy me het le roy d'Arrable.
Or m'en gart Diex l'espéritable
Qui fist la mer et toutez gens :

Ceste bouite plaine d'encens
Ly porteray pour sacrefice.
Chose ly face qui ly souffise
Et me ramoint à sauveté.

JASPAR, tiers roy.

Grant joie ay de la clarté
Que je voy là qui cy resplant,
Qui luit plus cler qu'un oriflant
Dont Balaham fist le trestement.
Ainssy est-il certainement
Q'une estoille ystroit de Jacob,
Et s'y nestroit hors à ce cob
.I. enfant dez flans d'une famme
Sans sentir naturel diffamme.
Or voy bien que cilz est nez :
J'en puis bien estre assignez
Par ce cler signe que je là voy.
Or vueil je prendre errant l'aroy
De le servir sans plus d'arrest.
Tant que saray où l'enfant est
Ne doubteray ne roy ne conte
Tant me hée de quoy face conte
Car ne lerois pour morir
Ceste clère estoille à suir
S'aray trovay ce doulz conduit
En la quel main nous sommes tuit,
Et pour ce qu'a pris corps mortel
Ly porteray offrende tel
Comme de mirre plaine boite.
Oignement est qui ce tient moite :

S'afiert bien à la sépulture
 D'omme mortel et à nature.
 A celui m'en yray droite voie ;
 Or ly prie-je que je le voie :
 Ce ray suivray sans arestance.

BALTAZAR.

Sans faire longue demorance
 Sy me sarray pour esprouver
 Comment compaignie trouver
 Pouray qui s'en voit ceste voie.

MELGHION.

Il me samble que séoir voie
 .i. roy en my ce chemin
 Tout seul comme .i. pélerin
 Baltazar est, ce m'est avis,
 Roy d'Arable, a tous plevis ;
 Espié m'a si com je croy.
 A luy yray sanz désaroy,
 Mercy et pardon ly requerray ;
 Sy m'asault ne me deffendray
 Qu'à luy n'a aultruy ne vueil mal,
 Ains pardon tout de cuer royal
 Et vueil com vrais martir morir.

BALTAZAR.

Il me semble vers moy venir
 Que je voy Melchion de Sezile.
 Ne sçay sy scet par nulle guille
 Que je doie passer par cy.
 A luy yray crier mercy
 De tout ce que meffait ly ay,

Car moult lonc temps guerroié l'ay :
Ne scay si m'en fera pardon.

MELCHION.

A roy Baltazar, ou saint nom
De celui qui sa jus nous maine,
Vous cry mercy de la grief paine
Que vous ay fait en guerroient.
Ce voulez, je ne suis néant,
Prenez mon branc, copez mon chief ;
Bien en povez venir à chief :
Vers vous point ne me deffendray.

BALTAZAR.

A roy Melchion, non feray,
Ains me met en voz volentez.
De moy faictes voz talantez :
Copez mon chief, ce povez faire ;
Faites hardiement sanz meffaïre
Car pardon-vous fais bonnement.

MELCHION.

Sy fais-je à vous certainement.
Baltazar, qui vous amaine cy ?
Ne pour quoy estez venuz cy
Tout seul ainssy sans compaignie ?

BALTAZAR.

Celle estoille de ray garnie
Dont Balaham fist le trestement.

MELCHION.

Certes sy vien-ge prestement
Après lui tant que soie assigné
A l'enfant petit nouvel né

Et pour ce suis-je venuz cy.
Or nous séons .i. pou icy.
Venir me semble le roi de Tarce :
Vers nous s'en vient sanz faire espasse ;
Le plus qui puet vers nous s'adresse.

JASPAR.

Vrais Diex que j'ay grant léesse !
Baltazar voy et Melchion
Parler ensamble sanz tançon.
Je cuit qui soient acordez,
Point ne lez voy désacordez.
Ja me tiens en obédiance,
Vrais Diex, qu'avez grant puissance.
Ces .ii. ai guerroyez lonc temps
Ne scay si sont de moy contemps.
De tout ce que leur ay meffait
Ne scay s'il yront au deflait :
J'irai à eulz crier mercy
Puisque trouvez lez ay ycy.

Cy voise près d'eulz, puis die :

Seigneurs .ii. roys qui estez là,
Aiez mercy de moy qui a
Mespris vers vous en toutes guises.
Toutes vengences soient prises ;
A vous me rens tout à bandon
Et de ma mort vous fait pardon :
De moy faictes touz vœz plaisir.

BALTAZAR.

Nous voulons faire voz plaisir
En l'onneur de celui qui ce ray

Nous envoie par conduit vray.
Où alez vous ? or le nous dites.

JASPAR.

Les choses sont ainsy escriptes
Qui sont prophétiziés de pieça,
Que une estoille que je voy là
Qui me maine vers Orian,
Et là est nez ly roys puissant,
Et celuy vois-je aourer;
Servir le vueil et honorer,
Et pour ce suy-je cy venuz.

MELCHION.

Sire, vous soiez ly bien venuz !
Loez soit Diex de c'est affaire !
Bien nous doit à tous .iii. plaire
Qui ainssy nous a assemblez ;
Prions ly que désassemblez
Ne soiens tant que l'aiens veu.

BALTAZAR.

Puis qu'ensy est qui ly a pleu
De nous ainssy aconpaignier,
Or vous prie-je sans espargnier
Que ne veuillons demeure faire
Et n'empeschons pas cest affaire,
Car bien véons noble exemple.

MELCHION.

Seigneurs, je lou que tous ensamble
Nous nous mestions en esray
Et pour certain je croy de vray
Que cilz qui touz biens nous envoie

Fous fera aler droite voie
Qu'il le nous monstre par ce beau signe.
Cilz nous fasse de luy véoir digne
Car de tout mon cuer je l'en proie.

JASPAR.

Tréz doulz Diex, moult désiroie
Avoir sy noble compaignie.
Il la m'a trez bien ensaignie ;
Loez en soit-il haultement !
Or ly prie-je dévotement
Qui nous maine à sauveté.

MELCHION.

Or y alons touz assanté
Que bon propos en délay mis
Emble à Dieu de ces amis,
Pour ce qui tost à son pouvoir
A cuer la fleur de pris avoir,
Cuer mortieux en .i. point n'est oncques.

JASPAR.

Certes, c'est voir hastons nous doncques ;
Car cilz qui ne fait quant il puet,
Il ne fait mie quant il veult.
Mez cuers est, et je suis cy ;
Seigneurs, aiez de moy mercy,
Car moult me tarde que je le voie.

BALTAZAR.

Certes, sire, j'en ay grant joie ;
Et pour ce vous prie, beauls seigneurs,
Alons au plus noble seigneur
C'oncques fut ne ja ne sera :

Ceste estoille aler nous fera.
Bien pert que cilz est grans sà jus
Qui tel signe fait lassus.
Certainement cilz est Dieu vray
Qui sur nous fait luire ce ray ;
Et quand Diex le nous envoie
Pour nous mener à droite voie ,
Or me dites, qu'atendons-nous ?

MELCHION.

Sire, c'est voir ; avançons nous.

Cy voient en tour le champ puis die :

MELCHION.

Seigneurs, au povoir Hérode somes ;
C'est .i. grant homs entre lez homes.
Yrons-nous point parler à luy ?
Savoir sy scet riens de celuy
Que nous quérons et nous adrecier ?
Ce nous pourra bien avencier.
Bien croy qu'il nous ensaignera.

JASPAR.

Alons y véoir qui nous dira ;
Ne puet qui n'en saiche parler.

BALTAZAR.

C'est bien dit : penssons de l'aler.

Cy voient entour le champ jusques le mesagier ait parlé.

TROTEMENU, mesagier.

Aler m'en fault ysnellement
A Hérode certainement
Pour lui conter et retraire
De ces .iii. roys tout leur affaire

Qui entrez sont en son païs :
Ne scay s'il est de eulz hais.
Troter me fault plus que le pas ;
Plus ne feray ycy repas
Que ma borce est mal garnie ;
Aler ne puis en compaignie.
Y n'i a miton ni croisete ',
Une chose est qui me dehete ;
Sy sachiez bien certainement
J'en yray plus légierement.
Voise .i. tour entour le champ, puis die à Hérode :
Hérode, roys de noble affaire,
De grant Dieu vous vueille parfaire!
Nouvelles vous viens anuncier.

HÉRODE.

Bien soiez venuz, mesagier,
Or le nous dy appertement.

TROTEMENU.

Tantost, sire, certainement
Vous en diray trestout le voir.
Hérode, ~~bie~~ vous faiz savoir
Que .iii. roys sont en vostre terre
Entrez ; ne scay qui viengnent querre,
Et touz ceulz sont sans compaignie,
Sans bacheler ne sans mesgnie,
Ne je ne scay quelle part ilz vont
Ne de quelle partie ilz sont.
L'aultruy lez viz à Garnemuz
Et tantost vers vous suis venuz.

Ainssy est-il, très doulz beaulx sire.

HÉRODE.

De ce que me diz ay grand yre.
Maistres Hermès, venez avant;
Plus corrociez suis que devant.
Avez oy que cilz m'a dit :
En mon cuer en ay grand despit.
Il dit que .iii. roys entrez sont
En mon royaulme bien parfont ;
Conseilliez m'en que j'en feray.

HERMÈS.

Certes, sire, je vous diray
Il sera bon que vous sachiez
Quel part ilz vont, et en sarchiez
Qui vont quérant ne qui demendent.

HÉRODE.

Tantost saray à quel fin tendent.
Mesagier, bien tost ysnellement
Va-ten, bien tost appertement
Et te diray que tu feras.
A cez .iii. roys tu t'en yras :
Viengnent bien ~~tost~~ à moy parler
Que savoir vueil qu'ils vont quérant.

TROTEMENU.

Certez, sire, g'i vois, corant
Et vostre commendement feray,
Et aux .iii. roys bien je diray
Ce qu'avez dit, mon chier seigneur.

HÉRODE.

Va, n'arestes ne nuit ne jour.

TROTEMENU.

Aler m'en fault sanz demorée :
 Faire me fault bonne journée.
 Au .iii. roys bien tost m'en yray
 Et mon mesage leur conteray.

Cy voise au .iii. roys et die :

Seigneurs .iii. roys de noble afaire,
 Le grant Dieu vous vueille parfaire !
 Hérode, le grant roy puissant,
 M'envoie à vous tout en présant
 Et vous mende ainssy par moy
 Que vous ailliez sans nul desnoy
 A luy parler ysnellement.
 Véoir vous veult certainement ;
 Alez y tost sanz plus d'arest.
 De movoir me vueil faire prest
 D'aler en .i. aultre mesaige ;
 Laissier ne vueil pas mon usaige :
 Je m'y en voiz hastivement.

BALTASER.

Tantost yrons certainement.
 Seigneurs, or penssons de l'aler :
 Sy alons à Hérode parler ;
 C'est .i. grans homs entre lez homes.
 En sa subjeccion maintenant somes,
 Et ausssy parlerons à luy
 Savoir sy scet rien de celuy
 Que nous quérons et nous atrecier :

Ce nous pourra bien avencier ;
Sy alons véoir qui nous dira.

MELCHION.

Espoir qu'il nous ensaignera ;
Ne puet qui n'en sache parler.

JASPAR.

C'est bien dit, penssons de l'aler.

Cy voient entour le champ puis die :

BALTAZAR.

Seigneurs, entendez à moy.
Il me samble que je là voy
Hérode, roy de noble afaire.
Alons-y nostre fait retraire :
A luy parleray le premier.

MELCHION.

Or le faisons sanz détrier.

Cy voient à Hérode, puis die :

BALTAZAR.

Hérode, qui a grant pouvoir
Et qui tout fist à son vouloir,
Vous doint santé, joie et honeur !

HÉRODE.

Bien viengniez-vous, noble seigneur !
Ditez-nous, sy vous vient à plaisir,
Dont estez vous et que quérir
Venez-vous cy en ceste terre ?
Estez-vous chaciez de guerre ?
Ditez-le nous, je vous en prie.

MELCHION.

Hérode, voulez que je vous die.

Melchion suis, roy de Sezille
Où j'ay maint bourc et mainte ville,
Et ce roy ancien que cy véez,
Baltazar, est bien avoiez
Qui tient le royaulme d'Arrable,
Et sy Jaspar, roys impérable,
Riches homs est ly jouvenciaulx.

HÉRODE.

Or me dites se c'est raveaulx
Qui seul vous fait aler jouer.
Ne puis ce fait cy aprover :
A roy n'appartient pas cecy ;
Ne scay pour quoy faites cecy ;
Pour certain savoir le voulons.

BALTAZAR.

Hérode, .i. enfant quérons
Nouvel nez qui est roys dez roys
Et hauls juges sur toutes loys,
Qui à nous c'est aparü
Par son ray qui de nous vèu
A esté, qui conduit et maine
Toute créature humaine,
Vous et toute noz compaignie,
Une estoille qui replanie,
Qui nous maine vers oriant.
Venuz somes par cy parant
Savoir s'en sariez parler
Ne quel chemin puissons aler ;
Car par le prophete Balaham
Prophetiza sanz nul aham

Que de Jacob estoille ystroit
Et .i. enfès de Vierge naistroit;
Et celluy entre nous quérons
Donc l'estoille veue avons.
Pour luy servir et honnorer
Venons nous cy, pour aouer,
Et ly portons de nos trésors.

HÉRODE.

Hermès, bien sont de leur sanz hors
Cez .iii. roys qui sont cy venuz.
Ilz nous dient qu'il est venuz
I. bel enfant qui vont quérant
Vers les parties d'orient,
Novel nez qui est roys dez roys
Et hault juges sur toutes loys.
A poy ne me font enragier;
Conseilliez-moy sanz estargier
Et me dites que j'en doie faire.

HERMÈS.

Sire, ne me pouroie taire :
Ce mon conseil croire vouliez,
Il sera bon que vous sachiez
Leur afaire certainement.

HÉRODE.

Sà, beauls seigneurs, venez avant :
Dictes bien tost sanz contredire
Où alez querre c'est grant sire ;
Maintenant savoir le voulons.

JASPAR.

Certes, sire, nous ne savons

Quel part il est certainement
Pour ce venons cy vrayment
Pour savoir se riens en savez.

HÉRODE.

Hé! gens estez bien devez
Qui quérez et ne savez quoy.
Maistres Hermès, parlez à moy.
Avez oy que cilz me dient,
En ce que trouver il se fient
I. enfant qui est roys dez roys?
Ainssy le dient-ilz touz trois.
De ce fait cy moult me desplaist,
Car ilz ne scevent où il est.
En savez-vous nulles nouvelles?

HERMÈS.

Sy fais sire, mès ne sont mie belles
Pour vous; car nez est en Judée
I. enfès en Bethléem la lée :
Ainsy le vous dy et raconte.

HÉRODE.

Que sces tu? Or le dy et le conte
Ou le chief tè feray hoster.

HERMÈS.

Volentiers, sire; sanz doubter
Vous en diray ce qui m'en samble
Et croy qu'en verrez bien l'exemple.
Il est escript par le prophète
Ceste raison sy complète :
Tu, Bethléem terre juise,
Tu qui es en petit fuer mise

Entre lez princes de Judée,
Terre petite est apelée,
Certes de toy .i. roy ystra
Qui tout Ysrael gouvernera ,
Son pueple et gistera d'essil.
Et je croy que ce est sil
Que cilz .iiii. roys vont sy quérant ;
Et sachiez bien certainement
Que le monde à luy feront croire,
Et diront en parolles voire
Que cilz enfès est roys du monde ;
Et trestout tendra à la raonde.
Sy regardez qu'en voulez faire

HÉRODE.

Ce fait cy ne me puet plaire.
Seigneurs, .iiii. roys, venez avant :
Quant vous aurez trouvé l'enfant
De cuer prié et aouré,
Servi, amé et honouré,
Je vous pri, retournez par cy.
G'iray à luy crier mercy,
Car sachiez, je suis désirant
De aourer le roy puissant,
Et me sachiez dire au retour.
A luy yray sanz nul séjour,
Gardez qu'en cela n'ait deffaulte.

MELCHION.

Sy ferons nous sanz nulle faulte ;
Tantost retournerons par vous,
Car certes n'i a nul de nous .

Qui voz plaisir ne vouldist faire.

HÉRODE.

Gardez ne faictes du contraire
Et pensez tost du revenir.

BALTAZAR.

Hérode, à vostre plaisir.

Cy s'en voient et quant ilz sont hors de Hérode, die Jaspar :

JASPAR.

Beaulx seigneurs, entendez à moy :
Nostre estoille plus je ne voy ;
Sy en suis forment esbahis.

BALTAZAR .

Certes mes cuers est amesris
De ce qu'entre nous sy trestuit
Avons perdu ce hault conduit
Qui nous conduisoit et menoit.
Nous avons fait ce qui esnoit
A cilz qui le conduit et maine :
Je me dout que pis ne nous viengne.
Las! où pourrons voie tenir?

MELCHION.

Seigneurs, sy vous vient à plaisir
Metons-nous touz .iii. à genous ;
Sy prions bien à Dieu pour nous
Par quoy l'estoille nous renvoie
Et que chascun de nous la voie;
Et ly prions dévotement
Qui nous donne conduisement
Que ne savons mais où aler.

JASPAR, à genous.

Vrais Diex en qui n'a point d'amer,
Vueilles nous 'secourir sy te plaist.
Perdu avons dont nous desplaist
L'estoille qui nous conduisoit,
Et en Oriant nous menoit :
Sy ne savons qu'avons meffait.
Vers toy quant vais au deffait
Si te prions doulz roys dez ciex
Qui es vrais sires et vrais Diex
Que l'estoille tu nous renvoiez
Que envoié tu nous avoiez,
Par quoy nous te puissons trouver
Et tout nostre fait achever.
Car moult grant désir en avons ;
Méz plus aler nous ne savons,
Perdu avons nostre lumière.

BALTAZAR.

Seigneurs, or faisons bonne chiére ;
Je voy l'estoille raparoir.
Or la povez-vous bien véoir,
Car cilz veult que nous la véons,
Seigneurs, qu'entre nous sy quérons;
Car point ne nous a oubliez.

MELCHION.

Il nous a moult bien desliez :
Louez soit-il de cest affaire !
Sy ne voulons demeure faire,
Et penssons fort de l'alcr.

JASPAR.

S'à mon souhet povet aler,
Nuit et jour d'aler ne feroie.

BALTAZAR.

Certainement aussyouldroie.

MELCHION.

Cheminons; que Diex nous conduise !

JASPAR.

Alons et jà riens ne nous nuise !
Et ne cessons tant que nous soions,
Et que l'enfant trouvé aions !

Cy voient .I. tour ou .II. enemy le champ et puis die Baltazar.

BALTAZAR.

Beaulx seigneurs, entendez à moy,
Et arestez .I. poy en quoy.
Laissiez me dire mon désir
A celui que là voy gésir
Comme enfant ès bras d'une femme
Qui pain d'ange à homme samme.
Sur luy est l'estoille arestée
Qui de nous a faicte la menée.

Puis s'agenoille devant Nostre-Dame, et puis die :

Sires, enfès en humanité,
Roys des roys en divinité,
Nez sà jus de mère sanz père,
Mais lassus de père sanz mère ;
De mère nez temporelment,
De père perpétuellement,
A roy dez roys, mercy vous cry.
Mon cuer vous doin, ainssy le dy

De bouche et sy vous fais homaige.
Et en signe de ce vous ai-ge
Du plus bel de tout mon trésor
Qui voir est ; j'apporte de l'or,
Car or sy appartient à roy.
D'une part, je voy sy l'aroy
Où vostre amour vous fait descendre
Qui fait votre mère almomie prendre
Pour prester vous necessitez,
Car vos enterimes povretez
Avez espousée et enprise.
Dame qui messire tant prise.
Qui ne puet plus, prenez cest offre,
Et sy le metez en voz coffre :
Bien fut nez cilz de qui vous prenez,
Car à .c. doubles le rendez.
A vierge mère et du ciel dame,
A vous me rens et corps et âme
Comme ma dame souveraine
Et de toute douceur fontaine
Et porte de miséricorde,

NOSTRE-DAME.

Mon filz vous doint paix et concorde
Et ly plaise en gré recevoir
Le don que ly avez fait de voir !
Regardez, mes enfès Jhesus,
Cez .iii. roys qui sont venuz,
Vous véoir de longues contrées.
Seigneurs, or nous soient nommées
Lez terres dont venistes cy.

BALTAZAR.

Dame, dame, pour voir vous dy
Paiens sommes de longue terre
Qui vostre filz venons requerre.
Je suis Baltazar, roy d'Arrable,
Et sy Jaspar, roy imparable,
Et Melchion roy de Sezille
Qui maint bourc tient et mainte ville :
Ainssy est-il certainement.

MELCHION.

Hé ! trez-doulz roys du firmamant,
De tout mon' cuer servir vous vueil ,
Amer, doubter, plus que ne suel ;
Car je voy tout pour certain
Que vous estes roys souverain.
Sire, enfès en humanité,
Rois des roys en divinité,
Grant fin et grant désir avoie
De vous véoir, plus ne désiroie.
Or suis-je venuz à m'entente
Tant suis alé par bois, par sente.
Offrende vous fais d'encens,
C'est une odeur qui très-bon sent.
Ceste boîte sy toute plaine
Vous offre à vostre demaine :
A vous appartient bien tel offre.
Dame, metez-le en voz coffre,
Et ly priez, Vierge pucelle,
Dame, royne, humble encelle

(1) Encelle, *ancilla*, servante.

Car il li plaise par sa grâce
Que de mez maulx pardon me face
Et que sains et saulz nous conduise,
Et que nulle riens ne nous nuise.
Vierge mère et du ciel dame,
A vous me rens et corps et âme
Et à vostre filz que vous tenez.

NOSTRE-DAME.

Royz, cilz à qui le donnez
A cent doubles le vous puist rendre !
Filz, or vueullez en bon gré prendre
Lez dons que cilz vous ont offert.
Cilz n'est mie fol qui vous sert
Ainçois a bon entendement.

JASPAR.

Glorieux roys du firmament,
Ne pourroie plus tenir
Que ne disisse mon plaisir,
A vous sire, qui couchiez estes
Sy povrement entre ces bestes.
Premier estes sans commandement,
Darrain sans point de finement,
Vie sanz mort et jour sanz nuit,
Voie à droit port, vrais en conduit.
Je confesse voz déité
Et la vraie humanité
De vous, sire, mez grant désir
Avoie moult de vous véir.
Or ay tant alé et venu
Que à vray port je suis venu.

Sy vous présente en vos demaine
Ceste boîte de mirre plaine :
Grant vertu a cest oignement
Je le vous dy certainement.
Si vous prie, dame débonnaire
Qui à nulluy n'estez contraire
Que retenez cest présent cil
Que j'ay offert à vostre filz,
Et ly priez, vierge Marie,
Que vers lui point je ne varie
Et nous remaint à sauveté.

NOSTRE-DAME.

Seigneurs, sachiez pour vérité
Que vostre plaisir je feray
Et mon chier filz je prieray
Pour vous en lui requérant
Qu'entre tous malx vous soit garent.
Doulz Diex, doulz roys, doulz filz de gloire,
Vous vueilliez avoir en mémoire
Cez .iii. roys qui cy sont venuz
De loing pais entretenuz.
Beaulz dons vous ont cy aportez ;
Assez ont eu de povretez
Pour vous, bialz filz, en vous quérant.
Or leur veulliez estre garant,
Filz dont délivre fu sanz paine
Et com Vierge pure et saine.
En nom de vous prendray cest offire
Que bien doit estre mis en coffre,
Et vous prie très-doulx bialz liex

Qui estes pères et vrais Diex
Que cez predommes qui cy sont
Qui leurs prières à vous font
Que lez gardiez d'encombement
De mal, d'ensnuy d'enpeschement :
R'aler veullent en leur païs.

JOSEPH.

Seigneurs, ne soiez esbahis,
Car cilz pour qui cy venuz estes
Que cy véez entre cez bestes
Vous donrra dez biens à plenté
Et vous remenrra à santé
En voz païs certainement
Que sires est du firmament.
Sy ly priérons moy et Marie
Qu'à touz .III. vous soit en aïe
Et vous remaint à sauveté.

NOSTRE-DAME.

Mon filz leur donrra à plenté
De ce qu'il y vont requérant.
De touz maulx leur sera garant,
Car moult bien deservy l'ont
Que de loing païs venuz sont :
Cilz s'en veullent tantost r'aler.

JOSEPH.

Travaillez sont de tant aler ;
Sy prie Dieu dévotement
Qui lez conduise à sauvement,
Car ilz n'ont mie estez avers.
Certes beaus dons ly ont offers ;

Syleur sera bien guerdonné.

NOSTRE-DAME.

Cilz à qui il ont le don donné
Leur rendra bien quant temps sera.
De leurs maulx lez alégera
Car mon filz est miséricors.

BALTAZAR.

A vous me rens d'âme et de corps,
Saine royne de tout le monde,
Vierge en qui tout bien abonde;
A vostre filz nous commandons
Et en sa grâce nous metons :
Dame, prenez à vous l'ottroy. *

MELCHION.

A vous prenons congié tout troy ;
Priez vostre filz qui soit garde
De nous, car certes moult nous tarde
Qu'en noz pais nous en aillons.

JASPAR.

A Dieu, dame vous commandons ;
Congié prenons de vous, Marie ;
Sy vous requier Vierge et dépie
Que nous veulliez avoir en garde,
Car vrayment forment nous tarde
Que nous soions en noz pais.

NOSTRE-DAME.

Seigneurs ne soiez esbahis,
Car cilz qui tout tient en ces mains
Vous conduie et sauls et sains
- En voz pais sans vilénie.

JOSEPH.

Certes ilz n'y fauldront mie ;
Car il a reçu à volenté
Le don qu'ilz ont cy présenté.
Cy priérons noz filz et noz père
Qui lez garde de mort amère
Et lez remaint saulz et senez
Ès païs dont ilz furent nez
Et leur doint la joie parfaite.

Cy s'en voysent les .III. roys.

NOSTRE-DAME.

Joseph ce que dictes me hete ;
Pour ~~que~~ je prie mon chier filz
Que ces .III. roys veulliez conduire
Que riens qui soit ne leur puist nuire.

BALTAZAR.

Seigneurs, entendez mon plaisir :
Acomply avons noz désir
Que tant a veoir covetasmès
Et moult de cuer ly en priasmès.
Sy vous diray que nous ferons :
Par Hérode nous en yrons,
Car ainssy nous ly promismès
Quant de luy nous départismès
Et ly conterons nostre affaire ;
Car certes moult ly devra plaire,
Et pour certain grant joie aura
Quant retourner il nous verra
Que l'enfant à veoir convete,
De l'aourer forment ly hete.

Si vous diray que nous ferons :
.I. pou ycy nous dormiro n s
Et certes ainssy je l'octroy,
Car traveilliez sommes touz troy :
Pieça ne finasmes d'aler.

MELCHION.

Baltazar, bien ferons de l'aler
Par Hérode la droicte voie,
Mais avant que plus nous esnoie
Je lou que dormions .i. petit;
Car certes, j'en ay appétit.
Forment nous sommes traveilliez,
Puis quant nous serons raveilliez
Tout droit nous mettons au chemin,
Et Dieu en louerons de cuer fin,
Et après à Hérode conterons
Tout ce que trouvé nous arons,
Car tenir devons nos promesses.

JASPAR.

Tenir nous fauldra lez adresses,
Mais reposer nous fault avant,
Car nous sommes touz récréant.
De cy dormir suis bien d'acort,
Car nous avons fait le plus fort
Et puis s'iron s en nostre affaire
Qui bien à Hérode devra plaire.

Cy facent samblant de dormir jusques l'ange ait parlé.

DIEU LE PÈRE.

Gabriel, entens à moy ;
Dire te vueil sanz plus d'esnoy

J'ay bien entendu ma mère
De moy prier n'est pas amère,
Et m'a requis pour .iii. predommes
Dez quelz servy esté nous sommes
Et sont venuz de loing païs
De riens n'ont esté esbahis
Et n'ont mie esté avers,
Ainçois ont leurs trésors overs.
Offrende ont fait à mon filz
Que j'ay transmis ou monde essis.
Cez roys sy li ont fait présens
Or, mirre avec encens,
Et viendrent par le roy Hérode
Qui a le cuer félon et rode.
Cilz leur pria qui retournassent
Par luy quant il repassassent ;
S'ilz y vont morir lez fera,
Aultre vengeance n'en penrra.
S'iras à eulz et leur diras
Et de par moy leur deffendras
Que par Hérode ne se revoisent,
Mais par aultre lieu sy s'en voient.
Ma mère m'en a bien proié ;
Por ce vueil qui soient avoïé
Par aultre lieu, car obair
Doy à ma mère; à son plaisir
Faire comme filz et sy ferai-ge :
Jà de riens encontre n'irai-ge
De nulle riens qu'elle me prie ;
Et ce veul bien que chascun m'oïe :

Qui père et mère ne honorera
Il soit certains de mort morra
Et sy vendra à maise fin.
C'est la conclusion et la fin :
Qui deshonore père et mère
Il est raison qui le conpère.
Sy te diray que tu feras :
A cez .iii. roys tu t'esyras
Et leur nunceras de par moy
Que du tout obaïssent à moy :
Sy t'en va tost sanz plus d'arrest.

GABRIEL.

Certes, Sire, je suis tout prest
A faire voz commandement.
Au roys m'en voys appertement
Eulz anuncier ce qu'avez dit :
Point je n'iray au contredit.

Cy voise au .iii. roys et die :

Seigneurs .iii. roys de grant bontez ,
N'aiez voz cuers espoventez ,
Car Diex ly pères à vous m'envoie.
C'est cilz qui de touz malx nestoie,
Commectez-vous en sa puissance :
D'erreur en vraie cognoissance
Vous avez son filz aouré,
Sy en devez estre honnouré.
Il ne veult pas que périssiez
Ne que point d'encombrier aiez ;
Sy vous diray sanz parabole,
Entendez bien à ma parole,

L'aultruy quant vintes par Hérode
Qui a le cuer félon et rode ,
Vous ly demandastes le roy
Nouvel né, que en bonne foy
Le quériez pour luy aourer ,
Grant fin aviez de ly honorer.
Il vous dist que retournissiez
Par luy et faulte n'y fissiez ,
Et qui le vendroit aourer ;
Il ment, mèz murtrir et tuer.
Et savez tant qu'avec luy fustes
Oncques l'estoille n'aparceustes.
Sy vous mende Diex nostre Sire
Qui est bon phisicien et bon mire,
(C'est cilz qui de touz malx nestoie ,
C'est celui qui touz biens envoie),
A touz .iii. vous mende salut.
Sy vous anunce qu'au retour
Vous en ailliez par aultre tour ;
Certes point ne se forvoie
Qui va bon chemin et bonne voie.
Or avez-vous commancié bien
A son vouloir sur toute rien ,
Mèz après bon commencement
Faut-il bien bon définement.
Percéverez touz jours en bien,
Et amez Dieu sur toute rien :
Qui Dieu amera de cuer fin
Dieu aura et gloire sanz fin.
Icy ne feray plus d'arrest :

De Dieu servir soiez tout prest ;
A Dieu soiez, mez bons amis,
Tout droit m'en vois en paradis.

Cy s'en voise et Baltazar se lievé et die :

BALTAZAR.

Ha hay ! seigneurs, véez cy merveilles ;
Oncques mais n'oy lez pareilles.
Je vous dy bien certainement
J'ay entendu en mon dormant
.i. angle qui est descenduz
Du ciel et nous a deffenduz
Que par Hérode ne retournons
Que malvaiz loier en arons.
C'est .i. tirant de maise vie
Il nous feroit perdre la vie :
Tourner nous fault par aultre voie.

MELCHION.

En mon dormant bien l'entendoie ;
Sy loons Dieu de cest affaire
Qui bien nous doit à touz .iii. plaire :
Il ne veult pas que périssons
Ne que par ce traistre nous aillons,
Car tous .iii. morir nous feroit.

JASPAR.

Certes bien faire le pourroit,
Car c'est .i. roy de grant emprise ;
Faire en pouroit tout à sa guise.
L'ange nous a bien deffendu,
En mon dormant l'ay entendu ;
Si obaissons du tout à Dieu.

Et en allons par aultre lieu,
Car bien devons demener joie.
Loez soit cilz qui tout avoie
Sy ne faisons plus cy d'arrest.

BALTAZAR.

Alons nous en, je suis tout prest.
Que le vray Dieu nous conduise !

MELCHION.

Nulle riens qui soit ne nous nuise
Et aler puissions à droit port !

JASPAR.

Le vray Dieu nous soit confort.

Cy voient où ils vourront.

LE SEMEUR.

Grant temps a que je oy dire
.I. proverbe à .I. grant sire,
Et sy disoit, bien m'en souvient :
Qui veult menger ouvrer convient
Sy n'a rentes qui le soustiegne
Dont blé et vin souvant ly viengne,
Il n'est roy, duc ne emperière
Tant soit sage de grand manière
Qui sanz peine povist avoir :
Pour ce fault faire son devoir.
Qui touz jours en quoy se tendroit
Oiseure, sy l'afammeroit.
Diex dit : « aide toy, je te aideray,
Ou se senon je te fauldray ;
Car cilz qui aidier ne se veult
En grand poverté de fin se treult ,

Pour ce doit l'en grant paine mectre
En labourer et entremectre.
Pour ce me fault-il labourer
Et ma chevance recouvrer.
Du blé feray en ceste terre :
Aucune chose me fault aquerre.
Commencier veul tout maintenant,
Puis semeray incontinant.

Cy face semblant de labourer.

HÉRODE.

Maistres Hermès, entendez ça :
Nous avons atendu pieça
Cez .iii. roys qui par cy vindrent.
Certainement pour fol me tindrent
Quand avec eulz je n'envoiaï ;
Certes ne sçay que j'en feray.
Troublez en suis certainement :
Or me dictes appertement
Que j'en feray, conseilliez m'en.

HERMÈS.

Se Diex me met en très bon an,
Sire, ne sçay que ce puet estre ;
Je croy qui n'ont pas trouvé l'estre
Encoire où ly enfès est nez.

HÉRODE.

Certes j'en suis touz forsonnez.
Je vous diray que nous ferons :
Lez passages garder ferons
Et la ville sera gardée
De bonnes gens et bien armée.

Sy ne nous pourront eschaper :
Ainssy seront-ils atraper.
Ça, gens d'armes, venez avant ;
Aler vous fault incontinant
Garder lez pors et la cité,
Et se .iiii. roys d'iniquité
Passent, par aucune meschance
Arestez lez sanz destriance,
Amenez lez appertement,
Sanz y faire arrestement :
Gardez qu'en cela n'ait deffaulte.

Humbrouet et Hapelopin ensamble dient, et soient armez bien :

Tantost yrons sanz faire faulte
Et tout vostre plaisir ferons
Que moult grand désir en avons.

Cy facent semblant de aler garder jusques le semeur ait parlé.

LE SEMEUR.

Dès ors mez ne vueil plus attendre :
Mon champouldray ycy comprendre,
Semer leouldray maintenant
Sanz y faire arrestement.
J'ay oy dire en .i. proverbe,
Chascun le scet bien par le verbe :
Qui non laboras non menduces.
Plus neouldray faire pereces,
Semer le vueil sans alentir.

HUMBROUET.

Je me vueil de cy partir ;
Hapelopin, entens à moy.

Cez roys venir point je ne voy.
Grant pièce esté avons ycy :
Certes point passez ne sont cy.
A Hérode nous en r'alons
De cez roys à luy nous doulons.
Or en alons appertement.

HAPÉLOPIN.

Atendu avons longuement,
Et sy n'avons trouvé nulli
Qui point passez soit au jour d'ui.
Cez .iii. roys point passez ne sont,
Ne scay ce par aultre chemin vont
Sy alons conter et retraire
A Hérode tout nostre affaire ;
Ne scay pas sy li desplaira.

HUMEBROUET.

Certes, je croy que cy fera.

Cy voient à Hérode et die :

HUMEBROUET.

Hérode, roys de grant puissance ,
Retournez sommes sanz doubtaunce ;
Trouvé n'avons certainement
Cez .iii. roys qu'alez demendant,
Dont certes trop fort nous esnoie.
Retournez sont par aultre voie ,
Bien nous ont fait faire la muse.

HÉRODE.

Vecy pour moy une orde ruse :
Maistres Hermès, parlez à moy ;
Maintenant suis en grand effroy

De ces .iii. roys que j'ay perdus.
Longuement lez ay attenduz,
Sy ne sçay que j'en doie faire.
De ce fait cy ne me puis taire :
Conseillez m'en isnellement.

HERMÈS.

Je vous diray certainement
Et bon conseil je vous donrray
Tout le meilleur que je pourray.
Vos gens d'armes prenez errant ;
Envoyez lez incontinant
En Bethléem, celle contrée
Là où sera la renommée ;
Où seront trouvez petiz enfans
En soubz l'aage de .ii. ans
Soient tuez et mis à mort
Et qu'à nulz ne facent acort ;
Car ce cilz enfèz vit et règne
Il vous destruira vostre règne :
Sy conseille que tuez tout.

HÉRODE.

Par Mahon, je feray trestout
Occire sanz nulz esparnier.
Sà, Humebrouet le premier,
Et Hapelopin touz ensamble,
Dire vous vueil ce que me semble.
Alez vous en sanz plus d'arrest
En Bethléem et soiez prest,
Et me tuez touz lez enfans
Dessoubs l'aage de .ii. ans,

Et gardez bien sanz faire acort
Que il soient touz mis à mort ;
Et ce l'enfant povez trouver
Que lez roys aloient aourer
Que tantost et ysnellement
Le m'aportiez hastivement,
Ou que j'en aie ou bras ou elles
Que plus ne régnera soubz mez elles.
Alez y tost sanz faire arrest.

HUMEBROUET et HAPELOPIN ensamble.

Certes, sire, nous sommes prest
A faire voz commandement :
Tantost yrons appertement.

DIEU le père.

Raphael, vien sà tost à moy ;
Va-t-en bien tost sanz nul desnoy
A Joseph et ly va nuncier
Qui s'en voise sanz plus targier
En Égypte, lui et Marie,
Car Hérode a grand envie
De faire mon fils mectre à mort ;
Mez je li donray bien confort.
Il a commandé lez enfans
Dessoubz l'aage de .ii. ans
A mettre à mort sanz demorée
Tout contreval celle contrée,
Car courreciez est durement
De ces .iii. roys certainement
Qui retournent ne sont par luy :
Sy en morra à grand esnuy.

Or t'en va tost hastivement.

RAPHAEL.

G'i vois, sire ; appertement
Tantost votre mésaige feray,
A Joseph tout raconteray.

Cy facent semblant d'aler jusques lez diables aient parlé.

BELGIBUS , premier diable.

Bélias, mon beau compaignion,
Entends mon sens et ma raison.
Alons en noz maisons guestier,
Car il en est trop grand mestier,
Et trop bien nous la deffendrons
Ou aultrement nous la perdrons.
Bélias, allons y erraument.

BÉLIAS, second diable.

Tu te doubtez trop malement ;
N'i ay qui nous face tortz.

BELGIBUS.

Oil, voir bien m'en recors.
Cil enfès qui devoit venir
Est venuz, bien devons gémir ;
Car certes mort souffrera
Et puis sy resuscitera,
Puis vuidera nostre maison.
Certes nez est de Marion,
Et Hérode le fait quérir
Pour le tuer et pour murtrir :
Sy ne sçay pas qu'il en sera.

BÉLIAS.

Ly enfez ly eschapera,

Je le sçay bien certainement,
A Joseph mande hastivement
Par son angle que il s'en voise
En Egipte (trop fort m'en poise);
Et qu'il l'emmaine isnellement
Dame Marion et son enfant
Et des mains Hérode sera quite.

BELGIBUS.

Sil enfès est de grant mérite
Et son père le sauvera
Que maintenant pas ne morra.
Devant ce il vendra son point
Et que trestout mettra à point
Ce que son père a ordené
Que trestout ly est abandonné;
Méz une chose me desconforte
De quoy souvant il me recorde
Que nostre enfer il vuidera
Quant de mort ressuscitera.
Sy en suis trestout forsonnez

BÉLIAS.

Nous serons trop bien assinez,
Et assez arons compaignie.
Hérode fait une mesnie
De petiz enfans décoler
Qu'en enfer ferons droit aler.
Sy lez tourmenterons apprement;
Jà n'y aront aligement
Puisqu'il seront en nostre garde.

BELGIBUS.

Bélias forment me tarde;
Assez leur feray de meschief
Que bien en venrons à bon chief.

RAPHAEL.

Joseph, amis, entens à moy,
De riens ne soiez en effroy.
Diex ly pères à toy m'envoie
Et veult que de riens ne t'esmoie :
Sy pren ta fame et ton enfant,
En Egipte t'en va fuiant,
Car Hérode sy fait quérir
Touz lez enfans et fait morir
Dessoubz l'aage de .ii. ans
Qui sont vrais, purs et ignocens;
Quar il est plain de grant desroy
Et cuide tuer le vray roy.
Sy t'en va tost isnellement
Et plus n'y fay arrestement :
De par Dieu le t'ai-je conté.

JOSEPH.

J'ay tout mon cuer espoventé
De ce que j'ay cy entendu ;
Certes j'en suis touz perdu.
Entendez ça à moy, Marie,
Et ne soiez point esbahie.
De cy nous en convient aler,
Car Hérode fait décoler
Sy aval lez petiz enfans
Dessoubz l'aage de .ii. ans :

Nulz n'en demeure en ce pais.
Touz cez sergens y a commis
Et Diex le m'a mended ainssy.
Sy nous fault tost partir de cy
Et en Égypte nous en yrons.

NOSTRE-DAME.

Puis qu'il l'y plaist, nous le ferons ;
Sy nous mettons tost en la voie.
Le vray Jhesus sy nous convoie
Et nous doint venir à bon port
Que nul ne nous puist faire tort ;
Devant moy mon enfant portera.

JOSEPH.

Mon troucelet tantost feray
Et vous monteray sus la mule
Qui pas volontiers ne recule.
Sy nous metrons tost au chemin,
Tantost avant huy que demain.

Cy voient Joseph et Marie tout bellement.

BIÉTRIS, femme.

J'ay .i. enfant de bel affaire,
Biaus est de corps et de viaire,
De tous enfès est ly plus biaux ;
Bien ly feray touz cez aniaux.
C'est tout mon soulas et ma joie :
Certes moult bien son temps enploie
Qui ainssy fait telle porture.

YSABEL.

Bien ay fait noble noriture,
Touz jour tenir je le vouldroie.

Certainement miex ameroie
A morir que il fut mort ;
C'est ma joie et mon confort :
Besier le vueil trestout en l'heure.

BIÉTRIS.

Je prie à Dieu que la bonne heure.
Soit au mien donné maintenant :
Besier le vueil intontinant,
C'est tout mon soulas et m'amour.

YSABEL.

Du mien ne sçay faire clamour;
Regardez con belle toilette!
Bésier le vueil en la bouchete.
Hé Diex! hélas! qui se tendroit
De le amer n'en ne pourroit,
En luy n'aroit sanz ne raison :
Chanter ly vueil de Marion.

JOSEPH.

Dame je vueil .i. pou aler
A se semez à luy parler ;
Demander luy vueil nostre voie.

NOSTRE-DAME.

Alez, Joseph; Diex vous doint joie!
Cy voise Joseph parler au semez et die :

JOSEPH.

Amis prodoms, entens à moy
Et point ne soiez en desnoy;
Parle à nous .i. pou sy te plaist.

LE SEMEUR.

Certes pas ne me desplaist :

Or me dictes que voulez-vous ?

JOSEPH.

Je te prie ensaigniez nous
Par t'amour et par ta mérite
Tout droit le chemin en Egipte,
Et s'aucun après nous venoit
Qui d'aventure demendoit
Se tu as veu passer nullui,
Sy pourras dire à celui
Que tu n'as veu venir n'aler
Ne personne par cy passer :
Amis, vueilles pour nous tant faire.

LE SEMEUR.

Prodoms et amis débonnaire
Je le feray très volontiers
Sé âme vient par cez sentiers,
Que je voy bien qu'estez prodoms.

JOSEPH.

A Dieu frère vous commandons;
A Dieu aiez bonne espérance;
Qu'en bien aiez montepliance
Et vous garde d'enconbrement !

HAPELOPIN.

Avant, compains, appertement;
Penssons bien fort de bésoignier
Et faisons tost sanz espargnier.
Faire nous fault nostre devoir
Se nous voulons le gré avoir
De Hérode le noble roy.
Tuer nous fault par grant desroy

Tous lez enfans que trouverons
Que jà nulz n'en espargnerons
Tant qu'arons tué le hardel
Qui tant de paine et de duel
Nous fait : avant, ne lessons rien.

HUMBROUET.

Avant, compains, vecy le mien ;
De moy sera tost décolez.

BIÉTRIS.

Ha! hay! faulz murtriers, que volez?
Voulez vous tuer mon enfant?
Sanglans truans, larrons puant,
Je vous estrangleray en l'heure

HAPENOPIN.

Certez, maintenant sanz demeure
Je descoleray cestuy cy :
Jamès ne partira de cy.
S'ara la teste copée;
Je ly donrrai telle acolée.
Avant, putain, laissez aler ,
Tantost vous seray si baler,
Or ça bientost en male estraine.

YSABEL.

Diex vous met en male sepmaine
Larrons murtriers ; las ! mon enfant
A faulz malvaiz tristes puant.
Hay! vrais Diex! las! que feray?
Jamais au cuer joie n'auray.
A mon enfant, las! que ferai-ge?
Bien doy avoir au cuer la raige :

Merveilles ~~est que~~ ne me tue.

~~SEYFRAIS.~~

Lasse! le mien ~~forment~~ m'argue
 Lasse meschante ~~mal~~ aheurée!
 De quelle heure fu-ge oncques née?
 A! murtriers, on vous puist pendre!
 Or ne sai-ge quel conseil prendre
 Puisqu'enssy voy mon enfant mort.
 De laide et angoisseuse mort
 Morir m'en fault certainement.

YSABEL.

Je ne puis vivre longuement
 En tel esnuy, en tel tristesse;
 Jamais au cuer n'~~ay~~ léesse
 Quant j'ay perdue toute ma joie.
 Certes plus vivre he pourroie :
 Il me faut morir tout en l'heure.

HUMBROUET.

Sans faire ycy plus de demeure,
 Hapelopin, mon compaignon,
 Je te prie que riens n'espargnon
 Tant que nous aiens mis à mort
 Ce garsson qui nous fait grant tort.
 Tant yrons que le trouverons
 Et la teste ly osterons
 Anssy qu'au aultres avons fait,
 Sans y faire noise ne plait :
 Or en alons hastivement

HAPÉLOPIN.

Je le vueil bien certainement,

Car certes j'ay grant ~~désir~~
Que puisse ce hardel tenir :
M'espée ou corps ly ~~bouteray~~ :
Autre vengeance n'en prendray
Que plus ne vivra, sanz doubtenche.

LE SEMEUR.

Vray Diex que tu as grant puissance !
Semé ay ce blé, maintenant,
Cuillir le fault incontinant,
Car je voy bien qu'il en est temps.

HUMBROUET.

Sà beau prodoms, à nous entens
Et ne vueilliez de riens mentir :
Tu t'en pourroies bien repentir.
Passa-il hui par cy nul âme
Homme n'enfant, varlet ne dame
Qui portassent petiz enfans?

LE SEMEUR.

Certez, seigneurs, je vous convant
C'onques puis que mon blé semay
Personne vu venir n'aler n'ay,
Ne créature petit ne grant.
Or vueil saier mon blé errant,
Certainement plus n'atendray.

HAPELOPIN.

Certes arrière retourneray,
Humbrouet, mon compaignon ;
Faisons bien, tost'sy retournon,
Car plus ne savons où aler.
Piessà ne finâsmes d'aler :

Le hardel ~~trouver~~ ne povons.

HUMEBROUET

Hapelopin, nous ne savons

Ce tuez est certainement.

Alons nous en hastivement

Et à Hérode conterons

Tout ce que fait nous arons.

HÉRODE

Entendez à moy, maistrez Hermès;

Je voy retourner noz gens d'armes.

Bien croy qu'il ont fait leur devoir :

Tout maintenant le vueil savoir.

Devant moy venir lez feray

Et puis sy leur dēmenderay

Ce tué ont ce ribaudel.

HERMÈS.

Se trouvé ont le baltardel,

N'en doubtez, il ont mis à mort :

A lui n'aront point fait d'acort.

Huchier les vueil incontinant;

Sà, gens d'armes, venez avant :

Dictez au roy ce qu'avez fait.

HAPELOPIN.

Certes, sire, sans plus de plait

Le vous dirons ysnellement.

Tué avons certainement

Dez enfans assez à planté,

Que bien aviens la volenté.

Cent et .xlviij. milliers

Avons occis de noz aciers.

Esse bien fait, qu'en dictez-vous ?

HÉRODE.

.i. beau fait avez fait pour nous :
Mez que vous aiez tué l'enfant
Que cez .iii. roys alient quérant
Dictez-moy ce riens en savez.

HUMEBROUET.

Nanil, Sire ; savoir devez
Que point trouvé nous ne l'avons
Et grant paine mis y avons.
Jà du pais estoit partis
Quant de vous fusmes départis
Très donc que lez blez on semoit.
Bon̄s à soier sont orendroit,
Je vous en dy tout mon avis.

HÉRODE.

Hay ! je doiz bien enragier vis,
Du sans yssir et forsonner
Et mon corps tout abandonner.
Fuiez de cy, touz vous tueray,
Ne point ne vous espargneray ;
Car yriez suis durement
De cez .iii. roys certainement
Qui ainssy me sont eschapés,
Que ne lez ay point atrapés.
Morir m'en fault à grant tristesse
Du grant courroux et de détrece
De l'enfant que n'avez tué.
Certes formoyt suis argué,
Morir m'en fault sanz plus attendre.

HERMÈS.

Vueilliez en vous bon confort prendre ,
De riens ne vous desconfortez.
Solaciez-vous et déportez
Puisqu'il ne puet estre autrement.

HÉRODE.

Mestres Hermès, certainement
Mez biens sont trestouz passez ,
Car je ne fus oncques lassez
De mal faire toute ma vie.
Sy ne sçay mèz que je die :
Morir me fault à grant doulour.

BELGIBUS.

Bélias, huy nous croist honour ,
Nous arons noble compaignie.
A Hérode ne fauldrons mie
Que j'ay tant fait pour mon angin
Qu'il vendra tantost à sa fin.
Il ce veult touz viz enragier.

BÉLIAS.

A luy alons sans estargier ,
Et faisons tost, sy nous hastons.
De ce tuer fort l'enortons ,
Sy l'enporterons tout en l'eure.

BELGIBUS.

Or y alons en la bonne heure.

Cy voient parler à Hérode, et die :

BELGIBUS.

Hérode , entens tost à moy
Que diables suis qui viens à toy.

Bien sçay qu'à nous tu ez rendus
Et en noz lieux est atenduz
Fay hardiement, et sy te tue,
Car tu seras en nostre mue.
D'un bon coustel te fier tantost :
Je t'aideray ; or fay bien tost,
Car vivre ne puez longuement.

HÉRODE.

Murtrir me fault tout maintenant,
Ha hay ! alas ! que feray ?
.i. coutel vueil, sy me tueray :
Plus ne vivray certainement.

BÉLIAS.

Nulz ne te voit, fier hardiement,
Boute fort car je ly ay mis.

HÉRODE.

Certez plus ne vueil estre vis ;
Droit en mon cuer en senz la pointe.
Or est ma vie toute estainte :
Ha hay ! ha hay ! le cuer me fault.

BELGIBUS.

Bélias, sà vien à l'asault ;
Vien tost, Bélias, compains,
Cilz c'est tuez à cez .ii. mains.
Voy-le te ; cy il est tous mors,
Prenons son âme et son corps :
Oncques ne fut plus malvaiz hons.
Portons le tost en noz maisons ,
Car il fict sa famme murtrir
Et cez .iii. filz aussy morir ;

Et son père trestout vivant
Fist-il boullir en plon boullant.
Il cuida lez .III. roys tuer ,
Mais contre eulz ne pot arguer.
Puis sy a fait par sa malice
Dez enfans une grant justice ,
.XLIII. mille à grant tort
Décoler et tout mectre à mort.
Or l'enportons ysnellement ,
Sanz luy faire aligement
Que certez bien l'a deservy.

BÉLIAS.

Avec nous sera servi
D'entremés de gros bâtons ,
Et la sauce d'escorpions,
De coleuvres et de serpens :
Ly ferons-nous touz cez despens.
En .i. beau feu l'en metrons :
Autre aligence ne ly ferons,
Or l'enportons sanz faire arest.

BELGIBUS.

Or ça, certez, je suis tout prest
Sy pren de ça et moy de là.
Or ça, de par le diable, ça.

Cy l'emportent en enfer.

DIEU LE PÈRE.

Raphael, amis, entens à moy ,
A Joseph va, dy ly par moy
Qui s'en revoit, sanz faire arrest,
En la cité de Nazareth ,

Et que de riens ne s'ébaie ;
Qui s'en revoit lui et Marie,
Que de Hérode pas ne se doubte ,
Car il est mort sanz nulle doubte :
Or t'en va tost isnellement.

RAPHAEL.

Sire, g'i vois certainement
Et plus d'arrest je n'y feray :
A Joseph bien tost m'en yray.

Cy voise à Joseph, et die :

Entens à moy, Joseph, beau-frère,
A toy m'envoie Dieu le père ;
Son angle suis qui viens à toy
Et sy te mande de par moy
Que t'en voise sanz faire arrest
En la cité de Nazareth,
Et pren ta femme et ton enfant,
Sy t'en va tost incontinant ,
Et prens en toy bon reconfort
Que le roy Hérode sy est mort.
Je m'en vois, plus ne t'en diray.

JOSEPH.

Amis, tantost je m'en yray
Puis qu'enssy Diex le me mande ;
Je feray ce qui me commande
Que c'est raison certainement.
Alons-en tost hastivement ,
Marie, ma très-doulce amie ;
De Hérode ne doubtons mie.
Sy retournons en Nazareth

Et n'y faisons séjour n'arrest.
Or montés, trèz-doulce Marie ;
Ly très-doulz Diex sy nous conduie ,
Car en sa garde nous metons!

NOSTRE-DAME.

C'est bien dit, Joseph; or montons.
De nous aler forment désire :
Loons haultement nostre Sire ;
Devant moy mestray mon enfant.

JOSEPH.

Loer devons le Roy puissant ;
Marie, demenons grant joie.
Or, alons bien tost nostre voie
Que Diex, qui touz nous a formé,
Qui doucement nous a amé,
Nous vueille donner par sa grâce
Qu'en paradis nous aions place.
Sy chantons tant bécus que camus,
Chascun *Te Deum laudamus*.

EXPLICIT.

CY S'ENSUIT

LA PASSION

NOSTRE SEIGNEUR.

.
Deus in adjutorium :

Entre nous tuit déprion
S'il ly plaist qu'il me doint sa grâce
Que tel chose je die et face
Qui nous soit pourfitable à l'âme.
Sy prierons la doulce Dame
De Paradis qui est sa mère,
Qui ot au cuer douleur amère
Quand elle vit son filz offrir
Aus fauls Juifz pour mort souffrir.
Ly Juifz sans nulle déserte
Firent à Dieu grant honte aperte.
Cil qui la bonne créance a
Cy die le *Ave Maria*.

Deus in adjutorium meum :


Aiez tretuit dévotion
Vers Dieu le Roy de tout le monde,
De qui tout bien partout habonde;
Priez-ly que garder nous vueille
Que l'anemy ne nous acueille.
Le sage à propos nous amaine
Une parole bien certaine :
Qui bon maistre sers bon loier atent.
Le doulz Jhésucrist ama tant
Son pueple qu'il se mist à mort,
Pour nous en crois souffrit la mort.
Le souverain roy de pitié
Moult nous monstra grant amitié
Quant pour nous vult char et sanc prendre
En la pucelle Vierge tendre,
Et ly pleut à nestre de fame.
Sainte Marie Nostre-Dame;
Et sachiez tuit communement
Diex n'ot oncques commencement
Ne jamais ne définera.
Diex est et tousjours Diex sera,
Mès en ce temps que vint en terre
Par tout avoir douleur et guerre,
Et tristesse et mortalité.
Savez pourquoy ce mot dit é :
Ou temps de lors cil qui mouroient,
En enfer tout droit avalloient ;
Tuit y alloient, c'en est la somme,
Et li mauvais et li preud'omme.
Cy ot glorieuse nésance

Quant cil qui a toute-puissance
Vint entre nous par sa franchise,
Puis souffrit que sa char fust mise
Pour nous au plus cruel martire
Que nulz puisse conter ne dire.
Or veul venir à ma mémoire :
Du hault seigneur père de gloire,
S'il vous plesoit .i. pou entendre,
S'il vous pleist je vous veul apprendre
Comment Dieu fut mal demenez ,
Vendu , batu, en crois penez.
Les Juifz premier, le menèrent
Chiez Anne où il le lièrent ;
Puis chiez Caïphas sanz demeure
Le menèrent en icelle heure.
Ly Juifz félon plain d'oultrage
Là ly crachèrent ou visage ,
En le détranchant se déduirent,
Puis chiez Pilate le conduirent,
Car tuit vouloient communement
Que Pilate feist jugement
De Jhésucrist le débonnaire,
Mès Pilate nel' vouloit faire,
Car pas n'estoit de sa contrée.
A Hérodes de Galilée
Le fist Pilate droit mener ,
Mez Herodes tost ramener
Le fist, car il ne treve mie
Que il doie perdre la vie ;
Et li vestit l'en robbes blanches ,

Grant mauvestié larges par manches.
Chiez Pilate fut ramenez :
Là fut son corps moult malmenez.
Quant lez Juifz yllec le tiendrent ;
De leurs mauvez gens li aprindrent.
Tantost tout nu le despoullièrent,
A une estache le lièrent,
Couronne d'aubespine firent
Qu'amis sus son chief li mirent,
D'escourgées tranchans et dures
Firent sur lui maintes romptures,
Tant le batirent sanz refraindre
De son sanc font la terre taindre
Que contreval son corps couloit,
Des grans cous sa char se douloit.
Après droit ou mont de Calvaire
Le menèrent ly desputaire.
De clous tranchans gros et quarrez,
Fut Diex pour nous en crois barrez ;
Quant il l'orent bien attachié
Ou visage li ont crachié ;
D'une lance tranchant ague
Fut sa char ou costé rompue ;
Tant d'angoisse souffrir li firent
Que toutes ses vaines rompirent.
Pour nousJhesucrist trop de honte
Ot plus assez que je ne conte.
Ce devez-vous trestuit bien croire
En crois ot-il venim à boire.
Ly faulz Juifz tant le menèrent

Qu'en la crois tout mort le lessèrent.
La Vierge pucelle sa mère
Au cuer en ot angoisse amère.
Pour son filz qu'elle tant amoit,
Par grant angoisse se pasmoit
En li humblement regarder.
Lors la commanda à garder
Diex à saint Jehan en tel manière :
« Jehan, garde-la com ta mère. »
Et quant il fut à mort livré,
Ès mains Joseph fu délivré,
Car Dieu ou cuer li enorta.
Ou sépulcre Dieu enporta
En une digne sépulture;
Là fut de Dieu mis la figure.
D'enfer ses bons amis jetta
Et au tiers jour resuscita,
Et se monstra, chose est certaine,
Premier à Marie-Magdelaine,
Et puis auls autres tuit ensamble.
Pour ce je vous dy qu'il me samble
Que tel Seigneur fait bon servir.
Qui sy bien le scet deservir,
Qui à le servir veult entendre,
Il li scet bien bon loier rendre.
Or ly prions tous sanz faintize
Qu'il nous doint faire tel servize,
Par confesse et par pénitance,
Et par vraie répentance,
Par quoy nous puissions trestuit estre

La sus en la gloire celestre
Fidelium defunctorum
Per secula seculorum,
Amen.



DIEU.

Je vucil aler en Béthanie.
Judas, vien en ma compaignie.
Jehan, Jacque, je vous ensaigne
Que chascun de vous en veigne
Avecques nous isnellement.

S. JEHAN.

Sire, à vostre commandement
Tout maintenant obairons ;
Avec vous volentiers yrons
Et ferons vostre volenté.

JACQUES.

Sire, se Dieu me doint santé
Je ne seray ja traveilliez
De vous servir, mez esveilliez.
Alons-y, car bien m'y acorde.

JUDAS.

Maistre plain de miséricorde,
Trestout vostre vouloir feray,
Car je vous aime de cuer vray,
Sire, car je y suis bien tenu.

SYMON.

Sire, vous soiez bien venu !

Mesiau ay esté, se savez ;
Vostre mercy guéry m'avez.
Chascun vous doit de cuer servir,
Car bien le sevez deservir
Que vous estes plain de pitié.
Je vous pry par grant amitié,
Et de tout mon cuer vous supplie,
Que vous et vostre compaignie
Veigniez reposer en ma maison.

DIEU.

Symon, tu dis bonne raison,
Et je y vois sanz plus demourer,

MAGDALAINE.

Las, meschante, bien doy plorer
Comme pécherresse chétive
La plus qui en ce monde vive.
Plaine suis de péchié d'ordure ;
En punézie de luxure
J'ay vescu toute ma jouvente ;
De péchier ne fu oncques lente
Mais en ay esté tousjours preste.
Vilain, bourgeois, clerc ou prestre ,
Las, trop ay esté fole fame ,
Dont j'ay moult enconbrée m'âme.
Je ay deservy paine et hontage ,
Lasse chétive, que feray-je ?
Dès or est ma vie eunuieuse :
Lasse, tropt suis malheureuse.
Se aincy péusse venir
Je voulsisse bien deffenir,

Mais que je bien confessée feusse
Et pardon de mes péchiez eusse,
Dieu sy le me vueil ottoier.
Vers Jhesus vois pour l'en prier,
De péchié me vueille getter
Et par pénitance acquitter
De mes péchiez, dont j'ay grant somme.
En l'ostel Symon le preudomme
Là est Jhesu, je n'en dout mie,
Et avec luy sa compaignie;
Pardon requerray doucement,
Et de cest très digne oignement
Le corps, lez piez ly en oindray:
Certes, jamais ne me faindray
De servir le doulz debonnaire.
Dy, Malquin, pourroies-tu faire
Que .i. peu parlasse à ton maistre.

MALQUIN.

Par le grant Dieu qui me fist nestre
Je y vois tout maintenant savoir.
Cil Dieu qui fait tout bien savoir
Vous sauve gart et bénéie,
Doulz Maistre, et vostre compaignie!
Là hors vous demande une fame.

SYMON.

Je vois à lui tantost par m'âme
Pour savoir ce qu'elle veult dire.

MAGDALAINE.

Symon, bien veigniez-vous, beau sire;
A vous demander je vouloie

Se ver vous tant faire pourroie
Que je peusse Jhésu véoir.

SYMON.

Cil que vous véez là séoir,
Dame, c'est cil que demandez.

MAGDALAINE.

Beau doulz père, car m'entendez,
Je vien à vous mercy crier
De mez péchiez, et dépriër
Donnez m'en veilliez pénitence,
Car j'ay bien bonne repentance.
Le fez de mez péchiez m'esmaie,
Sire, combien que meffait aie,
Pardon demant dévotement
De cest précieux oignement,
Le chef, le corps je vous veil oindre.
De bonne volanté, sans faindre,
De moy toute vous faiz hommaige.

JUDAS.

Symon, vééz-vous cy grant outrage
De cet oignement respandu :
Miex le vaulsist avoir vendu
Et pris de l'argent pour repestre
Lez povres que oindre le maistre.
Il valoit bien, se Diex me voie,
.ccc. .d. de la monnoie,
Et jamais riens ne puet valoir.

DIEU.

Qui lez povres en nonchaloir
Laissera pas bien ne fera

Et cil qui bien lez amera
Il ne perdra mie sa paine :
Pour vérité le vous tesmoigne.
Touzjours en nostre compaignie
Seront, mez ycy ne seray mie,
Sachiez le tout certainement.
Symon, enten-moy sagement ,
Je t'ay aucune chose à dire.

SYMON.

Dictes vostre volenté, Sire,
Et je bien vous escouteray.

DIEU.

Et tantost le te conteray.

.
Qui ambeduy deniers devoient
A .i. fort usurier riche homme ,
Et .i. en devoit en sa somme
.v. cens deniers pour sa partie.
Ly autre quitte n'estoit mie.
. i. denier en devoit
Mez ensençons trop les grevoit
Et lez faisoit moult esmaier,
Car il n'avoient de quoy paier.
Ly usurier lez clama quicte
Celle somme que je t'ay dicte ;
Quant se virent quitte clamer ,
Lequel dut celui plus amer ,
Respon-moy à ceste demande.

SYMON.

Se Dieu de grant mal me deffende

Cil à qui donna plus grant somme.

DIEU.

C'est droit jugement de preudomme.

Symon, vois-tu cy ceste fame

Qui est triste de cuer pour s'âme?

El a droit et sy a raison.

Entré sui en ceste maison,

Les piez lavez tu ne m'as mie.

Ceste de duël remplie

N'ez fina de laver dèz l'eure

Que vint cy de l'eau qu'el pleure.

Et de sez cheveux lez essuie.

Son service point ne m'enuie.

Car je sui certain qu'elle m'aime

Et qu'en son cuer pitié réclame :

En moy fermement elle croit,

De mez piez baisier ne recroit,

Maint mal pas a pour moy passé.

Or en droit me si lassé,

De son précieux oignement

M'a oing le corps dévotement.

La meilleur part a esleue

Qui ne li sera pas tolue.

Fame, je te truis vers moy bonne :

Touz tez péchiez je te pardonne ;

Ta foi te fait pardon avoir.

MAGDALAINE.

Beau sire, sy a grant avoir.

Que vout m'avez ycy donné,

Quant mez péchiez sont pardonné

Je vous rend grâces humblement
Que autre richesse ne demant.

Lors chante. *chorus vatum.*

Dieu le tout puissans,
De tout bien cognoissans
M'a pour .i. petit don
Rendu grant guerredon
Bien me doy louer de luy.
Doublement desert à celluy
Qui le sert et qui l'onneure :
Je me levay huy de bonne heure.
Quant j'ay tout mon peiché conté
Au prophète plain de bonté,
Quant ma confesse ly o dicte
De mez péchiez me clama quicte :
Je n'ay pas perdue ma paine.

MARTHE.

Tu as bien faite ta besoigne
Méz une chose trop me grieve :
Ladre mon frère point ne lieve.
Par maladie est si grieve
Trois jours a qu'il ne fut levé ;
Je n'y scay quel conseil mectre.

MAGDALAINE.

Sy mandons par bouche ou par lettre
Quérir Jhesu ou je tant è
Trouvé de bien ; s'aura sancté.
Aussy peut il santté donner
Comme il sait péchiez pardonner,
Car plain est de miséricorde.

MARTHE.

Ma suer à ton dit bien m'acorde.
Vallet, Diex te gart de périr !
Va-t'en tantost Jhesu quérir ;
Di li je li pry séens veigne
Je cuide estre toute certaine.

MALQUIN.

Dame, se diex me veult conduire
Bien feray ce commandement.
Marthe vous salue bien doulcement,
De par moy, et sa suer Marie.
Chascune des .ii. sy vous prie
Que le ladre véoir venez
Qui de grief mal est sy penez
Qu'elles cuident que il se muire.

DIEU.

Vallet, Diex te veille conduire :
Va-t'en, car je yray sans mentir
Pour le garder et garentir,
Car du ladre bien me souvient.
Seigneurs, aler il nous convient
Véoir le ladre que tant aime :
Marthe pour lui moult me réclaine ;
Il dort, or l'alons esveiller.

S. JASQUE.

De ce ne vous fault conseillier :
Alez devant et nous après.

MALQUIN.

Marthe, Jhesu, sy est ja préz
De cy; va li ton meschief dire.

MARTHE.

Bien veignez vous, Jhesu, beau sire !
Se eussiez sy esté beau-père,
Pas ne fut mort ladre mon frère :
Pour ly vous envoieie querre.
Or, est-il mort et mis en terre :
Jamez nul bien ne vous fera.

DIEU.

Marthe, sueffre toy qu'il sera
Encor tout vif, dont tu aras
Grant joie quant tu le saras.
Tu le verras prochainement

MARTHE.

Voire au jour du jugement :
Jusqu'à lors ne puet-ce pas estre.

DIEU.

Marthe, j'ay la vertu célestre ,
De ce ne soiez en doubtaunce.
Touz ceulx qui mourront en ma créance
En pou de heure se je vouloie
Resusciter je lez feroie ,
Et ceulx qui en moy croient et vivent
Et le mal pour m'amour eschivent,
Ils aront joie pardurable :
Hors seront de la main au déable.
Marthe, crois-tu ce que je compte ?

MARTHE.

Oïl , se Diex me gart de honte ,
Je croy et suis toute certaine
Qu'en vous est vertu souveraine.

Marie, ma suer, douce amie,
Vien véoir Jhesu, le filz Marie,
Qui nous est venus conforter.

MAGDALAINE.

Jhesu, je ne me puis porter,
Trop me destraint courroux et ire.
Se eusses sy esté, beau sire,
Encore fust le ladre en sancté.

DIEU.

Faitez tantost ma volenté
Et allons à la sépulture.

MARTHE.

Beau sire, sy gist la figure
Du ladre qui tant vous amoit,
Qui tous jours, seigneur, vous clamoit.
En vous s'espérance estoit toute.

DIEU.

Marthe, sueffre toy, sy escoute
Sa sépulture me descuevre
Et je te monsterray bel euvre :
Resusciter je veil ton frère.

MARTHE.

Lessez ester, Jhesu beau père :
Quatre jours a trestous passez
Que mez frères est trespassez.
Il put trop fort certainement.

DIEU.

Marthe, se tu crois fermement
Tu verras miracle divine.
Père, qui vertu enlumine,

Je te doy bien mercy prier
Servir, louer et gracier, n
Car tu faiz tout ce que je commande.
Ladre, vien hors : je te commande
Que tu monstres à tous ta face.

LADRE.

Jhesu, beau père plain de grâce,
Fous sont tous ceulx et toutez celles
Qui ne croient voz vertuz belles :
En vous croist vertu et habonde,
Pouvoir avez suz tout le monde,
Vertus faites en petit de heure,
Sire, quel chière.

DIEU.

Je pleure,
Par ce que je scay bien de voir
Qu'encor te convient recevoir
La mort que tu asjà soufferte ;
Sy aras peine sanz déserte.
De souffrir mort c'est dure chose.

LADRE.

Père, en qui vertu repose,
Puisque m'avez resuscité
Je vous prie par humilité,
Du déable me vieilliez deffendre.

DIEU.

Pierre, Jasque, sanz plus attendre,
Alez ou chastel contre vous
Qui est en la voie contre nous :
Là une anesse trouverez

Liée, vous la deslierez
Et la m'amarrez maintenant.
Se nul la vous treuve amenant,
Qui de riens la vous destorbese,
Dictes ly que il la vous lesse,
Car le maistre veult sus monter.

S. JASQUE.

Bien sarons ce dire et conter,
Sire, se Diex nous gart d'essoigne,
Tout à vostre commandement.

S. PÈRE.

Nostre maistre, mie, ne mant :
Veci l'ânesse que quérons.
Jasque, savez que nous ferons,
Ceste ânesse deslierons.

S. JASQUE.

Bien dictes; je l'enmeneray
Sanz arrester à nostre maistre.

S. PÈRE.

Et je vueil avecques vous estre,
Conpaignie je vous feray.

DIEU.

Bien veigniez, dessus monteray,
En Jherusalem en venrez.
A moy conpaignie tenrrez
Que tendis que je suis en vie,
Je accompliray la prophécie :
Venez en trestous sanz plus dire.

S. JEHAN.

Volentiers vous suivron, beau sire,

Puisque la besoigne est sy preste.
Dessus le dos de ceste anesse
A mettre nos robes i vous plaise,
Car plus en cheminerez aise.
Aussy point de celle n'avons.

Le premier enfant de Ysrael chante sus : *Gloria laus.*

Tu viens cy en nom de Dieu , se savons :
Tu soiez le bien venuz.
Nul ne puet estre maintenus
Sanz toy, sire; sauve nous.

LE SECONT.

Jhesu, tu dois bien de nous
Estre servis et honnourez.
Seigneurs, touz Dieu adorez,
C'est-il sus ceste anesse là.

LE TIERS.

Frère, esten ce mantel de là,
Pour Jhesu, par dessus monter,
Car il vient paier et conpter
Pour trestout le monde.

LE QUART.

Sire où bien abonde,
Filz David, toy servent les angles;
A toy soit honneur et louenges,
Roy d'Israel, tu nous sauveras.

LE QUINT.

Jhesu, tu nous racheteras,
Ce nous recipte l'escripture;
De mal, de pechié ne d'ordure
N'eus oncques cure en ton vivant.

MALQUIN.

Dieu sauve et gart sire Vivant
Et en bien le vueille tenir,

VIVANT.

Marquin, bien puissez tu venir!
Que te fault? me veulz tu riens dire?

MALQUIN.

Je viens parler à vous, beau sire :
Nostre (loy) sera partans morte,
Jhesu nouvelle loy aporte
Et va preschant par ceste terre
Pour nos gens à sa loy conquerre :
Converty en a grant partie.

VIVANT.

Ceste chose ne me plaist mie :
J'en vourroie conseil avoir.

MALQUIN.

Sire, faites .i. grant savoir.
A Anne maintenant yrez
Et à Caïphes, et leur direz
Qu'en ceste chose mettent peine.

VIVANT.

Se le grant Dieu me gart d'essoine
Je leur voiz compter ceste affaire.

MALQUIN.

Et je ne me vueil pas retraire ;
Alons, je vous y vueil conduire.

VIVANT.

Seigneurs, de nostre loy destruire
Ne cesse Jhesu le trahistez

Pour fallourdez que il'a dictes
Et du dire point ne recroit.
Du pueple en lui assez se croit,
Decevoir nous veult et trahir,
De vos gens vous fera hair;
Cecy ne doit-on pas celer
Que filz Dieu se fait apeler.
A nostre grant il fait entendre
Qu'il volt de sa gloire descendre
Pour prendre et char et sanc en fame:
A nostre loy fait grant diffame.
Avec luy va .xii. gaignons
Que il tient pour sez conpaignons;
Touz jours conpaignie ly tiennent,
Avec luy partout vont et viennent.
Ly fol croient et ly meschant
La faulce loy qu'il va preschant.
Par son enchantement getter
Fist le ladre et resusciter;
Ce preschérres que je vous compte
Ne se saint de vous faire honte
Et sus nostre loy met deffence
Pour faire tenir sa créance;
Vous qui devez la loy garder,
Faictez le prendre sanz tarder.
Sy le faictez tenir de rire.

ANNES.

Vivant, je vous ose bien dire
Se longuement regne
Tout convertira nostre regne.

Se le poons à mains tenir
A mercy le ferons venir :
Je m'acorde bien que on le preigne.

CAÏPHAS.

Seigneurs, male honte ly veigne
Par qui la chose demourra,
Et qui Jhesu tenir pourra,
Qui ne ly fera honte apperte,
Car contre nous l'a bien deserte.
Il est escript pour vérité
Qu'il convient de nescessité
Que uns homs muire pour la gent toute,
Jà de ce ne soiez en doubte :
Mez parlons bas ; ne véez vous mie
Judas qu'est de sa compaignie ?
Il nous vient je croy escouter.

JUDAS.

Jà ne vous fault de moy doubter ;
Vers vous ne veil estre trahistes ,
Mèz tout seurement me dictes
Dont est ce parlement tenu.
Puisque je suis sus seurventus,
Je vous ose bien fiancer
Se la chose puis avancer
Jà ne me voirrez arrier traire.

VIVANT.

Judas, de ce que volons faire
Avons .i. pou en toy de doubte.

JUDAS.

Par ma créance vous jur toute

Que courroucié sui à mon sire,
Par quoy vous me povez bien dire
Vostre conseil seurement.
Dictez le moy appertement,
Tantost vostre vouloir feray.

CAÏPHAS.

Judas, plus ne te celeray,
C'est de Jhesu qui tout fausse
Nostre loy et la seue essauce
Et fait à nostre pueple croire
Qu'il est filz au père de gloire :
A le honnir voulons entendre.

JUDAS.

Seigneurs, se vous me voulez rendre
Argent de ly, je le vendré
A vous et plus n'y attendré :
Achetez le et me paieez.

VIVANT.

Judas ne soiez esmaiez :
Se ceste chose puet faire
Que nous aiens le depputaire
De l'argent auras bonne somme.

JUDAS.

Je croy que vous estez prodomme,
A vostre gré m'en paierez ;
Mèz escoutez que vous ferez.
De voz meillieurs sergens mandez
Et asprement leur commandez,
Que chascun ait espée bonne :
C'il venoit aucune personne

Qui Jhesu voulsist revanchier
Que on le puist tout detranchier :
De loing me suivez sanz mot dire
Et je yray droit baisier mon sire,
Voians touz eulz en son visage.

VIVANT.

Judas, sy a parole sage.
Je te pry que vueillez entendre
A ton maistre en noz mains rendre.
.xxx. pièces d'argent par compte
Te don, pren lez, n'en aiez honte
Judas, beau frere, or lez estuie.

JUDAS.

Et je lez prenz point ne m'ennoie :
Sy lez pendray à ma courroie.
Seigneurs sachiez que je vourroie
Que voz sergens ycy fussent
Et leurs armeures eusses :
Sy entendroie à cecy faire.
La monnoie me doit bien plaire,
De quoy mon maistre est venduz ;
Or m'est le disme bien renduz
De l'oignement dont on l'ongny.
Trop grant dueil au cuer m'en poigny
Quant l'oignement je vy respandre
Sur ly, qui l'eut porté vendre.
Trois cens deniers moult bien valoit ;
Bien savoie que mal alloit
Quant Magdalaine le donna.

VIVANT.

Judas, en toy vallet bon a :
Chevaliers envoie ray querre
Touz lez plus fors de ceste terre.
Vallet va dire appertement
Pinceguerre que le dement
Pour son profit et pour s'onneur.

MALQUIN.

Se Dieu me gart de deshonneur,
Volentiers feray ceste voie.
Pinceguerre, Vivant vous prie
Qu'à ly vegniez mēz qu'il vous plaise.

PINCEGUERRE.

Commant ? est-il dont à malaise ?
Je y voiz ; se nul l'a deffié,
Je le rendray pris et lié ;
Commant qu'il aille en sa maison
Vous a nulz hons fait trahison,
Quel qui soit ou monde vivant,
Dictez le moy, sire Vivant ;
Maintenant venchiez en serez.

VIVANT.

Or y parra que vous ferez
Appertement ce que vous dictez :
Jhesus le mauvaiz faulz trahistez
A, foy que je do y ma santé,
Trestout ce païs enchanté.
Qui plus vivre le lessera
Nostre loy pardue sera,
Car je vous dy pour vérité

Que le ladre a resuscité.
Il a trop fait de mauvestiez,
Je vueil que pris soit et guestiez.
Sy vous dy que riens ne me pris
Se .ii. bons chevaliers de pris
Avecques vous ne me bailliez.

PINCEGUERRE.

Je ne doubte pas qu'i failliez.
Je m'en voiz; quant je revenrrai
Bons chevaliers vous amerray.
Or, auz armez, Baudin, Mossé,
Chascun de vous ait endossé
Son habert et s'espée pregne;
Chascun de vous avec moy vegne :
Gardez que plus n'y attendez.

BAUDIN.

C'est fait, puisque le commandez,
Nous .ii. ferons vostre plaisir.

MOSSÉ.

Je vueil ce bon boucler cesir
Qui pour coups ne puet desmentir.

PINCEGUERRE.

Jà Dieu ne vueille consentir
Que nous reveignons sanz bataille.

VIVANT.

Pinceguerre, Dieu ne te faille
De chose que tu ly requières,
Ains te doint toutes tez prières.
Tu me faiz au cuer grant léesse
Quant je voy après toy la presse

Qui te suit de chevalerie.

PINCEGUERRE.

Par ma loy vous ne boudez mie ;
Or povez bien commant qu'il aille
Hardiment faire bataille,
Tuit en sommes entalenté.

ANNE.

Je pry Dieu qu'il vous doint santé
Et vous doint grant honneur avoir.

PINCEGUERRE.

Beau sire, nous voulons savoir
Que nous ferons puisque cy sommes.

VIVANT.

Droit est, bien resamblez prodomme
Et je vous vueil la chose dire :
Judas nous a vendu son sire.
Avecquez lui vous menera ;
A celly que il baisera
Tout maintenant sy ly prenez.
Quant pris sera sy le menez
Droit sus Anne, car moult ly tarde
Qu'on le pende, ou tut, ou arde,
Ou chiez Caïphes nostre maistre
Allez ; Dieu doint que prist puis estre
Et que se soit prochainement !

BAUDIN.

Nous le ferons hardiement
Et maintenant sanz délaier :
De ce ne vous fault esmaier ;
Mais, Judas, fay sy ta besoigne

Que pour, toy n'aion point d'essoigne,
Car se nul le veult revenger
Je le vouray tout detrancher :
Or en alons, Judas, beau frère.

JUDAS.

Foy que je doy l'arme mon père,
Bien feray la chose sanz doubte :
Vous me suivrez de loin par route.
Par trahison le beseray
Et .i. faulz rîs ly getteray,
Et puis tantost le venez prendre
Et au maistres de la loy rendre.
Quant pris l'aurez je seray quittez.

MOSSÉ.

Tu as bonnes parolles dictez,
Judas, sachez que c'est affaire
Car plus fort, vourrion bien faire,
Et nous deust on dévorer.
Malquin veulz tu demourer?
Vien-t-en veoir prendre le glouton.

MALQUIN.

Je voiz ne le prise un bouton
Et de moult puts jeus ly feray,
Et ceste corde porteray,
Et ma lance en ma main tenray ;
Car se je puis je l'amenrray
A noz maistres pour le destruire.
Sachez qui nous y venroit nuire
Ne qui requerre le vourroit
De la mort venter se pourroit :

Couper ly vourroie la teste .

JUDAS.

Encore n'est pas la chose preste
De le maintenant aler penrrre.

CAYPHAS.

Quant dont?

JUDAS.

Ce vous veil apenre :

Pour la chose estre plus seure
Vous le penrrrez par nuit obscure
Quant gent seront à se grisé.
Et pour estre miex avisé
De lanternez garniz serez
Qu'avecquez vous aporterez
Par quoy pourrez miex aviser
Celui que voulez justiser.
Il est bien temps que je m'en aille,
Pour ce que son juger ne faille.
Sy m'atendrez quant revendré ;
Avecquez moy vouz amenrray :
Je ne feray pas grant demeure.

CAYPHAS.

Or va, Judas, en la bonne heure
Et garde bien qu'il ne s'en fuie,
Car sa vie forment m'ennuie.
Avez vous bien Judas oy ?
Vous devrez bien estre esjoy,
Se assener povez ceste prise
Que la char du glouton soit prise.
Attendez le sy qu'il vous truisse

Par quoy excuser ne se puisse
De rien qu'il soit en nulle guise,
Et sachez que vostre servise
Chascun de deniers tout ara,
Que tous jours bon gré m'en sara,
Je le vous promet et convence.

PINCEGUERRE.

Sire évesques, et je me vente.
De quelque heure que Judas veigne,
Ne trouverons riens qui nous teigne
Que n'y ailliens sanz plus attendre
Penrre son maïstre pour vous rendre :
Ce vous promet-je tout de voir.

SYMON.

Malquin !

MALQUIN.

Sire ?

SYMON.

Dy me voir

A-il point d'yaue ou pot de terre ?

MALQUIN.

Nenny, voir.

SYMON.

Or en va querre

Et garde que tantost revegnez

Que de toutes putes estrainez

Soiez tu au jour qui estrenez.

MALQUIN.

Sire, trop mal me demenez.

Se avez à .i. pou d'yaue failly

M'avez ore sy mal bailly.
 Certes oncquez m'ez n'y faillistez :
 Je croy que her soir la respandistez
 Quant vous vous allastes couchier,
 Car je vous vy au pot touchier !
 Ditez, voulez-vous que je y voise ?

SYMON.

Oil va et lesse ta noise :
 Je vourroie jà qu'en eusse.

MALQUIN.

Et je vourroie jà que j'en feusse,
 Foy que je vous doy, revenu.

DIEU.

M'ez disciplez, je suis tenu
 A vous garder et garantir :
 Or sachiez trestous sanz mentir
 La sainte Pasque aproche mont (1),
 Vous devez estre tous semons
 A ma cène n'y failliez mie
 Que ne m'y teignez compaignie.
 En Jherusalem vostre voye
 Sera ; allez, que Dieu vous voye.

(1) *Mont* pour *mout* ou *moult* (multum). On trouve un exemple de cette modification faite pour la rime dans ces vers de la *Chanson des ordres*, satire très-piquante contre les religieux, due, au véritable Rutebeuf :

Béguines a on mont (pour *pas a moult*)
 Qui larges robes ont ;
 Dessous les robes font
 Ce que pas ne vous di, etc.

Entre vous .ii. Jehan et Pierre ,
Mez la maison n'est pas de Pierre
Où vous verrez entrer .i. homme
Qui pourte d'yae une somme.
Apréz yrez ; quant là serez,
Le seigneur me salurez :
Dictez que tost sus ly venrré
Et que ma Pasque je y penrré,
Et vous m'y ferez compaignie.

S. PÈRE.

Beau maistre, nous n'y faudrons mie,
A faire ce que devisez.
Jehan, .i. pou vous avisez
Se vous savez cognoistre l'omme.
Que nostre maistre nous dit comme
Nous nous partismes de luy.

S. JEHAN.

Foy que doy, vous yela celuy
Que nous quérons huy toute jour.
Ne faisons mie lonc sejour
Allons apréz ly sanz tarder.

S. PÈRE.

Allons, Dieu nous vueille garder !
Celuy qui nous fist du limon
De la terre, vous gart, Simon !
Entendez à nous, beau doulz sire ;
Nous vous somes cy venuz dire :
Le maistre veult cy reciner
Et nous avec sanz deviner
Somes trestous de luy semons.

SYMON.

Beaus seigneurs, ce prisé-je moult
Se Diex me doint bonne santé :
De le véoir grant talent é,
Car je sui tout en son servise.

S. PÈRE.

Faictes que la table soit mise,
Aportez le pain et le vin.

SYMON.

Vollentiers, par le roy divin
Et avec ce bonne viande.

DIEU.

Symon, Dieu de péril deffende
Ton corps, et ton âme veille amer.

SYMON.

Sire, où il n'a ne sel n'amer
Vous soiez bien venuz soiens :
Vous ralumez lez non voiens
Et lez malades garissez.
Se souvent séans venissiez,
J'en éusse joie amiable.

DIEU.

Mez disciples, mise est la table,
Séez-vous tuit, sy mengerons.
Apréz autre chose ferons,
Car la viande est belle et bonne.
Que nostre hoste Symon nous donne.

SYMON.

Se Diex te doint en bien user
Ladre, car nous cômpte la peine

D'enfer et comment on demaine
Lez âmes et quel douleur sentent.

LADRE.

Lez diables d'enfer lez tourmenteent :
On n'y treuve nully dormant;
Ainz seuffrent trop cruel tourmant;
Elles ne sont point asséjour
Mais seuffrent de nuit et de jour
Les âmes painez angoisseuses
Qui n'en sont nulles foyz oyseuses,
Et sont, se Diez me doint sancté,
De .ix. ! tourmens tuit tourmenté.
Le premier est de feu ardent
Qui tout le corps leur va lardant,
Et tuit cil demennent ce vise
Qui ont pechié par convoitise.
Ou secont n'a-il point de grâce :
Il sont en feu et puis en glace.
Là sont cil qui ont fait le vice
Du péchié de froide mallice.
Le tiers tourmant est de vermine;
Cil qui ont péchié par heine
Ont compaignie de couleuvres,
Et cil qui ont faites les euvres
D'envie, je vous en convent,
Le dragon lez runge souvent
Les cuers et toutes lez entrailles;
Le crapout leur pent aus oreilles.
Ou quart il ont trop grand lueur :
Il n'y ont clarté ne lueur,

Et chascun malgré soy l'endure :
C'est pour le pechié de luxure.
Ou quint mil dyables lez batent
Et entre leurs piez lez abatent;
Cil ont passé obédiance.
Là seuffrent moult grant pénitence.
Ou sixte n'a point de seurté;
Il sont tous jours en obscurté.
Cil qui le bien pour le mal laissent
En celle obscurté tait abaissent.
Ou .vii^e. tourment il lisent :
Lez péchiez l'un l'autre devisent ;
Il s'entre dient plusieurs ledengez.
Sachiez ce n'est vie d'engez :
C'est pource qu'il ne confessèrent
Leurs péchiez et que Dieu n'aimèrent,
Ne oncques en Dieu il ne crurent.
Parfaitement sy comme il durent.
En le .viii^e. voient lez diables
Et les dragons espoventables,
Et sachiez nul ne s'y envoyse
Méz il demainent trop grand noyse.
Ne vont pas au moustier orer
Ainçois ne cessent de plorer.
Je le dy à vous qui cy estez,
Le .ix^e. n'est mie honestez.
En vérité je le tesmoigne,
Car tourmenté sont de la poigne
De tous lez maulz qu'en enfer sont
Où touz jours en malvaiz hair sont.

Encore sont-il plus tourmenté
Et de dyables sont sy tempté.
Je le tesmoing, car bien m'en membre,
Qu'il n'y a celui qui ait membre
Ne soit lié de feu ardent.
Leur péchié ne va point tardant :
Le dyable sanz demourance
Leur fait faire trop laide dance.
Lez piez leur tient en contre mont,
De dur aguillon les semont ;
Souvente foys il fait le prestre,
En lieu de pain feu leur fait pestre.
Icy sont pris à mal amors,
Quanqu'il meinnent c'est la mors.
Chascun est de feu tout léchiez
Pour ce qu'il ont tous lez péchiez.
Encore y a une autre estage
Qui est dessus celui ombrage ;
Là est le feu du purgatoire.
Ceulz qui attendent la Dieu gloire
Font en ce lieu leur pénitance
Dez péchiez qu'ont fait dès l'enfance
Dont confession ont eu.
Pour ce ne sont il pas chéu
En la fosse d'enfer parfonde ;
Méz seront tost de péchié monde.
En l'autre estage on ne voit goute :
Je y fu, pour ce le dy sanz doubte,
Et n'y a celui qui n'atende
Cely qui paiera l'amende

Pour le péchié du premier homme,
Qu'il fist par le mors de la pomme.
Ou quart ly enfant mort ne sont :
En tel point ycy posé sont
Nul bien ne nul mal ne sentent,
Mez entre eulz de dueil se démentent
De ce que perdu ont la grâce
De véoir Dieu en sa doulce face.
D'enfer vous ay le voir compté :
Je pry Dieu par sa grant bonté
De tel lieu nous veille garder.

DIEU.

My disciple sanz plus tarder
Levez vous de cy ; sy venez
Séoir de ça et retenez
Lez commandemens que je compte.
Du retenir n'aiez pas honte,
Car qui loyalement lez tenra
A bonne fin s'âme venra.
Voz piez maintenant laveray
Et puis sy lez essuiray
De ce ne me devez desdire.
Malquin!

MALQUIN.

Que vous plaist, beau sire?
A vous du tout je m'abandonne.

DIEU.

De l'yaue et un bacin me donne
Et .i. linseul, fait ce pour moy ;
Car je vueil sceindre entour moy ;

Fay maintenant, point n'y arreste.

MALQUIN.

Sire, la chose est toute preste.

Vecy l'acin et l'iaue clère :

Foi que je doy l'âme mon père,

Là où vous voudrez la mettray.

DIEU.

Met le cy, Judas; ça te tray.

Laver te vueil lez piez sanz faille.

JUDAS.

Or faites donc, vaille que vaille,

Vostre bonne volonté, sire;

Oncquez de vous mal ne vous dire

Non feray-je dorénavant.

DIEU.

Jehan, tray ça tez piez avant;

Laver lez vueill et essuier.

S. JEHAN.

Ce ne me doit pas ennuier,

Mais je le vous deusse faire.

DIEU.

Jasque près de moy te fault traire,

Car je te vueil laver lez piez:

S. JASQUE.

Jà ne me laverez lez piez :

C'il vous plaist, lavez moy la teste.

Encore n'est-ce pas chose honneste

Qui à vous à faire apartaigne.

DIEU.

Jasque, de ce bien te souveigne,

Je le vueil et il fait sera.

S. JASQUE.

Certes moult m'en ennuira.

Or faites, maiz ce poise moy.

DIEU.

Pierre, tray te ça près de moy ;

Il me plaist tez piez nectoiesse.

S. PÈRE.

Beau doulz père plain de haultesse,

Vous dictes mez piez laverez :

Se Dieu me doint joye non ferez.

Jà ne me sera reprouchié

Que vous aiez mez piez touchié

Souffrez vous en pour Dieu, beau sire.

DIEU.

Pierre, Pierre, ne me desdire.

Tu ne sces pour quoy faiz cecy ;

Mez ains que me parte de cy

Et tu tez piez lavez auras,

Je te proumet tu le sauras.

Le lavement point ne me griève.

Et se je tez piez ne te lave

Jà part n'auras avecquez moy.

S. PÈRE.

Puist que ainssy est dont, lavez-moy

Non pas lez piez tant seullement,

Mez mains et chief entièrement :

Je le vous pry en guerredon.

DIEU.

Pierre Symon, enten moy don ;

Et vous trestoust, se vous m'amez,
Se vostre maistre me clamez,
Vostre maistre suis voirement,
Sy vous dy tout communement
De rien desciple ne doit estre
Souverain pardessus son maistre.
Je vueil que pais soit entre vous,
Car tantost partiray de vous ;
L'eure aproche bien, se me samble :
Pour ce vous amonnestes ensamble
Que mez euvres vous essaussez
Et ma créance partout haussez.
A tous vous ay voz piez lavés ;
Pourquoy l'ay fait vous ne savez :
C'est .i. exemple que vous donne.
Vivez ensamble sanz ramponne ;
Ly .i. à l'autre ainssy le face
Se vous voulez avoir ma grâce ;
Car vous estes de peché monde
Puisque vous ay lavé de l'onde.
Judas, non pas je vous convent
Tous ceulz qui sont en ce convent :
Ce que je vous dy n'est pas fable.
Or retournons touz à la table :
Mez disciples, je suis haïs,
De l'un de vous seray trahis ;
Par ly mon corps est ja vendu,
Par ly seray en crois pendu.
Bon ly fust qu'encore fust à nestre ;
Sy ne peust trahir son maistre.

Je vous dy pure vérité.

S. JEHAN.

Je vous pry par humilité
S'il vous plaist que vous me dictes
Qui pourroit estre le trahistes
Qui vers vous penseroit tel chose.

DIEU.

Jehan, bel amy, bien dire t'ose
Le trahistes n'est pas cachiez
Par qui mon corps est dommachiez :
Il est cy en ma compaignie.

JUDAS.

Sui-je ce ? ne me celez mie ;
Maistre, le dictes vous pour moy ?

DIEU.

Tu le dis certes ; entour moy
Boit et mengue et repaire
Qui a pourpencé cest affaire.
Judas, mengue cette soupe
Et boy du vin en ceste coupe :
Establiir vous vueil loy nouvelle,
Qui sera avenant et belle ,
Que ceulz qui bien la garderont
En mon règne avec moy seront ;
Et sy vous vueil touz ordener
A Prestres et vous vueil donner
Le saint Sacrement de l'autel,
Et chascun face à Dieu autel,
Comme vous voierrez que feray.

S. JEHAN.

Du fère tost apris seray,
Mez que vous le nous enseignez.

DIEU.

Gardez que bien le reteignez,
Lors de tous maulz serez gardez.
Benoist soit ce pain de par Dé,
Mon doulz Père qui est en gloire!
Mengez-en en bonne mémoire;
C'est ma char qui est en fort justice.
Sera par tamps pour vous tous mise.
De Dieu soit benoist ce vin cy;
Pour autre chose ne vins cy
Que pour vous donner tel viande
Qui contre péchié vous deffende.
Venez tous que Diex vous ament;
Ce est du nouvel testament
Mon sanc qui pour vous tous sera
Espandu, et qui m'aimera
Sy l'enpeigne seurement:
C'est tout pour vostre sauvement.
Ce vueil-je que sachiez de voir:
Pour chascun vueil mort recevoir;
Maiz une chose pour vous vueil dire:
Vous aurez ennuit honte et ire,
Car ly juifs ont grant envie
De ce que mon corps est en vie;
Rien plus de moy ne puent hair.
Quant cil venra qui doit trahir
Mon corps, beau semblant me fera;

Par trahison me baisera
En la bouche, lors me penront
Li faulz juif et m'en menront.
Souffrir me feront grand douleur,
J'en perdré tqûte ma couleur ;
L'eure approche que je vous compte.
Tous en aurez paour et honte,
Vous sy espoventez serez,
Que tous ennuit me lesserez,
Quant vous voerrez lez faulz trahitez.

S. PÈRE.

Beau sire, tel chose ne dictes,
Car de ceci point ne m'esmaie
Que j'à paour ne honte aie
De rien qui ne puisse avenir.

DIEU.

Pierre, quand tu verras venir
Lez mauvaiz qui m'en maineront
Paour et honte te feront,
Et en auras au cuer tristesse ;
Et ainçois que li coq chantesse
.ii. foyz en tel point tu seras
Que .iii. foyz me renieras :
C'est vérité que j'ay compté.

S. PÈRE.

Beau doulz père, plain de bonté,
De ce sanz raison me blasmez ;
Car de moy estez mout amez.
Ce li aultre s'en vouллоient fuire
Sy vucil-je partout conduire.

Pour rien tel tour ne vous feroye,
Pour vous mourir miex ameroie ;
Je vous suivray partout sanz faille.

DIEU.

Pierre, Simon, comment qu'il aille.
Contre moy ne te doy deffendre :
Levez sus grâces nous fault rendre.
Beau doulz père toy gracions
Pour tez biens fais et te prions
Qu'en telles euvres nous maintiegnés
Que nos âmes à la fin preignent
Lassus en ta gloire celestre.

Touz les apostres dient :

Amen.

DIEU.

Ainssy puisse-t-il estre !
Séez-vous cy, je vaiz l'aourer.
Pierre, vien t'en sanz démorner ;
Jasque, Jehan, sus vous levez :
My cousin estez, moy debvez
Suivre et garder ; m'âme est triste
Jusques à mort et par mort quitte
Trestuit celles et cil seront
Qui mez commandemens feront.
Plus avant de cy ne venez.
Tuit .iii. ycy vous soustenez
Et gardez que ne sommeilliez,
Mez ourez de cuer et veilliez.
Aiez en Dieu dévotion
Que n'entriez en temptation.

Cy prie Dieu premier à genous.

Doulz père, à toy, roy célestre,
Pour ce c'est chose qui puist estre
Que je n'aie pas ceste mort,
Qui jà ducques au cuer me mort,
Que toute fait ma char douloir ;
Et non porquant le mien vouloir,
Ne facez mie, mez le tien,
Qu'à ton plaisir du tout me tien.
Tout prest est le mien espris
De mort souffrir pour l'esperis,
Mais ma char sy ce deult forment,
Car elle actent cruel tourment.

Cy retourne aux apostres et die à saint Père :

Pierre, tien toy de sommeillier.
Ne puez-tu une heure veillier ?
Avecques moy veilliez proier
Qu'en temptation ne soiez ;
L'eure de mon tourment aproche.

S. PÈRE.

Grant doulour près du cuer vous touche ;
Je le voy moult trèz bien a ce
Que tout contreval vostre face
Le cler sanc de sueur dégoute.
Tainte en est vostre face toute :
Aval chéent lez gouttes clères.

DIEU, à genous.

Encor te prie, beaulz doulz pères,
Se le tourment que sy m'esmaie

Ne puis eschapper que ne l'aie
Que tu faces ta volenté.

Cy retourne auz apostres et die :

De dormir moult entalenté
Estez quant veillier déussiez.
Se vous en sacion eussiez
Nulle foys ne vous truys levez.

S. JASQUE.

Nous avons tous lez yeulz grevez
De trop veillier ; s'avon mesaise
Se nous dormons ne vous déplaie ;
Car moult grant pièce avons veillié.

DIEU.

Vous n'estez pas trop travaillié.
Veilliez et de Dieu vous souvegne,
Que mauvaise erreur ne vous pregne :
Trop estes endormi forment.

DIEU, arrière à genous, die :

Beau père, de ce grief tourment
Moult volentiers eschapperoie,
Se ta volenté s'y octroie,
Car la mort forment m'espoente ;
Et s'ainssy est qui t'atalente
Que muire, je le doie vouloir ;
Combien que m'en doie doloir,
Le fez de la mort vueil porter.

Un ange chante sus : *Eterne.*

Filz de Dieu, je te vien conforter :
Ton père dit que par ta mort

Seront racheté de la mort
D'enfer tuit cil qui bien feront.
Pour toy faire mourir seront
Par tant juif en paine grant.
Rien doubte ne petit ne grant,
Va à la mort ton corps souffrir.

DIEU.

Beau père, je vueil bien souffrir
Puisqu'il vous plaist ce grief martire.

JUDAS.

Pinceguerre, je vous vien dire
Alon, car il en est point.

PINCEGUERRE.

Or voy-je bien que il n'a point
Sy voir disant en ceste terre
Comme est Judas.

BAUDIS.

Nous vient-il querre?

Il nous a bien convent tenu.

MOSSÉ.

Un prophète mal avenu
Sera se le poons tenir.
Malquin, Haquin, tantost venir
Avec nous vous enconvient

MALQUIN.

Alons donc, mais bien me souvient
Noz lanternes en porteront.

HAQUIN.

Maintenant lez alumeron,
Je vueil aler pour vous aidier.

JUDAS.

Seigneur, laissez vostre plaidier.
Tantost avecquez moy venez,
Et gardez qu'autre ne prenez
Que celui que je baisera.
Jà moult beau semblant li feray :
De ce sui-je bien enformez.

DIEU.

Reposez vous et vous dormez :
De mon tourment approche l'heure
Que ly pécheurs me courront seure.
L'amour que j'ay vers mez amis
En ceste détresse m'a mis.
En crois me fera estachez
Et ou visage decrachez ;
La mort que souffrir me faurra
A mez adversaires vaura
Se il se vuellent repentir.

S. JEHAN.

Beau père, sanz la mort sentir,
Ceci bien amender sariez
Que nulle paine n'en ariez,
Ce devons nous croire et savoir.

DIEU.

Jehan, bien vueil la mort avoir :
Levez sus que dormi assez
Avez ; velà ceulz amassez
Qui me quièrent, je les vous montre.
Ne fuion pas mais à l'encontre
Leur alon ; veci qui m'aproche,

Qui me baisera en la bouche
Pour me trahir ; lors me penront.
Cil homme armé et m'enmarront
Que quérez vous que ne celez ?

PINCEGUERRE.

.I. Homme qui est appelez
Jhesu de Nazareth.

DIEU.

Ce sui-je.

BAUDIN.

Enchanté ay esté ; ce puis-je
Bien dire, plu ne fu oncques.

MOSSÉ.

Par ma loy tout ainssy doncques
Ay-je esté et pis encore.

DIEU.

Biau seigneurs, que quérez vous ore
Qu'à ceste heure estez ensamblé ?

PINCEGUERRE.

De paour ma la char tramlé
Dont j'ay forment le cuer iré.
Ce que nous quérons te diré :
Jhésu de Nazareth quérons.

DIEU.

Véez me cy.

BAUDIN.

Judas, que ferons ?
As tu rien oy qui te plaise.

JUDAS.

Dieu te gart, maistre, car me baise

Et je toy en foy en la bouche.

DIEU.

Ce baisier près du cuer me touche ,
Amis , en baisant m'as trahy.

MALQUIN.

Jhésu, moult te voy esbaly :
Pris es, te veulz tu pas deffendre ?

MOUSSÉ.

Meillieur gage que la foy rendre
Lui fault sy veult se délivrer.

HAQUIN.

Je croy qu'i se vient d'enyvrer
Hui toute jour de la taverne.

MALQUIN.

Haquin , lieve hault ta lanterne
Si le verron tuit ou visage.

HAQUIN.

Foy que je doy tout mon lignage
Je sui tout lié de cette proie.
Malquin, beau-frère, je te proie
Que maintenant soit menez.

DIEU.

Beauls seigneurs , pour quoy me tenez
Sy honteusement sanz raison ?
Sy ne sui-je pas mauvais hom
Ne dez gens en bois essautières ,
Et sy ne sui murdrier ne lerres .
Oncques je ne fiz mauvestié ,
Et vous m'avez si agaistié
Par nuit obscure pris m'avez ,

Maintez fois de jour bien savez
Vous m'avez oy sermonner
Et de bons exemples donner
Au temple Psalmon monté
A vous mains bons sermons compté ;
Mez vecy sens de moy tenir
M'avez veu aler et venir
Et de nuit m'avez detenu.

MALQUIN.

Encore tout à tamps venu
Somes à ta malle meschance.
Pren, Jhésu; c'est tien a la chance
Assez de ceulz en soustenras.

S. PÈRE.

Lesse-le, point ne l'en menras :
Garde toy d'ui maiz a toucher ;
Ne te doiz de lui approcher.
De toucher à lui n'ez pas digne
Qui est filz Dieu sur tous le guine.
Tu l'as feru par ton oultrage,
Tien ce cop pour ton vasselage.
Il te vaulsist miex ailieurs estre
Que tu n'a pas t'oreille destre :
Or te taste c'elle te saine.

DIEU.

Pierre, s'oreille n'est pas saine,
Mais tu li as raison faite
Quant sus luy as l'espée traite.
Remet la tost en sa gaine,
Car tout pour voir je te doctrine

Qui de glaive nully ferra
Par glaive defenir verra
Sa vie, c'est bien chose voire.
Pierre, de ce me dois tu croire.
Se je vouloie a ceulz nuire
Qui ont grant fain de moy destruire
Et d'eulz vouloir faire omicide,
.xii. légions en aide
D'anges, d'arcanges sanz cesser
Auroie tout pour eulx prisser.
L'oreille que tu ly as rouverte
Saine ly refferay sanz doute.
Vallet, monstre ta blesseure.

MALQUIN.

Se Diex me doint bonne aventure,
Se tu me donnes garison,
Jamais jour nulle mesprison
Ne pourchaceray contre toy.

DIEU.

Je la te rendray sueffre toy
Telle come elle estoit devant.

MALQUIN.

Jamais jour ne t'iray grevant
Se tu la me puez rendre entière.

DIEU.

Or tray sà près de moy ta chère.
Oreilles, je vueil que tu soies
Ainsi saine comme tu estoies
Devant ce que tu fusses rompue.
Or taste se je t'ay rendue

Toute saine ta destre oreille.

MALQUIN.

Regardez tuit com grant merveille :

Par amour conpains or escoute.

Cil glout m'avoit l'oreille rouverte

Par pou la joé ne m'entemma.

Jhesu bien garie la m'a

Je croy qu'il ma enchanté.

HAQUIN.

Malquin, se Dieu me doint sancté

Jhesu te feroit buef ou vugle

Et sy te feroit bien aveugle

Devenir par enchanterie.

PINCEGUERRE.

Malquin, tu dis grant diablerie.

De ce que tu nous as compté

C'est .i. glout sanz nulle bonté.

Oncques ne pensa bien à faire :

Nostre gent vouloit à luy traire

Et nous cuidoit tous enchanter ;

Mais dèz-or se puet bien vanter

Quant nostre evesque le tenra

Bien enchanter le convenrra

Sy se veult départir de luy.

BAUDIN.

Je croy qu'il n'y aura celui

Qui de luy point grever se soigne

Pour pis amender sa besoigne

Se Diex me garde de périr

Je vouldroie de grans cops férir

Sus s'échine qui est si gourde.
Pour ly vauroit ycy sa bourde
S'on le me lessoit justicier.

MOSSÉ.

Jhésu, moult pou te doiz prisier.
Nous aprochon de la maison
A Anne; ycy la raison
De toy juger pourras oïr
Tout autrement que ne vourras.
C'est céans où nous te menon.

MALQUIN.

Jhésu, puis qu'icy te tenon
Nous te feron assez meschance.

LA BÉASSE.

Haquin, se Diex me doint chevance
Près de cy voy .i. garnement
Que je m'escroy trop mallement.
Dez disciples Jhésu ne soit :
S'il en est trop fort nous desçoit
Se la mort ne me puisse estendre
Qu'anquez dictes puet bien entendre;
Après vous est tous jours venuz.

HAQUIN.

Lequel est-ce?

LA BÉASSE.

.

A celle barbe blanchinace.
Musars, que quiers en ceste place?
N'ez tu des disciples ce maistre?

S PÈRE.

Par celui Dieu qui me fist nestre,
Ne cognoiz celui que me dictes.

JUDAS.

Sire Annez, je ne viens pas tristez,
Car j'ay bien faite la besongne.
Véez vous cy Jhésu que j'amaine
Le corps de luy vous ay vendu,
Vivant m'en a l'argent rendu.
Je le vous baille ce le prenez.
A vostre plaisir l'ammenez :
Ce c'est bien fait, dictes le moy.

ANNE.

Foy que je doy l'âme de moy
Ton argent as bien deservy.
Judas, tu m'as à gré servy.
Va-t-en, moult bien m'en cheviray.

JUDAS.

Et de vous me départiray.
A Dieu qui vous est en sa garde.

ANNE.

Jhesu, vien sà que trop me tarde
Que tu me dies ton affaire.
Veulz aler contre Césaire :
Dy-le moy puisque tu es pris.
Tu seras se tu-as mespris
De nostre loy apetiesez.

DIEU.

Ains que me faces justiser
Je te diray que tu seras :

Ceulz qui m'ont oy manderas.
Quant venuz seront n'atendez,
Mais aprement le demandez,
S'il sevent que je aie compté
Autre chose fors que bonté :
Lors par conseil en ouvreras.

MALQUIN.

Demain en tel jour enterras.
Garde à qui tu diz ces paroles
Qui sont assez nissez et foles.
Par fierté vas respondre trufes :
Cy me garderas ces .ii. bufes
Que t'ay trouvé tant te quérû.

DIEU.

Tu m'as sanz deserte féru
Vilainement en mon visage.
S'il te samble que die oultrage
Hardiement sy le tesmoigne.

HAQUIN.

Vassaux, se Diex santé te doigne
Sers tu pas Jhesu le glouton ?

S. PÈRE.

Pour lui ne feroie .i. bouton :
Je ne sçay que tu me demandes.
Se tu aus fourches ne me pendes
Onc ne le servy en mon aage.

ANNES.

Jhesu tu paieras ton paiage,
Méz se cera moult chèrement.
Liezy ly bien estroitement

Lez mains et puis bien le tenez
Et chiez Caïphes le menez.
Quant Caïphes Jhesu verra
De ses euvres ly enquera :
Or le menez sanz plus cy estre.

MALQUIN.

Ta main senestre sanz la destre.
Je vueil lier maintenant :
Plus soef t'en yrons menant,
Je te promet ; vecy la corde.
Haquin, garde qu'il ne me morde ;
Tu me verras jà bien estraindre,
Et sy ne s'en osera plaindre,
Haquin, compains, or me devise
S'il est lié de bonne guise.
Que te sanble ? Est-il assez ?

HAQUIN.

Son cuer est jà trestout quassez,
Sy estroitement l'as lié.
Jhesu, Malquin t'a espié,
Tu es de belles conténances.
Par ma loy je croy que tu penses
Comment tu pourras jà respondre :
Miex te vaulsist avoir fait tondre,
Ne le dy pas en toy gabant.
Je croy que veulz faire bobant
Et mettre coeffe par dessure.
Compains, il ne fut enuit heure
Que ce pautonnier ne véisse
Après nous, certes bien voulsisse

C'on sceult s'il cognoist ce maistre.

MALQUIN.

Trop miex ly vauroit estre à nestre
S'il le cognoist que cy venir
Et sy ne me vueil plus tenir
Que je ne sache qu'il demande.
Vassaux, se Diex ton corps deffende,
N'ez tu pas et qui revanchas
Jhésu et m'oreille tranchas?
C'es-tu bien, le voy à ta face.

S. PÈRE.

Non sui, se Dieu me doint sa grâce ;
De ce vous puis-je bien respondre.
Se la mort ne me puist confondre
Oncques ne fu en son service.
Las! moy meschant com je peu prise
Mon bon seigneur et mon bon maistre!
Je vourroie bien estre à nestre.
Las! moy dolant povre de sen
Moult grant douleur au cuer je sen
De .iii. faussetez que j'ay dictes,
Dont j'ay esté faulz et trahistez.
Or ay-je le cuer desvoié :
Quant je mon seigneur renvoyé.
Certes je m'espris durement.
Sy en requier dévoctement
De tout mon cuer à Dieu le père
Qui reçoive ma prière.
Je m'en repens et me confesse,
Car douleur au cuer me apresse.

Père, selon ma repentance
Vueillez moy donner pénitance ;
Que je soie asoubz moult me tarde
A mon meffait ne prenez garde,
Car j'ay dit .iii. trop obscurs vices
Dont j'ay esté et fol et nices.
Beau sire Diex, plaint d'amistié,
Vueillez avoir de moy pitié,
Car je trop durement mespris.

PINCEGUERRE.

Jhesu, bien voy que tu es pris :
Pour te destruire te prenons
Et à Caïphes te menons.
Caïphes, vez ci le traïte
Qui toute nostre loy despite,
Et dit qu'elle est fausse et malvaise.
Vous en devez estre plus aise
Quand Jhesu qui riens ne prisoit
Nostre loy mais la despitoit,
Nous l'avons pris et amené.

BAUDIN.

Pour vous nous somes bien pené,
Et Judas a fait ceste office.
Véez vous cy Jhesu plain de vice ;
Or en poon faire justice.
Nostre loy ne vous riens ne prise,
A sa loy nous vouloit tous traire
Et sachez que de nous mal faire
A estez tous jours esveilliez.

MOSSÉ.

Caïphes, tost vous conseilliez
De Jhesu ce fault glout destruire.
Oncques ne vous fina de nuire ;
Nouvelle loy a commancié
Et sy l'a jà moult avencié
Pour enchanter lez gens enconbre.
Tant le croient que c'est sans nombre
Et vous vont trestuit délaissant.
Nostre loy va trop abaissant,
Contre nous forment se travaille ,
Or escoutez trestuit grant merveille :
S'il va bien nos gens enchantant
Le mauvais glous se va vantant
Le temple Dieu despesera
Et puis après le refera
Dedans .iiii. jours comme devant.
Va-il bien la gent decevant :
Dieu tout en viz pourroit ce faire.
Nous veult-il seurmonter Césaire ?
Il est de folie esméus,
De rien ne doit estre créuz
Il ne scet fors que mal et honte.
Encore fait pis que je ne compte,
Se c'est voir de ly le sachiez.

CAÏPHAS.

Jhesu , dy es-tu entachiez
De ce que os icy compter
Que nostre loy veulz seurmonter ?
Respon , il fault que je le sache.

Seigneurs , Jhesu a pute tache ;
De respondre ad ce n'a cure.
Pourras-tu prouver celle injure
De quoy tu dis qu'il est coupablez ?

MOSSÉ.

Oil , sire , par gens estables ,
Par Malquin et Haquin ensanble.
Biën le scevent , sy com moy sanble ;
Demandez en leur tesmoignage.

CAÏPHAS

Malquin , Haquin , trop estes sage :
De ce me dictes la vérité.

MALQUIN.

Le Dieu me doint grant dignité ,
C'est ce que cil vous a compté.

HAQUIN.

Par le grant Dieu plain de bonté ,
Mossé vous a la verité dicte.
De Jhesu le glouton traïte
Onçques il n'ot de nul bien cure.

CAÏPHAS.

De par Dieu le grant, te conjure
Que tu me dies se tu ères
Jhesucrist filz de Dieu vif père.
Se tu l'es , dy le moy beau frère ,
Tout clèrement que je t'en proye.

DIEU.

Tu l'as dit , mais se je disoye
Que filz Dieu le puissant je fusse
Et que sa très grant force eussé ,

On diroit que diroie folie.
Toute voie n'en doubtez mie ,
Vous me verrez en jugement
A la destre Dieu qui ne ment :
Là paiera chascun sez débitez.

CAÏPHAS.

Tu es donc filz de Dieu ?

DIEU.

Vous le dictez

Et avez dit que je le suy.

CAÏPHAS.

Dèz que cognoissance reçui
Et de viel , de petit , de grant ,
N'oy despiter Dieu le grant
Sy com se musart le despite.

ANNES.

N'a-il pas grant obscurté dictes ,
Le glout eu cuer très deputaire ,
Quant pareil à Dieu se veult faire ?
Sy ne fault point de tesmoignage :
Il est jugé par son oultrage
Quant il se fait à Dieu sanblable.

PINCEGUERRE.

Seigneurs, ne tenez pas à fable ,
Mais moult très bien vous avisez
Comment ce glout soit justisez.
Dèz or mais nous départirons ,
En nos hostelz nous en yrons ;
Cy faire venir nous pourrez
Toutes heures que vous vourrez :

Du vostre rien ne demandons,
Au grant Dieu nous vous commandons,
Tuit en vostre voulenté sommes.

ANNES.

Seigneurs, vous me sanblez preudommes,
Vous m'avez bien en gré servi ;
Bon loier avez deservi
Et bon loier chascun aura
Sy que tous jours gré me saura.
Alez , au grant Dieu vous commant.

MALQUIN.

Jhesu enten-tu bien romans ?
Je te vueil cracher en la face.

CAÏPHAS.

Haquin , se tu m'aimes pourchaces
Pour sez yeulz bander une bande.

HAQUIN.

La male poission l'estande ,
Vez cy la bande toute preste.

CAÏPHAS.

Bandez-ly lez yeulz de la teste
Et pour le loier de ses truffes
Ly portez de grosses buffes
Et sy en jouez à la chipe.

MALQUIN.

Bien saura chiper sy me chipe.
Je le tenteray sy par la chape
Que je le rendray s'il meschape.
Haquin , n'est-il pas bien bouchez ?

HAQUIN.

Oil , que fust-il or ouchiez.
Jhesu qu'es-tu cy venu querre ?
De par le diable sié-te à terre ;
De par moy auras ce présant.
Dy moy, ay-je le poing pesant ?
Or ne t'ay-je pas faulx noié ?

MALQUIN.

Haquin, tu ne m'as pas proié
Que de mez yeulz ne ly apreigne.
Roy, male passion te teigne !
Qui t'a féru, car le me devine ?
Esgar com il besse l'eschine,
Le jeu je croy ly abelit.

HAQUIN.

Oncques mais n'ot tant de délit,
Roys qui fust de sy grant poissance.
Jhesu, tien ce cop a la chance ;
Qui t'a féru, car le me compte ?

MALQUIN.

Ha ! faulx roy que tu sces de honte !
Nous te voulons endoctriner,
Mais il te convient deviner
Qui t'a donné sy gros chopin.

HAQUIN.

Encor ara-il ce lopin !
Bien ly plaist ce jeu à aprendre.
Fier fort, il a la char trop tendre.
Qui t'a féru, roy, car, parole ?

MALQUIN.

Il a esté à bonne escole :
Trop grant plaist ne va pas menant ;
Mais sy ne parle maintenant
Je li donrray tel oreillon
Qu'il y aura du vermeillon.
Tien ce cop ; sui-je mensongiers ?

HAQUIN.

Il n'est pas hors de nos dengiers ,
En nostre jeu moult se délite :
Sy a-il chère de trahite.
Roy, ce cop tu me garderas
Et puis après devineras
Se ce sont collées de nopces.

MALQUIN.

Haquin, je voy de grosses bosses
Sus son dos que faites luy as.

HAQUIN.

Non ay, voir.

MALQUIN.

Par ma foy, sy as.
Je vueil que de moy ly souveigne :
Ce cop est tien ; par pute estraine
Je ne vueil pas que tu m'eschapes.

HAQUIN.

Malquin, je te pry que tu frapez
Bien fort de ça et moy de là.
Roy, te remues ; qu'est-ce là ?
Garde bien de toy remuer :
Nous te ferons sy fort suer

Que ton mal te terminera.

MALQUIN.

Benoist soit qui fort frapera
Tel cop que je l'oie sonner.

HAQUIN.

Or, le me regardes donner
.i. beau cop du poing sanz faintise.
Roy, qui te fiert, car le devise ?
Tu es je croy en lestardie
Ou ta char est acouardie,
Ou tu n'es pas batu assez.
Malquin, je croy que tu es lassez :
Fier de grans cops sus la servelle.

MALQUIN.

Je ne me pris une cenelle
Se par moy n'a l'eschine plate.

HAQUIN.

Par la foy que tu doys Pilate,
Or lésse voir que tu feras.

MALQUIN.

Par Dieu, Haquin, tu m'aideras.
Férons tous .ii. sur son madre.

HAQUIN.

Tu as resuscité le ladre
Par ton malvais enchantement ;
Mais se li évesques ne ment
Encor le conparras tu chier.
Mal osas le ladre huchier
Et à nos gens dire telz fauves.
Roy, meschant roy, que ne te sauves

Ou destruis seras sanz rançon.

CAYPHAS.

Seigneurs, laissez vostre tançon ,
Ne batez plus se députaire :
Autre chose nous convient traire.
Sir Annes, car nous conseilliez,
Vous en devez estre esveilliez,
Comment Jhesu pourrons destruire ?

ANNES.

Appareillié sui de lui nuire ;
S'il vous plaist mener le ferons
A Pilate et li conterons
La grant mauvestié du trahite.

CAYPHAS.

Moult bonne parole avez dicte :
Je vueil bien que il soit menez.
Or tost, my sergens, ça venez
Menez en Jhesu sus Pilate.

- MALQUIN.

Ha ha ! com il a la char mate
Ce roy et com il est devex.

HAQUIN.

Haa ! qu'il a dessous sez chevex
De mal se je l'osasse dire.
Liève sus, vien à ton martire :
Malquin, aide-moy à le tenir.

JUDAS.

Ha mort, car me fay del'enir :
Je sui meschant maleurez
Et trahiste faulx parjurez ;

Bien m'ont lez diables enbaky :
J'ay le sanc du juste trahy,
Cil Dieu qui a toute puissance.
Je mourré par désespérance :
Des or m'estuet desconforter.
Vivant, je vien rapporter
L'argent, point n'en ay despendu,
De quoy j'ay mon seigneur vendu.
J'ay péchié trop fort mallement :
Vecy vostre argent; je dement
A vous que me laissez mon maistre
Qui fait tous biens venir et nestre.
C'est cil de qui tout bien abonde
Et cil qui puet suz tout le monde.
Sire, car le me delivrez.

VIVANT.

Judas, t'es-tu puis enyvrez
Que ton maistre nous vendis
Et doucement la main tendis ?
De noz deniers receuz trente
Quant ton maistres getas en vente.
De le prendre nous enhortas
Quant .xxx. deniers enportas.
L'argent preiz et receuz :
Se tu te tiens pour déceuz,
Judas, de ce bien te souveigne :
Qui ainssy fait, ainssy le preigne.
En ce point ton maistre mis as,
De le penre nous avisas :
Se tu as ta mauvéstié faite

Une aultre fois miex sy te gaité.
Se bien as fait tu le sauras :
Judas de Jhesu point n'auras ;
Or lesse ester ton sermonner.

JUDAS.

Au diable je me vois donner,
Quant mon maïstre ay ainssy grevez.
Vivant, vostre argent recevez,
Véez le là, je n'en ay cure.
Hé mort félonnessé et obscure
Pren moy, je suis faulz et trahistes :
A cent diables je me rens quites.
Quant j'ay osé mon seigneur vendre
Sanz remède je me voiz pendre.
Diables, prenez mon espérit.

VIVANT.

Seigneurs, l'argent que Judas quit ,
Qu'il a ycy à terre mis,
Je ne vueil pas qui soit remis
Ou temple en la commune bource :
Pas de bon lieu ne vient-il ; pour ce
Le dy-je s'en acheterons
Ung champ où qu'il souffrir feront
A Jhesu grant douleur amère.

MALQUIN.

Le champ de Mach, de par ma mère,
Est tout mien ; je le vous vendré.

VIVANT.

Ces .xxx. deniers t'en rendré :
Voy-les ycy, je te lez baille.

MALQUIN.

Et je l'octroy comment qu'il aille.
Dès-or le champ vous abandonne.

ANNES.

Pilate, vecy la personne
Qui sy fort nostre loy tourmente.
Par son sermon nos gens enchante :
Il est digne de mort avoir.

PILATE.

Seigneurs, aultrement vueil savoir
Pourquoy jugez à mort cest home.

CAÏPHAS.

Car Jhesucrist et roy se nomme;
Guidez c'il ne fust mal faiseurs
Et sus nostre loy enchanteurs
Que cy le vous amenissons
Ne que à mort le jugessons?
Je vous (dy) qu'il a deffendu,
Je l'ay oy et entendu,
Qu'on ne doint point à Césaire
Ce qu'on ly doit, et pour ce traire
Cy va-t-on faire grief tourment.

PILATE.

Puisque l'accusez sy forment
Prenez loy et sy l'enmenez.
Selon la loy que vous tenez
De son corps faictes jugement.

CAÏPHAS.

Je vous respon appertement
Bien vourions la mort de luy;

Mais ne poons juger nully
Puisqu'il n'a la mort deservie.

PILATE.

Jhesu, dy-moy toute ta vie :
Tout maintenant delivre toy.
Tu es roy des Juifz.

DIEU.

De toy
Seul tu le dis ou tu l'as oy dire ?

PILATE.

Pour te faire souffrir martire
Tous ces Juifz t'ont à moy livré ;
Il vouroient jà que délivré
De ton corps trestous les eusse ;
Mais j'ameroie miex que je fusse
Bien endormy que je disse
Faulz jugement ne ne feisse.
Pour Juifz mie ne me tien :
Il m'est avis que je te tien.
Que leur as-tu fait ? ce me dy.

DIEU.

Prevost Pilate, je te dy,
Puisque tu veulz que je responde,
Mon royaulme n'est pas en ce monde.
Se mon royaulme ou monde fust
Tel honte faite ne me fust.
De moult bon cuer me servissent
Et pour leur roy me tenissent
De paroles, de fais, de dis.

PILATE.

Doncques es-tu roy ?

DIEU.

Tu le dis,

Que y sui com fu-je nez,
Combien que soie mal menez.
Pour ce m'envoia en ce monde
Mon père en qui tout bien abonde
Que verité je tesmoingnasse
Par tous les lieux là où je allasse,
Qu'en moy n'a point d'iniquité.

PILATE.

Dy moy quel chose est vérité ?
Seigneurs, je veuil que chascun sache
Que je ne truis en Jhesu tache
Qui ne soit et bone et honneste.

ANNES.

Prevost, par lez yeulz de ma teste
Il a trop durement meffait
Quant toute nostre loy deffait.
Il scet partout trop bien trischer ;
Trait a à soy par son preschier
De Galilée plus de .xx. m.
De nos gens jusques en cette ville :
Mallement nous a triboulez.

PILATE.

Beaulz Seigneurs, bien voy que voulez
Cest home cy faire destruire.
Tantost je le feray conduire,
(Par ma gent bien sera tenu)

En Galilée dont est venu
A Hérode tout maintenant.
Quant Hérode verra venant
Jhesu devant luy , lors sera
Tout lié , tantost le jugera ,
Car moult ly tarde qui le teigne.

CAÏPHAS.

Mandez-ly tel vengeance en preigne
Tost le face pendre ou tuer.

PILATE.

Vallez , allez moy saluer
Hérode le roy de noblesse,
Plain de valeur et de proesse.
Jhesu vous ly présenterez
De par moy et ly conterez
Lez beaulx jeuz dont il scet joier.

HAQUIN.

Ce ne vous doit pas ennoier ,
Mais vous doit abellir à faire.
Or sà roy au cuer députaire ,
Quant devant Hérode venras
Moult bien de rire te tenras.
La pance jà de paour te sue.

MALQUIN.

Sire roy , par nous vous salue
Pilate qui vous aime monlt
Plus que prince de tout le monlt
Et vous prie par amitié.
Que de ce glout n'aiez pitié.
C'est Jhesu que vous amenons :

Qu'il ne s'enfuie le tenons.
Pilate veult que jugement
Faciez de luy hastivement,
Car il vit trop, c'est grand peché.
Ly pueples est par luy triché,
Car nostre loy leur veult deffendre.
En luy lez fait croire et entendre,
Tout le monde va enchantant
Et à chascun se va vantant
Qu'il est filz Dieu le roy de gloire:
C'est .i. fol qu'on ne doit pas croire.
De nos gens à son gré desploie;
Sa vie au prevost ennoie:
Il vous fait de son corps present.

HÉRODES.

J'aim mielx ce don que nul présent
D'or fin qu'on m'eüst présenté.

HAQUIN.

Sire, se Diex vous doint sancté,
Faictes ardoir ou décoler
Ce glout; trop nous veult défouler
Que mescréans nous veult tous faire
Et nous veult tous à sa loy traire.
Pour Dieu faites le tourmenter:
Il sut bien lez gens enchanter,
Il fait les aveugles voians,
Et sy fait lez sours cler oians;
Et sy fait lez gens mors revivre,
Lez malades de mort delivre
Et lez hors du sen rasonage.

Il garist lez gens de la rage ,
Il fait le contraiz tout drois estre ;
Il se fait filz au Roy célestre
Et ce fors pour nous trahir.

HÉRODES.

Jhesu , ne te doiz esbahir ;
De parler à moy n'aiez honte.
Vien près de moy et sy me conte
De quelz euvres tu veulz jouer
Et n'aiez paour de m'ennouer :
Respon-moy ce que tu vourras.
Malquin , garde se tu pourras
Faire parler à moy cest home.

MALQUIN.

Je ne me pris pas une pome
Se Jhesus à vous ne parole.
Glout a pou je ne t'afole
Que parlez au roi Hérode.
De tes bourdes .i. pou le lobe,
S'en auras plus soef martire.

HÉRODES.

Je le feray tenir dessire
Se il parler à moy ne deigne.
Jhesu , avant que pis te veigne
De tes offences compte moy
Et sy te tray ça près de moy.
Dont te vient or ceste licence
Que tu fais nouvelle oréance
Et veulz la loy de Dieu abatre ?

Tu as faim de te faire batre
Se ne respons appertement ;
Dy ce que te demant
Et je te feray assez grâce.

HAQUIN.

Rien ne prise vostre menace :
Se ne le faites tourmenter
Il vous pourra bien enchanter.
Il en scet toute la manière.

HÉRODES.

Jhesu, liève hault celle chère
Parle à moy, je le te commande
On m'a mandé que te demande
Qui tu es ne dont tu es venu.
Tu veulz bien que soiez tenu,
Pour le filz Dieu en ceste terre
De par qui viens-tu cecy querre ?
Le pueple t'en va à l'encontre.
Se tu es filz Dieu sy me monstre
Une partie de ton couvine.

MALQUIN.

Il est de moult bone doctrine,
Il ne vous fait mie grant noise.
Jhesu renvoie toy, renvoie,
Parle de par lez vifz maufés.
Se mon toupet fust eschaufez
La bouche sy fort te batisse
Que parler sy hault te féisse
Qu'il n'est sy sourt qu'il ne t'oist.

HÉRODES.

S'il parlast .i. pou m'esjoist
Et sy en fusse .i. pou plus aise.
Jhesu je te pry qui te plaise
Que tu me dies qui tu es.
Je croy que tu soies muez,
Je ne t'oy ennuit mot dire :
N'aiez paour d'avoir martire.
Il m'appartient que bon droit rende :
Combien que de juifz entende
Que tu soies bien mauvais hom,
Ne te feray-je que raison.
Or me dy se ta loy nouvelle,
Veulz essaucer et faire celle
Finer qu'on croit communement.
Or le me dy seurement :
Tout ce me puez tu bien conter.
Or me dy veulz tu seurmonter
Le roy Césaire que tant aiment
Que leurs gouverneurs le réclament ?
Jhesu respon aucune chose.
Tu as moult fort la bouche close :
Par foy je croy que n'oiz goutte.
La teste sy me deult j'à toute
Tant me suis à toy débatu.
Respon ou tu seras batu :
Tu ne m'as pover d'eschaper.
Comment te es-tu lessé haper ?
Se tu point de pover eusses
Pas lessé prendre ne te fusses :

Tu es fol et meschant et nice.

HAQUIN.

Il est plain d'orgueil et de vice ;
En sus de vous le bouteray,
Ou visage li cracheray.
Parle, meschant, que mal feu t'arde !

MALQUIN.

Tu as la langue moult couarde ;
Or ne sces-tu mais sermonner
Ne tes faulz exemples donner.
Dy moi est tu bien pou prisé ?

HÉRODES.

Malquin, je me suis avisé
Ce que je feray de ce glouton.
De ly ne donroie .i. bouton :
Il ne scet riens fors que malice,
Il a le visage trop nice.
Arrière tous vous en yrez
A Pilate et sy ly direz,
Je le salue sans nulle somme.
Et sy li renvoie cest homme.
J'ay bien fait ce qu'il m'a mandé,
De sez faiz li ay demandé :
Rien n'en oï ne cognéu,
Ne mot dit, vous l'avez véu.
Je n'en vueil pas jugement rendre
Pour tant qu'il ne se scet deffendre.
En vostre païs l'enmenez ;
Que ne s'en fuie le tenez,
Mais ainçois que partiez de cy

Ceste grant robe blanche cy
En guise de fol ly vestez
Et ceste aumuce ly metez :
Lors sanblera bonne personne.

MALQUIN.

Jhesu, roy Hérode te donne
Pour vestir ceste blanche robe.
Tu en auras le cuer plus globe,
Bien te yra se la puez user.

HÉRODE.

Menez l'en sanz nul lieu muser
Et sy dictes à vostre maistre
Que lez diables le firent nestre
Et bien le sanble à sa manière.
Dictes Pilate qu'il enquière
De sez faiz et sache de voir.
S'il doit par droit mort recevoir
Que tout tantost sanz plus atendre
Au champ le face mener pendre,
Et mon amy tousjours sera :

HAQUIN.

Moult volentiers il le fera
Tout ainssi com vous le mandez.
A Dieu soiez vous commandez,
Nous en alon, congié prenon.
Jhesu, je croy nous te menon
Là où ton corps bien tourmentez
Sera ; bien suis entalentez
De toy grever sanz trouver grâce.

MALQUIN.

Le grant Dieu qui lez maulx efface
Doint à vous, Pilate, grant joye!
Le roy Hérodes vous envoie
Cest home de nulle value
Et plus de cent fois vous salue
Et dit qu'en gré servy l'avez.
A tous jours mais s'amour avez,
Moult vous aime de cuer et prise.

PILATE.

Bien veignez tu ; or me devise
Pour quoi as Jhesu ramené.

MALQUIN.

Hérodes qui a cuer sené
Le roy moult bien li demanda
De sez faiz et ly commanda
Que ly deist qui il estoit
Et moult souvent l'amonnestoit
Que li voulaist dire et conpter
Pour quoy il vouloit seurmonter
Le pueple par dessus Césaire ;
Mais le glout au cuer desputaire
Pour rien que Hérodes li déist
Ne pour honte qu'on li feïst
Ne vult respondre nulle chose.
Lors dist le roy : « Sire, je n'ose
De cest home jugement rendre.
Par qu'il doie mourir ne pendre. »
Puis après moult le renpona
Et ceste robe li donna.

Lors ceste aumuce li méismes
Et de Hérode nous departismes.
Arrière l'avons retourné;
Le roy l'a moult bien atourné
De ceste robe blanche là.

PILATE.

Or le me menez par de là;
Faites tost, seigneurs, venez en.

HAQUIN.

Tantost le menrons, allez en
Devant et nous yrons après.

PILATE.

Ce n'est pas trop loing que jà près
De ce lieu où nous alon sommes.
Dieu gart sez seigneurs, cez preudomes
Et doint à chascun grant honneur.

ANNES.

Et Diex vous gart de deshonneur.
Que demandez ne que atendez
Que ce glouton vous ne pendez?
Trop vit je doubt qu'il ne s'en fuie.

PILATE.

Beaulx seigneurs, forment vous ennuie
Bien le voy que Jhesu vit tant.
Mallement le allez despitant
Et dictes qu'il ne dit que lobes.
Je vous dy que le roy Hérodes
A qui envoié je l'avoie
Pour or que sus ly ne savoie
Forfait dont jugier le puisse

Que sus m'ame ne méfêisse,
Hérode ne scet nul mefait
En ly dont doie estre défait,
Ne je n'y truis cause de mort.

CAYPHAS.

Grant dueil et grant rage me mort
Au cuer quant je vous oy ce dire.
Faictes le morir à martire
Appertement sanz delaier.

PILATE.

Je suis tenu à vous paier
Ung home que à Pasques vous doy.
Cestui vous livre por le doy;
Dictes, le voulez retenir?

ANNES.

Nenny, mais faictes tost venir
Barrabam, si nous en paieiz.

PILATE.

Jhesu, se tu es esmaiez
Nul n'en doit estre esbahy :
De ces gens es forment hay.
Malquin, Haquin, Jhesu prenez
Et après moy le ramenez :
Lors de nos jeus li apenrons.

MALQUIN.

Sire, tantost le remenrons
Pour li faire tourment assez.

PILATE.

Roy, je croy que tu es lassez :
Tu te serras en celle route.

HAQUIN.

Roy, tu aras ceste sacoute ;
Te sambly que près de toy soye ?

PILATE.

Celle robe rouge de soye
A ce roy maintenant vestez
Et puis en son chief li mêtez
Une couronne bien pignant
De jones marins qui sont poignans.
Fay tost, c'est pour le couronner
Et .i. cestre ly fay donner :
En sa main je vueil qu'il le teigne.

HAQUIN.

Malle meschance ly aveigne !
Bien appareillier le savez.
C'est fait sy tost que dit l'avez.
Roy tu dois bien demener feste,
Riche couronne as en la teste,
Ta personne bien roy resanble.
Malquin, alon moy toy ensanble
A genous ce roy deprier.

MALQUIN.

Je pense que mercy prier.
De tous mez pechiez je ly voise.

HAQUIN.

Il ne fait pas or trop grant noise,
Talant n'a de soy remuer :
Par foy je le vois saluer ;
Se m'a-il fait .i. faulx regart.
Le roy des Juifz, Dieu te gart !

Par ta foy, roy, or nous devise.
Se tu veulz ci tenir t'assise.
Veulz tu lez mefais adresser ?
Se à mort me puist on blesser,
Tu seras jà trop bien frapé.

MALQUIN.

Roy tu ne m'es pas eschapé,
Trop miex batre te convenra.
Tien ce cop, sy t'en souvenra
Porce que es de parler sy baus.

HAQUIN.

Malquin, tu es mauvais ribaus
Quant tu l'as ainssy choppiné.
Bon roy que n'as tu deviné
Lequel t'a féru sy forment ?
Roy ne te vas pas endorment
Et ne pren pas ce jeu à truffe.
Tu me garderas ceste buffe,
Ce n'est pas pour bien que te vueille.

MALQUIN.

Haquin, pour ce qui ne se dueille,
Je ly donrray .ii. horions.
Bien voy qu'en luy nous nous fuyons,
Moy, toy, de fine amour entière.

PILATE.

Lessez ce roy, qu'en une bière
Fust ore le corps de luy mis.
En male peine m'a huy mis :
Gardez que chascun bien le teigne.
Encor convient-il qu'il s'en veigne

Après moy sanz plus arester :
Pour ce vueil qu'on le laist ester.
Seigneurs, vecy .i. homme honneste ;
Par le grant Dieu ce n'est pas beste,
Il est trop mallement grevez.
Par la foy que vous me devez
Vueilliez avoir de li pitié.

CAYPHAS.

Je vous pry par grant amitié
Que de Jhesu me delivrez.
Maintenant soit à mort livrez,
Ne m'en alez plus à l'encontre.

PILATE.

Vecy Jhesu, je le vous monstre ;
Prenez lay et crucifiez,
Mieulx que povez le chastiez,
Point ne truis qui soit malvaiz home.

CAYPHAS.

Il doit mourir et c'est raison
Et c'est droit selon nostre loy.
Il a faicte nouvelle loy
Et filz Dieu se fait appeler.

PILATE.

Vien sà, Jhesu, ne me celer
Dont tu es, tantost le me dy.
N'enten-tu pas ce que je dy ?
Or dy se à moy tu parleras.
Se tu n'y parles mal feras :
Tu sces bien que j'ay sus tøy puissance
De delivrer ou de grevance.

Se je vueil, morir te feray,
Se je vueil je té laisseray,
Dont bien parler à moy déusses.

DIEU.

Sus moy puissance n'éusses,
Mon corps en tes mains pas ne fust
Se povoir donné ne te fust
Du souverain père de gloire;
Et de ce me dois tu bien croire,
Car cil qui en tes las m'a mis
Plus grant pechié sur ly a mis
Que tu n'as à faire ceci.

LA FAMME PILATE.

Mes enfans, levez-vous de cy ;
Je vueil que avecques moy venez
Et simplement vous contenez :
Je vois parler à vostre père.

LA FILLE.

Or, alez devant, doulce mère,
Car me tarde que je y soie
Et que le bon prophète voie
A qui on veut le tourment faire.

LE FILZ.

Nous serons partans au repaire
Là où nous trouverons celuy
Où nulz homs n'a pitié de ly,
Mais le héent de grant heine.

LA FAMME.

Le Dieu qui vertus enlumine
Sy gart le seigneur de maison.

PILATE.

Bien veignez vous, et quel raison
Ne quel besoing cy vous amaine ?

LA FEMME.

Je sui toute nuit en tel paine
Pour ce prophète qu'on martire
Dont j'ay oy tant de bien dire.
Ceulx qui lui font cest ennuy faire
Ont trop fort cuer et deputaire ;
Il est bons hons plain de bonté.
On m'en a tant de bien compté,
Tant d'onneur et d'enseignement
Que pour pitié je vous demant
Qu'il ne soit pas crucefiez.
Pour Dieu, sire, ne l'occiez,
Ne ne ly faictes nul tourment.
A tort le héent sy forment
Ly juif plain d'iniquité.
Je vous pry par humilité
Que faciez ce que je demande.

PILATE.

Se Dieu de péril me deffende,
Se de ce geter le péusse,
Grant pieça geté le éusse,
De ce son ennui me poise moult.

LA FILLE.

Cely Dieu qui forma le monlt
Gart mon père et ceulx de la place.

PILATE.

Et Dieu te doint honneur et grâce.

Ma très-belle fille jovante.

LA FILLE.

Certes, Sire, moult suis dolante
Du prophète que vous avez
Fait tant de mal et vous savez
Nulles gens de luy ne se clament,
Fors ces Juifz qui point ne l'ament.
En ly a sy bonne personne ;
Partout de bons exemples donne.
Ung chascun le devroit amer,
Les Juifz en sont à blâmer.
Délivrez-le par vostre foy,
Par pitié et par bonne foy.
Sy l'en lessiez aler tout quicte.

PILATE.

Fille, quelle parole as-tu dite ?
Contre leur loy je mefferoie,
Et trop fort le courouceroie
Se je fesoie ta requeste.
Foy que doy lez yeulz de ma teste,
De son courouz forment m'ennuie.

LE FILZ.

Dieu, qui fait le vent et la pluie,
Sy gart mon père d'avoir honte.

PILATE.

Bien veignez, beau filz ; or me compte
Se point de besoing, sy te chace.

LE FILZ.

Je vous diray que je pourchace
Ce prophète que vous véez.

Trop vilainement le menez ;
 Ung chascun le bat et le frape ,
 Ung le prent, ung autre le frape ,
 Ung chascun l'a sy desciré
 Que du corps l'ont bien enpiré.
 Nul encor ne s'en trait arriere,
 On le fiert devant et derriere ;
 Chascun le fiert , chascun le blesce ,
 Chascun pour mal vers luy s'adresse ,
 Pour Dieu, car ly donnez congié.

PILATE.

Dy-moy, beau filz, as-tu songié
 Par Dieu de qui tout bien abonde,
 Pour tout l'avoir de tout le monde
 Pas délivrer ne le pourroye ?
 Sa délivrance bien vouroye,
 Mais je n'oy oncques nully
 Qui vousist une fois de luy
 Ung bon tesmoingnage porter.

LA FEMME PILATE.

Se Diex me vueille conforter,
 Je tesmoingne pour vérité
 Je ne sçay ville ne cité
 Où tous biens de luy on ne die,
 Fors ceulx qui sus lui ont envie.
 Il ne fist oncques mesprison
 De quoy deust estre en prison.
 Qu'il ne s'en fuie miex le gaitiez
 Que c'il fust mardrier afaitiez ;
 Sanz raison ly faictes despit.

Se on puet en ly metre respit
Faites-ly metre par vostre âme.

ANNES.

Ne allez pas croiant celle famme :
Tant que vivre le lessérons
Amis Césaire ne serons,
Car moult Césaire contredit
Cil qui Roy du pueple se dit.
Jhésu doit bien mort recevoir,
Car je vous tesmoing tout de voir
Qu'il a dit qu'il est filz de roy.

PILATE.

Beaulx seigneurs, vecy vostre roy
A qui vous faictes trop d'injures.

CAÏPHAS.

Ostez, ostez, n'en avons cure :
Crucefiez sanz arester.

PILATE.

Puisque ne m'en lessez ester,
Vostre roy crucefiray.

ANNES.

Vérité je vous conpteray :
Nous n'avons roy fors que Césaire.

PILATE.

Seigneurs, pour Dieu, jugement faire
Sus Jhesu le prophète, n'ose.
Je ne truis en luy nulle chose
Dont doie mourir honteusement.
Haquin, de l'iaue te demant,
Se tu en as point donne m'ent.

Seigneurs, entendez sainement :
Devant vous mes mains je nettoie,
Pour ce que tout ygnocent soie
Du sang de cest juste homme cy;
Devant vous je m'en lave cy.
De le juger bien vous souveigne :
Pas né vueil que Diex me repreigne
Quant il les âmes jugera.
De ce m'âme quitte sera,
Je le vous lesse et m'en départ.

CAÏPHAS.

Se Dieu en m'âme preigne part
Nous prenons son sang sus nos âmes,
Sus nos enfans et sus nos fammes,
Et le péchié qui en puet estre.
Malquin, pren-le par la main destre
Et tu Haquin par celle chape,
Et gardez qu'il ne vous eschape.
Roy, tu sera ja bien vestu
Que tu soies le mal venu.
Tu as regné trop longuement,
Car desvés tost appertement
La robe rouge que as vestue.
Jhésu, tu es a monthe mue
Ou tu as l'oreille ainssy sourde :
Bien est rabatue ta bourde.
Roy, devestir tu ne te daignes ;
Malquin, gardez que bien te teignes.
Celle robe du dos ly sache
Et puis tout droit à celle estache

Le me va maintenant lier,
Car .i. pou le vueil chastier.
Grans escourgées porterez
De quoy sez costez froterez,
Car je vueil qu'il soit bien batu.

MALQUIN.

Roy, ton sermon est abatu,
Nul n'aura plus mercy de toy.
Or tost, Jhesu, despouillie-toy ;
Or en alons, tu puez bien dire,
Que tout droit vas à ton martire :
Sus toy batre me vous lasser.

DIEU.

Famme que par cy voy passer,
Vueilliez .i. pou vers moy venir.
Ce drap vouldroie .i. pou tenir,
Mon visage y vueil essuier.

VÉRONCE.

Ce ne me doit pas ennuer,
Mais me doit abellir sans faille.
Tenez le drap, je le vous baille :
A moult bien employé le tien.

DIEU.

Véronce, bonne famme, tien,
Vecy ton drap, dy qu'il t'en sanble.

VÉRONCE.

Beau très-doulz Sire, il resanble
Trestout proprement vostre face.
Regardez trestous la grant grâce,
Le grant honneur, la seignorie,

Que Jhésucrist le filz Marie
Veult que je garde sa figure.
C'est cil qui de nul mal n'a cure ;
Vecy sa glorieuse ymage
De son très précieux visage.
Sire, moult bien le garderay,
Pour l'amour de vous l'ameray
Et sy vous met bien en convent
Je la regarderay souvent
Pour ce que de vous me souveigne ;
Mais je prie Dieu que male veigne
Grâce à Juifz prochainement.
Trop vous mainent honteusement
Sans raison par leur cruauté.
Tous estes plain de loiaulté,
Doulz Diex ; à tort vous vont grevant.

HAQUIN.

A ceste estache ci-devant
Tout maintenant liez seras.
Malquin, sces-tu que tu feras ?
Despouille-lay sanz arester
Et je vueil tandis aprester
La corde dont je le lieray.

MALQUIN.

Or fay ce que je te diray,
Fay-li celle estache embrasser,
Et je li vueil tandis lasser
Ses piez à ce tref de ma corde.

HAQUIN.

Je n'ay pas paour qu'il nous estorde,

Ne que de ci puisse eschaper.
Bien est lié, or du fraper
Honny soit qui bien n'y ferra.

MALQUIN.

J'ay sy féru qu'il y parra
A tousjours mais, ce sçay-je bien.
Dy-moy, meschant roy, di-je bien,
Quant j'ay ta char sy bien sequouse?

HAQUIN.

Tu m'as asséné sus le pouse,
Sy com ton coup c'est destourné.
Roy, put jour t'est huy adjourné :
Je croy que jà le cuer li fault.

MALQUIN.

Haquin, je te créant il me fault
Trois clous pour le crucefier.
Me oseroi-ge en toy fier
De le garder tant que reveigne?

HAQUIN.

Malle grant honte li aveigne
Qui de luy garder point s'esmaie.

MALQUIN.

Dont ne fineray tant que j'aye
Trois clous bien bons à mon talant.
Dieu gart le bon fèvre galant.
Fay .iii. clous lons, gros et quarrez,
Desquelz Jhésus sera barrez
En la crois ; puis te paieray,
Et tout ton vouloir je feray.
Fay tost, met le feu en la forge.

LE FÈVRE.

J'ay une apostume en la gorge,
Ne je n'ose beïre de vin.
Foy que je doy le Roy divin,
Mes mains ne fussent pas oyseuses,
Mais elles sont toutes roigneuses.
Autrement ne lez dresseroye
Pour quenques tu as de monnoye.
Je sui tout plain de goutte flestre,
Je me gis chascun jour en l'estre,
Car je ne me puis remuer.

LA FÈVRESSE.

S'on ne me puist ennuit tuer,
Ne se Dieu me gart ma sancté,
Le prophète l'a enchanté.
J'ameroie miez qu'il fust teigneux,
Que tousjours fust sy desdeigneux,
Car jamais rien ne gagneroit,
Et foy que te doy, bien feroit
Ta besoigne sy li plaisoit.
Hier main plus grant euvre faisoit,
Car il a les mains toutes saines ;
Or le reverses se tu daignes,
Lors saras-tu se je me bourde.

MALQUIN.

Galant, as-tu l'oreille sourde ?
N'as-tu pas oy Maragonde ?

FÈVRE.

Le mau feu d'enfer la confonde,
Sy vraiment comme elle ment.

Garde à mes mains; je te dement
S'il a ycy point de faintise?

FÈVRESSE.

Atise ce feu-ci, atise,
Malquin ; or pues-tu bien savoir
Soufler te fault se veulz avoir
Tes clous, et je les forgeray.

MALQUIN.

Maragonde, je soufleray
Volentiers, foy que je te doy.

FÈVRESSE.

Ferue me suis sus le doy
A ce clou-ci ; fère la pointe
Qui dû sang Jhesu sera oingte.
Est-il fait de bonne testée?

MALQUIN.

Bien seroit la chose aprestée
S'estoient fait li autre duy.

FÈVRESSE.

Ne voiz-tu com je me déduy
A ci férir sus ceste enclume?
Sy tu n'y voiz bien sy alume.
Est-ce fait de bonne magnière?

MALQUIN.

Qui meillieur voudra sy le quière ;
Delivre-toy de l'autre faire.

FÈVRESSE.

Malquin, il ne te fault que taire.
Je te créant je ne me sçay faindre :
Jhesu, se tu veulz pourras poindre.

De cestuy est-il lonc assez?

MALQUIN.

Je suis jà de soufles lassez,
Ne m'en chault quant j'ay ma besongne.

FÈVRESSE.

Malquin, paiez-moy sans eslongne ;
Baille-moy de tes deniers quatre.

MALQUIN.

Voy-les te, ci je revois batre
Avec Haquin mon compaignon
Dessus l'eschine à ce gaignon.
Tu as Jhesu moult bien gardé ;
Beau conpains, l'as-tu bien lardé ?
J'ay les clous que suis allez querre :
Nulz si bons n'a en ceste terre,
Or lez regarde bien, doulz frère.

HAQUIN.

Foy que tu dois l'âme ton père,
Entent à rouiller cest mastin.

MALQUIN.

Jhesu, entens-tu bien latin ?
Es-tu encor désennyvré ?
Je te dis tu seras livré
Au jour d'uy à la très grant mort.

HAQUIN.

N'ara pour ce respit de mort
Qu'il se face des Juifz Roys.

MALQUIN.

Tu ly as fait plus de .x. roys
De couleur rouge sus les longues.

HAQUIN.

Par le grant Dieu, ce n'est pas songes,
Encor li en feray-je maintes
Dont mes escourgées seront taintes!
Et tu, que feras? dy-le-moy.

MALQUIN. *ou*

Foy que je doy l'âme de moy,
Son corps sera par moy rouillié,
Si que du sang sera broullié.
Il n'a ci nul qu'il en deffende.

HAQUIN.

Roy, malle poission t'estende.
Qu'est-ce? as-tu paour? la char te tranble.
Tu n'as pas mantel, se me sanble,
Qui soit fourré de penne vaire.

CAÏPHAS.

Menez-le au mont de Calvaire,
Car je vueil qu'il soit là pendu
En la crois, et fort estendu :
Faictes tost, il est assez oingt.

MALQUIN.

Vous dictes voir, il est bien point.
En parfont il n'a homme ou monde
Qui plaie li feist si profonde
Com je li en ay plusieurs faictes.

HAQUIN.

Malquin, qu'est-ce que tu agaites?
Deslie aval et je amont.

ANNES.

Seigneurs, car le menez amont

Tout maintenant en la crois pendre.

MALQUIN.

Nous le menrons sans plus attendre,
Mais sa robe nous demandons
Que vous la nous donnez en don
Tantost que nous l'arons pendu.

ANNES.

Ce ne vous yert jà deffendu,
Nous voulons bien que vous l'aiez.

HAQUIN.

Or dois-tu bien estre esmaiez
Que de mort n'aras plus respit.
Malquin, met-li tout par despit.
Ceste grant crois sus ses espauls.

MALQUIN.

Tien, Jhesu, or m'en esbaulles;
Haquin, maine devant la dance.

MAGDELAINE.

J'ay au cuer si grant habondance
De dueil, que plorer me convient.
Beau très-doulz Dieu, bien me souvient
De la paine qu'avez soufferte
Et que vous souffrez sans desserte.
Le monde bien rachetissez,
Autrement, se vous vousissez,
Sans souffrir mort si angoisseuse.

SECONDE MAGDELAINE.

Je pleur com la plus doloieuse
Et la plus meschant que je sache.
Je voiz le doulz aignel sans taiche

A son col une crois porter ;
Pour ce ne me puis conforter.
Roy des roys, ils n'y voient goutte ;
Tel vous descire et vous deboute
Qui sus tous vous deust honnorer.

TIERCE MAGDELAINE.

Lasse dolant bien doy plourer
Quand je vous voy ci tourmenté.
Juifs ont malle volenté
Vers vous, sire de tout le monde.
Je pri à Dieu qui les confonde
Et qui les mette huy en mal en.

DIEU.

Hé! filles de Jhérusalem,
Tel dueil sus moy ne demenez
Pour tant que je suis mal menez.
Je vueil souffrir la mort amère,
Car c'est la volenté mon père.
Ma mort n'est que mort trespasable.
Filles, sus vos enfans plourez
Et sus vous qui ci demourez.
Véez ci le temps qui approuche
Chascune dira de sa bouche :
« Braheigniez qui ne conceptes,
» Fammes qui oncques enfans n'eustes,
» Ventres qui oncques ne portastes
» Et mamelles qui n'alectastes ,
» Benois et benoistes soiez. »
En ce temps leur vous recoiez
Quant Dieu prendra de mort vengeance

Lors recevront tel pénitance
Ceulx qui venront en ce termine
Qui tous seront pris par famine.
Ès cavernes se cacheront,
Et auls montaignes crieront
Qu'elles les veignent craventer ;
Lors femmes se pourront venter
Qu'elles mengeront par grant rage
Leur enfans n'y ara si sage :
Yci n'ara il point de joye.

HAQUIN.

Jhesu, se le grant Dieu me voye
Il semble que soiez lassez
Ou que tu as les pieds lassez
Ou tu te veulz desconforter :
Ta crois ne pues pas bien porter.
Tu te fains mauvais roy trahistes ;
Jà pour ce n'eschaperas quittez.
La crois dessus toy osteray,
A .i. autre la bailleray
Qui moult très bien la portera,
Car ton corps pendu y sera.
Dès cy vollentiers te tuasse.

MALQUIN.

Haquin, cel homme qui là passe
Semble Symon, par vérité :
C'est un homs plains d'iniquité.
Appellez l'ay, si parlerons
A li et porter li ferons
La crois ; bien porter la sara.

Quand sus son col mise l'ara.
Huche le, fay le coy tenir.

HAQUIN.

Symon, il te fault ci venir.
Vien avant, Symon, beaulx amis;
Malquin en office t'a mis,
Ne scay se de cuer le feras :
Ung pou ceste crois porteras
Jusques en ce tertre là-devant.

SYMON.

Seigneurs, ne m'allez ci grevant :
Il fait péché qui me ataine.
Encor me deult toute l'eschine
Et ay le corps si tenpesté
Du labour où j'ay huy esté.
Celle crois porter ne saroie :
De repos bon mestier aroye,
De vostre crois porter n'ay cure.

HAQUIN.

Vilains bos de pute nature,
Vilain serf et vilain puant,
Naguères tu estoies truant.
La crois porteras maintenant :
Se plus danger en vas menant
Frapé seras de bonne guise
De mes .ii. poins et sans faintize
Tes .ii. filz et tuit ti parent
Ne t'en porteront ja garant.
Tez filz servent ce losenger ;
Mieulx les en vausist estranger.

Ne sçay se tu les admonnestes ?
Toy et eulz tous mauvais estes;
Vilain, cestes crois te fault penre.
Pren la, ne la m'en fay reprendre
Que la teste ne te batisse.

SYMON.

Du porter moult bien me souffrisse
Se je m'en péuse excuser,
Mais je ne l'ose refuser.

HAQUIN.

Jhesu, voiz-tu ci ton tourment ?
Maintenant te vueil deslier
Et puis tantost crucefier.
Ces clous te feront par raison
Mener trop sanglante saison :
A ma guise te vueil mener.

MALQUIN.

Je vueil de ton corps estrener
Ceste crois qui est toute neuve.

HAQUIN.

Je le tenray qu'il ne se meuve,
Foy que doy, le jour de demain.

MALQUIN.

Je clorai sa senestre main
Par de ça, et de là la destre.
Pardevers lez piez me fault estre.
Jhesu, tu ne puez deffendre
Que tes piez ne te face estandre.
Roy, or m'osé-je bien vanter
Que tu saras bien enchanter.

Se de ci te pues eschaper.

HAQUIN.

Malquin, il fault destraper
De ces .II. larrons qui ci sont.

MALQUIN.

Il pert bien que ti amy sont,
Tu ne les veulz pas oblir.
Jé vueil cestui-ci deslier
Et au senestre le pendray.

HAQUIN.

Et je cestui pendu rendray.
A destre, soustien-toy, soustien.
Cest est pendu, pense du tien.
Fay tost. Qu'est-ce? que penses-tu?

MALQUIN.

J'ay aussy tost fait comme tu.
Seigneurs, vous ne perderez néant.
Tous les larrons je vous creant
De ceste terre sont pendu.
Véez-vous-en .I. ci estendu
Qui estoit le principal lierres.

HAQUIN.

Combien que soies enchantierres,
Sy t'avons-nous ci ataché,
Que se tu veulz avoir sancté
Ces .III. clous te fault arracher.

MALQUIN.

Roy, yci te convient sacher
Ou getter ton enchantement.

HAQUIN.

Gagné avons le vestement

Jhesu ; je lo que le departe
Avant que je de ci me parte.
Ceste robe que je te monstre
Penray ; pren celle-là en contre.
Et de ceste-ci que ferons ?

MALQUIN.

Mie ne la despesserons,
Ainçois la lesserons entière
Et en jouerons à la première
Griache à qui elle sera.

HAQUIN.

Et qui le jeu refusera
Malle grant honte li aveigne !
Tu as .vii. poins ; Dieu bonne estraine !
Malquin, beau-frère, ne te ennuit,
Il a moult bonne chance en .viii.
.viii., dy .viii. — Ho ! voy ma chance.

MALQUIN.

Ce soit à la malle meschance
De cely à qui elle fu.
Roy, par ma loy oncques ne fu
Que tu ne fusses malvais hom.
Or as maintenant ta raison.
Tu as dit que despecerons
Le temple et puis le referons
En .iii. jours ; es-tu bien bourderres ?

VIVANT.

Haa, Jhesu, come tu es grant lierres !
Se tu es filz Dieu que atens-tu ?
Dy-moy, pourquoy ne descen-tu

De celle crois appertement.
Très-meschant roy, je te demant
Comment osas-tu oncques dire
Que tu fusses roy de l'empire?
Respon; ne deignes-tu respondre?

ANNES.

Nous ferons ta char en crois fondre.
Tu m'as tant de fois raconté
Qu'en toy avoit tant de bonté
Que tout le monde sauverois.
Par ma loy, bien voy non feroies
Quant tu sauver ne te puez mie ;
Mais se tu puez sauver ta vie
Et de la crois descendre à terre
Nous t'irons de bon cuer requerre.
Or, nous fay ceste démonstrance
Et tenrons tous ta créance,
Car moult bien sera advenant.

CAÏPHAS.

Pilate, escripsez maintenant
Qu'il se faisoit roy tout puissant.
Sa folie miex cognoissant,
Sera quand on verra l'escript.

PILATE.

Volentiers metray en escript
Tout ce que bon me semblera :
Sans toy nul ta crois n'enblera.
Jhesu, n'avez paour que mal te face.
Seigneurs, se Diex me doint sa grâce,
J'ay bien fait ce que dit m'avez.

CAÏPHAS.

Par ma loy, sire, non avez :
Jhesu nostre loy despisoit.
Mettez y que roy se disoit
Des juifz ; aiez y ce mettre.

PILATE.

Je ne m'en quier plus entremettre,
Foy que doy vous, beaulx doulx amis ;
Ce qu'ay en cel escript là mis
Y sera, oster ne l'en quier.

CAÏPHAS.

Centurion, je te requier
Et te prie tu preignes en garde
Ces larrons que forment me tarde ;
Que Jhesu soit tout par tué.

CENTURION.

Se de Dieu soie salué
Sy feray-je moult volentiers.
Malaquin, bon compains entiers,
Fay tost ; par ta loy, va me querre
Mossé, Baudin et Pinceguerre ;
Dy leur que j'ay d'eulz ci afaire.

MALAQUIN.

Foy que je doy le roy Césaire
Je y vois pais qu'en convent te l'ay,
Seigneurs chevaliers, sans délay
Venez tous au appertement
Pour oûir le commandement
De Centurion nostre maistre.

PINCEGUÈRE.

Par le grant Dieu qui me fist nestre,
Tous .iiii. ferons sa volenté.

BAUDIN.

Se le grant Dieu te doint sancté,
Malaquin, amis, va devant.

MOSSÉ.

Dieu qui fist la pluie et le vent
Gart Centurion mon seigneur.

CENTURION.

Bien veignez, j'ay joye greigneur
Que n'oy oncques en ma vie.
On m'a commise la baillie
De ci garder et vous serez
Avecques moy et me ferez
Conpaignie à cy veillier.
Or, nous gardons de sommeillier,
Car se on nous enbloit en dormant
Ces larrons, courrouciez forment
Seroie, ce vous fais savoir.
Je ne voudroye pour nul avoir,
Car trop seroit honteuse chose.

MAL LARRON.

Cuides-tu que moquer ne t'ose,
Dy, Jhesu ? Pour ton beau chapel
Au mains as-tu rouge la pel !
Elle est bonne à penre huas (1).
Jhesu, or me dis que tu as,
Qui si fort te plains et sôpires.

(1) Elle est bonne à prendre un milon, un faucon (huas).

Par le grant Dieu tu es le pires
Lierre qui soit par ci aval.
Descen de ceste crois aval,
Or y parra que tu feras.
Lors diray-je que tu seras
Filz de Dieu ; se tu l'es sauve toy.

BON LARRON.

C'est grant merveille que de toy.
Encor est-ce de tes paroles ?
Gestas, gardes que tu rigoles
Ne à qui tu as dit tes oultrages.
Par Dieu, tu n'es mie bien sages
Mais fol musart.

MAL LARRON.

Ce sçay-je bien.
Oncques toy ne moy ne fêisimes bien,
De ce ne m'as qu'un pou apris.

BON LARRON.

C'est voir, mais qui Jhesu a pris,
Fait penre ne mettre à tourment,
Bien sçay que peché a forment,
Car filz est au père célestre ;
Mais moy, toy devons cy bien estre,
Car nous l'avons trop bien gaigné.
Maint hom avons nous meschengné
Et destourbé pour son avoir.
Gestas, ce pues-tu bien savoir,
Je te lo que mercy li cries
Pour tes péchez et li dépies
Qu'il les te vueille pardonner.

MAL LARRON.

N'ay cure de ton sermonner.
 Dy va, je te dy et par droit.
 Il feroit trop bien qui l'ardroit,
 Car il est bougre et ypocrite.

BON LARRON.

Tu mens comme lierre traibite.
 Dy moy pourquoi tu le leches?
 Il est trestout sire des angles
 Et sy veult ceste mort souffrir.
 Pour tous ceulx d'enfer garantir
 Qui ly vouront mercy crier.
 Doulz Diex, je vous vueil deprier
 Que j'aie de vous celle grâce
 Que m'âme vous voie en la face.
 Pour mes meffais dont ci je pens
 Vous cry merci et m'en repens.
 Sire, de cuer pleurant le dy.

DIEU.

Certes, certes et je te dy
 Que cy ne feras long séjour.
 Avec moy seras en ce jour
 En paradis, en ma maison.

MÈRE DIEU.

Beaulx doulz filz, c'est bien sans raison
 Que Juifz vous ont couronné.
 Grant courrous au cuer m'ont donné
 Quant souffrir vous font tel tourment.

S. JEHAN.

Ne vous conplaignez sy forment,

Dame, tel dueil ne demenez,
 Mais humblement vous contenez
 Et lessez vostre dueil ester.

MÈRE DIEU.

Mon dueil doy-je bien aprestier
 Quant je voiz que mon filz je pers.
 De dueil mouray se je le pers.
 Lassez-m'en a de luy mercy,
 Jehan, j'ay trop le cuer nercy.
 Moult forment me doy garmenter :
 En crois voy mon filz tourmenter.
 Et sy est tout son corps plaie.
 Mon cuer est triste et esmaie.
 Quant je voy mon doulz filz mourir,
 Que tous deussent seignourir
 Et il l'ont sus crois estendu.

S. JEHAN.

Ceux qui en la crois l'ont pendu
 Sont de cuer félon et trahite.
 Moult ay le cuer dolent et triste
 Quant en ce point mon maistre voy.

MÈRE DIEU.

Lasse moy, dolente voy
 Mon filz livré à tel justice.
 La couronne qui li ont mise
 Est de jons plus poignant qu'espine.
 Toute léesse en moy decline :
 Ains que mon filz mourir veisse
 Mourir avecques luy vousisse.
 Mort fay de moy trestout ton plein ;

N'en puis mès, se je me conplains,
Quant je voy mon filz défenir,
Dont joye me souloit venir,
Et le cuer m'en part de douleur :
Beau filz, je voy vostre couleur
Toute pallir et toute taindre.
Lasse! moy bien me doy conplandre.
Certes bien vouroie estre morte ;
Mort viengs à moy et si m'enporte.
Je n'ay cure que après luy vive.
Or sui-je bien, mère chétive;
Certes, ma mort forment me tarde.
Quant mon filz et mon père esgarde
En guise de larron destruire.
Nul ne faint point de luy nuire.
Lasse! comment sa couleur est mate,
Le forfait des pécheurs achate
Sy qu'il en est livré à mort.

DIEU.

Famme seuffre toy ; pour ma mort
Ne te dois pas desconforter.
Je muir pour sancté apporter
Nez à ceulx qui sont trespasser.
Se tu me vois ore lassez
En ce tourment qui sy me trancha,
Hors en seray dedens dimenche.
Lors seront maintes âmes liées
Qui sont pieçà du corps parties.
Les bonnes joye demenront,
Avecques moy tousjours verront :

Famme, famme, conforte toy.
Jehan, qui est sy près de toy
C'est ton filz. Voiz tu ceste famme,
Jehan? C'est ta mère; com ta dame
La sers de fin cuer débonnaire.
Je t'ay esléu ad ce faire,
Garde la bien comme ta mère.

S. JEHAN.

Je vous rens grâces, beau doulz père,
Quant de vous suis sy cogneu
Qu'a ce faire suis esléu.
Je feray débonnairement
Sire, tout son commandement,
Et de bon cuer la garderay.

LA MÈRE DIEU sus : « *Veni Creator.* »

Triste dolente que feray?
Bien me devoit le cuer partir.
Hé! mort, car me fay départir;
Car j'ay vescu trop longuement.
Le cuer m'estraint si asprement,
Je l'ay d'engoisse si amer!
Beau filz, pour vous m'estuet pasmer,
Et pour le mal que soustenez.

S. JEHAN.

Dame, tel dueil ne demenez;
Souffrez vous et lèsez ester.
Vous n'y povez rien conquister :
Il veult sauver tous sez amis;
Dame, pour ce son corps a mis
En tel paine et en tel durté

Pour eulx getter de l'obscurté
D'enfer, qui est tout plain d'ordure.

MÈRE DIEU.

Il seuffre angoiesse trop obscure;
Mon doulz filz; son pueple aime moult
Et si n'a nul en tout le mont
Qui pour luy tel fès soustenist.
Bien vouroye que mon père fenist
Sans plus au monde demourer.
De cuer m'estuet plaindre et plourer;
Quant je voy mon filz justicier,
Je doy bien ma vie peu prisier.
Jamais joye ne puis avoir

Mais yray dueil toudis menant.
He! mort, car me prens maintenant;
N'en puis mais se je m'esbahis.
Beau filz, Juifz vous ont trahis,
Honteusement vous ont pendu
Et vostre corps ont estendu
En celle crois et par envie.
Lasse! comment puis estre en vie?
Qui jamais me confortera?
Beau filz, vostre mort me fera
Grant dueil et grant rage mener.

En chantant die.

Beau filz je doy bien forcener,
Il n'est nulz qui me confortast :
Bien voudroie la mort m'emportast.
Au cuer grant angoesse me point;

Envis vous cuidasse en ce point
Jamais ne pourroye voir
Quant je vous fesoie séoir
Par grant désir en mon giron
Moy et vous nous départiron.
Vous vous mourez et je demuir
Se poise moy quant je ne muir.
Filz, pour quoy mon cuer lessés?
Or est bien du tout abessez
Le soulas que vous me fesiez
Quant en la bouche me besiez,
Par douceur plaine d'amitié.

DIEU.

Beau père, preigne toy pitié
De tous ceulx qui ce mal me font,
Car ne scevent à qui le font.
Leur meffait leur soit pardonnez.
J'ay soyf.

CAÏPHAS.

Beau seigneurs, je vous pry, donnez
A ce roy ce qu'il vous demande.
La male poission l'estendel
Tant nous ahuy fait de paine.
Je croy que la mort le demene,
A boire demandé nous a.

HAQUIN.

Certes, enfantosmez nous ha.
Boire ly donrray se voulez
Buvrage qui oncques coulez
Ne fu; jà bien ne li fera.

Or escoutez quielx il sera :
Pour ce que Jhesu voy sy maigre
D'amer de beste et de vin aigre
Sera destranpé ce buvrage.

ANNES.

Par ma loy, Haquin tu es sage ;
Donnez ly bien je my acorde.

HAQUIN.

Je penray celle escuelle orde ;
Dedens vueil mettre la poison.
Tien meschant roy, boy à foison
Et garde n'en y lesse goutte.

DIEU.

Or est acomplie trestoute
La prophécie ; dès or mourai-je
Pour sauver tout l'umain lignage.
Beau très doulz père je baille

Entre tes mains mon espérir :

LES ANGLES sus : « *Veni Creator.* »

Vous estes tous hors du péril
D'enfer ; celle orde vil pueur ;
Pour ce je vous aport leur
Et lumière de paradis.
Par Adam qui pécha jadis
Tous estoient en enfer mené,
Mais la mort Jhesu ramené
Vous a trestous a sauvement.

CENTURIONS.

Seigneurs, sachez certainement

Gilz estoit filz Dieu et homs juste.
Vous trestous qui à sa mort fustes
Se bonnes personnes fussiez,
Savoir de voir bien déussiez.
Les pierres fendre vous veistes,
Et la terre crouler sentistes ;
Le soleil et le jour pardirent
Leur clarté, trestuit si le virent
Qui furent à ly justicier;
Filz Dieu est , on le droit prisier,
Chascun le doit croire et savoir.

MALQUIN.

Je ne voudroie pour tout l'avoir
De Jherusalem la cité
Que vous déissiez vérité.
Où avez vous ceci songé?
Pilate, donniez nous congé
D'aler véoir en escalvaire
S'en ses larrons a mais que faire
Que on nous a fait justicier.
Les cuisses leur faudra brisier
Se ainssy est que nulz d'eulz plus vive;
La chose doit estre hastive,
Car du Sabath approche l'eure.

PILATE.

Alez y sans faire demeure
Et Longis avec vous menez.
Longis, ceste lance tenez;
En vostre main la porterez
Et ses conpaignons aiderez :

Je vous en pry par amitié.

LONGIS.

Oncques n'oy du larron pitié :

Il me tarde jà que je y soye;

Mais il n'est goute que je y voye.

Lequel de vous me y veult mener?

HAQUIN.

Pener me vueil de vous mener ;

Or en venez tout maintenant,

Au larrons vous voiz droit menant.

Or, escoutez que nous ferons

Quant devant les larrons serons :

Chascun au sien se couplera

Et les cuisses ly brisera.

Longis, savez que vous ferez :

Les cuisses Jhesu briserez,

Par quoy mourir plus tost il puisse

Se ainssy est que vif on truisse.

Malquin, ces .iii. larrons là vivent.

MALQUIN.

La mort à leur pouvoir eschivent,

Je croy bien vouroient tous jours vivre.

Pren ce baston et te délivre;

Brise les cuisses à cely.

HAQUIN.

Tu sces bien je ne doubt nully

De bien savoir faire l'office.

MALQUIN.

Je vueil qu'on me teigne pour nice

Se cestuy tantost ne partue.

Hal Jhesu, comme has laide veue :
Je croy que il n'est pas en vie.

LONGIS.

D'autre chose je n'ay envie
Fors que de Jhesu tourmenter.
Haquin, je m'ose bien vanter
Je ly feray mes jeus puisr.

HAQUIN.

Jhesu n'a pover de fuir,
Car il me semble que mort est.
De vostre lance qui forte est
Ou cousté destre le poignez
Et gardez que ne vous feignez ;
Mais bien en parfont le plaiez.
Nous voulons que vous essayez
S'il a en ly de vie point.

LONGIS.

Lié sui quant il est en ce point,
Car je le hay de tout mon cuer.
Haquin, ma lance en droit le cuer
Apointe trestout droitement.

HAQUIN.

Volentiers, férez roidement :
En droit le cuer je l'ay mise.

LONGIS.

Roy, au cuer te fier sans faintise.
Combien que j'ay perdue la veue
Sentiras-tu ma lance ague.
Bien sçay que je t'ay la char route :
Je sens sang ou yaue qui dégoute

La Trinité que peusse estre ?
Je te creveray ton oiel destre,
Ce sçay-je bien encor ennuit,
Se tu dis chose qui m'ennuit,
Ou je te turay de ma lance.
Je croy ce te fait dire enfance :
Tès toy que tu ne le compères.

SAINTE ÉGLIZE.

La Trinité est Dieu ly père,
Dieu le Filz, ly Sains-Espéris.
C'est .i. Dieu qui de tous péris
Garde Sainte-Crestienté.
C'est cil qui donne la sancté ;
Ce sont .iii. personnes ensamble
Et .i. seul Dieu : dy, qu'il t'en sanble ?
Oserois-tu ceci desdire ?

SYNAGOGUE.

Je ne saroye ce livre lire.
Dyva, tu ne me dis que fables
Mais j'ay la loy Dieu en mes tables
Que enseigne Abraham, Ysays,
Et Moyse par le pais
Moult grant piece les sermonna.
Ceste est la loy que Dieu donna
Quant il ot en ces tables mises
Ou mont Sinay à Moyse.
C'est la loy d'encienneté,
Et tu veulx or nouvelleté
Tout par toy maintenant ci faire.

SAINTE ÉGLIZE.

Je te feray assez tost taire.
Tu ne fais que sors et charaiez.
Respons-moy que le mal-jour'aiez,
Ou Dieu puet tout ou rien ne puet.
Se tout puet, doncques ne le puet
Nulx homs desdire par raison ?
As-tu bien perdue ta raison ?
Dieu a voulu nestre de famme
Pucelle, Vierge, sans diffamme,
Et a voulu sa char humaine
Ait souffert la mort souveraine,
Comme bien pert qu'il est pendu
En la crois et tout respandu
Fut son sang, et pour ce voir
Yci suy pour le recevoir ;
Mais au tiers jour sera revis
Ainssy com je le te devis ;
Et te dy sentence est rendue
Que ta loy sy est confondue
Arrez de .x. commandemens.

SYNAGOGUE.

Par ma loy, gloute, tu te mens.
Se avoies bien leu nos gloses
Tu n'oseroies dire telz choses.
Bien puez savoir, se tu n'es yvre,
Mort homme n'a pouvoir de revivre.
Jhesu est mort, ainssy est-il,
Et comment donc revenroit-il ?
Sy grant pouvoir n'a pas nature ;

Mais nous avons une figure
En nos gloses qui moult m'espoente.
En celle figure se vente
Le prophette que ma court toute
Par .i. seul home sera route.
Celly n'est pas à son vouloir.

L'angel chante sus : « *Hostis Herodes* »

Vieille Loy, bien te dois douloir,
Tu dois bien plourer et suter,
Car perdu as au desputer :
Sainte Église a le champ gaigné.
Or, sont Juifz bien meschaignié,
Diex a leurs escripts deffaciez.
Crestiens, Dieu veult que faciez
Ce que Sainte Église dira.

SAINTE-ÉGLIZE.

Apelle .i. clerc qui te lira
Ceste leçon qu'on t'a leue.
Aussy as-tu malvaise veue ;
Fay bientost il te fault deffendre
Ou il te convient à moy rendre ;
Or fay lequel que tu vourras.

SYNAGOGUE.

Je me rens vaincue ; or pourras
Désormais régner par tous règne
Chevauche à bandon et règues
Partout, plus ne m'ose vanter ;
Le chant que j'ay oy chanter
A toute aveuglée ma face.

JOSEPH.

Il m'est pris talent que je face
A Pilate une requeste
Qui ne sera pas deshonneste.
Ne sçay s'il la refusera,
Mais gaires ne ly coustera :
C'est de Jhesu cel home mort.
Juifz l'ont par envie mort,
En celle crois l'ont estendu
Et entre .ii. larrons pendu.
Bien ly ont trestui couru seure
Je n'en voy nul qui pour ly pleure.
Sy se faisoit-il bien amer,
Mais pour ce qu'il se fist clamer
Roy des Juifz, quant il le sorent,
Sy grant dueil et courroux en orent
Qu'ilz en ont pris vengeance obscure ;
Or n'a mais plus nul de ly cure.
A Pilate tantost savoir
Voiz se je le pourray avoir
Par requestes ne par prières ;
Et j'ay esté encor nagaires
Nouviau chevalier, pour ce croy-je
Qu'il le m'octroiera sans ploige ;
Car c'est ma première demande.
Pilate, sil Dieu vous deffende
De mal, qui fist le firmament.

PILATE.

Joseph, le grand Dieu vous ament.
Que vous plaist ne que venez querre?

JOSEPH.

Pilate, je vous vien requerre
Et vous vueil doucement prier
Que vous me vueilliez octroier
.i. don que vous demanderay.

PILATE.

Demandez et je le feray ;
Faire le doy sans contredire.

JOSEPH.

Pilate, bien savez, beau sire,
Chevaliers suis nouvellement.
Le corps de Jhesu vous demant :
Mort est, Sire, donnez-le-moy.

PILATE.

Foy que je doy l'âme de moy,
Pas trop grant don ne demandez.
Joseph, .i. petit attendez
Et tantost sans dilacion,
Je manderay Centurion,
S'il est mort par luy le saray,
Puis tost donné le vous aray.
Vallet, va quérir en message
Centurion au fier courage ;
Va tost, dy ly qu'il veigne cy.

MALQUIN.

Ce vault fait, levez-vous de cy,
Sire, en qui prouesse surinonte.
Se le grant Dieu vous gart de honte.
Venez au prévost maintenant.

CENTURION.

Je y vois, car c'est bien avenant
Que toute sa volenté face.
Du grant Dieu qui a toute grâce,
Soit luy Pilatè maintenu.
Mandé m'avez, je suis venu,
Dictes-moy vostre volenté.

PILATE.

Se Diex me doint bonne sancté
Je ne vous vueil pas decevoir.
Savoir vueil de Jhesu le voir
S'il est mort ou s'il est en vie.
Joseph a de ly grant envie :
S'il est mort je ly vueil donner.

CENTURION.

Bien ly povez abandonner,
Foy que je doy ma baronnie ;
L'âme ly est du corps partie ;
Ce scay-je bien certainement.

PILATE.

Joseph, vostre commandement
Du corps Jhesu faire pourrez
Toutes heures que vous vourrez ;
Mais pour ce que vous ne failliez ,
Je vous lo bien que vous ailliez
Auls evesques et sy leur dictes
Que ce corps est vostre tout quictes
Et que nul ne le vous deffende ;
Car c'est la première demande
Que vous avez à moy requise.

Les Juifz en ont fait justice
Et vous voulez le corps avoir.
Par droit ilz doivent bien savoir
Qui l'ara de la crois osté.

JOSEPH.

Je vois tantost à leur hostel.
De par Pilate, seigneurs Ponce,
Je vous dy et sy vous anonce,
Que le corps de Jhesu rien est.

ANNES.

Non est voir.

JOSEPH.

Par ma loy sy est ;
Pilate le m'a octroïé
Et m'a à vous .ii. envoyé
Pour le vous dire (or le vous dy-je),
Qu'il le m'a donné quitte et lige.
De la crois le vois avaler.

ANNES.

Joseph, où voulez-vous aler ?
Dictes-vous, vous emporterez
Le mort ; par ma loy non ferez,
Estes-vous fol ou enragiez ?
Pour le garder sui estagiez
De mon avoir, de corps et d'âme,
De mes enfans et de ma fame,
Et avec moy tout mon lignage.

CAYPHAS.

Joseph, vous n'estés pas trop sage
Quant vous nous dictes ces paroles,

Car elles sont nices et folles,
Et sy vueil bien que vous sachez,
Jhesu est sy bien atachiez
En celle crois, que bien sarez
Hault faveler quant vous l'arez;
Et sy vous fais bien à savoir
Quiconques le vourra avoir
Tels enseignes aportera
Que mieulx créu que vous sera.
Qu'il soit vostre, rien n'en savon,
Et de vous soupeçon avon
Que ne nous vueilliez decevoir.
Point n'en arez, sachiez de voir :
Aultre que vous y fault venir.

JOSEPH.

Seigneurs, quoi qu'en doie avenir,
Il m'est donné et je l'aray
Et jà gré ne vous en saray.
A Pilate sans nulle esloigne
Je vueil compter ceste besoigne ;
Moult me tardè que le mort teigne.
Pilate, grant bien sy vous veigne
Courrous me fait le cuer estaindre :
De Caïphas et d'Annes plaindre
Me vieng à vous que trop contraire
Sont vers moy de ce que vueil faire.
Jhesu ne veullent que j'enporte
Et sa char est en la crois morte,
Car tous .ii. contredit le m'ont.
De ce courroucié sui-je mont;

Ne sçay se d'eulz estes amé,
De par vous me suis reclamé ;
Il dient que riens n'en feront.

PILATE.

Joseph, tout courroucié seront
Quant ilz le vous ont contredit.
Vous l'arez puisque je l'ay dit :
Nicodemus tantost y va
Avecques vous et leur dira
Que vostres est entièrement.
Nycodemus, allez briefment
A Annes et Caïphas dire
Que j'ay au cuer courrous et ire,
Quant il ont Joseph tant lassé
Et mon commandement passé
Plus ont mespris qu'il ne leur sanble,
Toy et Joseph yrez ensamble
Et leur dy qui l'y lessent penre ;
Sien est, nul ne l'en doit repenre
Et je ne vueil pas qu'il y faille
Ne que nul encontre luy aille
Ou forment les courrouceray.

NYCHODEMUS.

Le mesage moult bien feray.
Joseph, beau-frère, or en venez :
Droit à ces maistres me menez.
Lié suis quant avec vous m'a mis.

JOSEPH.

Nychodemus, beau doulz amis,
Le corps du mort tenir vourroye.

Certes, dire je ne pourroie
Comme j'ay grant sain de l'avoir.

NYCHODEMUS.

Ce veulz-je bien croire et savoir,
Et sui lié de ce vous dictes,
Car pour Jhésu sui forment tristes,
De ce que à mort l'ont méhaigné,
Et sy n'y ont-il riens gagné
A de cy l'oster je m'acort.

JOSEPH.

Nychodemus, bien d'un acort
Sommes moy toy ad ce faire.
Or pry-je Dieu le débonnaire
Que bien fassiens nostre besoigne
Et que nous ne truisson essoigne
Vers les felons hors de créance,
Nychodemus, j'ay espérance
Que Dieu veult que facien ceste euvre
Pour plus dignement le recevoir.
Or pense du sagement dire
Le commandement de ton Sire.
Voy-les-y, la va, sy leur compte.

NYCHODEMUS.

Joseph, se Dieu me gart de honte
Je leur vois dire mon mesage.
Seigneurs, vous n'estes pas trop sage ;
Mespris avez vilainement
Encontre le commandement
Que Pilate a commandé,
Que Joseph ly a demandé

Le mort, point ne le fist muser,
Il ly donna sans refuser :
Pas trop ne le fist requérir;
Mais quant Joseph le vint q̄érir
Penre le corps ne ly lessastes,
Mais moult forment le rechinastes,
Et chascun de vous l'en blamoit
Et moult forment se réclamoit.
A vous dis par prévost Pilate
N'y ara cil qui ne l'achate
De vous se plus ly escondites.
Pilate dit qu'il est sien quittes
Et veult que tost ly soit donnez.

ANNES.

Dès or ly est abandonnez,
Je vueil qu'on le ly délivresse.
Or le voit querre et emportesse,
Je n'en yray plus à l'encontre.

CAYPHAS.

Velà le mort, je vous le monstre
Joseph, or le povez desprendre ;
Nul ne le vous veult plus deffendre ;
Dès or nous en lessez ester.

ANNES.

Nous sommes folz de cy ester
Quand somes delivre de ly.
Quant il sera ensevely
Tel pourra veoir sa sépulture
Qui l'emblera par aventure :
De l'aler bien est se me samble.

CAÏPHAS.

Anne, se ainssy est qu'on l'emble,
Honni soit-il qui les hostages
De quoy nous sommes tous en gages
A Pilate jà paiera !

JOSEPH.

Nychodemus, moult bien sera
Que je voise chevance faire,
Commant j'aray . i. bon suaire
Pour ce corps là ensevelir.

NYCODEMUS.

Joseph, moult me doit enbellir
La parole que vous oy dire.
Je yray avecques vous, beau sire,
Moult volentiers pour vous aidier.

JOSEPH.

Nicodemus, sans plus plaidier
Alon moi toy voir sy pourron
Prendre du quel nous vourron.
Ce mercier nous en puet bien vendre.
Sire, car nous vueilliez entendre.
Avez nulz beaulz draps neufs de soye ?

MERCIER.

Je croy moult très bien que je soye
Garny de ce que demandez.

JOSEPH.

Beau doulz sire, car nous vendez
Des très plus beaulz que vous aiez,
Et vous en serez bien paieiz
En tel argent com vous vurrez.

LE MERCIER.

Dès or acheter en pourrez :
Ma marchandise vous desquœuvre.
Jà pourrez acheter bonne euvre :
J'en ay de magnières diverses.
J'ay soye rouge, Indes et Perses,
J'ay soie noire, soies fines,
Plus blanche que n'est fleur d'espines ;
J'ay beaulz poilles seur argentez
A feilles d'or par my plantez ;
Draps vers de soye à or bendez
Et sy ay de plusieurs sendels,
Soye vermeille et puis morée,
Et ay soye qui est dorée ;
J'ay bougueren et estamines,
J'ay bources faites de euvres fines,
J'ay saintures et gibecières,
Courroyes de maintes manières,
Pourpres samis tressiers et guindes,
Voilles noirs et rouges et Indes,
Coëffes à or bonnes et riches,
Queuvrechiez, crèpez et afiches,
Epingles d'argent sororées,
Grosses couroyes d'argent dorées,
Chapiaus apellez et couronnées
Et pierres precieuses et bonnes,
Noires et vers et rouges sarges,
Couvertours de sendal bien larges ;
J'ai paille de divers ouvrages,
Pourtrait sont à bestes sauvages

Qui samblent lion et liépart,
Et en ay encor d'aultre part,
De riches, fais nouvellement,
Qui sont pourtrait mesmenient,
De blanches et de rouges roses
Qui sont parmi le drapt encloses ;
Poilles roiez, couroyes à perles,
Draps à papegauls et à merles.
A briets paroles deviser
Ne vous pourroye deviser
Tout quanque j'ay de marchandise,
Et ay .i. drapt que forment prise,
.i. sydoine, mais il est vers.
Soiés tout certains qu'il n'est vers
Qui jà le puisse transpercier,
Et sy ne sçay je pas mercier
Qui miex de moy en soit asiez.

JOSEPH.

Beau très doulz sire, or vous taisiez :
Ce sydoine j'acheteray.
Dictes moy que j'en paieray :
Ce corps y envelopperay
Et de celle crois l'osteray
Que j'ay tant Pilate proyé
Que il m'a le corps octroié.
Or l'en vueil porter doucement
En .i. serqueu que proprement
J'ay fait faire pour le couchier ;
Et vous dictes que ver touchier
Ne puet à ce sydoine digne ?

Pour ce y mettray ce corps bénigne :
Benoist est et Benoist doit estre
Car filz est au Père célestre.
A tort ly ont ce fait Juise :
De bon cuer ly faiz ce servise,
Car il n'est nul qui bien le serve
Qu'à .c. doubles ne le deserve.
Sire, or prenez de mon avoir,
Car le sydoine vueil avoir
Pour le propheete ensevelir.

MERCIER.

Joseph, moult me doit embellir
La parole que m'avez dicte.
Le sydoine vous avez quitte :
Vostre est et vous l'emporterez,
Ne jà deniers n'en paieriez.
Marchant sui qui en marchandise
Ay tousjours m'estudie mise.
Le sydoine ly vueil donner,
Bien le me puet guerredonner,
J'en ay bonne dévotion.

JOSEPH.

Ce n'est mie m'entencion,
Sire, que pour nyent je l'aye.
De la cherté point ne m'esmaye ;
Vecy assez monnoye bonne.

MERCIER.

Le sydoine quicte vous donne ;
Allez, à Dieu je vous commande.

JOSEPH.

Je pry à Dieu qu'il le vous rende
Et qui vous vueille conforter.
Ce sydoine te fault porter,
Nichodemus ; je le te baille.

NICHODEMUS.

Joseph, je vous dy bien sans faille
Ce sydoine moult m'abellist :
Du corps tenir ay grant délit ;
La besoigne point ne m'anuie.

JOSEPH.

Or en alon , Diex nous conduie.
Aujourd'uy beau don gaigné ay
Que Pilate sy m'a donné :
C'est Jhesu que je vois despendre
De celle crois sans plus attendre,
Car je le voy moult tourmenté.

NICHODEMUS.

Joseph, se Diex me doint sancté
Je ly vois le bras desclouer.

JOSEPH.

Tu dis bien, je t'en doy louer :
Au pié de la crois demourray,
Car recevoir je le vourray
Quant je le verray jus venir.

NICHODEMUS.

Or entendez au soustenir,
Car je voy bien que il se abesse.

JOSEPH.

Seurement aler le lesse

Et vieng avant sy m'aideras,
Et le sydoïne getteras
Sus ly et puis l'enporteras,
Et ou serqueu le coucehras
En ce sydoïne dignement.

NICHODEMUS.

Sire, à vostre commandement
Je suy près et appareilliez.
De le servir suis esveilliez
Et seray tant com je vivray.

JOSEPH.

Doulz père, vostre corps livré
Avez pour nous à grant tourment.
Contre vous ont mespris forment
Ly felon Juifz de put aire.
Quant ilz vous ont osé ce faire
Ilz sont faulz et malvais trahiste.
Doulz Dieu, j'ay pour vous le cuer triste;
Par grant tort vous ont mesheigné
Et sy ne l'avez pas gaigné.
Vous estes filz de Dieu le père
Et naquistes de Vierge mère.
Vous estiez Dieu plain de pitié
Et par vostre grant amitié
Qu'avez eu à vos amis
Que'Adam en enfer tous a mis,
Avez voulu mort recevoir,
Chascun puet bien apercevoir.
Quant Longis, qui ne voit goute,
Vous ot la char du costé route,

Fort vous poigny, pas ne failly,
Tant que vostre sang en sailly
Sus ses mains; lors les aprocha
De sez yeulz et les antoucha
Du sang, par quoy r'ot sa véue
Qu'il avoit longuement pardue.
Longis, qui devant non voians
Estoit, en fut lié et joians.
A celle heure que vous mouristes
De l'angoisse que vous souffristes,
Ciel et terre toute trambla.
Ce fut pour vous lors bien sambla
Que definement déust estre.
Doulz Dieu, filz au Père celestre,
En vous est toute m'espérance,
En vous est trestoute puissance.
Mors ont les chiens envieux :
De cest oignement précieux
Oindray vos plaies sans faintise;
Beau doulz père de bon servise,
Tousjours mais vous vueil servir.
Or vueilliez que je déservir
Vostre très-doulce amitié puisse,
Par quoy avec vous je me truisse
Quant départiray de ce monde.

NICHODEMUS.

Doulz Dieu de qui tout bien abonde,
Vous dictes, ce sçay-je de voir,
Que mort vous failloit recevoir;
Au tiers jour resusciteriés,

D'enfer les vostres geteriés.
Cy a moult grant humilité,
Dieu père plain de vérité,
Car me vueilliez donner la grâce.
Que je puisse véoir vostre face.
Quant la mort me fera fenir.

CAÏPHAS.

Malaquin, va sy fay venir.
Annes, dy-ly jø le demande.

MALQUIN.

Volentiers. Caïphas vous mande
Qu'à ly tantost parler venez.

ANNES.

Malaquin, bon vallet senez,
Je vois puisqui l'a commandé.
Caïphas, vous m'avez mandé.
Je suis venu sans arrester.

CAÏPHAS.

Sire, tout ce lessez ester;
Parlon vous et moy d'autre chose
Que pour vérité dire je ose.
Fol est qui dit que soions sage :
Occis avons par grant outrage.
Le prophète ; s'il resuscite
De sa mort ne seron pas quitte
Pour ce que l'avons justisé.

ANNES.

Qui dyable vous a avisé
De ce dire? estes-vous yvres?
Caïphas, gardez en vos livres

Où la vostre créance est mise.
Vostre loy point ne vous devise
Que nulz homs en vie reveigne,
De quelque heüre que mort le preïngne;
Grant yvresse vous oy compter.

CAÏPHAS.

C'est voir, mais Dieu puet seurmonter
Toute chose et par droicture,
Dieu puet plus que ne fait nature.
S'il est filz-Dieu par vérité
Vous le verrez resuscité
Ainçois qu'il soit .iiii. jours entiers.

ANNES.

Je ne vous oy pas volentiers
Ces malvaises paroles dire.
Vous estes maistre de l'empire
Et avez sy fole créance.
Bien sçay Dieu a toute puissance
Et qu'il est sans commencement
Ne jà n'ara de finement.
Quant Dieu vouldra il nous touldra
La vie, mais jà ne mourra :
C'est un homs que avons tué.

CAÏPHAS.

Sire Anne, bien entendu é
Ce que respondu vous m'avez,
Mais de vérité bien savez
Que .i. Dieu puet tout sans nulle some
Et se met bien en guise de home.
Tantost que cest home tenismes

Jusques à la mort le batismes :
Sanglant fut devant et derrière.
Se Dieu est, alé est arrière
En paradis en sa maison;
Que ce ne fust pas sans raison
Que ainçois que la mort l'estendist
Convint que la pierre fendist
De son sang et en fut quassée,
Et quant s'âme fut trespasée,
Je vis le temps noir et ennuble
Et plain d'obscurité moult horrible
Dont je fu moult espoventez.

ANNES.

Par foy, vous estes enchantez
Quant de ly point vous vous doubtez :
Lessez ester, sy me comptez.
Jhesu sy est de bons amis;
Joseph, ou sépulcre l'a mis.
Nulz n'y avons qui le gardege.
S'il avient chose qu'on l'emblege,
Ceste derrenière erreur seroit
Qui très-bien y regarderoit
Plus malvaise que la première.
Or vous diray-je la manière
Comment nous nous encheviron.
A Pilate nous en yron
Vous et moy ceste chose dire.

CAÏPHAS.

Alon, ne vous en quier desdire ;
Je m'acort bien à celle chose.

ANNES.

Cil Dieu en qui mercy repose
Gart Pilate qu'il ne ly veigne
Chose de quoy son cuer se pleigne
Com celly que devons amer !

PILATE.

Diex qui fist la terre et la mer
Vous vueille de tous mauz deffendre !

ANNES.

Pilate, vueilliez nous entendre :
Jhesu est ou sépulcre mis.
Nous avons plusieurs anemis
Qui tous de sa mesgnie sont,
Qui pour sa mort courroucié sont.
Il se pourroient bien asambler
Pour le prophète aler embler.
Pour .c. marcs d'or n'el vourions :
Conseillez-nous se pourrions
Avoir nully pour le garder.

PILATE.

Seigneurs, vous n'avez que tarder .
Je lo que quérir envoie
Les chevaliers, et leur proiez
Que à venir cy point ne tardent,
Et que le sépulcre bien gardent ;
Bon est à faire à mon avis.

CAÏPHAS.

Se on l'emble ou s'il est jà vis
Formement courroucié en seray.
Par Malaquin tost manderay

Centurion ; rien ne le teigne
Qu'à mon hostel tantost ne veigne.
Sy li requerray sans tarder
Chevaliers pour le corps garder,
Vallet, met-toy tost à la voie ;
Dy centurion je ly proye
Cy veigne, j'ay mestier de luy.

MALQUIN.

Sire, je ne doubte nully
Que ce mesage bien ne face :
Bien m'en a Dieu donné la grâce,
Je y vois donc et de vous me part.
Centurion, cuer de liépart,
Le grant Dieu vous gart de périr,
Par moy vous envoie quérir
Caïphas ; venez-y beau sire.

CENTURION.

Ce ne vueil-je pas contredire :
Je y vois tantost puisqu'il a dit.
Caïphas, Malquin m'a dit
Que mandé par ly vous m'avez.
Or me dictes se vous avez
Mestier de rien que puisse avoir.
De ma gent et de mon avoir
Povez vostre volenté faire,
Car par moy n'y ara contraire,
Ne jà desdit vous n'en serez.

CAÏPHAS.

Trois bons chevaliers manderez
Qu'à moy veignent sans délaier.

CENTURION.

De ce ne vous fault esmaier :
Je feray moult bien ce message.
Or sus, chevaliers de barnage,
Vos bonnes armeures prenez
Et tout maintenant en venez
Après moy, car je le commande.

PINCEGUERRE.

Se Diex de péril nous deffende
Après vous volentiers yron.

BAUDIN.

A vous tous .III. obéiron
A quanque vourrez deviser.

MOSSÉ.

Maistre, chascun vous doit prisier :
Vous avez dessoubz vous .c. homes
D'armes apri comme nous somes.
Moult estes plain de grant noblesse :
Hardement, fierté et proesse
Devez avoir plus que .i. lyon.

ANNES.

A bien veigne centurion
Et sa compaignie qui est bonne.
Chascun semble fière personne.
Foy que doy ma barbe chanue,
Je suis lié de ceste venue :
Moult semblent avoir vassellage.

CENTURION.

Ce sont chevaliers preus et sage :
Ils sont hardy et courageus

Et qui leur désert oultrageus.
Fort home sont et bien esleu,
Bien esprouvé, bien cogneu ;
Je les ay moult bien essaiez :
Oncques ne les vy esmaiez
Pour host ou chevauchie ou guerre,
Pour nul qui les envoiait querre.
J'en ay tels .c. en ma baillie :
Chascun porte espée fourbie
Et bon escu et bonne lance,
Qui tous me servent dès m'enfance,
Ne nul de eulz ne m'ose desdire.
Se ceulx-ci ne vous plaisent, Sire,
Des autres vous yray quérir.

ANNES.

Centurion, Dieu de périr
Les vous vueille tous .iij. deffendre!
Il me semble qu'ilz devroient rendre
Trois coups d'espée sans faintise.

CENTURION.

Je les met en vostre servise
Et leur enjoing et leur commande
Que chascun à bien faire entende
Ce que commander leur vourrez.

ANNES.

Et je les prens ; dès or pourrez
Seigneurs faire ma volenté.
Or vous teigne Diex en sancté :
Je vous diray que vous ferez.
Ce monument-là garderez ;

Joseph y a Jhesu couchié :
Encor n'y a nully touchié.
Je me doubt trop qu'auqun ne l'emble ;
Sy vueil qu'entre vous .iii. ensamble
Allez au sépulcre veillier
Et vous gardez de sommeillier
Par quoy vous ne soiez deceu.
Soiez tous .iii. bien esméu
De bien veillier et escouter.

PINCEGUERRE.

De ce ne vous estuet doubter :
Le monument sy bien sera
Gardé que nul ne l'embrera ;
Se on l'emble nous le vous rendrons.

BAUDIN.

Au garder très-bien entendrons ;
Se nul s'en vouloit approcher
De m'espée le vouldroie brocher
Tel coup quø jamais ne gariroit.

MOSSE.

Moult chèrement le conparroit
S'aucun estoit qui y venist.
Il convenroit qu'il defenist
De ceste espée qui est bonne.

CAÏPHAS.

Moult est chascun bonne personne
De vous .iii. hardie et fière ;
Moult y pert bien à vostre chère.
Alez-vous-en ; Diex vous conduie !

PINCEGUERRE.

Ne doubtez jà nul de nous fuie
Pour chose que avenir nous puisse,
Et se ainssy est que je y truisse
Nully qui jà y soit venu,
De moy sera-il bien tenu
Que pour riens miex ne convenra.

BAUDIN.

Qui ver le monument venra
Il ly vauroit trop miex assez
Qu'il eut les .ii. piez quassez,
Car la teste ly couperay.

MOSSÉ.

De m'espée tant fraperay,
Se je y voy nully qui y veigne,
Que la teste n'ara pas saine :
Jamais ne sera qui n'i père.

PINCEGUERRE.

Foy que je doy l'âme mon père.
Je croy que somes espié.
.i. pou de soupeçon j'ay
Que sa mesgnie ne nous entende.

BAUDIN.

S'il y vient nully qui y tende
Le doit par aucune aventure,
Il sara se m'espée est dure :
Fendre ly en feray la teste.

MOSSÉ.

Se je voy nul qui se y arreste
De mon coup ly feray présent.

Je ly donrray gros et pesant
De ceste espée, qui bien trenche.

PINCEGUERRE.

Et je de la moye qui est blanche
Ly vourray la teste couper.
Sy ly tourray le goloper :
Ycy tout mort le lesseroye.

BAUDIN.

Je te diray que je feroie :
Qui y venroit par son oultrage,
La teste me lesseroit en gage,
Ce te dy-je pour vérité.

MOSSÉ.

Tout ly or de ceste cité
Pas celly ne garentiroit
Qui ver ce monument yroit
Qu'aler s'en péust sans eschaces.

PINCEGUERRE.

Seigneurs, car lessez vos menaces,
Que se je y voy nully venir,
De rire le feray tenir,
Je ly l'eray veufve sa famme.

BAUDIN.

Compains, je te jur par ceste âme,
Se nul vient ci pour nul mal dire,
Mourir le feray à martire :
Je te dy voir, quier qui te mente.

MOSSÉ.

Chascun de vous forment se vante,
Mais m'espée a telle proesse

Se nul au monument s'adresse
Jusques au dens le pourfendray.

PINCEGUERRE.

Las, moy dolent ! qui atendra
Ces gens qui sa venir je voy ?
Seigneurs, meilleur confort n'y voy :
Fuions-nous-en tout maintenant.

BAUDIN.

Las, chétif ! que voy-je venant ?
Que cy a d'ommes amassez !
Ilz sont trop plus que nous assez ;
Fuir vueil pour moy garantir.

MOSSÉ.

Seigneurs, tost vous voy repentir
De faire ce que disiez.
Vos vantances devisiez
Et maintenant voulez tuit fuire !
Or puissant mal se conduire
Se .i. petit de vent vous a vanté,
Sy estes tuit espoventé
Et pour droit nient regardez.
Comment oseriez garder
Ung grant règne ou une conté ?

PINCEGUERRE.

Par le grant Dieu plain de bonté,
J'ay moult très-grant paour eue.
Or est ma force revenue,
Je suis tout fort et tout hardy.

BAUDIN.

Se j'ay esté acouardy,

Bien sçay que j'ay ma force toute.
Se nul au monument sans doubte
Venoit tantost seroit tuez.

MOSSE.

Beaus seigneurs, ne vous remuez,
Ne vous devez espovanter.
C'est vent qu'avez oy venter.
Tenez-vous-cy, ne vous doubtez,
Mais au monument escoutez
Qu'il n'y veigne nully toucher.

Et les angles sus : *Pange lingua.*

Seigneurs, je vieng de par celly
Qui a esté en crois penez.
Crestiens, joye demenez :
Resuscité est tout de voir.
Il a voulu mort recevoir
Pour trestoute crestienté.
En bonne église estes renté
Se vous la voulez deservir.
Seigneurs, pensez de Dieu servir ;
Pour vous est perciez ses costez.
Du dyable vous a tous ostez :
Recouvré bon seigneur avez.

PINCEGUERRE.

Or me dictes se vous savez
Dont ceste vois puet estre yssue ?
Je ne l'ay pas bien entendue
Né je ne sçay qui dicte l'a ;
Mais je voy .i. blanc home là
Qui sus son col une crois porte :

S'en enfer ne soit m'âme morte,
De paou, le corps me croule tous.

BAUDIN.

Je sui le plus paoreus de tous,
Je n'ay membre qui ne se deuille;
Môn cuer tranble plus que une fueille,
De paour le poil me hérice ;
Je me tien pour fol et pour nice
Quant sui venu en ce service :
Dès or mais ma vie peu prise ;
De dueil mourray en cest place.

MOSSÉ.

Tel paour ay ne sçay que face :
De paour m'est le poil dressiez.
Certes, moult sera courrouciez
Cayphas quant il le sara.
Moult grant dueil au cuer en ara,
Car pour ce chant qu'avons oy
Somes trestuit sy esbahy
Je sui devenuz tous lourdes.

PINCEGUERRE.

Bien sont abatues vos bourdes.
Moult très-bien vanter nous savons ;
Beau seigneurs, mal gardé avons
Jhesu qui la loy despisoit.
Bien sçay qu'ersoir séens gesoit ;
Emblé est, s'en seron blasmé.
Or ay le cuer de deuil pasmé :
Je sui de mourir en balance.

BAUDIN.

Par ma løy, sy a grant meschance :
Véoir vueil se c'est vérité.
Las! comment s'en est-il allez?
Or devons bien estre esbahy.
Oncques mais ma vie ne hay;
Tel dueil ay que mourir m'estuet.

MOSSÉ.

Nagaires encor y estoit.
Las! comment l'ont péu embler?
La paour qu'ay me fait trambler.
Certes, bien vourroie défenir :
Je ne me puis mais soustenir;
Dormir me convient cy à terre.

SATHAN.

Or sommes-nous trestuit en guerre.
Céens nous convient enfermer,
Nos portes et nos huis fermer,
En nostre enfer appareillier,
Car Jhesu nous veult travailler.
C'est force, se sçay-je de voir;
Il le nous convient recevoir.
Jhesu est hons qui a doubtee la mort :
Il dist s'âme troublée jusques à mort
Estoit, et adversaires
M'a esté en tous mes affaires.
Il a esté cruceliez par moy,
Par moy est glorefiez.
Il vuidera tout cest estage
Sy com je pens en mon courage.

S'il est filz Dieu pas n'en fauldra,
Mais assez tost nous assaudra.
Jhesu m'a tousjours decéu,
Car aucuns mors que j'ay eu
Mis en la charte de céens,
Tu le sces, que tes yeulz véens,
Par sa parole les délivre.

BÉELZÉBUS.

Qui est ce Jhesu qui fait vivre
Par sa parole seulement
Les mors? Dy, je le te demant.
Et non pour quant par aventure,
C'est cil qui de la charte obscure
De séens le ladre getta
Qui jà puoit, et qui dit a
Qu'il briserait nostre maison?

SATHAN.

Je te respon et par raison :
C'est cil Jhesu qui nous afolle
Tant seulement par sa parole
Qui nulle fois ne se parjure.

BÉELZEBUS.

Par tes vertus je te conjure
Que tu ne m'amenes mie
Tuit cil qui sont de sa mesgnie,
Qui ne scevent amer nully.
Quant ilz oient parler de ly,
N'i a sy hardy qui ne trenble.
J'ayme trop miex celluy qui emble
Ou .i. murtrier ou .i. hérite,

.I. parjure ou .I. faulz hermite :
A telz gens sont de mon convent ;
Mais je te promet et convent
Que (se) tu Jhesu y amenes,
Il nous osterà nos demaines,
Nos richescs, nos seignories
Et toutes nos grans galleries.
Et sces-tu qui t'en avendra ?
Trestous tes chartriers en menra
Avec le père espéritable
Droit en la vie pardurable.
Lors tuit de mal heuré serommes ,
Qu'il sera sires de tous hommes
Et de toutes les âmes mortes.

DIEU.

Princes d'enfer, ouvrez vos portes :
Le roy de gloire le commande.
Gardez que nul ne le deffende,
Car je vueil aler visiter
Mes amis et les vueil getter
Tous hors de la male prison.

SATHAN.

Par la foy que doy Trayson
Que j'aime, or suis moult esbahis :
A cestuy coup seray trahis.
Béelzebut, sy te fault venir
A ces portés fort soustenir.
Fay que cil huis soient verroulé
Ou houssé, batu et roullé
Serons et tuit achetivé.

S'il est filz Dieu pas n'en fauldra,
Mais assez tost nous assaudra.
Jhesu m'a tousjours decéu,
Car aucuns mors que j'ay eu
Mis en la charte de céens,
Tu le sces, que tes yeulz véens,
Par sa parole les délivre.

BÉELZÉBUS.

Qui est ce Jhesu qui fait vivre
Par sa parole seulement
Les mors? Dy, je le te demant.
Et non pour quant par aventure,
C'est cil qui de la charte obscure
De séens le ladre getta
Qui jà puoit, et qui dit a
Qu'il briserait nostre maison?

SATHAN.

Je te respon et par raison :
C'est cil Jhesu qui nous afolle
Tant seulement par sa parole
Qui nulle fois ne se parjure.

BÉELZEBUS.

Par tes vertus je te conjure
Que tu ne m'amenes mie
Tuit cil qui sont de sa mesgnie,
Qui ne scevent amer nully.
Quant ilz oient parler de ly,
N'i a sy hardy qui ne trenble.
J'ayme trop miex celluy qui emble
Ou .i. murtrier ou .i. hérite,

En soy-meismes nous aporte,
Il a hurté à la porte
Le très-doulz aignel préciex.

DIEU.

Ouvrez, je suis roy gloriex :
A moy tuit obéir devez.
Se vos grans portes ne levez
Maintenant elles seront rouptes,
Non pas une seule, mais toutes ;
Malgré vous tous je y enterray.

BÉELZEBUS.

Seigneurs chartrier, et que feray ?
Qui est-ce roy de gloire ? dictes.

ARACUC.

Ce roy est de tous péchez quictes ;
C'est le sire puissant et fors,
Qui rien ne prise tes effors.
Je te dy pour voir et sans faille ,
Puissant est en toute bataille ,
Et pour ce a-il nom roy de gloire.

SATHAN.

Las dolent ! je pers ma mémoire !
Nous somes vaincu, nul n'en doute.
Je voy jà nostre porte roupte ;
Jhesu vient séens à sa guise ,
Par sa force et par sa mestrise.
Ou sépulcre mort a esté,
Mais y n'i a guaires esté.
Jhesu, que viens-tu séens querre ?
Tous les éléments et la terre

DAVID.

A bon port sommes arrivé;
Foy que doy moy, par temps verray-je
Mon droit sauveur en son visaige.
Véez-le-vous cy qui nous vient querre :
Dès ce que je vivoie en terre
Ne dy-je pas : « Aiez fiance
« En Dieu et en sa grant puissance,
« Car il est vray Dieu et sera
« Et ses amis confortera? »
Je le prophetizé jadis
Qu'il nous menrroit en paradis
Et d'enfer tout sire seroit
Et les portes en briseroit.
Certainement je l'ay oy.

YSAYAS.

Nous devons bien estre esjoy,
Car je vous dy pour vérité,
Vecy-toute la Trinité
Qui nous vient maintenant quérir.
Je l'ay oy à l'uis férir;
Mais trop me tarde que le voye.

S. JEHAN BAPTISTE.

Seigneurs, ou temps que je vivoie
Ou fleu Jourdain le baptisé.
Le filz Dieu bien l'ay avisé
Que c'est cil qui nous vient secourre.
Ly diable ne saront tant courre
Ne fuir qui ne les achiere.
C'est cil de certain qui lumière

BÉELZEBUS.

Tu sces que ly juste sont monde
De tous peichez et de tous vices.
Comment as-tu esté sy nices
Que tu as fait Jhesucrist pendre?
Te sces qu'à ly nous convient rendre
Par force tous ses prisonniers.

DIEU.

Sathan, tu seras préconniers
De tous les tourmens de séens.

BÉELZEBUS.

Hé, Sathanas, très-méchant!
On ne te pouvoit chastier.
Pour quoy as fait crucefier
Sans cause ce préudomme cy?

DIEU.

En lieu d'Adam ce diable cy,
Béelzebus, je met en ta garde,

En ly monstrant Sathan.

Car je vueil que tousjours mais arde.
Venez à moy beneuré,
Venez à moy; j'ay enduray
La mort pour vostre délivrance.
Me sains qui avez ma sanblance,
Yssez hors trestuit de cest estre.
Adam, baille-moy ta main destre:
Venez hors de l'obscurté
D'enfer ou a tant de durté:
Sy serez en ma compaignie.

ADAM.

Sire, j'avoie grant envie
De véoir vostre doulce face,
Et vous m'avez fait sy grānt grâce
Que vous avez tout essarté.
Enfer pour moy donner clarté
Et ceulz que j'avoie tréchié
Par mon très-horrible péchié,
Par vostre mort vous les avez
De trestous péchiez sy lavez
Qu'il sont sy cler que je m'i mire
En les regardant, beau doulz sire.
Vous me faites grant amitié
Quant vous avez de moy pitié,
Et quant par la main me tenez.

ÈVE.

Très-doulz Dieu qui nous enmenez,
Je péchié trop vilainement
Contre vostre commandement
Ou fait de désobéissance.
Souffert en avez pénitance
Jusque à la mort, ce sçay-je bien;
Vous m'avez pour mal donné bien :
Jhesucrist, je vous en mercie.

DIEU.

Regardez tous se il a cy
Beau lieu ; je le vous abandonne.
Mon père à chascun de vous donne
Un lieu tout pour l'amour de moy.

MAGDELAINE SUS : *Jhesu redemptor omnium.*

Lasse dolente, lasse moy !
Tousjours mais dueil mener me fault
Quant je voy que cil me deffault ,
Que je doy dessus touz amer.

MARIA JACOBI.

Bien me doy chetive clamer :
Jamais au cuer joie n'aré
Quant Juifz jusque à mort navré
Ont celly dont bien nous venoit.

MARIA SALOMÉE.

Cil qui toutes nous soustenoit
Et qui avoit toute bonté,
Est mort, dont j'ay le cuer monté,
Dolent et mat et courroucié.

MARIA MAGDALAINE.

En tout plain de lieus l'ont blecié
Juifz par leur forcenerie.
Or alon en l'espicerie
Oignement pour ly oindre prendre.

MARIA JACOBI.

Ma très-doulce compaignie tendre,
Je m'acort à vostre vouloir.
Juifz félon, Diex vous mandie ;
Sa mort me fait toute douloir.

MARIA SALOMÉE.

Je m'ottry, bien doulce Marie ,
A ce faire que dit avez.
Assez d'onneur de bien savez :
Pour Dieu bon oignement prenez.

MAGDALAINE.

Mes conpaignes, or en venez,
Car quant chiez l'espicier serons,
Tel oignement acheterons
Se le trouvons qui bon sera.

En parlant à l'espicier.

Dieu qui le monde jugera,
Sire, sy vous vueille garder.

L'ESPICIER.

Et Dieu vous vueille regarder
En pitié toutes .iiii. ensemble.
Courrouciées estes, se me semble,
Et sy me semblez bonnes dames
Toutes .iiii. et bien preudefamees.
Je croy qu'au cuer avez mesaise :
Se j'ay nulle rien qui vous plaise,
Dictes-le-moy; vous en arez
Sy on marchié que vous vourrez
Ne demander ne requérir.

MAGDELAINE.

Nous venons tel chose quérir.
Dont je croy qu'avez à planté.

L'ESPICIER.

Dame, se Diex me doint sancté
Ma marchandise deviser
Vous vueil qui fait à priser;
Et puis après sy en pourrez
Acheter ce que vous vourrez.
J'ay poivre, gingembre et canelle,

Poudre de saffran bien nouvelle ,
Nois muguettes , pomès garnates,
Giroffle, citonal et dates,
Garingal, folion, pénites,
Cubèbes, rasis, nois confytes ;
J'ay gingenbrant et pignolat,
J'ay trop bon sucre violat ,
J'ay grosse et grêle dragie
De girouffle et d'anis glagic ,
Poivre lonc, commin, reguelice,
Amendes, ris et verdegrice ;
J'ay gruel c'on n'a pas pillé,
Coton batu, coton fillé ;
J'ay sire jaune et sire vierge ,
.
J'ay du persin Massidoine ;
Je fineroye bien d'un siroine ;
J'ay bon candit gros et brisé,
Et graine de paradis é ,
Sucre dur pour faire claré,
Gingembre blanc, confit paré ;
J'ay poudre pour bon pignement faire ,
Et ay séens bon laictuaire ;
J'ay poudre de sucre à cassons ,
Et alun plus cler que glassons ;
J'ay encens gales baie noire
Que je achetay en ceste foire ,
Et ay de bon mugueliet
Qui en ceste boîte c'y est ;
J'ay blanc de flour et roige mine

Et aultre arquenete fine ;
J'ay vermeillon et tainture Inde,
Figues et raisin de Corinde ;
J'ay yaue rose et oille d'olive
Autant comme espicier qui vive ;
J'ay brésil, miel et errement,
Et de quoy on fait oignement ;
Plusieurs herbes, bonnes espices,
Car je me cognois bien en yces
Qui sont sus ces sachiez escriptes.
Se rien voulez sy le me dictes :
J'ay encor moult de bonnès choses
En ces .iii. boestes qui sont closes.
C'est oignement moult précieux
Qui est moult bon et glorieux
A plaies garir et blessure,
A gens malades et coupures,
A desdoulour ceulz qui se deulent
Se bien oingdre le corps se veulent :
Fait est de mirre et d'aloé.
.i. oignement bon et loé,
Nul ne s'en oint gari ne soit
De quelque mehain que ce soit ;
Se cil vous plaist sy l'achetez.

MAGDELAINE.

Sire, devant nous nous metez
Ce très-précieux oignement,
Car c'est quanque je demant.
Trouvé avon ce que quérons :
Vendez-le, sy l'emporterons

Quan païé de l'argent serez.

L'ESPICIER.

Dictes-moy que vous en ferez
Et bon marchié vous en feray.

MAGDELAINE.

Maintenant le vous compteray ;
Quant de vous nous départirons
Droit à ce monument yrons :
Sy oingderon de Jhesu le corps.

L'ESPICIER.

Dame, par l'âme de ce corps,
Se l'oignement voulez avoir
Vous me donrez de vostre avoir
De bons petis tournois .xx. livres.

MAGDELAINE.

Or faictes qui nous soit délivres :
Véez-vous ci l'argent tout compté.
L'oignement où a tant de bonté,
Voulons avoir tout maintenant.

L'ESPICIER.

Paié sui, bien est avenant
Que l'oignement vous soit livré,
Dame ; et tantost délivré
Sera, plus ne le rétenray.
Ceste grosse boeste penray ;
Dame, vostre main me tendez :
Veci quanque vous atendez.
Je la vous baille, or la prenez ,
Et vous, dame, ceste tenez.
Elle est moult fine et moult bonne ,

Tenez, je la vous abandonne.
Ceste cy, dame, vous avez ;
Bien sçay que bon gré m'en sarez.
Or allez à la sépulture
Où Joseph a mis la figure
De Jhesu, et vous confortez.
Je vous créant vous emportez
Bon oignement et précieux.

MAGDELAINE sus : *Beata nobis gaudia.*

Beau très-doulz père glorieux
Qui tout povez et tout savez ,
Pour nous mourir voulu avez :
Las! com ce mès me desront.

MARIA JACOBY.

Le cuer me part, le cuer me ront.
Hée, mort! pour quoy a pris celly
Qui onc ne meffit à nully?
Lasse, com ci a dure mort.

MARIA SALOMÉE.

Doulz Diex, par grant envie mort
Vous ont Juifz vilainement.
Je vous vy moult crueusement
D'une lance ou costé féir.

S. MICHEL.

Fammes, que venez-vous quérir?
Toutes .iii. grant dueil demenez.
Dictes moy pourquoy ci venez,
Ne qui vous muet à ci venir?

MAGDELAINE.

De dueil ne me puis soustenir.
Jhesu de Nazareth voulons

Veoir, car pour sa mort nous dolons
Et il doit huy resusciter.

MARIA JACOBI.

Jhesu quérons qui aquitter
Nous a voulu de l'anemy.
Pour sa mort je pleur et gémy :
Celle pierre car nous levez.

MARIA SALOMÉE.

Lasse, com mes cuers est grevez !
Beau sire, celle pierre ostez ;
Se oingdrons son corps et sez costez.
Moult forment a esté plaiez.

S. MICHEL.

Fammes, bon reconfort aiez.
Jhesu qui hier séens gésoit
N'y est mais et mont bien disoit
Qu'au jour de huy en vie seroit.
Diex dit qu'il resusciteroit
En cest jour de huy et il sy est.
Venez-y veoir que mais n'y est ;
N'alez plus tel dueil demenant.
Alez-vous-en tout maintenant
A Pierre et aulz apostres dire :
« Diex est vif et hors de martire ;
« En Galilée chascun voyse. »

MAGDELAINE.

En dueil, en tourment et en noise
Dès or vueil ma vie mener
Quant je ne truis qui assigner
De mon très-doulz seigneur me puisse.

SECONDE.

Lasse moy ! ne sçay où le truisse ,
Le doulz Jhesu, et qui sera
Cil qui le nous enseignera !
Moult me tarde que je le voye.

TIERCE MARIE.

Se sêusse sentier ne voye
Où le très-doulz Jhesu trouvasse
Je tout droit celle part allasse.
Grant courtoisie me feroit
Qui bientost le m'enseigneroit ;
De le vèir grant joye aroye.

ANGELS.

Le roy du ciel, le roy de joye,
Est tout pour voir résuscitez.
D'enfer a les bons aquitez
Pour la mort qu'il a soustenue.
Diex est vis, la mort a vaincue :
Par ly estes tuit racheté
De la punaise enfermeté
Où ly anemis vous menoit. ♦

MAGDELAINE.

Certes, se la mort me prenoit
Au cuer bien l'aroie gaigné,
Quant mon maistre ainssy mehaigné
Ose lesser plain pas de terre.
Lasse moy ! où l'yray-je querre ?
Pourquoy m'esloignai-ge de luy ?
Ne sçay où je truisse nully
Qui enseigner le me scéust.

Doulz Dieu, mon cuer grant joie eüst
 De vous véoir, c'est vérité.
 Vif estes et résuscité :
 Veuillez que vostre face voye.

DIEU.

Famme qui vâs par celle voie,
 Dy-moy se cognoistre pourroies
 Cel homme que trouver vourroies
 Dont ton cuer tel joie feroit ?

MAGDELAINE.

Mon cuer en grant joie seroit.
 Plus joieuse ne pourroie estre
 Que de véoir le filz Dieu celestre ;
 Je ly dépry qu'à moy s'apère.

MARIA JACOBI.

Sucr qui avez douleur amère,
 Vous a-on rien dit ne compte
 Du doulz Jhesu plain de bonté,
 En qui nostre espérance est mise ?

MARIA SALOMÉ.

Suer, qui tres-grant douleur justise,
 Avez-vous nouvelles oÿes
 Dont nous obions estre esjoyes ?
 Dictes-lay, nous vous en prions.

MAGDELAINE.

Courtiller me senble ly homs
 A qui j'ay parlé maintenant,
 Que je vÿ devant moy venant ;
 Me demanda se cognoistroie
 Celly dont sy grant joie ardye.

Ce que j'en sçay vous le savez,
Dieu, qui desconbrée m'avez
Des péchez dont je mout avoye;
Car me vueillez mettre en la voye
Par quoy je vous puisse encontrer.
Doulz Diex, vueillez-moy démonstrer
Vostre face, vostre beaulté.
Doulz Jhesu plain de loyauté,
Tel dueil ay ne me puis porter.

DIEU.

Marie, toy vieng conforter;
Laisse ton dueil et sy t'apaise.

MAGDELAINE.

Beau sire Dieux, bien doy estre aise
De ce que je vous voy en vie.

DIEU.

Marie, n'aiez pas telle envie
De toucher à moy; trai-te arrière.
Sus moy ne devant ne derrière
Tes mains ne dois tu mettre point.

MAGDELAINE.

Doulz Dieu, grant joie me point
De vostre resuscitement.

DIEU.

Marie, je t'aim doucement
Et sy ne vueil que tu me atouches :
Garde tes mains de moy n'aprouches.
Je te monstre cy enprésant
Mon corps par le quel représent
Ma mort, ma résurrection.

En signe de ma passion,
Je te monstre ci ceste enseigne.

MAGDELAINE.

Beau doulz maistre; yce m'enseigne
Que, gardée virginité,
Prinstes en humanité
Tel char qui est mortifiée
Qu'en crois avez déifiée;
Mais Dieu estes et en vous croy-je.

DIEU.

Marie, tu crois bien, en ce voy-je.
A Pierre et auls aultres yras,
A tous ensemble leur diras
Ma résurreccion t'ay monstrée,
Qu'ilz voient tuit en Galilée
Et yllec on me trouvera.

MAGDELAINE.

Tousjours liez et joieux sera
Mon cuer quant je vous ay vëu.
De joye ay le cuer esméu
De vostre resuscitement.
Entendez tous communement
Jhesu qui a toute puissance
Par sa très-saintisme naissance
Et par la mort qu'il a soufferte
Pour nous en crois sans déserte :
Ly bon d'enfer sont delivré;
En paradis les a menez.
Bonnes gens, joie demenez,
Loons Dieu, car pour vérité

J'ay veu Jhesu resuscité,
J'ay parlé aly maintenant.

S. PÈRE.

Marie, pourquoy vas menant
Joye? tu ne fais que chanter;
Tu te souloies germenter
Et tu fais joye souveraine!

S. JEHAN.

Doulce suer Marie Magdelaine,
Te puez-tu point apercevoir,
Nous sces-tu riens dire de voir
Que Dieu soit en vie venu?

MAGDELAINE.

Mon dueil est joie devenu.
J'ay Dieu véu et rencontré;
Son préciex corps m'a monstre.
Bien sçay c'est-il certainement;
A moy parla bien longuement.
Seigneurs, quant de cy partirez
Tout droit en Galilée yrez:
Illecquès Jhesu trouverez
Dont vous trestous joieux serez.
A son monument ay esté
Où je grant pièce m'arresté
Et m'aloye moult germentant.
Je y trouvay ly angels cbantant,
Une moult belle compaignie;
Mais Jhesu n'y trouvay-je mie.
Mais je trouvay sa sépulture
Et le drap et sa vesture,

Je vous dy toute vérité :
Ly Juifz de ceste cité
Qui son précieux corps gardoient,
Ou il le rendent ou il croient
Qu'il soit de mort resuscité.
Doulz père, doulce déité,
Ma grant joye me fait plorer.
Bonnes gens, allez aourer
Celle digne crois que véiez ;
Bonnes gens, tous certains soiez
Que Diex est vif, qui souffrit mort ;
Ou monument je le vis mort,
Or est venu arrier en vie,
Chascun doit avoir grant envie
De le louer et gracier,
Et de cuer humble deprier
Que sa gloire puissions avoir.

S. JEHAN.

Marie puet bien ce savoir
Que elle nous a ci compté.
Jhesu, le roy plain de bonté,
Est aparü à ly sans doubte.

S. PÈRE.

Nous devons tuit suivre sa route ;
Allons tout droit sans demourée
Parler a luy en Galilée.
Jaques, y voulez-vous venir?

S. JAQUES.

Oïl, ne m'en puis plus tenir.
La parole est, je croy, certaine

Que dit Marie Magdalaine ,
Car elle a Jhesucrist véu.
Sy devons tuit estre esméu
De ly véoir resuscité.
De ally aler grant delit é
Et y vois droit sans arrester.

CENTURION.

Vous devez bien tuit aprestre
Vos cuers vers Dieu qui délivrance
Vous a faicte par sa puissance.
Nous estion tuit mal bailly :
Diex ne nous a pas défailly.
Par sa mort a d'enfer getté
Ses amis, c'est bien verité.
Prions-ly tuit que par sa grâce
De nos meffais pardon nous face
Et nous doint cuer de ly servir
Par quoy nous puissions déservir
Sa très-haulte saintisme gloire
Et nous mainteigne en son mémoire.
Sy vous diray que nous ferons :
Tuit à une vois chanterons
De cuer : *Te Deum laudamus*,
Et puis le *Benedicamus*.

Amen.

EXPLICIT.

CY COMMANCE

LA RÉSURRECTION

NOTRE SEIGNEUR.

In principio creavit Deus cœlum et terram, etc.

(GENESIS, capitulo primo,)

Très doulces gens, or entendez
Et diligamment regardez.
Noble chose verrez retraire
Qui à l'ennemy est contraire,
Que ce soit voir la vraie mère
Du monde qui sanz tache amère
Porta le juste crucefix
Et celle de quoy estre filx
Doit chascun corps de créature;
Car sur fortune et sur nature
Est royne et mère clamée,
Dez angles servie et amée
Comme non pareil de value.

Sy est droit c'on la salue
Du salut qui nous conforta
Quant Gabriel li aporta
Du vouloir Dieu en révélant.
Sy disons en lui appellant
A genous : *Ave Maria.*

In principio , etc.

Diex premier le monde forma ,
Ainssy qu'en Genesis est dit
Et où psautier David nous dit :
Ipse dixit et facta sunt,
Mandavit et creata sunt ;
Puis fist Adam d'un pou de terre
Pour ce qui savoit bien qu'en terre
Retourneroit , et puis le mist
En paradis ; et puis refist
Ève d'une dez costes Adam ,
Puis ly fist souffrir maint aham.
Par le fruit tant l'ensosanga ,
Qu'Adam le prist , sy en manga.
Lors fist inobédiance
Dont .v. .m. ans souffrit penence
En enfer et maintes personnes
Qui en ce monde furent bonnes ,
A qui Diex ly pères monstroït
Que par son filz lez racheteroit.

In morte hujus vita mortuorum inuenta est; justus homo post mortem tertiâ die de monumento resurget. (GEZEMIE, viscezimo capitulo.)

De cuer vous prie à touz et lou
Que chascun vueille de cuer tendre,
En ce que vous ay dit entendre
De latin retraire en françois.
Doulces gens, bien est voir qu'ençois
Que le filz Dieu fust encharnez
En la vierge dont il fut nez,
Il l'eslut pour mère et amie;
Et le bon prophète Jezémie
Prophétiza, c'est bien la somme,
Et dist ainssy qu'en la mort d'omme
Seroit retournée dès mors
La vie par piteus remors,
L'omme juste s'uxitera,
Dist-il, après mort et sera
Du monument yssant touz viz.
Trez doulces gens, il m'est aviz
Que ceste prophecie avint
A nous profit quand il s'en vint
Au filz de Dieu de venir nèstre
De fammé pour humains hons estre.
Ce fut noble vertuz que telle
Quant fruit devint en fruit mortelle
Naissant d'ente d'apre racine.
Pour faire au monde médecine

Sy est droit c'on la salue
Du salut qui nous conforta
Quant Gabriel li aporta
Du vouloir Dieu en révélant.
Sy disons en lui appellant
A genous : *Ave Maria.*

In principio , etc.

Diex premier le monde forma ,
Ainssy qu'en Genesis est dit
Et où psautier David nous dit :
Ipse dixit et facta sunt,
Mandavit et creata sunt ;
Puis fist Adam d'un pou de terre
Pour ce qui savoit bien qu'en terre
Retourneroit, et puis le mist
En paradis; et puis refist
Ève d'une dez costes Adam,
Puis ly fist souffrir maint aham.
Par le fruit tant l'ensosanga ,
Qu'Adam le prist, sy en manga.
Lors fist inobédiance
Dont .v. .m. ans souffrit penence
En enfer et maintes personnes
Qui en ce monde furent bonnes ,
A qui Diex ly pères monstroït
Que par son filz lez racheteroit,

Sy que ne sorent qui devint,
Dont couroux avoir leur convint
Ensamble quant il s'aparçurent ,
Car de s'alée riens ne surent.
En enfer droit alez estoit
Où les prophètes à grant destroit
Estoient, Adam, Ève, S. Jehan,
David, Noel et Abraham ,
Et là estoient en grant destresse ;
Mès puis furent en grant léesse ,
Car de son sanc lez racheta
Quant en la croix mort il geta ,
Puis lez portes d'enfer ronpit
Dont lez déables orent despit.
Les âmes d'enfer en mena
Et la grant joie leur donna
De paradis, puis s'aparut
A Magdelaine ; puis aparut
Ou jardin quant dit à Geré
Puis tost : *Nôly me tengere* ,
Et ainssy d'elle se party
De s'amour sy li départy ,
Et sa beneïçon sy ly donna ;
Touz sez péchiez li pardonna.
Sy prions Dieu devostement
Que noz pechiez entièrement
Nous vueille à touz pardonner
Et sa gloire abandonner
A la fin quant definerons ;
Et tant qu'en ce monde serons

Entendre puissions la mémoire
De Jhesucrit, la vraie gloire
A laquelle nous doit venir
La trinité qui sanz fénir
Fut et est et touzjours sera
In sempiterna secula
Amen.

Cy après s'ensuit comment Dieu fist Adam et Ève, puis s'en voise
..1. tour entour le champ et die :

DIEU LE PÈRE.

Or ay-je fait tout à la raonde
Ciel, terre et mer tout en une onde,
Lez estoilles, solleil et lune,
Et sy ay fait qui est commune
Bestes, oysiaux et tous poissons
Et leur ay à tous donné noms.
Homme et fame ce me fault faire:
Sur toute chose est nécessaire.
Premièrement je feray homme
A l'encommancement, c'est la somme,
Et puis après incontinent
Feray la fame à l'avenant.

Soit Adam couchiez à terre et couvert jusques Diex le face lever et
aussy Ève de costé lui couverte, et le prent par la main.

DIEU.

Adam, Adam, vas sus, beau frère,
Liève-toy sus, si qui t'apière
Que je t'ay fait tout maintenant,
Et sy tant bien en convenant

Que ez créez de limon de terre,
Pour ce que je sçay bien qu'en terre
Retourneras après la mort
Qui moult te sera dure et fort.
Sy entens bien que tu feras :
En ce beau paradis demorras
Et feras mon commandement
Du tout en entièrement,
Et tantost auras compaignie.

ADAM.

Doulz Diex, qui ta meignie
M'a fait par ta grant douceur,
Haultement loue ta grandeur
Qui de néant tu m'as refait.
Or ne vueil plus cy faire plait :
Je ne puis plus cy veillier;
Un pou me fault cy sommeillier.

Cy ce couche Adam de costé Ève et face samblant de dormir, et face
Dieu le signe de la croix et preigne Ève par la main et die :

DIEU.

Or sus, Ève, lieve-toy sus,
Et fait tost; sy entens moy :
Sy regarde bien dont tu viens.
Tu n'estoies maintenant riens;
Je t'ay faite et crée de la couste
D'Adam, sachez sanz nulle doubte;
Sy te diray que tu feras :
Honneur et foy ly porteras,
Car ainssy je l'ay ordonné.

EVE, en soy levant :

Très-doulz Diex, qui m'avez donné
Corps et âme à vostre plaisir,
Loer vous doy par grant désir,
Car grant honour m'avez monstrée
Quant de néant m'avez crée
Et formée de la coste d'Adam.

DIEU.

Adam, amis, à moy enten
Et sy te liève ysnellement,
Car dormy as trop longuement.
Pren ceste famme que j'ay faite,
Car je sçay bien qu'elle te hête.
Sy vous diray que vous ferez :
En ce paradis demorrez
Et ferez mon commandement;
Ainssy le vueil, non aultrement.
En ce beau lieu, en ce bel estre,
De touz cez fruis qui cy püent estre
Povez mengier séurement,
Fors cestuy, que certainement
Ce en mengiez vous y morrez
Ne plus ycy ne demorrez.
Je vous lesse secy en garde
Et de ce fruit bien je regarde :
Se en mengiez bien le saray.
Je m'en vois, tost retourneray :
Mon commandement point ne passez.

ADAM.

Très-doulz Jhésucrist, qui assez

De bien, d'honneur tu nous as fait,
Car de néant nous as reffait,
A ton vouloir abaïsson
Que certainement c'est raison.

Dieu voise entour le champ jusques Adam ait mengié du fruit.

ÈVE.

Adam, amy et compaignon,
Entendez .i. pou ma raison.
En ce beau lieu sy profitable,
Sy graciex, sy délitale,
Où nous a lessié nostre mestre,
Je ne sçay pourquoy ce puet estre
Qui nous a ainssy deffendu
Ce beau fruit qui cy est pendu
Plus qui n'a fait nulz dez aultres.

ADAM.

Eve, ne sçay cestui plus qu'autres.
L'a fait, sachiez certainement ;
Or faisons son commandement
Et à luy du tout abaïsson
Que certainement c'est raison,
Je le vous diz pour verité.

ÈVE.

Dire vous vueil ma volenté:
De ce fruit volentiers mengasse
Se point désobair ne cuidasse.
Certes, volentiers je céusse
Pourquoy l'a fait, ce je péusse:
Ne sçay pas sy l'a fait pour moy.

BELGIBUS , premier dyable.

Je te diray raison pourquoy
Il vous a ce fruit deffendu.
Se vous l'eussiez bien entendu
Comment de néant vous a fait,
Vous ne prisissiez riens son fait.
Vous ne savez ne bien ne mal
Et de ce fruit tout sy aval
Veult qu'en mengiez fors cestui.
Pour la bonté qui est en luy
Se en mengiez ne tant ne quant,
Comme luy seriez ou plus grant,
Et sarez tout bien et tout mal
Et vous et luy seriez ygal,
Et serez ausy comme Diex
Et vous sarrez lassus au cieulx.
Pren de ce fruit ysnellement,
Et en fay tost incontinant
Mengier à Adam, et pas ne doubte
Qu'il en mengera sanz nulle doubte
Par l'enortement que ly feras;
Et sy de préz tu l'entendras
Qu'il en mengera, vueille ou non,
Sy fort giteray mon pagnon
Que bientost t'en aparcevrás
Et bon loier tu en auras :
Or le fay tost sans point d'esnoy.

ÈVE.

Adam, amis, entens à moy :
Je te prie, mengue de ce fruit;

Jà pour ce n'en seron destruit;
 Nous en serons ayez plus aiso.

ADAM.

Certes, m'amic, ne te desplaie,
 Je ne veul pas désobair
 A nostre maistre, ue le traïr,
 Car ce fruit deffendu nous a
 Et en garde baillié le nous a
 Sy nous fault garder de mesprendre.

EVE.

Adam, là ne devez entendre,
 Car il n'en sara jamès riens,
 Et sy ne vous doubtez de riens,
 Car ce de riens il nous resprent,
 Nous n'en ferons ne tant ne quant,
 Car nous serons grans comme luy.

ADAM.

M'amic, grant chose est de celui : J'
 J'arois peur qui ne le sèust,
 Nous en serions trop fort deceust,
 Et forment nous en resprenendroit.

EVE.

Vous vous prenez bien au destroit,
 Et forment de luy vous doubtez
 Adam, amy, or escoutez :
 Assaiez que c'est hardiement;
 Riens n'en sara certainement,
 Je le sçay bien de vérité.

ADAM.

Faire me fault ta volenté :

Puisqu'enssy est je le feray,
Mais je sçay bien que mesprendray
Vers mon seigneur du tout en tout,
Car de son retour trop me doubt.

Cy mengue Adam du fruit et puis ce preigne par la gorge, et
puis die :

ADAM.

Ha hay! Ève, que n'as-tu fait?
Certes, bien m'as du tout defait
Qui m'as donné d'enfer la mer.
C'est .i. morcel fort amer,
Car il me tient trop fort en gorge.
Alas! bien me tiens en ta forge,
Car je ne le puis avaler.
Or ne sçay-je quel part aler,
Car j'ay ofiendu mon seigneur ;
Sy en mourray à grant langueur.
Or voy-je bien que j'ay mal fait.

DIEU.

Adam, Adam, sanz plus de plait.
Dy-moy pourquoy tu m'as trahy,
Tu n'as pas à moy obay,
Car tu as mengié de ce fruit
Dont tu perdras joie et déduit.
Ainssy as fait inobédiance
Dont .v. .m. ans aras penance,
Ceulx qui de ta ligniée ystront
Tout droit en enfer en yront,
Et tant qu'en ce monde seras
En labour tu continuras :

Va-t-en bien tost de paradis.

ADAM.

Doulz Jhesucrist, bien le me dis,
Mais passé ay ton commendement
Du tout en tout entièrement.
Sy aiez, Sire, pitié de moy.

SAINT MICHIEL.

Va-t-en de cy; plus ne te voy
Devant ton maistre, ton seigneur!
L'en ne pouroit dire pieur
Que tu es; va-t-en, fuy de cy,
Car plus ne demorras icy.
Va-t-en en terre de labour,
Et en paine et en tritour;
Va-t-en tost hors de paradis
Où tu eusses esté touz dis
Se point ne te feusses meffait.
Ève ta famme t'a sesy fait :
Touz ly mondes l'achetera,
En paine et en labour sera,
Et touz ceulx qui de vous ystront.

ADAM.

Doulz Jhesucrist, las! que feront
La ligniée qui de nous ystra?
Tout droit en enfer en yra,
Puisqu'ensey est qu'avons péchié.

DIEU.

Vous avez esté enragié
Quant vous avez déçobay
A moy, et sy m'avez trahy.

J'en soufferré la mort amère,
 Et sy m'en fault nestre de mère.
 Sy vous diray que vous ferez :
 En labour vous continurez,
 Et sy sarez qu'est bien et mal.
 En toute paine, en tout travail
 Vestuz seras de robe honte :
 N'i aura roy, ne duc, ne compte
 Pour le péchié qu'aront de toy.

ADAM.

A, sire Diex ! ce poise moy ;
 Labourer me fault maintepant
 Puis qui ne puet estre autrement.
 Ève m'amie, ce m'as-tu fait,
 Or ne puis aler au deffait ;
 Ainssy nous fault paine avoir.

ÈVE.

Adam, amy, il est tout voir ;
 Or me fault filer ma quelloigne.
 Et me fault faire ma besoigne.
 Tel ouvraige sy apartient
 A fame qui de nouvel vient.

se vestent et face Adam samblant de labourer et Ève de filer,
 et puis voise en enfer.

CAÏPHAS.

Anne, entendez, mes amis ;
 J'ay maintenant en mon cuer mis
 Une chose que vous diray
 Et tout ce fait accompliray.

Vous savez comment ce prophète
Qui le cuer forment me chète,
En ce sépulcre est hui mis ;
Or a-il trop de bons amis.
Sy devons avoir peur et doute
Qu'emblez nous soit sanz nulle doute.
Sy vous diray que nous serons :
A Pilate nous en yrons
Et ly conteray cest affaire.

ANNE.

A Pilate moult devra plaire
La parole qu'avez retraite
Quant est de moy forment mehète.
Or y alons, je vous en prie,
Et n'y faisons nulle destrie :
Certainement bien avez dit.

CAÏPHAS.

Or y alons sans contredit
Et sy n'y faisons point d'arrest,
Car de movoir je suis tout prest :
Bien ly conteray tout le fait.

ANNE.

Hastons-nous tost sanz faire plait,
Quar au peuple forment plaira,
Et de ce fait grant joie aura.

Cy voient à Pilate

CAÏPHAS.

Sire, Pilate, à vous venons,
Et entre nous sy parler voulons

De ce faulx prophète qui là
Est en ce sépulcre par de là.
Sy vous prions qui lisoit garde,
Car de ce fait, forment nous tarde
Mal nous en pourroit avenir.
Sy disciple le poient tenir
Nous n'en pourriens venir à chief:
Pour nous seroit .i. grant meschief.
Et vous diray sanz parabole
De son fait forment me récole,
Et de cela j'ay grant envie
De ce qui disoit en sa vie
Que au tiers jour resusciteroit
Et le temple Dieu referoit:
Sy regardez qu'en sera fait.

PILATE.

Beaus seigneurs, sans plus faire plait
Dire vous vueil m'entancion
Sanz y faire narracion.
Vous savez bien, et c'est tout voir,
De Jhesu ay fait mon devoir,
Et sy est vray et tout certain
Du tout en ay lavé la main:
Sy n'en vueil plus avoir la paine.

ANNE.

Pilate, c'est chose certaine;
Ce fait cy pas ne demorra
Et aille ainssy comme il pourra,
Car nous avons ce fait à cuer
Que point ne lesrons à nul fuer;

LA RÉSURRECTION

Mais vous estes le souverain :
Sy nous aidiez à ce besoin
Et faites tant qui lisoit garde.
Je considère bien et regarde
S'il est ainssy comme il disoit
Qu'au tiers jour il resusciteroit,
Nous n'en pourrons venir à chief.

PILATE.

Pour nous seroit .i. grant meschief
Se Jhésus ainssy se partoît,
Ne du sépulcre resuscitoit.
Sy faites tost sanz point d'arrest
Que garde y soit, et soiez prest
De le faire hastivement.

CAÏPHAS.

Sy ferons-nous certainement
Sanz y faire point de séjour :
Avant qui soit demain le jour,
Tout pour certain garde y aura.

ANNE.

Nous ferons tant qui li parra.
Caïphas, tost congié prenons.
De Pilate, et nous hastons :
Sy en alons en nostre affaire.

CAÏPHAS.

Pilate, ne vous vueille desplaire
Hastivement nous en alons
Et à Dieu sy vous commendo
Faire voulons nostre devoir.

PILATE.

Beaus seigneurs, à vostre vouloir!

CAÏPHAS.

Anne, faisons-en nostre atée

Là endroit celle contrée ;

A cez gens d'armes parlerons :

Nostre affaire leur conterons ;

Hastons-nous sans faire demeure.

Cy voient aux gens d'armes.

CAÏPHAS.

Seigneurs gens d'armes, nous venons

A vous parler, et ce voulons

Que tantost et sanz faire arrest

Vous en ailliez, et soiez prest,

Le tumbel garder où fut mis

Ce faux prophète, car commis

Voulons que soiez pour garder.

Or y alez sanz plus tarder ;

Gardez bien qu'emblez ne vous soit,

Car lez gens enorte et deçoit ;

Vous en serez trop bien paieiz.

LE PREMIER CHEVALIER.

Seigneurs, nous sommes apparailiez

A faire tout vostre vouloir.

LE SECOND CHEVALIER.

J'en vueil bien faire mon devoir,

Et ce ne vous doubtez de riens

Que je ly donrray de mes biens

Sy li a àme qui à lui touche.

LE TIERS CHEVALIER.

Il me vendroit à grant reprouche
 Se mon devoir je n'en faisoie.
 A fol quoquart je me tendroie
 Se je ne ly donnoie du mien.

ANNE.

Certes, seigneurs, vous dictes bien.
 Or y alez sanz faire arrest :
 De le bien garder soiez prest.

Cy voient Caïphas et Anne où il voudront et lez chevaliers parlent.

LE PREMIER CHEVALIER.

Puis qu'enssy nous sommes commis
 A sépulcre garder et mis,
 Je yray bien faire mon devoir.
 Seigneurs, je vous dy tout de voir
 Nous déussions jà touz .III. estre
 A sépulcre pour garder l'estre
 Que Jhesus emblez ne nous soit.
 Tant de gens enorté avoit
 De croire cez diz et cez euvres,
 Car j'ay doubte qu'en ne desqueuvre
 Le tumbel pour l'emporter.
 Alons tous .III. à souler
 A l'entour et à l'environ.

LE SECOND.

Vous dictes bien et nous yron,
 Nous bien vivans par le grant Diou.
 Nous .III. garderons bien le lieu
 Que Jhesus n'en soit emportez.

Bien armez suis et actintez :
Riens ne m'y fault de nul costé.
Alons-y ains c'on l'ait osté,
Ne mis hors d'entre lez pierres.

LE TIERS CHEVALIER.

Moult seroit fors et soubtilz lierres
Qui Jhesus nous pourroit embler.
Quant entre nous .iii. asambler
Nous voulons pour garder le corps,
Ce nous seroit vilains recors
Que nulz y osast sy entrer
Qui pour voir se peust venter
Ne de l'avoir osté ne pris.

LE PREMIER.

Vous parlez comme bien apris :
Alons-y tost sanz point d'espace.
Je vueil prendre ycy ma place
Ne autre n'iray aillieurs querre.

LE SECOND.

Et je me sarray cy à terre
Et m'acoteray sur le coute
Afin que j'entende et escoute
Se âme oie aucuns venoit.

LE TIERS.

Cy me sarray ; que s'on venoit
De ceste part à recelée,
Je ly donroie telle acolée
A quiconques s'y embatroit
Que mon cop tout mort l'abatroit
Sanz jamès avoir garison.

LE PREMIER.

Je n'oy onques longue saison
Fors que sy fain de soumellyer.
Seigneurs, vueilliez .i. pou veillier
Vous .ii. tant qu'auray soumellié :
Je seray tantost raveillié.
.i. bien pou dormir il me fault.

LE SECOND.

Trop bien veillasse sanz deffault,
Mais j'ay .i. pou le chief pesant.
Somilier m'estuet en gisant
Ycy .i. pou dessus ma targe.

LE TIERS.

J'ay aussy de someil grant charge
Qu'un bien pou dormir me convient;
Tantost se nul va ne ne vient
Ysnellement m'esveilleray
Que nul délay je n'y feray.

ADAM, en enfer, die :

Doulz Diex, qui à ta forméure
Me feis par ymaginée faiture,
Et âme et vie me donnas
Et puis après sy me menas
Tout droit en Paradis terrestre,
Et me veas sy hardy estre
Du fruit menger où je mordy.
Dont tout à mort nous amordy;
Vrais Diex, veulles nous secourir !
Nous ne faisons que langourir :
En tel paine, en tel tourment

Souffrons tuit sy certainement,
 A très doulz Diex, doulz roys Jhésus,
 Se par toy ne sommes secourus
 Touz sommes à perdicion.
 Ce nous fist la temptation
 De l'anemy qui nous déceut.
 Plus mauvais fruit oncques ne fut
 Acheter nous fault le meffait.

RVE.

Hé ! très-doulz Diex qui m'avez fait
 Et formée de la coste Adam,
 Ostez-nous dez mains de Sathan.
 Souffrir nous fait tant de martire
 Qui n'a langue qui le péust dire ;
 Met-nous-en hors tost sy te plaist.
 Trop y sommes, dont nous desplaist.
 Adam, mon amy, c'est par moy
 Sy en souffrons peine et esnoy,
 Et cez vaillans hommes aussy.
 Vrais Diex, aiez de moy mercy,
 Que tout est par ma mauvestié.

S. JEHAN-BAPTISTE.

A roys Jhesus ! par t'amistié
 Secours-nous, Sire, sy te plaist.
 Tourment nous font, dont nous desplaist,
 Cez anemys qui ycy sont ;
 D'aligement point ne nous font
 Et de mal faire tant se painent
 De ce faire joie demainent.
 Sy vous prions, doulz roys de gloire,

Veullez nous avoir en mémoire,
Car nous sommes cy en misère.

NOEL.

Glorieux roys, ta grant lumière entière
Sy te plaist nous veulles monstrer,
Car tant de mal et d'encombrier
Nous font cez anemys par leur yre,
Qui n'a langue qui le péust dire.
Sy ne me pouroie plus tenir
De plorer, braire et gémir.
Haïas! bien a cy grant déluge :
Nous ne savons trouver refuge
Nulle part, n'entour, n'environ.
A vrais Diex ! tant te hucheron
Que au derrain serons délivres ;
Trouvé a esté par les livres.
Or le fay tost et je t'en prie.

BELGIBUS, premier diable.

Ha hay! que cilz brait et crie?
Bélias, bien avant, compains,
Os-tu comment cilz ça c'est plains?
Tant braira touz nous eschaperont,
Car lonc temps prophetizié l'ont
Qu'encore seront racheté.
Et pour ce ont tant quaqueté
Qui rempliront encoir lez ciex
De quoy nous a hors bouté Diex
En mon cuer en ay grant envie.

BÉLIAS.

Encore ne nous eschappent-ilz mie!

Belgibus, moult m'esnuiroit
Se sy orde chose séoit
Sur lez cièges célestiens
Comme ly homs est terriens
Qui est fait de limon de boe.
A Dieu en feroie la moe
Sy remplissoit son paradis
Où nous fustmes assis jadis.
Chascun de nous plus cler estoit
.ix. foyz que ly solaux n'estoit,
Et Luxcifer nostre bon mestre
.ix. foyz de nous estoit son estre;
Et l'orgueil et intencion
Qu'il vouloit mestre en action,
Estre vouloit semblable à Dieu.
Et consentismes tuit ce lieu,
Et pour ce Diex le trabucha
Et en s'abisme le ficha,
Et nous ausy qui le suismes;
Car trop malement nous meismes.
S'en trabuchasmes .ix. légions
Qui consentismes cés raisons.
Lucifer qui cy cler fu,
Nommé est menistre de feu
Et tuit sommes cy compaignon
Que tous avons commission
De Dieu, qui est noz souverains
Et qui tout fist à cez .ii. mains,
De templer toute créature,
L'un d'orgueil, l'autre de luxure,

De convoitise et de desespoir. 2
 Sur ceulz nous a donné pouvoir
 De mener en nostre prison
 Où en est sanz redempcion.
 Lucifer ne fist qu'un péchié
 Que Diex tient en enfer fichié.
 Comment cuident donc cilz séoir
 Et noz cièges doncques ravoir,
 Qui en font bien mille le jour,
 Et riens ne cresment leur seignour?
 Enclins sont à leur pourriture :
 Je cuide que Diex n'en ait cure
 D'eulz avoir en sa compaignie;
 Ce sont pécheur orde mesgnie.
 A nous ne seroit point raison
 Sy les mestoit en sa maison :
 Regarde, compaing, cil puet estre.

BELGIUS.

Bélias, je sans Dieu noz maistre
 Plains de si grande cruauté
 Contre nous por nos mauvestié;
 Et pour nous faire plus despis
 D'omme mortel seront remplis
 Lez haulz cièges de Paradis
 Dont nous bouta Diex hors jadis;
 Et pour ce que plus nous esnoie
 Leur donra la parfaite joie.
 Et pieçà l'on dit cilz prophètes
 Qui ycy sont dedans nos mectes,
 Que Diex au monde descendra

Et d'une femme vierge naistra
 Que il disposa ainçois que nous;
 Et veul bien que ce sachiez vous
 Par .I. Jehan qu'estoit conceuz
 Qui devant Dieu estoit venuz
 Et sy entra ès désers,
 Il est sains, ne puet estre sers.
 A péchié en enfer vendra:
 Pas longuement n'y demorra,
 Car après lui vendra son maistre
 Par qui destruit sera noz estre,
 Et ceulx qui se sont soustenu
 Contre péchié et offendu
 Et qui à leur pouvoir ont servi.

BÉLIAS.

Nous a donc Diex sy aservy
 Pour le propos que consentismes.

BELGIBUS.

Oil, car trop nous mefféismes;
 Abatre volions sa grandeur.

BÉLIAS.

C'est voir, ce fut grant foléur.
 Or ne puet aler autrement.

BELGIBUS.

Or me respons hastivement;
 Cez gloutons et cez orgueilleux,
 Cez despérans, cez envieux
 Qui remplis sont de convoitise,
 Ceulx qui luxure art et atise
 Et cez faulx jurés rechiniez,

Qui est horrible et infernelle;
 Vueil par ma vertu, supernelle
 Que devant moy chieent et froissent,
 Et lez ennemiz qui engoissent
 Lez âmes ne puissent avoir
 Sur elles force ne pouvoir,
 Car je suis la vraie lumière
 Qui d'infernal ardant fumière
 Ysnellement lez viens hors traire.

Lez diables yssent hors d'enfer et puis die

BELGIBUS.

Jhésus, mout nous vint au contraire
 Ta mort et ton trespassement
 Quant pris as resuscitement
 Après morir comme filz Dieu
 Pour venir rompre nostre lieu
 Dont contre toy n'osons mot dire.
 Le cuer nous doit bien fondre d'ire
 Quant aux âmes aideras,
 Et nostre enfer en vuideras.

Ta venue nous est grevaine
 Quant nostre puissance sy vaine
 Ainssy la nous fais devenir.

BÉLIAS.

Se je cuidasse qu'avenir
 Nous déust tel tribulacion
 Que eüsse resurreccion,
 En enfer n'eüst ore âme
 Sy bonne d'âme ne de famme

Qui ne feust arce et mise en cendre.
Tu fais outrage de descendre
Sà jus vuidier noz héritages,
Pour remplir lez haultz ostaiges
Et le grant lieu de paradis.

DIEU.

Vous en trabuchastez jadis
Hors des cièges, par vostre orgueil;
Dez âmes remplir je lez vucil.
Que aviez de l'humanité
Par la desloial vanité
D'Ève, d'Adam, que vous tentastes,
Du fruit menger et enortastes.
Séans sont, cy lez entrairay;
Joie et clarté leur donrray;
Plus ne seront en cest aham,
Venez à moy, cousins Jehan,
Et vous aussy Adam et Ève,
Qui du fruit gotastes la sève.
Abraham, David et Noël,
Venez avant nostre avoel
Qui estq cy en ce lieu hort,
Pour vous en ai-ge souffert mort
Et de vie quité le chemin!
Resgardez sur quel parchemin
Vostre délivrance est escripte.

Cy monstre Dieu cez plaies et die.

Regardez à quelle labite
Ma char et mes piez et mez mains
Ont esté mis pour lez humains;

Rogardez comment vous esmoie
Quant pour vous vie mis la moie.
Racheté vous ay quitement,
Sy vueil qu'après l'aquitement :
Qui voz durtez purge et pure,
Que vous soiez en clarté pure,
En joiez repos sanz paine.
Or entrez cy en cest demaine
Et là soiez glorifiez.

S. JEHAN.

Glorieux rois saintefiez,
Filz Dieu enfès de Vierge mère,
Qui nous traiz de douleur amère
Et nous a mis de mort à vie,
Loée et amée et servie,
Soit la gloire de ta puissanco
Et le labour de ta souffrance,
Qui tel repos nous as aquis,
Ce ne fut ce que tu nasquis
Filz et homs de vierge humaine,
Touz humains en mortel demaine
Fussent adest tout pour certain.

ADAM.

Père qui tout tiens en ta main,
Ta résurreccion saintisme
Soit loée, quar hors d'abisme
Où nous estions par ma déserte
Nous as osté, c'est chose apportel
Bien pert que tu es Rois dez Rois
Et Diex, quant de mort les desrois

Entièrement as amorty.

Vray Jhésucrist, qui converty

Avez mort en vie pour nous

Et racheté lez humains tous

Gloire à vous et loenge à celle

Qui vous porta vierge pucelle

Soient en noz vous merciant

A jointes mains et graciant

De vostre souffrance piteuse

Qui d'infernal mal despitueuse

Du tout en tout noz deslivrés

S. JEHAN.

Souverains roys qui nous livres

Clarté, et hors de ténèbres

Nous osez et d'opre douleur

Soleil de foy et de franchise

Qui toute humanité hors mis

Avez de mortel vitupère

Vrais filz fruit et filz du devin

Éternel roys puissant et fin

Sanz commencement et sanz fin

Vostre sainte affirmation

De joie et de velleccion

Merciée et loée en soit !

NOËL.

Filz de Dieu, homs de vous estoit

La prophécie affirmative,

Disant par raison relative

Que une vierge fruit porteroit

Qui le monde racheteroit.
Vrais Dieux, tant longuement méris
Qui lez humains avez guéris
Et m'avez, quant bien m'y regarde,
Ce qu'en mon arche tins en garde,
De humaine génération
Ceux qui par préparacion
De pueple réformée fu
Quant le déluge venuz fu
Qu'en la terre venir féistes
Pour le deffault que en nous veïstes,
De foy estre sa jus au monde,
Le préciex sanc pur et monde
Que pour nous racheter rendistes
En morant quant la mort rendistes,
Et l'eure que vous sucitastes,
Quant en pitié nous regardastes,
Soit sanz murmuracion querre
Graciée en ciel et en terre
Que tu l'as fait de vray propos.

DIEU.

En gloire, en joie, en repos,
Vous metray cy, car achever
Mestoit mon fait et à prover
Là où je voudray et devray,
Que surexit soie de vray
Le plus droit que je puis y vois.

S. JEHAN.

Or chantons touz à une voiz,
De cuer devost, en chant rassis,

Hault : *Gloria in excelsis.*

LE PREMIER DÉABLE BÉLGIBUS.

Ha hay! compains, ahan, ahan!
Bien nous meschéu ouan,
Car Jhesu qui de cy se part
A toutes âmes s'en part
Qui n'en lesse ne tant ne quant.
S'aperceu m'en fêusse quant
Lez Juifz le crucifièrent,
Celles en qui plus se fièrent
En lui n'en sa résurreccion
Fussent ore à confusion
Et au néant mises du tout.

BÉLIAS.

Comme félon roys y estout
L'a fait, mez aucune deffence
Déussion contre son offence
Avoir mise, ce fut raison,
Et apellé de traison.
Ce qu'enfer est vuit trop me griève,
Las! pour nous est et fort et brève,
Ne amender ne le povon.
R'alon-m'en, touz diz pleuron
Nostre douleur et grant tritresse.

BELGIBUS.

Souffrir nous fault nostre destresse
En tourment dont le cuer me font.
R'alon-m'en en bisme profond
Et là serons touz diz en guerre.

Ne les avons-nous mie gaigniez?
 Puis qui meurent sanz repentance
 Sanz avoir de Dieu cognoissance.
 Ne lez justicerons-nous mie?

BELIAS.

Sy ferons-nous, n'en doubtez mie.
 Ardant ou plus grant feu d'enfer
 Avec nos maistre Luxifer
 Lez mestrons trestous ensemble.

BELGIBUS.

Tu as trop bien dit; ce me samble;
 Ainssy l'octroy certainement.
 Or le faisons hastivement.

DIEU LE FILZ, en venant du tumber de:

Sanz ce que de riens soie repris,
 Acompliray ce que j'ay emprisé
 Quant mon père glorifié
 Après mort m'a vivifié.
 Le corps où mon vray esprit
 Conjointement le respirt
 Par la vivification
 De la glorification
 Divine qui finer ne puet,
 Droit en enfer aler m'estuet,
 Et pour mon esprit tant faire
 Au plaisir du divin affaire
 Que les âmes qui languissent
 Hors de paine et de tourment yussent.
 Bien sçay que l'âme de saint Jehan,
 Adam, Ève et Abraham,

Noël, David et Ysaïe
 Y sont devers une partie
 Qui limbe est appelée et dicte :
 Or fault que je le en aquite,
 Païé en ay l'aquitement
 Et delivré tout quitement,
 Et le rachat par le trahu
 De mort que j'ay souffert et heu,
 Et passé par ay dur trespas
 Qu'autre de moy ne péust pas
 Avoir passé, car divine euvre
 Pour moy y a ouvré et euvre
 Au profit de l'humanité,
 Sanz entamuer virginité
 De mère ne d'enfant aussy.
 A la porte d'enfer par cy
 Yray, car bien sçay que mémoire
 Font ja lez âmes de ma gloire.

Cy voise Dieu en enfer et lez âmes chantent : *Veni Creator
 spiritus*, et S. Jehan commence.

DIEU LE FILZ.

*Atolite portas, principes, vestras,
 Et elevamini portæ æternales,
 Et introibit rex gloriæ.*

LEZ DIABLES.

Qui es iste rex gloriæ?

DIEU.

Les portes de ceste maison
 Vueil brisier sanz arrestoison

Qui est horrible et infernello;
 Vueil par ma vertu, supernello
 Que devant moy chiéent et froissent,
 Et lez ennemiz qui engoissent
 Lez âmes ne puissent avpir
 Sur elles force ne pouvoir,
 Car je suis la vraie lumière
 Qui d'infernal ardant fumière
 Ysnellement lez viciens hors traire;

Lez diables yssent hors d'enfer et puis die

BELGIBUS.

Jhésus, mout nous vint au contraire
 Ta mort et ton trespasement
 Quant pris as resuscitement
 Après morir comme filz Dieu
 Pour venir rompre nostre lieu
 Dont contre toy n'osons mot dire.
 Le cuer nous doit bien fondre d'ire
 Quant aux âmes aideras,
 Et nostre enfer en vuideras.
 Ta venue nous est grévaïne
 Quant nostre puissance sy vâine
 Ainssy la nous fais devenir.

BÉLIAS.

Se je cuidasse qu'avenir
 Nous déüst tel tribulacion
 Que éussez resurreccion,
 En enfer n'éüst ore âme
 Sy bonne d'ôme ne de famme

Noël, David et Ysaïe
 Y sont devers une partie
 Qui limbe est appelée et dicte :
 Or fault que je le en aquite.
 Païé en ay l'aquitement
 Et delivré tout quitement,
 Et le rachat par le trahu
 De mort que j'ay souffert et heu,
 Et passé par ay dur trespas
 Qu'autre de moy ne péust pas
 Avoir passé, car divine euvre
 Pour moy y a ouvré et euvre
 Au profit de l'humanité,
 Sanz entamuer virginité
 De mère ne d'enfant aussy.
 A la porte d'enfer par cy
 Yray, car bien sçay que mémoire
 Font jà lez âmes de ma gloire.

Cy voise Dieu en enfer et lez âmes chantent : *Veni Creator
 spiritus*, et S. Jehan commence.

DIEU LE FILZ.

*Atolite portas, principes, vestras,
 Et elevamini portæ æternales,
 Et introibit rex gloriæ.*

LEZ DIABLES.

Qui es iste rex gloriæ?

DIEU.

Les portes de ceste maison
 Vucl brasier sanz arrestoisou

Qui est horrible et infernelle;
 Vueil par ma vertu supernelle
 Que devant moy chieussent et froissent
 Et lez ennemis qui engoissent
 Lez âmes ne puissent arpir
 Sur elles force ne povoir;
 Car je suis la vraie lumière
 Qui d'infernal ardent fumière
 Ysnellement lez viciens hors araire;

Lez diables yssent hors d'enfer et puis die :

BELGIBUS.

Jhésus, mout nous vint au contraire
 Ta mort et ton trespasement
 Quant pris as resuscitement
 Après morir comme filz Dieu
 Pour venir rompre nostre lieu
 Dont contre toy n'osons mot dire
 Le cuer nous doit bien fondre d'ire
 Quant aux âmes alderas,
 Et nostre enfer en vuideras.
 Ta venue nous est grévine
 Quant nostre puissance sy vaine
 Ainssy la nous fais devenir.

BÉLIAS.

Se je cuidasse qu'avenir
 Nous déust tel tribulacion
 Que eusses resurreccion,
 En enfer n'eüst ore âme
 Sy bonne d'oïme ne de famme

Qui ne feust arce et misc en cendre,
 Tu fais outraige de descendre,
 Sà jus vuidier noz héritages,
 Pour remplir lez haultz ostaiges,
 Et le grant lieu de paradis.

DIEU.

Vous en trabuchastez jadis
 Hors des cièges, par vostre orgueil;
 Dez âmes remplir je lez vueil
 Que aviez de l'humanité
 Par la desloial vanité
 D'Ève, d'Adam, que vous tentastes,
 Du fruit menger et enorlastes.
 Séans sont, cy lez entrairay;
 Joie et clarté leur donrray;
 Plus ne seront en cest aham,
 Venez à moy, cousins Jehan,
 Et vous aussy, Adam et Ève,
 Qui du fruit gotastes la sève.
 Abraham, David et Noël,
 Venez avant nostre avoel
 Qui este cy en ce lieu hort,
 Pour vous en ai-ge souffert mort
 Et de vie quité le chemin!
 Resgardez sur quel parchemin
 Vostre délivrance est escripte.

Cy monstre Dieu cez plaies et die:

Regardez à quelle labite
 Ma char et mes piez et mez mains
 Ont esté mis pour lez humains;

Regardez comment vous comble
 Quant pour vous vie mis ta moie.
 Racheté vous ay quitement,
 Sy vueil qu'après l'aquitement
 Qui voz durtez purge et pure,
 Que vous soiez en clarté purc,
 En joie repos sans peine.
 Or entrer cy en cest demaine
 Et là soiez glorifiez.

S. JEHAN.

Glorieux rois saintefiez,
 Filz Dieu enfès de Vierge mère,
 Qui nous traiz de douleur amère
 Et nous a mis de mort à vie,
 Loée et amée et servie,
 Soit la gloire de ta puissance
 Et le labour de ta souffrance,
 Qui tel repos nous as aquis,
 Ce ne fut ce que tu nasquis
 Filz et homs de vierge humaine,
 Touz humains en mortel demaine
 Fussent adez tout pour certain.

ADAM.

Père qui tout tiens en ta main,
 Ta résurreccion saintisme
 Soit loée, quar hors d'abisme
 Où nous estions par ma déserte
 Nous as osté, c'est chose appertel
 Bien pert que tu es Rois dez Rois
 Et Diex, quant de mort les desrois

Entièrement as amorty.

Vrais Jhésucrist, qui converty

Avez mort en vie pour nous

Et racheté lez humains tous

Gloire à vous et loenge à celle

Qui vous porta vierge pucelle

Soient en noz vous merciant

A jointes mains et graciant

De vostre souffrance piteuse

Qui d'infernal mal despitueuse

Du tout en tout noz deslivrés

S. JEHAN.

Souverains roys qui nous livres

Clarté, et hors de ténèbres

Nous ostez et d'apre douleur

Soleil de foy et de franchise

Qui toute humanité hors misez

Avez de mortel vitupère

Vrais filz fruit et filz du devin

Éternel roys puissant et fin

Sanz commencement et sanz fin

Vostre sainte affirmation

De joie et de velleccion

Merciée et loée en soit !

NOËL.

Filz de Dieu, homs de vous estoit

La prophécie affirmative,

Disant par raison relative

Que une vierge fruit porteroit

Qui le monde racheteroit.
 Vrais Dieux, tant longuement méris
 Qui lez humains avez guéris
 Et m'avez, quant bien m'y regarde,
 Ce qu'en mon arche tins en garde,
 De humaine génération
 Ceulx qui par préparacion
 De pueple réformée fu
 Quant le déluge venuz fu
 Qu'en la terre venir féistes
 Pour le deffault que en nous voïstes,
 De foy estre sa jus au monde.
 Le précieux sanc pur et monde
 Que pour nous racheter rendistes
 En morant quant la mort rendistes,
 Et l'eure que vous sucitastes,
 Quant en pitié nous regardastes,
 Soit sanz murmuracion querre
 Graciée en ciel et en terre
 Que tu l'as fait de vray propos.

DIEU.

En gloire, en joie, en repos,
 Vous metray cy, car achever
 Mestoit mon fait et à prover
 Là où je voudray et devray,
 Que surexit soie de vray
 Le plus droit que je puis y vois.

S. JEHAN.

Or chantons touz à une voiz,
 De cuer devost, en chant rassis,

Hault : *Gloria in excelsis.*

LE PREMIER DÉABLE BELGIBUS.

Ha hay! compains, ahan, ahan!
Bien nous mieschéu ouan,
Car Jhesu qui de cy se part
A toutes âmes s'en part
Qui n'en lesse ne tant ne quant.
S'aperceu m'en fêusse quant
Lez Juifz le crucifièrent,
Celles en qui plus se fièrent
En lui n'en sa résurreccion
Fussent ore à confusion
Et au néant mises du tout.

BÉLIAS.

Comme félon roys y estout
L'a fait, mez aucune deffence
Déussion contre son offence
Avoir mise, ce fut raison,
Et apellé de traison.
Ce qu'enfer est vuit trop me griève,
Las! pour nous est et fort et briève,
Ne amender ne le povon.
R'alon-m'en, touz diz pleuron
Nostre douleur et grant tritresse.

BELGIBUS.

Souffrir nous fault nostre destresse
En tourment dont le cuer me font.
R'alon-m'en en bisme profond
Et là serons touz diz en guerre.

BÉLIAZ.

Je suis accouru sy grant erre
 Ne me pouvoie plus tarder
 Pour le droit d'infernal garder.
 Or est vuidee nostre maison,
 Harou, quel mortel traison !
 Je voy le monde bestourner (1) :
 Ne plus ne sçay quel part tourner.
 Au monde n'a que descavance,
 Dieu va contre son ordenance,
 Son dit ne vault une escorce,
 Quant nous a tolu par sa force
 Le nostre par sa sentence,
 Je ne sçay mie qu'il en pence :
 Je ne m'en vueil plus entremestre.
 A son chevet le puist-il mestre !
 Vérité est au siècle morte ;
 N'en puis mēz, ce me desconforte.

NOSTRE DAME.

Mez doulces suers, je vous supplie
 Que vous me tiengniez compaignie,
 Car aler vueil au monument
 Où gist mort Jhesus mon enfant,

(1) *Bestourner*, tourner à mal. On rencontre ce mot fréquemment dans nos vieux poètes. Rutebeuf dit dans sa complainte de Sainte-Église :

Covoitise qui fait les avocas mentir,
 Et les droiz *bestorner* et les tors consentir.

Le même trouvère a composé également une pièce qu'il a intitulée : *Renart le bestourné*.

Et est gardez par grant desroy
 De par lez maistres de la loy.
 Mon chier enfant que tant amoie,
 Quant dedens mon corps vous portoie,
 Jamez à nul jour ne cuidasse
 Qu'en crois morir vous regardasse.
 Alas! dolante chetive!
 Je demeure bien orphelive!
 Jamez au cuer joie n'auray.

s. JEHAN, euvangeliste.

Compaignie je vous tendray;
 Ma très-chière dame royal.
 Mon très-chier seigneur loyal
 Sanz doubte vous confortera
 Et joie touzjours vous donrra.
 En vostre cuer confort tenez.

NOSTRE DAME.

Pourquoy tant me contretenez?
 Il est mez filz, je suis sa mère;
 Pas ne ly dois estre amère.
 He! faulx Juifz! vous le m'ostez;
 Je le portay en mez costez
 .ix. moys, du lait de mez mamelles;
 Je l'alestay comme pucelle.
 Or me commence ma douleur:
 Ma joie tourne en tritour.
 Il fut nez en virginité
 Sanz péchié de charnalité;
 Sa char est de noble nature,
 Car elle est de péchié pure.

J'an croy l'archange Gabriel
 Qu'il est vrais rois célestial
 Et sy est vrais Dieux sans doubtaunce!

MAGDELAINE
 Madame, j'ay grant desplaisance
 Que sy très-doulcement ploras

De quel toute vos seyez
 Quant de vostre quel me sourient
 Par raison plorer me convient

Car je vous voy en larmes fondre.
 Lors ne vous puis en riens respondre
 Sy vous plaist à vous déporter,
 Touz noz pourriez reconforter
 Et en seriens trestouz plus aise

S. JEHAN.

Dame, je vous prie qu'il vous plaise
 A vous .i. pou reconforter.
 Tant vous devez miex desporter
 Car bien vous dist que il moroit.

NOSTRE DAME.

Jehan, qui taire ce porroit?
 J'ay veu mon seigneur et m'amour
 Morir vilainement à grant doulour,
 Bien sçay qu'il est mort à grant tort
 Et n'avoit pas deservi (1) mort :
 Sy veul au monument aler.

(1) *Déservir*, mériter. J'ai donné de ce mot une explication fautive dans le *Mystère de la Résurrection*, que j'ai publié en 1834. (Paris, Téchener, in-8°.)

JACOBÉE.

Ne vous veullicz haster d'aler,
Car tant plus près de lui scerez,
Et plus voz deul engoisserez,
Par amour souffrez vous atant.

NOSTRE DAME.

Las! mon enfant que j'amoie tant,
Jamez ne me regarderez
Ne doulz regart ne me ferez,
Vos yeulz vis troublez durement;
Or sont-il mors certainement
Et or ne parlerez-vous jamez.
En moy que resjouir jamez,
Perdu eustez toute couleur,
Quant vous vis pendu à douleur.
Lors eustes rompu nerfz et vainiez,
Je viz voz plaies de sanc plaines,
Par les mainz vous vis estachié
Et à gros clous bien afichié:
De plorer ne me puis tenir.
Quant il me convient souvenir
Que par yveriet par esté
En pénitence avez esté
Nus piez touz jours en ceste terre,
He! Magdelaine, le cuer me serne
Laver lez piez, seur, y alastés,
Par grant amour lez essuiastes.
Or sont-il perciez d'oultre en oultre
A gros clous lons comme li coudre.
Tout le sanc m'est du cuer osté

Quant me souvient de son costé ;
 Or est navray tout sanz mesure.
 Doulz filz et douce nourriture,
 Bien sçay tu as le cuer party
 Tout oultre en oultre sanz mercy.
 Moult me promist Siméon
 En ma purification
 Que moult tost trespaseroit
 Le glave qui te perseroit.
 Perce mon cuer, doulz filz Jhesum
 Le glave de ta passion :
 Sy en suis toute forsonnée.

S. JEHAN.

Lessiez ester, dame honorée,
 Que tel dueil penre ne devez.
 Vostre filz suis, bien le savez ;
 Bien vous serviray sanz doubtaunce.
 De voz dueil ay grant desplaissance
 Et en suis au cuer moult destrains.

MOSTRE DAME.

De Gabriel forment me plains ;
 Quant j'estoie jeune pucelle
 Et il m'aporta la nouvelle
 De la sainte incarnation,
 Me dist par salutacion
 A son événement : Ave,
 Et tramua Eve en ve ;
 Mez se bien suis interprétée,
 En Eve suis toute muée.
 Ave sanz dueil et sanz doulour,

Sanz engoisse et sanz triton;
 Sanz misère doit touz jours estre;
 Car Ave en joie doit estre.
 Lasse! pourquoy Ave me deïs;
 Il appert bien que tort me fés;
 Car certes j'ay perdu Ave;
 Pour joie ay dueil retrouvé;
 Touz jours plorer me convendra
 Quant de mon filz me souvendrais;
 Se Virago m'eusse nommée;
 Tu ne m'eussez pas surnommée;
 Et moult bonne raison y a;
 Que je voiz in agonia;
 Mon seigneur, mon filz, mon amy.

S. JEHAN.

Chière dame, le cuer par my
 Me part de la grant destresse
 Et douleur qui au cuer me blesce
 Que je vous voiz ycy tenir
 Savoir devez sanz attendre
 Quant Gabriel vous annonça
 Le salut et vous prononça
 Que saintement vous le conceustes
 Quant le saint salut vous requestes
 Et puis par grâce l'enfant astes
 De voz mamelles l'alestastes.
 Puisque de ce estes certaine
 N'en devez estes sy grevée,
 Car je vous diz en vérité,

Ainssy comme en virginité
Il vost de vous vrais homme naistre
Et avec vous en ce monde estre;
Car ceste mort surmontera
Et touz viz resuscistera
Sanz avoir point nulle diffamme.

NOSTRE DAME.

Par droite nature de femme
Je me clame de Gabriel,
Du droit ange célestial
Pour quoy nomma-il Marie,
Que puis que mon filz pert la vie,
Nul, *Marie*, estoille de mer,
Ne me doit par raison clamer?
Estoille de mer clarté porte
Et grant lumière qui conforte
Tout home en grant péril de mer.
Marie est amour sanz amer;
Mez nulle clarté je ne porte.
Ma char est toute estainte et morte,
Mon bel en let, mon solas en douleur;
Ma vie en mort, mes désirs en langueur,
Et qui autrement veult entendre
Bien puet par mon droit nom entendre
Marie sy est chose amère
Où mon cuer est, c'est chose clère;
Car au cuer ay tel amertume
Que de douleur tout mon cuer fume.
Lasse, comment durer pourray?

SALOMÉE.

Doulce dame , je vous diray
Mon neveu dist, bien m'en souvient ,
Que l'Escripture acomplir convient !
Souveniez-vous de Gérémié :
Le saint prophète ne ment mie,
Car il a prové clèrement
Qu'un home sera vraiment
Qui toute langour portera
En son corps et tout sauvera.
Navré sera sy cruellement
Et demenez moult laidement
Et comme .i. aignel se taira ,
Car de son gré occis sera.
Vostre filz a tout cecy fait :
Aprouvé est en luy de fait ,
Nous l'avons bien toutes véu.

NOSTRE DAME.

J'ay bien Gérémié créu ,
Mais menée suis par nature
Quant voy morte ma norriture ,
Car mon filz est Enmanuel.
Encoir me plains de Gabriel
Qui dist quant il me salua
Que j'estoie *graciâ plena*.
Comment suis-je de grâce plaine ?
De douleur mon cuer est fontaine.
Se je feusse de grâce plaine ,
Telle douleur pas ne portasse ;
Je feusse touzjours en léesse,

Et je muer en très-grant tristesse
Pour l'amour de mon chier enfant.

JACOBÉE.

Trop vous desconfortez durement,
Doulce chièrre dame et amie.
N'avez-vous pas veu Ysaie
Qui de voz filz prophétiza
La mort telle qu'endurée l'a?
Quar il dit au nom du prophète
Par qui grâce doit estre faite
A toute humaine ligniée,
De Dieu leur seroit ensainéc
Et son corps habendonneroit,
Ne jà nul mot n'en sonneroit
Au tirans qui le lapideroient,
Jà tant batre ne le saroient.
Par vostre filz est cecy fait;
Par mort confuz estre ly plait.
De grâce bien plaine serez
Quant vostre filz regarderez
De la mort resoudre en vie.

NOSTRE DAME.

Las! que voulez que je vous die?
Je sçay bien tout ce que me dictes
Et tout lez livres antiquites.
Gabriël me dist desraison
Qui me dist : *Dominus te cum.*
Mon filz m'a esté osté,
Je ly viz percier le costé.
Se avec moy viz demorast

Mon cuer de dueil plus ne plorast.
Or m'est osté, or l'ay perdu;
Las! sy ne m'est encoir rendu,
Que feray-je, lasse dolente?

SALOMÉE.

Madame, je croy en m'entente
Que le tesmoing de Ysaie
Qu'encoir serez toute esjoie.
Il nous desclère par son escript
En Jhésu est le Saint-Espérit,
Car il a esté oint du cresseme
Et sy a annoncé le baptesme.
Au monde a fait redempcion
Par sa mort et passion.
Ceulx qui plorent confortera,
Lez gens foibles renformera
Et ceulz qui gisent en la cendre
Fera encoire coronne prendre,
Et sy donrra l'uille de joie
A ceulz qui pleur et dueil guerroie;
Et le mentel de révérence,
Loenge, grâce et excellence
A touz ceulz leur donrra honour
Qui pour lui sont en grant tristour.
Ceste escripture est pour vous faite
Selonc l'entente du prophète.
Ainssy geta-il sa sentence.

NOSTRE DAME.

Je met en Dieu mon espérance,
Mais j'ay au cuer moult grant douleur

Que je tiens certes à grant laideur ;
 Que Gabriel me dist trop plus :
Benedicta tu in mulieribus;
 Car se tant beneurée fêusse
 Mon enfant mort pas veu jê n'eusse.
 Plus que moy beneurez sont
 Toutes fammes qui tel dueil n'ont.
 Bon eur ne bonne aventure
 N'est en perdre sa norriture.
 Se je fêusse bien eueuse ,
 Pas ne fusse sy doulereuse ,
 Mez mon cuer se muert en doulour.

MAGDELAINE.

Ma chière dame, par amour
 Ne veulliez plus tel douleur faire,
 Mez veulliez-vous .i. pou retraire.
 Quant vostre filz verrez en vie
 De grâce serez toute remplie.
 Quant il resuscita mon frère
 Je delessay tout dueil à faire.
 Par plus forte raison ferez,
 Heur et grâce vous porterez
 Et en serez toute esjoie.

NOSTRE DAME.

Magdelaine, ma doulce amie,
 Je suis de douleur toute plaine :
 D'engoisse est mon cuer fontaine
 He! Gabriel, quant tu me deis
Benedictus fructus ventris.
 Hélas! hélas! pas ne pensoie

Que de mon fruit eusse tel joie.
Hélas! sy hault le viz pendu
Et trestout son corps pourfendu!
Faulz Juifz de mauvaise vie,
Je sçay bien que pécheur n'est mie;
Pour ce me croist mon desconfort
Que vous l'avez occis à tort,
Et quant encoir plus à luy pense
A Gabriel plus à lui tensse
Qui me dist que mon filz seroit
Ou lieu David et régneroit
Rois d'Israel toute sa vie.
Sy regnast-il ne morust mie;
Sy comme roys vivant regnast,
Touz lez Juifz bien gouvernast,
Certez c'est bien chose seure.

S. JEHAN.

Madame, c'est vérité pure
Que vostre filz est vrais terrestre
Et qu'en ce monde roys doit estre,
Ne lez Juifz autre roy n'ont,
Ne jamez après il n'aront.
Rois aura en plusieurs pais
Trestous à vostre filz subgiz.
Seur eulz mon seigneur régnera
A son plaisir et roys sera
Maugré eulz pardurablement.
Ainssy pensa-il certainement
Le saint ange Gabriel
Quant vous diss le saulut novel;

Certainement bien le savez.

NOSTRE DAME.

Jehan, mon amy, bien dit avez.
Faulz Juifz plains d'iniquitez,
Couvers et plains de grant durté,
Vous estes bien durs ennemiz
Qui vostre roy avez occis.
Le cuer félon et dur avez,
Car touz ensamble bien savez
Que je suis fille de Joachin
Et du lignaige Eliachin.
Je suis d'Abraham descendue
Et de l'arbre Jessé venue.
Or avez-vous mon filz pendu
Et en croix vilment estendu,
Et sy ne fist oncques injure
Ou monde à nulle créature.
Or est occis par grant envie :
Vous m'avez faite grant vilenie ;
Jamais au cuer joie n'auray
Quant à sa mort bien pensseray,
Lasse ! chetive dolereuse,
Sur toutez femme engoisseeuse,
Tout mon esperit sy s'amortist.
Ma vie du cuer se mortist :
Assez tost seray toute morte.

S. JEHAN.

Madame, cilz qui touz réconforte,
Vous veuille en pitié regarder.
Or vous veulliez .i. pou retarder

Et penre en vous bon réconfort;
Riens ne vous vault le desconfort,
Car mon seigneur vous aidera,
Quant de mort resuscitera,
Je le vous dy certainement.

SALOMÉE.

Coruciez sommes durement
De vous, chière dame honorée,
Quant ainssy estes demenée;
Mais aidier ne vous povons,
Ne confort donner ne savons.
Sy voulons de vous congié prendre ;
Aler nous fault sanz plus atendre
A l'espicier isnellement
Pour acheter de l'oignement.
Sy en oindrons le vray corps
Qui fut doulz et miséricors :
Or faisons tost sy nous hastons.

JACOBÉE.

Vous dictes bien ; or y alons,
Mez doulces suers, je vous en prie,
Sanz il faire nulle destric,
Et de l'oignement acheterons.
Au monument le porterons :
Oindre le vueil de mez .ii. mains.

MAGDELAINE.

Roys dez cielx, que mon cuer est plains
De tristesse en douleur conferte
Pour Jhesu le piteux prophète
Qui ou sépulcre gist et transsis,

Et est mort en croix crucifis ,
Bras estendoz et flajellez ,
De sanc vermeil taint de tout lez !
Piez, mains, viaire, costé et chief ,
Est tourmentez à tel meschief
Que son âpre tourment cruex
Pleur et cry, car de mez chevox
Souffry qu'assuise à bandon
Cez piez quant il me fist pardon
De mez péchiez dont tant avoie.
Moult m'est tart que son saint corps voie :
Sy vous prie, mez doulces suers,
Que nous ne lessions à nul fuers
Que tantost et ysnellement
Aillons querre de l'oignement
Et le vray Jhésus en oindrons :

SALOMÉE.

Certez, bien faire le devons ,
Car quant de lui il me souvient
Ne sçay comment corps me soustient.
Bien nous doit le cuer fendre d'ire
Quant nous véons le grant martire
Qu'il a souffert sy doulcement.
Or en alons hastivement :
Faire en devons nostre devoir.

JACOBÉE.

Pour lui devons bien paine prendre.
Magdelaine, alez devant,
Ne nous alons pas délaiant.

Cy voient à l'espicier.

MAGDELAINE.

Maistres, cilz qui touz biens envoie
Vous doint honour, santé et joye
Et vous sauve le corps et l'âme!

L'ESPICIER.

Bien viengniez-vous, ma douce dame,
Et voz compaignie ensement!

MAGDELAINE.

Maistre, il nous fault de l'oignement.
.iii. boistes nous en fault au pois.
Pour chascune voie de nous trois,
Tout le meillieur que vous aiez :
Vous en serez trop bien paieez.
Or lez pesez, je vous en prie.

L'ESPICIER.

Trest volentiers sans faire estrie ;
Et puis après sy vous diray
Que ja de riens n'en mentiray
Combien elle peseront ;
Puis vous diray que cousteront,
Et vous en feray léaulté.

SALOMÉE.

Maistre, soit à voz volenté
Et très-bien vous voulons paier
Isnellement sanz délaier,
Que bien tost et ysnellement
Volons aler au monument :
Sy en oindrons le vray prophète.

L'ESPICIER.

Dame, ce que dictes me hète

Et certez tantost vous diray,
Que plus d'arrest je n'y feray,
.xx. .L. poise l'oignement.
.xxx. D. vault loiaulment :
Certez de riens n'en vueil mentir.

JACOBÉE.

Sire, soit à vostre plaisir.
Tenez vécz cy vostre monoie ;
Le vray Jhésus vous envoie joie.
Congié voulons penre de vous ,
Et se n'i a nulle de nous
Qui voz plaisir ne vousist faire.

L'ESPICIER.

Le grant Dieu vous vueille parfaire.
Cy s'en voient au monument, et en alant die :

MAGDELAINE.

Doulce Marie Salomée,
Marie Jacobée amée ,
Je vous diray sy com moy samble :
Alons-nous-en touz .iii. ensemble
Et faisons tost ; sy nous hastons.
Le vray Jhesus sy en oindrons
Pour son corps aromatisier.
Loer le doit-on et prisier,
Jhésus le bon prophète saint,
Qui dez tourmens a souffers mains ,
Qu'antier ny remaint nerfz ne vaines !
Voz boistez sont d'oignement plaines :
De cuer dévost bénignement

Y alons, car moult dignement
Et saintement vivoit en terre.

SALOMÉE.

Moult désir d'i aler grant erre
J'avoie pour visiter
Et pour oindre, car acheter
N'alay oncques cest oignement
Pour nul autre besoignement.
Magdelaine, sy vous depry
Que nous y aillons sanz destruy.
Marie Jacobée, amie,
De haster ne nous feignons mie
Hastivement tant qu'i soions.

JACOBÉE.

Bien est droit que nous doions
Haster d'y estre sanz délay,
Car de bon cuer en pensser l'ay
Pour aromatiser de luy
Les plaies et le corps aussy
Qui tant de douleur a souffert
Par Juifz qui ly ont offert
Fiel et assil en croix pour boire.
Par regret de piteur mémoire
M'en souvient, dont souvent gémis
Et soupir, car Juifz l'ont mis
A mort et à tort sanz cause.

MAGDELAINE.

Envie qui accuse et cause
Maintes personnes, à tort,
Le leur a fait livrer à mort

En croiz tou nu sangchoison.
Hastons-nous tost, que c'est raison
Que nous appençons d'aprochier
Le saint monument à touchier.
L'ont fait lez mais tresde la loy;
Ce devant voïs, ne vous esnoy,
Car désir ay de le trouver,
Mez forment m'esmoÿ qui lever
Nous puist la pierre, n'entrouvrir
Le tumbel pour le descouvrir
Quant arrivées serons là :
Aler nous fault tout droit par là.

Cy voient .i. tour et puis die devant le tumbel en regardant :

SALOMÉE.

Gloriex Diex, las ! que feray ?
Mez doulces seurs, je vous diray
Je voy le tumbel descouvert.
Ne sçay qui l'a ainssy ouvert :
Le peut avoir desasamblé.
Regarder je me dout qu'emblé
N'ait esté le prophète en l'eure.
Trop avons faite longue demeure
Et attendu de cy venir.

JACOBÉE.

Moult me merveil qui cy venir
Y a osé quant my regarde.
Regardez comment on le garde
A gens d'armes tout environ.

MAGDELAINE.

Las! ne sçay où le trouveron.

y chante le premier ange : *Agnus redemit oves*, et die tout le ver.

GABRIEL, premier angle.

Vous .iii., fammes, en voir vous dismes.

Le corps du juste crucefix,

Jhesus de Nazareth, Diex fix

Que vous quèrez n'est pas ycy.

Partiz sanz est et surreccy :

Diex est vivans, jà n'en doubtez ;

En Galilée le quèrez,

Car il va vers celles parties,

Et n'en veulliez estre esbaiez.

Véez-cy le lieu où il fut mis

Mortel, mez Diex et homme vis

Et vraiment s'en est alez.

MAGDELAINE.

Sains anges qui nous revelez

La résurreccion, pour voire

Bien vous devons seurement croire

De cy glorieuse merveille.

Vostre clère couleur vermeille

Nous donne cause d'espérer

Que cy estez pour révéler

La sainte résurreccion.

Regardez l'abitation

De ce sépulcre : voz .ii. fammes

Le sauverrés de toutes âmes :

De ce tumbel s'en est yssu.

SALOMÉE.

Sy haulte merveille ne fu
Oncques veuc ne regardée,
Car la place est sy près gardée
De .iiii. chevaliers, ce m'est avis,
Que surrexis est ou ravis;
Méz je croy le suscitement
Trop miex que le ravissement,
Selon la parole de l'ange
Qui point ne mue ne change,
Ne n'a troublée sa coulour.

JACOBÉE.

J'ay espoir que toute doulour
Soit en ce monde humaine guérie,
Que le prophète filz Marie,
Jhésu qui est resuscitez
De mort, et bien nessecitez
Nous estoit, car ainssy avenist
Pour la prophécie enteriner.
Or ne cessons de cheminer
Chascune de nous sanz arrester,
Tant que sachions là où il est
Et là l'irons droit aourer.

RAPHAEL, second ange.

Avenciez-voys de cheminer;
Vers Galilée en alez droit.
Bien vous pourra d'aucun endroit
Venir à vous à l'audevant.
Alez-vous-en touzjours avant,
Car vous avez commencié bien ;

Ne vous doubtez de nulle rien :
Je vous acertaine de voir,
Et sy le vous fais bien asavoir,
Que Jhésus est resuscitez.

MAGDELAINE.

Ha! sire Diex de grant bontez ,
Veuillez sy te plaist par ta grâce
Que tu nous donnes temps et espasse
De toy trouver, car grant désir
Avons nous .iii.; mèz où quérir
Ne savons, mèz tant te querrons
Se je puis que te trouverons.
Nous .iiii. fames partons de cy :
En nous alant chantons ainssy
De ce qu'ainssy resuscita :

En chantant :

*Surrexit Christus spes nostra ;
Precedet voz in Galileam.*

SALOMÉE.

*Sepulcrum Christi viventis,
Gloriam vidy resurgentis ,*

JACOBÉE.

*Angelicos testez,
Sudarium et vestes.*

Cy se destournent jusques lez chevaliers aient parlé.

PREMIER CHEVALIER.

J'ay oy ne sçay où sy près
Chanter je ne sçay quelle vois
En mon dorment ; pour ce je vois

Au monument de cest costé.

En regardant.

Ha hay! qui puet avoir osté
Du monument et descouvert
Le couvescle et entrouvert?
Je doubt qu'emblez nous soit Jhésus.
A la mort, seigneurs, levez suz!
A la mort! Tuit sommes troublez :
En nous a ce prophète emblé.
Bien croy que s'ont fait sy traïstres
Truans dont il estoit menistres :
Alez, s'en est droit par de là.

LE SECOND CHEVALIER.

Or tost, alarme! qu'est-ce là?
Quel ha hay est-ce que vous faites?
Nous est emblez ce fault prophètes!
Lessiez-moy regarder le lieu.
Il est emblez, par le grant Dieu;
Certainement enchentez sommes.

LE TIERS CHEVALIER.

Sanz doubte s'ont fait cez faulz homes
Qui l'ont tost adèz poursui.
Mal nous endormisnies huy,
Paine et honte nous en vendra.
Au maistre de la loy faura
Que tantost leur aillons dire.

LE PREMIER.

Vous ne vous povez escondire
Que ce ne soit à vostre tort :

Vous vous endormistes sy fort
Touz .iii. que point vous n'entendiez
Au monument que vous gardiez ;
Je le voy bien, c'est chose apperte.

LE SECOND.

Plus de honte avez en la perte
Du prophète que nous grant some ;
Car tant dormiez à forte somme
Qu'en vérité ce fut mal fait.

LE TIERS.

Tout .iii. somes partant du fait :
Ce mal en vient, je n'en puis mez ;
Mez plus ne seray cy huy mez
Que ysnellement je ne m'en voise.

LE PREMIER.

Se vous faites plus plait ne noise
Au maistres et ne le celez ,
Traïstez serez apelez
A touz jours mez et à tous temps.

LE SECOND.

Certez jà pour vostre compens
Au maistres ne le seleray,
Mez vérité leur en diray
Que qu'il en doie avenir.

LE TIERS.

Du dire ne vous doit souvenir,
Car par le corps vous ferroie
Ceste espée se je véoie
Que mal ne péril en éusse.

LE PREMIER.

Se je penssoie qu'accusé fusse,
Je vous occiroie touz .ii.,
A qui qu'en deust estre li deulz,
Ne le meschief, ne le courroux.

LE SECOND.

Ains qu'ocis aiez nulz de nous
Vous abatroye cy mort tout coy.
Se plus dites ne ce ne quoy.
Et sy avez ce cob premier,

En férant.

Et cest autre pour abessier
Vostre jeu et vostre bobance.

LE TIERS.

Pas ne veul que face ventence
Que le premier content méu
Aiez sanz en avoir éu
Ta déserte selon le cas.
Or tien! or tien! et ne di pas
Que l'en te cresse ne ne doute.
M'espée ou corps ly metray toute
Puis qu'il a esmeu ceste feste,
Ou je li pourfendray la teste
Ce m'espée ne ploie ou brise.
Or tien en despit de l'amprise
Que maintenant ycy fait as.

LE PREMIER.

Foir m'en fault plus que le pas
Ou tout maintenant je suis mort.

LE SECOND.

Suivons-le, frapons à effort
En quelque lieu où il aille.

LE TIERS.

Je ferray d'estoc et de taille
De mespée sur lui tous jours
Sanz y faire plus de séjour.

En frapant l'un sur l'autre et en eulz fuiant.

MAGDELAINE.

Mez suers, faisons nostre alée
Sanz plus faire de demorée,
Et faire d'entre nous chascune
Tant cheminer par voie aucune
Aux plaisir du vray Dieu le père
Que le prophète nous apère.
Par cy m'en yray droite voie
En .i. jardin, c'on ne me voie
Plorer et regreter en plains
La douleur dont mon cuer est plains.
Quant ce prophète n'ay trouvé
Ou sépulcre où il fut posé,
Vraiment moult m'en est grief.

SALOMÉE.

Magdelainé, le terme est brief
Qu'en Galilée le devons querre ;
Veulliez en voz pleurs Dieu requerre
Que trouver le vous doit par grâce.
Cy vous atendrons bonne espasse
Jusquez à tant que vous venrez.

JACOBÉE.

Tout au plus tost que vous pourrez,
 Magdelaine, venez à nous
 Cy endroit; car estre sanz vous
 Pour certain ne voulons mie.

MAGDELAINE.

Marie Jacobée, amie,
 Ne vous esnoy de ma demeure :
 Talant n'ay que sanz vous demeure.
 Longuement, de voir, ce sachiez :
 Cilz qui guérir puet tout péchiez
 Ay sy au cuer par souvenance,
 Qu'en pleurs convient ma contenance
 Et en regrez qu'en aore, estre:
 Ou jardin où a secret estre
 M'en voiz plorer sanz plus attendre,
 En lui regretant de cuer tendre,
 Piteusement, sanz vanité.

Cy voise ou jardin plorer, puis die à genoux :

Hé! vrais Diex, qui d'umanité
 Vous vestistes en corps de femme
 Pour le monde oster de diffamme,
 Dont en la croix fustes transsis
 Sy vraiment que surreccis
 Este, sy l'angle tesmoigne,
 Par grâce, veulliez sanz esloigne
 M'amenistrer réfection
 De vostre résurreccion
 Qui conforte et respoisse,

Car rien ne véisse ne n'oisse.

Cy viegne Dieu à elle et entre l'arbre die :

DIEU.

Famme qui par cy vas, que quiers,

Nulle chose sy volentiers,

Ne pourquoy pleure ne lamentes?

Soubz cest arbre cy te garmente :

Je ay bien ton pleur entendu.

Et tu voiz pour quoy pleure tu,

Et sy trez forment et gémiz?

MAGDELAINE.

Sire, quar je ne scay où mis

Est le corps de mon vray seigneur.

Qui pitié ot de moy greigneur,

Que déservy je ne l'avoie.

De pechié me véa la voie

Et deffendy que n'y rentrasse,

Et à ly quar me monstrasse

De sy près qu'à sez piez ploray,

Et de mez lermes l'essuay,

Et essuay de mez cheveux;

Sy te prie, sire, se tu veulz,

Se tu scez par nulle ensaignes

Là où il soit, sy le m'ensaignes :

Certainement querre l'iray.

DIEU.

Famme, tout le voir t'en diray :

Raboni soiez et séure,

C'est-à-dire que je t'aseure

Le mestre suis *qui agere*

Puis tost ; *noly me tangeré*,
Jusques à mon père esté aïe ;
Mez point ne pleure ne t'esmoie,
Et vas à mez frères nuncier
Et à chascun qu'en ce vergier
Me suis devant toy aparü.
Au monument a bien paru
Que surrexit soie et levé,
Quant tu ne m'y as pas trouvé :
Tout maintenant ainssy m'en vois.

MAGDELAINE.

Jhésus, vrais filz de Dieu, g'i vois
A chascun nuncier lez recors
Que touz viz est d'âme et de corps,
Car c'est chose créable et ferme.

Cy voise à sez compaignes et leur die :

Fammes, je vous diz et aferme
Le vray prophète crucifix
Est tout vivant et surrexis ;
Aparu c'est en cest jardin
A moy qui trouva sulz .i. pin
Pour luy plorant, et sy m'a dit
Que je voise sanz contredit
Anuncer sa résurreccion
Par certaine afirmacion :
Je le vous diz en vérité.

SALOMÉE.

Lasse moy ! que j'ay de pitié
De ce qu'avec vous n'alasmes
Ou jardin quant cy demorasmes !

Sy l'eussions veu nous .ii. aussey.
Jacobée partons de cy;
Sans nul délay, sy le quérons
Et faisons que le trouverons :
Je vous dy que nous ferons sanz.

JACOBÉE.

Magdelaine, qui lez a sanz,
Savez là où à vous parla :
Se vous pensez où il ala ,
Mains jointes, de cuer vous en pry,
Que nous y menez sanz destruy;
Appertement sy le verrons.

MAGDELAINE.

Suivez-moy, et tant le querrons
Que trouvé l'arons sy ly plaist.

Cy voient entour le champ, et quant ilz seront de costé le pin, die :

MAGDELAINE.

Véez cy le pin, mez point n'y est ;
Je croy qu'à son père alez soit :
Bien l'entendi qui le disoit
Quant me dist qu'à luy n'atouchasse.
Je m'en tins que ne l'aprochasse
Sy tost qu'il m'en ot fait deffence ;
Méz je croy bien que sanz offence
Le povons quérir loing et près,
Sanz mesprendre, tant que plus près
Tant cheminer qu'à lui soions.

SALOMÉE.

Du désir ay que le véons
Suis moult esprise.

JACOBÉE.

De guerre avons fait emprise;
Sy vous prie n'arrestons pas.

DIEU.

Cez .III. fames pas tout de ce pas
Alez ensamble moy quérant :
D'elles me vueil faire apparant ;
Vers moy ont cuer piteus et doulz.

Cy voise à eulx et die :

Vous .III. fames, que quérez vous ?
Dictiez le moy ; suis-je celui ?

MAGDELAINE.

Joignons lez mains toutes à lui,
Que c'est celui certainement
Qui parla à moi doucement.
Saluer le vueil la première.

A genous :

MAGDELAINE.

Filz de Dieu et vraie lumière,
Loée soit ta sainte gloire!
Tu ez celui qui sanz recoire
Et nuit et jour partout quérons.

SALOMÉE.

Roys Jhésus, nous te requérons
Pardon et grâce et mercy
Quant à nous t'es aparuz cy.
Ta resurreccion très sainte
Fait bien à exaucier sanz fainte.
Loée soit et aourée
Ta puissance bien éurée ,

Sanz point de définement !

JACOBÉE.

Vrais pères, qui divinement,
As la prophécie acomplie,
Jointes mains, de cuer te supplie,
Sy voir com je te croy Diex estre,
Que pour nous sauver daignas estre,
Que tu nous veulles pardonner
Nos péchiez et mercy donner,
Car je voy bien que tu ez cilz
Qui après mort est surrexis
Et joie as au monde apörtée.
De ta grace reconfortée,
Je te prie or nous reconforte.

DIEU.

Fame, jà ne te desconforte,
Car je vous doins à toutes .iii.
Pardon et veul de mez ottrois
Que de moy soiez absolues,
Et de mez grâces estandues
Soient en voz cuers fermement.
Or alez par afermement
Revêler de cuer provéu
Partout, quar vous m'avez véu.
Ce de mez apostres trouvez,
Séurement lez aprouvez
Qu'en Galilée orront nouvelles
De moy qui moult leur seront belles,
Et je vous doint ma benéïçon
Et sy voiz hors de soppeçon

Oster Pierre qui pour moy pleure
En une fosse où il demeure ;
Mais ma mère conforteray
Ainçois et revisiteray
En penssée et en espérance.
Plus ne feray cy demorance :
Partez vous en que je m'en part
Et m'en vois tout droit celle part
Là où conté et dit vous ay.

MAGDELAINE.

Sire, jamez ne cesseray
De vostre nom certefier,
Exaucier, glorifier,
Certainement tant com pourray.

SALOMÉE.

Tout ainssy faire le vouray
De cuer, de voiz et d'espérance
Et garie m'as mon espérance,
Et mise hors de grant destresse.

JACOBÉE.

Sa poissance, saintisme haultesse,
Exauceray de cuer dévost
Et ce qu'a nous monstrier ce vost
Et pardon de noz péchiez faire;
Car en plus gloriex afaire
Pour vérité aler ne puis.

MAGDELEINE.

Toutes .iii. sanz faindre depuis
Qu'il le nous a ainssy chargé
Yrons, quant c'est par son congié,

Sa résurreccion anunssant
En général et exaussant;
Et vous prie que pour l'exellance
De sa loenge , sanz cillance ,
Nous esmovons sanz tarder plus,
Chantant : « *Te Deum laudamus.* »

EXPLICIT, EXPLICIT.

AMEN!

AMEN !





NOTES.

Page 14, vers 17, 18 et 19 :

Hélie ! sus l'auctorité
Devons entendre *Sébile*
Qui fut royne moult nobile.

Les prophéties de *la royne Sybille* ou *Sébille*, ou simplement des *Sibilles*, furent célèbres au moyen-âge. On les trouve en prose et en poésie latine, en prose et en poésie française, dans un assez grand nombre de manuscrits. Elles étaient autrefois chantées à Noël dans les églises, et le concile de Narbonne fut obligé de les proscrire par un article formel. Malgré son arrêt, il continua cependant à être question des Sybilles à la messe des morts, dans la prose du *Dies iræ*, au troisième vers qui était ainsi conçu :

Teste David cum Sybillâ.

Aujourd'hui on l'a remplacé par ces mots :

Crucis expandens vexilla.

Les Sybilles n'appartiennent donc plus dorénavant qu'au domaine

légendaire. M. de la Rue attribue à Guillaume Hermann, trouvère du ^{xiii}^e siècle, un roman des Sybilles, de plus de 2000 vers, en vers anglo-normands, lequel commencerait ainsi :

Il furent dis Sibiles,
Gentils dames nobiles,
Ki oreht en leur vie
Esprit de prophécie, etc.

(Voyez p. 280 et suivantes : *Essais historiques sur les bardes, les jongleurs et les trouvères Anglo-Normands.*)

La Bibliothèque du roi contient, dans le Mst. 7636, Mst. qui remonte au ^{xiv}^e siècle, après le *Trésor* de Brunetto Latini, des *Oracles sybillins*. Elle renferme également, dans le Mst. coté 6987 (^{xiii}^e siècle), après une Apocalypse, un traité des dix Sybilles, et en particulier de la dixième appelée *Tiburnica*, en latin *Alburnea*, fille de Cassandre de Troie, laquelle prédit de Jésus-Christ et du royaume des cieux. Le traité commence ainsi : « Les Sébiles généralement sont appelées les fames « prophétianes, etc. »

Enfin, le Mst. 8649, ancien n° 1415 (Bibl. roy.), Mst. de format in-4°, en papier et avec miniatures, nous offre les *Prophéties des Sybilles*, sous forme de mystère ou de moralité; cette œuvre curieuse est dédiée à la duchesse Louise de Savoie, mère de François I^{er}. On trouve encore quelques détails sur les Sybilles à la page 138 du Catalogue des manuscrits de la bibliothèque de Rennes, publié récemment par M. Dominique Mallet, bibliothécaire de la ville de Rennes. Ce M^r me fait l'honneur, à la page 118 de son livre, de critiquer assez vertement l'édition que j'ai donnée de la légende de S. Brandaines. Il aurait peut-être été plus à propos de m'en remercier, car il est probable que, sans ma publication, M. Mallet n'eût point songé à parler, dans la sienne, de cette légende, qui était tout-à-fait inédite avant que je l'eusse imprimée *propiis impensis et curis*. M. Mallet eût dû remarquer ensuite que ses reproches tombent à faux pour la plupart, car en donnant une édition entièrement conforme, même dans ses fautes, au manuscrit de Paris le plus ancien de ceux qui contiennent la légende de S. Brandaines, je n'ai pas eu le moins du monde la prétention de reproduire le texte

qui appartient à la bibliothèque de Rennes, et qui n'était probablement connu que de son conservateur. Du reste, les critiques beaucoup trop affirmatives de M. Mallet ne m'empêcheront pas de reconnaître qu'il y a dans son livre de fort bonnes choses, et de le remercier, au nom des bibliophiles qui ne devraient pas s'entre-manger, d'avoir, le premier, publié le catalogue des manuscrits qu'il était chargé de garder, et dont probablement avant lui l'on pouvait dire :

Sacrés ils sont, car personne n'y touche.

Page 36, vers 4 et 5 :

De moi se devraient bien moquier
Et moi appeler Dam Richier.

Dam Richier (*dominus, domnus Richier*, d'où le *Don* des Espagnols), est un personnage qui figure dans les romans du cycle carlovingien. On lit dans celui d'Aubert-le-Bourguignon (Mss. 7227, bib. roy., f. 74) :

Or chanterai pour voz esbanoier :
Je sai de geste les chansons commencier
Que nus jonglères ne m'en puet engingnier.
Je sai assez dou bon roi Cloevier
De Floevent et dou vassal Richier !

Page 45, vers 19 :

C'est Bélias qui parle :

Ils sont ore bien atrapez
Ceulz que tenons en noz prisons ;
De crapaux avons venoisons ,
Rost de serpens et de couleuvres :
On lez sert touz selonc leurs euvres ;
Puis entremetz d'escorpions, etc.

Nos ayeux aimaient à l'excès ces descriptions fantastiques de l'Enfer. On les rencontre à chaque instant dans leurs *Mystères* et leurs poèmes. Elles prouvent que la fabulation réalisée par Dante était, à

son époque, plus commune qu'en le suppose. Quelquefois ~~mais~~ elles fournissaient un texte à des satires assez originales et assez spirituelles, témoin, par exemple, celle qui suit, de Raoul de Houdaing, satire qui est intitulée le *Songe d'Enfer*. Cette pièce se trouve dans le Mss. 7218, fol. 83 (Bib. royale), d'après lequel je la donne; toutefois, je l'ai revue sur la leçon du Mss. 7615, fol. cxvi.

* LE SONGE D'ENFER.

En songes doit fables avoir,
 Se songes puet devenir voir;
 Dont sai-je bien que il m'avint
 Qu'en sönjant .i. songe, me vint *
 Talent que pèlerins seroie.
 Je m'atornai et pris ma voie
 Tout droit vers la cité d'Enfer.
 Errai tant quaresme et yver
 Qu'a droite eure i fui venuz,
 Mès de ceus que g'i ai connuz
 Ne vous ferai ci nul aconté
 Devant que j'aie rendu conte
 De ce qu'il m'avint en la voie.
 Plesant chemin et bele voie
 Truèvent cil qui enfer vont querre.
 Quant je me parti de ma terre,
 Porce que li contes n'anuit,
 Je m'en ving la première nuit
 A Covoitise la cité.
 En terre de Desleauté
 Est la cité que je vous di.
 Ge i ving par .i. mercredi;
 Si me herbregai chiés Envie.
 Plesant ostel et bèle vie
 Eumes, et sachiez sans guile,
 Que c'est la dame de la vile.
 Envie bien me herberja;
 En l'ostel avoec nous menja
 Tricherie, la suer Rapine,

Et Avarisce, sa ~~cousine~~,
 Vint avoec li, si comme moi samble.
 Por moi véoir toutes ensamble
 Et vindrent et grant joie firent
 De ce qu'en lor país me virent.
 Tantost, sanz contremander,
 Vint Avarisce demander
 Que je novèles li déisse
 Des avers, et li apréisse
 Lor fez et lor contenemenz.
 Si com chascuns de ses parenz
 Se demaine ma demandé ;
 Et je ly ai tantost conté
 .i. conte qu'ele tint à buen,
 Quar je li contai que li suen
 Avoient du país chacié
 Larguèce, et tant s'est porchacié
 Sa gent, que Larguèce n'avoit
 Tor ne recet, ne ne savoit
 Quel part ele puet durer ;
 Ne le pot mès plus endurer
 Larguèce, ainz est en si mal point,
 Que chiés les riches n'en a point.

Ce li contai : grant joie en ot,
 Et Tricherie a .i. seul mot
 Me redemanda esraument
 Que je li déisse comment
 Li tricheor se maintenoient
 Icil qui à li se tenoient,
 Se le voir li savoit espondre,
 Et je que tost si voil respondre.
 Li dis de son voloir .i. pou,
 Que Tricherie ert en Poitou
 Justice dame et vis contesse,
 Et a por prendre sa promesse,
 En Poitou, si com nous dison,
 Ferme chastel de trahison,

Trop haut le plus divers (1) du monde
 Dont Poitou siet à la roonde,
 Toz enclos et çains par grant force.
 Tricherie qui s'en efforce
 L'a si garni de fausseté,
 Qu'en aus n'a foi ne léauté.

Ce respondi-je Tricherie,
 Mès quique tiegne à vilonie,
 Je dis tout voir, n'en doutez rien,
 Quar des Poitevins sai-je bien
 Ceus qui connoissent leur couvine,
 Que de leur roiaume est roïne,
 Tricherie, si com moi samble,
 Qu'entre els et li trestout ensamble
 Sont de conseil à parlement.
 Adont s'en rist mult durement
 Tricherie et grant joie en fist,
 Et puis tout en riant me dist :
 « J'ai toz les Poitevins norris :
 « Se il s'accordent à mes dis,
 « Biaux amis, n'est mie merveille. »
 A tant departi nostre veille
 Chascun à son ostel ala,
 Et je qui toz seus remez là
 Avoec m'ostesse jusqu'au jor,
 Et lendemain sanz nul séjour
 Levai matin et pris congié,
 Et me mis au chemin com gié
 Estoie fez le jor de devant.
 Hors de la cité là avant
 Tornai à senestre partie,
 Tant que je ving à Foi-Mentie,
 La corte, la mal compassée,
 Qui en poi d'eure est trespasée.
 N'i a c'un petitet de voie

(1) Mst. 7615 : le plus plesant.

De ce que dire vous devoie.
 El primier chief, non pas en coste ;
 Trouvai Tolir (1) .i. divers oste.
 De mentir ot le maistire :
 De Foi-Mentie est mestre et sire.
 Cortois estoit et debonère ;
 Durement me plot son afère.
 O lui me retint au disner :
 Après sans longues demorer,
 Vint mes ostes a moi enquerre ;
 Comment Tolirs en ceste terre,
 Uns siens filleus se maintenoit,
 Et comment il se contenoit
 Contre Doner ; itant m'enquist
 Et de ce que il me requist
 Respondi voir, quar je li dis
 Que Doners ert las et mendis,
 Povres et nus et en destrece
 Qui soloit avoir l'ainsnéece.
 Or est mainsnez, or est du mains :
 Doners n'ose monstrier ses mains,
 Doners languist, ce est la somme.
 Jamès Doners chiés nul haut homme
 Ne fera .ii. biaux cops ensamble.
 A hautes cors de Doner samble
 Que il n'ait mie le cuer sain,
 Qu'en son sain tient adès sa main,
 Lais chétis haïs et blasmez.
 Tolirs est biaux et renommez ;
 N'est pas chétis ne recreüs,
 Ainz est et granz et parcreüs.
 De cuer, de cors, de bras, de mains
 Est granz assez : Doners est nains (2).

 Quant mes ostes ceste novele
 Oï, mult par le tint à bele,

1) *Enlever, de tollere*. L'auteur en fait un personnage allégorique.

2) Mst. 7615; Val.: *Donner n'ose monstrier ses mains*.

Et mult li plot, dont m'enparti.
 D'aler mon chemin m'aati
 Où je vous dis qu'aler devoie.
 Por eschacier la male voie,
 M'en issi par une posterne ;
 Droitement à Vile-Taverne
 M'en commençai à ampasser ;
 Mes ainçois me covint passer
 .i. flun où mains vilains se nie,
 Que l'en apele Gloutonie.
 Iluec ving, outre m'en passai ;
 Mès tant est vieix, de voir le sai ,
 Qu'ainc mès si vil passé n'avoie.
 Si qu'en Vile-Taverne entroie ,
 Trovai de mult plesant manière
 Roberie (1) la tavernière ,
 Qui me herbrega volentiers :
 La nuit fu mes osteus entiers.

De jouer oï mult bel atret ;
 Hasart et Mescont et Mestret
 Furent la nuit à mon ostel.
 Qu'en diroie ? Je l'oï itel
 C'on ne le pot plus plesant fère.
 Mult m'enquistrent de mon afère,
 Li compaignon qui léenz èrent ;
 Tuit ensamble me demandèrent
 Mestrais (2), Mescontes et Hasars ,
 Que lor déisse isnelle pas (*sic*)
 Noveles qu'à Chartres fesoient
 Dui lor ami qu'il mult amoient ,
 Charles et Mainsens, de la loge (3)

(1) Le vol, de *rober*, dérober. C'est un trait de satire contre les hôteliers.

(2) Mst. 7615 ; VAR. : Mesdiz.

(3) Le Mst. 7615 supprime les deux noms propres et donne la leçon suivante :

Car les mesdisans de la loge,
 Où Papelardie se loge,
 De ces .ii. m'enquistrent les faiz.

Où Papelardie se loge.
De ces .ii. m'enquistrent les fez,
Et je respondi sanz meffez :
« Il vous aiment mult durement.
« Si vous dirai rezon comment :
« Sovent lor fêtes gaignier;
« Si vous vuelent acompaignier
« A eus tout par droit héritage.»
Et il me tindrent mult à sage;
Por ce que le voir lor en dis,
Qu'en cest mont n'a pas de gent .x.
Qui d'els la vérité retret,
Miex aiment Mescont et Mestret
Que fet cil Charles et Mainsens (1) :
Il les atraient en toz sens.

Et li tavernier de Paris,
Cil ne les servent mie enuis,
Ainz vous di, foi que doi S. Pière,
Que il aiment de grant manière
Mestrait et Mescont et Hasarts
Qu'à lor gaaing ont sovent part.
Gautiers Moriaus, n'en dout de riens,
Jehans Boçus et artisiens,
Hermers (2), Guiars li fardoilliez,
Qui maint briçons ont despoilliez,
N'auroie ouan tout aconté
Ce conte Mestret et Mesconte.
Ce dis; lor vi venir Hasart
Qui me demanda d'autre part,
Noveles de Michiel de Treilles.
Après me raconta merveilles
De dant Sauvage et de sa gent,
Comme il fesoient sanz argent
Estre sovent Girart de Troies;

1) Mst. 7615; Var. : Que fait cil que les mesdisans.

2) Ibid.; Var.: Hemars.

Et je lor dis que toutes voies
Estoit Girars en lor merci.
Il ne se muet oncques deçi,
Mès adès avoec aus séjourne.
Sovent le voi penssui et morne ;
Chascuns i prent, chascuns le plume:
C'est lor béance (1) et lor coustume.
Ce lor dis-je tant seulement,
Et Hasars qui bien sot comment
Si desciple le sèvent fère,
Fu liez et esbaudi l'afère,
Et tuit et tuit firent joie.
Ne cuit que jamès si grant voie,
Quar oncques mes tèle n'avint,
Avoec cèle grant joie vint
Yvrèce la mère Versez,
Et ses filz o li lès alez.
Versez est granz et parcréuz,
Et mult est amez et créuz
En son país et en sa terre,
Et dist qu'il est nez d'Engleterre.

Cousin se fet Gautiers-l'Enfant :
En nule terre n'a enfant,
Je croi, qui si bien le resamble.
Il puéent bien aler ensamble ;
Andui sont si grant et si fort,
Que nus n'auroit vers aus esfort,
Ne nus vers aus ne s'apareille.
Versez est si fors à merveille ,
Et si membruz et si divers
Qu'il gète les plus granz envers.
Par moi le sai, oiez comment :
Il avint trestout esraument
Que Versez vint léenz à cort.
Tout pié estant me tint si cort,

(1) Mst. 7615 ; Var. : Balance.

Qu'il me covint à lui jouer.
Onques ne m'en poi eschiver,
Quar deffendre ne m'en sússe,
Mès tout aussi com je fusse
A Guinelant et à Vuitier,
M'estut escremir et luitier
A lui par le conseil mon oste.
Yvrece qui son mantel oste,
Par grant joie et par grant solas
Nous aporta .ii. talevas (1),
Comme à tel guerre convenoit;
Et chascuns en sa main tenoit
Par grant ire et par grant effort,
Baston de cler aucoirre fort.

Si vous di que chascun avoit
D'armes qu'angu'il l'i covenoit.
Je li vois et il me revient,
Et je le sache et il me tient,
Et je sus hauce et il retrait.
Je li retrai d'un autre trait,
Et il esrant à trait me vient,
Et si très durement me tient
Que je ne li puis eschaper.
Si durement me seut taper
Et si fort, ne l' m'escréez mie,
Qu'aus colées de l'escremie
Me fist si chanceler à destre
Qu'à poi ne chéi à senestre.

Et luès que remest cele chaude ;
Por tenir la bataille chaude,
Versez reliève, si m'assaut.

(1) Le *talevas*, ou *tavelas*, ainsi qu'on lit au mst. 7615, était une espèce de bouclier, de targe courbée des deux côtés et formant une espèce de toit. On lit dans le *Torneiement de l'Ante-crist* :

Li escu.
Qui ressembloit un *talevas*.

Je li resail, il me resaut,
Et je tresgète et il sormonte.
Si me fiert que el chief me monte
Où l'estordre m'ert montée.
Ce fu li cops de sormontée,
Quar il me monte en la teste,
Et cil qui trestoz les enteste
Me prent aus braz et si me torne,
Et en cel tor si mal m'atorne
Que il m'abat encontre terre
A .i. des jambes d'Engleterre,
Si que ne l' porent esgarder
Cil qui le champ durent garder.

A toz fui moustrez esraument
Et iluec sus le pavement
Fusse remez à grant meschief;
Mes Yvrèce me tint le chief
Par compaignie en son devant (1).
A chief de pose vint avant
Versez et dist, isnelle pas :
« Compains, ne vous merveilliez pas ;
« Maint se sont à moi combatu
« Qui au luitier sont abatu
« Et au combatre en la taverne ;
« Neis Guillaume de Salerne
« C'on tient à preu et à hardi
« Ai batu, bien le vous di,
« Jambes levées à .i. tor.»
De plusors autres cf entor
Se vanta qu'abatuz avoit,
De teus que se on le savoit
Dont mult se riroient la gent ;
Mès ne seroit ne bel ne gent
Que toz recordaïsse ses dis :
Je remez qui fui estordis.

(1) Ce vers et les dix-sept suivants sont sautés au Mst. 7615.

Il s'en ala; mès ainc Yvrèce
 Por angoisse ne por destrèce
 Ne me volt cele nuit lessier,
 Ne je ne li voil relessier
 D'obéir à sa volenté.
 Quant j'oi léenz grant pièce esté,
 Com cil qui bleciez me sentioie,
 Yvrèce, en qui conseil j'estoie,
 Me prist et si me convoia.
 Hors du chastel bien m'avoia,
 Et toute i mist s'entencion ;
 Par devant Fornication
 Me mena droit en .i. chastel
 Qu'on appelle Chastiau-Bordel,
 Où maint autre sont herbregié.
 O Honte la fille a pechié
 Me vint véoir à grant déduit,
 Larrecins, li filz Mienuit
 Qui reperoit en la meson.
 Cele nuit me mist à reson
 Larrecins, et m'enquist comment
 Li desciple de son couvent
 Le fesoient en cest païs.
 Tantost li respondi et dis
 Sanz atargier et sanz faintise ,
 Que li Rois en fet tel justice
 Et qu'il les maine si apoint
 Que larron sont en mauvès point (1).

Celi dis, et bien le savoie;
 Et lors si demandai la voie
 A enfer la grant forterece.
 Entre Larrecins et Yvrèce
 Mult volentiers m'ont convoié.
 A lor pooir m'ont avoïé

(1) N'est-ce pas ici, en quelque sorte, pour la flatterie comme pour le sens même de l'expression, le fameux vers de Molière :

Nous vivons sous un prince ennemi de la fraude.

Et dient : « Plus n'i atendras ;
« Par devant Cruauté tendras
« Droit à Cope-Gorge ta voie ,
« Et d'ilueques, si te ravoie
« Avant et saches sanz abet.
« S'a Murtre-Vile le gibet,
« Pues venir, bien auras erré (1).
« Jamès le grant chemin ferré
« Jusqu'en enfer ne lesseras ;
« Mès si droit avant t'en iras
« Que mès venras en enfer droit.»
Mult me conseillèrent à droit
Yvrèce et Larrecins ensamble :
A tant li parlemens dessamble.

Je m'en alai : ma voie pris.
Au chemin qu'il m'orent appris
Me ting et alai toutes voies.
Les liues, les viles, les voies,
Ne vous auroie hui acontées ;
Mès tant trespasai de contrées
Que je ving à Désespérance
Où la greignor joie de France
Oï; ne cuit mes si grant oie,
Quar Désespérance est monjoie
D'enfer; por ce est à droit dite
Que d'iluec jusqu'à Mort-Soubite
N'a c'une liue de travers.
Jouste Mort-Soubite est enfers :
N'i a c'un soufle à trespasser,
De cele monjoie passer
Penssai, et tant qu'en enfer ving,
De tant à bien venu me ting
Que quant g'i ving que le metoient
Les tables, mult s'entremetoient
De l' mengier léenz atorner.
Onques portiers por retourner

(1) Ce vers et les dix-neuf suivants manquent au Mst. 7615.

Ne me prist, et itant vous di
C'une coustume en enfer vi
Que je ne ting mie à poverte,
Qu'il menjuent à porte ouverte.
Quiconques yeut en enfer vait :
Nus en nul tenz léenz ne trait
Que jà porte li soit fermée.
Iceste coustume est faussée :
En France, chascuns clot sa porte ;
Nus n'entre léenz s'il n'apporte,
Ce véons-nous, tout en apert ;
Mès en enfer à huis ouvert
Menjuent cil qui léenz sont.
De la coustume que il ont,
Me lo; en enfer ving tout droit :
Onques mès si grant joie à droit
Ne fu fête comme il me firent,
Quar de si loing que il me virent
Chascuns por moi véoir acort.
Cel jor tint li Rois d'enfer cort
Plus grant que je ne vous sai dire.
Cel jor furent à grant concire
Tuit cil qui de l' Roi d'enfer tindrent.
Li mestre principal i vindrent,
Cil qui sont de plus grant renon.
Quant ils passèrent à Vernon
Bien parut a lor chevauchie,
Quar dusqu'au chief de la chaucie
Péri toute l'église aval ;
Mès s'il estoient à cheval,
Ce ne fet pas à demander.
Li rois qui les ot fet mander
Les fist entor lui asséir,
Por ce qu'il les voloit véir.

Je m'en montai isnèlement
Sus el palais fet à ciment.
Adonc fui-je bien sauez
De clers, d'évesques et d'abez.
Pylates dist et Belzébus :

« *Raoul* (1), bien soies-tu venuz !
 « Dont viens-tu ? — Je vieng de Sassoigne,
 « Et de Champaingne et de Bourgoingne,
 « De Lombardie et d'Engleterre :
 « Bien ai cerchié toute terre.
 « — Tu es bien a eure venuz ;
 « Mès jà n'i fusses atenduz
 « S'uns petit fusses atargiez,
 « Quar aprestez est li mengiers. »
 Ainsi dist à moi Belzébus ;
 Mès ains mengiers ne fu véus
 Si riches qui léenz estoit
 Appareilliez, c'on ne pooit
 Teus viandes trover el monde
 Tant comme il dure à la roonde.
 Je en fui mult joianz et liez ;
 Et tout esrant li panetiers,
 Sanz demorance et sanz atente (2),
 Ne cuidiez pas que je vous mente,
 Napes qui sont faites de piaus
 De ces useriers desloiaus
 A estendues sus les dois.
 A tant s'assist li mestres Rois,
 Et li autre communament,
 Com se il fussent d'un couvent.
 Mon siège fu ainc, ni ot autre,
 Dui popélican l'un sor l'autre.

Ma table fu d'un toisserant,
 Et li sénéchaus tout avant
 Me mist une nape en la main
 De l' cuir d'une vieille putain,
 Et je l'estendi devant moi.
 A une toise sis de l' Roi,
 A .i. petit près, non pas en costé ;
 Cele nuit oi-je mult bon oste
 Et en mult grant chierté me tint.

(1) Nom du trouvère.

(2) Ce vers et le suivant sont sautés au Mst. 7615.

Au premier mès ainsi avint :
Nous aporta l'en devant nous
.i. mès qui fu granz et estous,
Champions vaincus à l'aillie.
Chascuns grant pièce mal taillie
En ot; bien en furent péu.
Après champions ont éu
Useriers cras à desmesure,
Qui bien avoient lor droiture.
Cuit estoient et s'èrent tel,
Qu'il estoient d'autrui chatel
Lardé si cras desus la costé,
Devant et derrière et encoste,
Ot chacun .ii. doie de lart.
Jà n'ert si cras c'on ne le lart,
En enfer, tout communament;
Mès cil d'enfer enz el couvent,
Itant vous di bien sanz faintie,
Qu'il ne l' timent mie à daintie
Tel mès selonc ce que je vi ;
Quar il sont d'useriers servi
Toz tens et esté et yver :
C'est li généraus mès d'enfer.

Uns autres mès fu aportez (1):
De larons, murtriers à plentez
Qui furent destrempré as aus.
Si estoit chascuns toz vermaus
De sanc de marcheans mordris,
Dont il avoient l'avoir pris.
Après orent .i. autre mès
Qu'il tindrent à bon et à frès :
Viellès putains aplaquèsses.
Qui ont teus crevaces qu'esnesses,
Mengiés à verde saveur.
Mult s'en loèrent li pluseur,
Si que lor dois en délechoient
Por les putains qui li puoient,

(1) Tout cet alinéa est sauté dans le Mst. 7615.

Dont il amoient mult le flair :
Encor en sent-je puir l'air.

Devant le Roi après cel mès,
Aporta l'en .i. entremès
Qui durement fu déparlez,
Con apèle bougres ullez,
A la grande sausse Parisée (1),
Qui de lor fez fu devisée.
Comment on lor fist ce me samble
Par jugement à toz ensamble
Sausse de feu finalement
Destemprée de dampnement (2).

En tel sausse que j'ai nommée,
Toz chaus à toute la fumée,
Furent à la table d'enfer
Aportez en broches de fer
Devant le Roi à cui mult plot,
Qui entor lui ot grant complot
Des siens et fu liez durement,
Et présenta mult largement
Lez mès et tant en donna-il,
Et çà et là, que cil et cil
S'en loèrent sanz nule fable,
Tant qu'il disoient sus la table
C'onques teus mès ne fu véus.
Autre bougres ont-il éus;
Mès si plésanz véus n'avoient,
Que por lulleis qu'ils savoient
Disoient que c'èrent espisses.
Si en fesoient granz délices
Partout que ce sembloit poison :
Tuit en avoient à foison.

(1) Ceci est une allusion au supplice du feu qu'en faisait subir aux hérétiques, à Paris. Les *Bougres* ou *Bulgares* étaient des espèces de Manichéens.

(2) Le Mst. 7615 saute de là à ce vers de la page 199 :
Adrès cel mès nous vint en haste, etc.

Mès il estoient en doutance
Que il n'eüssent mès pitance,
Desi là que Gormon d'argent
Venist o toute sa grant gent
En enfer ou l'en le semont.
Et après me dist de Gormont,
Uns d'aus qui tère ne se pot,
C'on en feroit .i. hochepot (1),
Après les bougres qui fleroient
Larsis, et puis si farsiroient.
Faus pledeors à grant revel.
Mult en menoient grant gaudel
Entr'els, por le faus jugement
Qu'il font entr'aus communement
Por le loier qu'il en attendent,
Et por les deniers qu'il en prennent,
Dont il achatent les viandes
De quoi il font lor pances grandes :
Sont en enfer mengié à joie
Greignor que dire ne porroie.

D'aus font li queu .i. entremès
Tel que parler n'oïstes mès
De nule tel viande à cort ;
Quar c'est uns mès qui pas ne cort
Aus cors, ne pas n'en sont aprises ;
Quar li queu ont les langues prises
Des plédeors et trêtes fors
Des gueules, et si les ont lors
Frites el tort qu'il font de l' droit.
Là ont les langues del' tort droit
Et de lor faussetez mérites,
Quar ainçois qu'eles soient frites
Ne trainées par le feu,
.i. maistire en font li keu ;
Quar de ce que furent loés,
Des granz loiers sont or loées.

(1) *Hochepot*, pot pourri, *olla podrida*, mets composé de plusieurs viades.

En burre, au metre en la friture ,
En cel feu et en cèle ardure
Où li keu si les demenoient,
Tout le malice avoec hoçoient
C'on puet en pledeor puisier
Por la savoir bien aguisier,
Tant que ce n'ert pas geus de veille.
De tels langues n'est pas merveille ,
Se cil d'enfers ont les friçons
De plain panier de maudïçons
Droit sor ces langues embroies ,
Entre deux mençonges hocies.
Devant le Rois el dois amont
Les portent; c'est li mès el mont
C'onques li Rois plus desirroit
Que ces langues ; quant il les voit
Mult les loa : tuit les looient.
Qui véist com langues aloient
Et ça et là communement,
Mander péust tout vraiment
Aus parjurez, aus menteors,
Que langues de faus pledeors
Ne sont pas en enfer blasmées,
Mès chier tenues et amées.

Après cel mès revint mult biaux :
De vielles putains desloiaus
Firent pastez à nos confrères.
Mult déléchoient lor lèvres
Tuit cil qui en enfer estoient,
Por ce que les putains puoient.
En leu de frommage rostis
Nous donèrent enfanz murtris
Qui furent gros comme sain ;
Mès nu frommages de gain
A cel mengier ne se puet prendre,
C'on en trueve petit à vendre.

Après cel mès nous vint en liste

Bedel, bête (1) bien cuit en paste,
 Papelars à l'ypocrisie,
 Noirs moines à la tanoisie,
 Vieilles prestresses au civé,
 Noires nonnains au cretonné,
 Sodomites bien cuis en honte.
 Tant mès que je ne sai le conte
 Ont cil d'enfer léenz éu :
 De char furent trop bien péu,
 Et burent, si com devin,
 Vilonies en leu de vin.
 Bien sai, mès n'e m'en puet deçoivre,
 Trop à mengier et poi à boire
 Ont en enfer ; tele est lor vie ,
 Et luès que la cort fu partie,
 Li Rois d'enfer tout maintenant
 Parla à moi en demandant
 Comment g'ère venuz à cort
 Des noveles me tint mult cort
 Que li déisse, et je, sanz doute ,
 Li contai la vérité toute,
 Comme à sa cort venuz estoie :
 Bien sot que de rien n'i mentoie.

Li Rois qui por lui deporter
 Me fist .r. sien livre aporter
 Qu'en enfer ot léenz escrit
 Uns mestres qui mist en escrit
 Les droiz le roi et les forfez,
 Les fols vices et les fols fez
 C'on fet et tout le mal afère
 Dont li rois doit justice fère (2).

En cel livre me rouva dire ;
 Tantost i commençai à lire.
 Qu'en diroie ? en cel livre lui,

(1) Mst. 7615 ; V_{aa} : Bedians brulez.

(2) Ceci est probablement une allusion à quelqu'ouvrage de l'époque ; mais elle est trop vague pour qu'on puisse préciser le livre qui en est l'objet.

Et tant que en lisant connui
En cel livre qui estoit tels
Les vies des fols ménesterels
En un quaier toutes escrites.
Et li rois dist : « Ice me dites,
« Quar çï me plect mult à oïr,
« Si puisse-il d'enfer joïr,
« Que c'est de l' plus plesant endroit »
Et g'i commençai tout à droit,
Et tout au miex que je soi lire.
Des fols ménesterels pris à dire
Les fais trestout a point en rime,
Si bel, si bien, si léonime,
Que je le soi à raconter.
Il n'i remest riens à conter,
Péchiez ne honte ne reprouche
Que nus hom puist dire de bouche,
Que tout ne fust en cel escrit
Comment que chascuns s'en aquit,
Que de chascun la plus vile tache,
Le plus vil pechié dont il pèche
I est escrit, je l' sai de voir,
Oublié ne voudroie avoir
Ce que je vi enz a nul fuer.
Je reting du livre par cuer
Les nons et les fais et les dis
Dont je cuit encore biaux dis
Dire sanz espargnier nului.
Qu'en diroie? En cel livre lui
Si longement com le roi plot,
Et quant assez escouté m'ot,
Tant com lui plot ne mie mains,
Doner me fist dedens mes mains,
.xl. sols de déablies,
Dont j'achetai byffes jolies.

Après ce que je vous ai dit
Ne demora c'un seul petit *

Que cil d'enfer trestuit s'armèrent
 Et puis sor lor chevaux montèrent.
 Si s'en alèrent proie querre
 Por le pais et por la terre ;
 Mès je vous di sanz mespresure
 C'onques ne vi si grant murmure
 Comme il firent à lor monter.
 Trop seroit grief à raconter ;
 Mès je ne sai qu'en mentiroie.
 Au partir me firent tel joie
 Que ce fu une grant merveille.
 Congié prent *Raouls*, si s'esveille,
 Et cis contes faut si apoint
 Qu'après ce n'en diroie point,
 Por aventure qui aviegne,
 Devant que de songier reviegne.
Raouls de Houdaing, sanz mençonge,
 Qui cest fabel fist de son songe,
 Ci fine li songes d'enfer :
 Diex m'en gant esté et yver !
 Après orrez de *Paradis* (1) ;
 Diex nous i maint et noz amis.

Explicit le Songe d'enfer.

Page 258, vers 23 :

Et tu, qui es ? car ce me compte.

SYNAGOGUE.

Se le grant Dieu me gart de honte

Ne feray pas lonc prologue :

J'ay pieçà nom Synagogue, etc.

Un dialogue ou *tençon* entre Sainte Église et Synagogue, entre le Juif et le Chrétien, n'était pas chose nouvelle au XIII^e siècle. L'idée

(1) On trouvera cet autre dit dans les notes finales du II^e volume des œuvres de Rutebeuf, qui a traité également ce sujet.

s'en retrouve long-temps avant cette époque, dans un dialogue latin de Petrus Alfonsius (xiii^e siècle), édité dans la Bibliothèque des Pères, tome xxi. C'est peut-être cette production qui a donné naissance au petit poème français suivant, qui se trouve dans le manuscrit 7218, Biblioth. roy., f. 541, v^o.

DE LA DESPUTOISON DE LA SINAGOGUE ET DE SAINTE ÉGLISE.

De lor mençonges vuelent vivre li mençongier ;
 Plusor par lor mençonges font lor vie alongier.
Clopins sui, uns songières qui sonjai .i. songe ier :
 Hom mortex ne porroit plus biau songe songier.

Une gent sont qui dient que trestout est mençonge ,
 Et niceté et fable et faus quanque l'en songe ;
 Mès Joseph qui fu filz Jacob, sonja .i. songe
 Qui fu biaux où si frère mistrent moult grant chalonge.

J'ai .i. songe songié merveillex à devise ;
 Volez-vous que mon songe vous esclère et devise ?
 Je sonjai que .ii. dames ont contençon emprise :
 L'une est la Synagogue et l'autre ert Sainte Yglise.

Or oiez de ces .ii. s'il vous plect la rancune :
 Jà n'en dirai mençonge ne fausseté nis une ;
 Mès ainçois vous dirai le semblant de chascune :
 Sainte Yglise est vermeille et Synagogue brune.

Ainçois que des .ii. dames plus parole façon ,
 Vous dirai de chascune la forme et la façon.
 Sainte Yglise ert vermeille, blanche comme .i. glaçon :
 Toutes autres figures vers la seue effaçon.

Que fesoit Sainte Yglise, seignor, or escoutez.
 .i. chalice tenoit, de ce point ne doutez,
 Où li sans Jhésucrist vermaus ert degoutez
 Du costé où li glaive li fu mis et boutez.

D'autre part tint .i. glaive et une blanche enseigné :
 .iii. clos aguz y ot, mon songe le m'enseigne,

Et une croiz vermeille plus que plaie qui saingne :
En mémoire de cele est drois que l'en se saingne.

Quel corone ot ma dame de quoi fu coronée ?
De jonc marin, d'espines forment heriçonnée,
Tele comme ele fu à Jhésucrist donée
Quant sa char fu à mort por nos abandonée.

Or ai de Sainte Yglise conté en quelle manière
Ele tint son chalice com dame droiturière.
Or vous dirai de l'autre qui fu gonfanonière ;
Mult lonc tens mès or est brisie la banière.

Quant Moyses estoit des Juyfs connestables,
La Synagogue ert dame, c'est .i. mot véritables ;
Mès des or mès ne sont ses paroles estables :
Sa banière ert brisie, quassées sont ses tables.

Ses tables sont quassées, dont aus Juyfs moult poise ;
Sainte Yglise en Galice se déduit et envoie.
Des .ii. oï le plet, le content et la noise :
La vilaine parla ainçois que la courtoise.

Synagogue se drece, qui première parole,
Et dist à Sainte Yglise : « Garce, entent ma parole ;
« Tu me dois obéir, tu issis de m'escole.
« — Tais-toi, dist sainte Yglise, vieille ribaude fole. »

Et quant la Synagogue s'oi clamer ribaude
Dire devint plus pâle et plus jaune que gaude.
• « Tais-toi, dist-elle, garce ; trop es de parler baude :
« Li tiens Diex ne vaut pas plain bacin d'eve chaude.

« — Tais-toi, dist Sainte Yglise, fole vieille froncie ;
« N'es-tu ce qu'Isayes dist jà sa prophecie
« Et li autre prophète David et Jérémie
« Dont je suis essaucie et tu désavancie?

« — Tais-toi, chétive fole, ce dist la Synagogue ;
« Pour quoi te fez si baude et si fière et si rogue?

« Por ton Dieu qui ne vaut le maz d'une viez cogue?
 « Por quoy n'as des prophètes avant tret cest prologue?

« Por quoi? je l' te dirai; bien le te saurai dire.
 « De rien ne m'en porras, se tu ne mens, desdire:
 « Se voir dire voloies bien en as la matire;
 « Mès ton cuer qui faus est à fausseté te tire.

« Ysayes fu plains de la grâce célestre,
 « Qui dist ce sevent cil qui de ta loi sont mestre,
 « De la raiz Gessé (1) doit une verge nestre,
 « De la verge une flor; autrement ne puet estre.

« Bien sez que ce trouvon escrit en Ysaye
 « Et sachez que la flor est la Virge Marie;
 « Jhésucrist fu la flor dont ele fu florie,
 « Par quoi je sui sauvée et tu por ce périe.»

Lors respont Synagogue où Faussetez ^{repose}
 Et dist à Sainte Yglise: « Tais-toi, chétive chose.
 « Tu n'entens pas à droit de ceste riens la glose:
 « La verge fu David et Salomon la rose.

« — Tais-toi, dist Sainte Yglise; que ta langue soit arse!
 « Trop as le cuer farsi et plain de fausse farse.
 « N'aorèrent l'enfant li riche roi de Tharse,
 « Si com David le dist qui asprement vous jarse.

« — Il nous jarse comment et en quelle manière?
 « — Ne l'entens-tu pas bien? la male mort te fière!
 « N'avez-vous le sautier, toute la Bible entière?
 « En enfer en charrez où point n'a de lumière.

« En toi et ès Juyfs a tant de trahison,
 « Qu'entendre ne daigniez ce que nous vous dison,
 « Ne lisiez les prophètes aussi com nous lison;
 « Par votre orgueil charrez en l'infernal prison.

(1) De la race de Jessé.

Au premier mès ainsi avint :
Nous aporta l'en devant nous
.i. mès qui fu granz et estous,
Champions vaincus à l'aillie.
Chascuns grant pièce mal taillie
En ot; bien en furent péu.
Après champions ont éu
Useriers cras à desmesure,
Qui bien avoient lor droiture.
Cuit estoient et s'èrent tel,
Qu'il estoient d'autrui chatel
Lardé si cras desus la costé,
Devant et derrière et encoste,
Ot chacun .ii. doie de lart.
Jà n'ert si cras c'on ne le lart,
En enfer, tout communement;
Mès cil d'enfer enz el couvent,
Itant vous di bien sanz faintie,
Qu'il ne l' tienent mie à daintie
Tel mès selonc ce que je vi;
Quar il sont d'useriers servi
Toz tens et esté et yver :
C'est li généraus mès d'enfer.

Uns autres mès fu aportez (1):
De larons, murtriers à plentez
Qui furent destrempré as aus.
Si estoit chascuns toz vermaus
De sanc de marcheans mordris,
Dont il avoient l'avoir pris.
Après orent .i. autre mès
Qu'il tindrent à bon et à frès :
Vielles putains aplaqueresses.
Qui ont teus crevaces qu'esnesses,
Mengiés à verde saveur.
Mult s'en loèrent li pluseur,
Si que lor dois en délechoient
Por les putains qui li puoient,

(1) Tout cet alinéa est sauté dans le Mst. 7615.

« Fole vieille mauvèse et dolente chétive,
 « Sarrasin ne paien, ne juyf ne juyve,
 « Ne puéent estre sauf par nule rien qui vive,
 « Ainz charront en enfer où il n'a fons ne rive.

« Trop es fole et avuegle quant contre moi paroles :
 « Je te metrai voir toutes au-dessous tes paroles.
 « Tu destruis les juyfs et confont et afoles
 « Qui lor commande quirre les maules aus roinssoles (1)

« Les maules aus roinssoles, c'est légier à entendre :
 « Messies est venuz, tu le lor fez entendre ;
 « C'est cil qui en la croiz se lessa pour nous pendre :
 « Bien t'en saurai reson et solucion rendre.

« Entens selonc les livres bone solucion :
 « Quand Messies vendra perdez votre election :
 « Il est venu, c'est cil qui soufri passion ;
 « Puis qu'il nasqui ne fustes fors en subjection.

« Quant Jhésucrisz nasqui en terre dignement,
 « Votre onction pardistes; di-je voir ou je ment?
 « Dès lors déusses-tu savoir certainement
 « Venuz est Messies; si est-il voirement !»

Et quant Sainte Yglise ot ceste reson fenie,
 Maintenant m'esveillai; ou nom Sainte Marie
 Mon songe mis en rime; la rime avez oie :
 Diex vous doins bonne fin et pardurable vie!

Explicit de la Synagogue.

(1) Cette locution pourrait se traduire en quelque sorte par celle-ci : *mettre la charue avant les boeufs*. Tu leur commandes de cuire les maules aus roinssoles signifie : *Tu leur ordonnes de cuire les moules aux gauffres*, au lieu de : *Tu leur ordonnes de cuire les gauffres au moule*. C'est, comme on voit, un coq-à-l'âne par inversion.

Page 271, vers 3 et suivants :

LE MERCIER.

Jà pourrez acheter bonne œuvre ;
 J'en ai de manières diverses :
 J'ay soye rouge, indes et perses ;
 J'ay soies noires, soies fines
 Plus blanche que n'est fleur d'espines, etc.

Il est curieux de comparer l'énumération que le mercier de notre *Mystère* fait de ses marchandises, avec celle qu'a tracée, de l'approvisionnement d'un de ces commerçants au moyen-âge, un poète du XIII^e siècle. Voici quelques-uns de ces vers (*Dit des Merciers* ; voy. les proverbes et dictons du moyen-âge édités par M. Crapelet) :

J'ai les mignotes ceinturetes,
 J'ai beax gants à damoiseletes,
 J'ai ganz forrez, doubles et sangles ;
 J'ai de bones boucles à cengles ;
 J'ai chainetes de fer beles,
 J'ai bones cordes à vieles,
 J'ai les guimpes ensaffrenées,
 J'ai aiguilles encharnelées.
 J'ai escrins à metre joiax,
 J'ai borses de cuir à noiax.....
 J'ai de bon loutre à peliçons ;
 J'ai hermines et siglatons (1),
 Et orle de porpois (2) de mer.
 J'ai polain (3) à secors orler.....
 J'ai sonetes de trop beau tor,
 J'ai de bons flageus à pastor,
 J'ai cuillers de bois et de trenble....
 J'ai le poivre, j'ai le comin.
 J'ai fil d'argent à Mazelin, etc.

Voyez aussi la Dissertation sur l'état de l'industrie et du com-

(1) Sorte d'étoffes.

(2) Bordure de Marsouin.

(3) *Polain*, sorte de poisson de mer.


merce de Paris au XIII^e siècle, par M. Depping. On peut consulter également pour des énumérations semblables et non moins curieuses, le *Dit des Feures* (orfèvres) et le *Dit des Boulangiers*, que j'ai insérés dans mon recueil intitulé : *Jongleurs et Trouvères*, page 128 et suivantes.


FIN DES NOTES.

TABLE DES MATIÈRES.

PRÉFACE.	Pag.	v
La Nativité de Jhésucrist.		1
Le Geu des Trois Rois.		79
La Passion de notre Seigneur.		139
La Résurrection de notre Seigneur.		312
Notes.		331


FIN DU DEUXIÈME VOLUME.













3 2044 010 306 959

This book should be returned to the Library on or before the last date stamped below.

A fine is incurred by retaining it beyond the specified time.

Please return promptly.

~~MAY 28 '62 H~~

MAY 14 1966 ILL

94.4063

MAY 25 1986 ILL

1027716

JAN 8 1987

1789 721

MAR - 8 1992

4060-570

CANCELLED
93642911

DUE SEP '73 H

2

WILSON
JAN 2 F 2003
FEB 10 2003
CANCELLED

